

ԼՈՒՍԻԿ ԿԱՐԱԳԵՏՅԱՆ

ՀՈՎՀԱՆՆԵՍ ԹՈՒՄԱՆՅԱՆԻ
ՀԱՍԱՐԱԿԱԿԱՆ ԳՈՐԾՈՒՆԵՈՒԹՅՈՒՆԸ





[illegible]

1541000000

27, 9, 93



АКАДЕМИЯ НАУК АРМЕНИИ
ИНСТИТУТ ЛИТЕРАТУРЫ ИМ. М. АБЕГЯНА

ЛУСИК КАРАПЕТЯН

ОБЩЕСТВЕННАЯ ДЕЯТЕЛЬНОСТЬ
ОВАНЕСА ТУМАНЯНА
(ФРАГМЕНТЫ)

ИЗДАТЕЛЬСТВО АН АРМЕНИИ
ЕРЕВАН 1992

929:891.981/8000000

✓


ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
Մ. ԱՐԵՎՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏ



ԼՈՒՍԻԿ ԿԱՐԱՊԵՏՅԱՆ

ՀՈՎՀԱՆՆԵՍ ԹՈՒՄԱՆՅԱՆԻ ՀԱՍԱՐԱԿԱԿԱՆ
ԳՈՐԾՈՒՆԵՌՈՒԹՅՈՒՆԸ
(ԴՐՎԱԴՆԵՐ)

A II
82955



Տպագրվում է Հայաստանի ԳԱ Մ. Արեղյանի անվան գրականության ինստիտուտի
գիտական խորհրդի որոշմամբ

Պատասխանատու խմբագիր՝ ՀԳԱ ակադեմիկոս է. Մ. Զրբաշյան

Գիրքը հրատարակության են երաշխավորել գրախոսներ՝
բանասիրական գիտ. թեկնածուներ Ա. Մ. Վարդանյանը և Ս. Գ. Հովհաննիսյանը

Կարապետյան Լ. Մ.

Ք 941 կ Հովհաննես Թումանյանի հասարակական գործունեու-
թյունը (Դրվագներ) / Պատ. խմբ. է. Մ. Զրբաշյան. — Եր.:
ՀԳԱ հրատ., 1992, — 256 էջ, 4 թ. նկ.

Գիրքը նվիրված է Թումանյանի հասարակական գործունեության այն
էջերին, որոնք մեծ մասամբ լուսարանված չեն։ Դրանք կապվում են ազ-
գային-հասարակական, մշակութային ընկերություններին գրողի մասնակ-
ցությանը, նաև էջմիածնի հոգևոր կյանքի առնչություններին։ Մեծ տեղ է
տրված բանաստեղծի 1914—1919 թթ., ազգային-գիվանագիտական գոր-
ծունեությանը և, հատկապես, Թումանյանի և ղրբավար Անդրանիկի հա-
մագործակցությանը։

Գիրքը նախատեսված է մասնագետների և ընթերցող լայն շրջանների
համար։

ԳՄԴ 83. 3 Հ 1

4603020100


Կ ————— 58—91

703(02)—92

ISBN 5—8080—0264—8

Հայաստանի ԳԱ հրատարակչություն, 1992





ՆՐԿՈՒ ԽՈՍՔ

Գրքում լուսաբանվում են հայ ազգային մեծ բանաստեղծի հասարակական գործունեության մի շարք կարևոր դրվագներ: Բացահայտվում են երիտասարդ բանաստեղծի կապերը քաղաքական գաղտնի խմբակների հետ 1889, 1890 թթ., 900-ական թվականների սկզբից Թիֆլիսի պաշտոնական բաժնի գործակալների հետապնդումների պարագաները, որոնք նրան դարձրին անբարեհույս քաղաքացի և հասցրին մինչև Պետերբուրգի նախնական կալանատուն:

Նշանակալի տեղ է հատկացվում էջմիածնի հոգևոր կյանքի հետ բանաստեղծի կապերը վեր հանելուն: Լուսաբանվում են Թումանյան-Խրիմյան փոխհարաբերությունները, նրա մասնակցությունը 1911 թ. նոր կաթողիկոս առաջադրելուն և ընտրական պայքարին, 1905—1906 և 1918 թթ. ազգամիջյան ընդհարումների ընթացքում նրա գործունեությունը:

Գրքի մեծ մասը վերաբերում է բանաստեղծի առաջին համաշխարհային պատերազմի տարիների գործունեությանը, որպես Հայոց ազգային բյուրոյի հիմնադրման մասնակից, կենտրոնական կոմիտեի անդամ, նրա՝ դեպի ռազմաճակատ (Բայազետ, Ալաշկերտ, Վան) կատարած եռիւ ալցիլուլթյուններին, ինչպես նաև աննախադեպ ծանր աշխատանքին էջմիածնում՝ փախստականներին, որբերին տեղավորելու, խնամելու, սովից ու համաճարակից փրկելու համար, հայ կամավորական խմբերը պահպանելու նրա ջանքերին, հարուստ, բազմաբովանդակ հրապարակախոսությունը:

Վերջին երեք գլուխներում տարբեր առիթներով հեղինակը անդրադառնում է Թումանյանի և Անդրանիկի համագործակցությանը՝ սկսած նրանց ծանոթությունից (1904 թ., գեկտեմբեր) մինչև ղորավարի՝ Կուլկասից վերջնականապես հեռանալը (1919, մայիս):

Գրքում տեղ են գտել մեծ մասամբ անտիպ կամ քիչ հայտնի արխիվային նյութեր և մամուլից վերցրած այնպիսի փաստեր, որոնք օգ-

նում են լուսարանելու բանաստեղծի տղային-հասարակական գործունեության կարևոր էջերը, տալու մի քանի հայրենասիրական երկերի ստեղծագործական պատմությունը: Առանձին հատվածներ տպագրվել են դիտական ժողովածուներում և մամուլում. այդպիսիները ներկա հրատարակության համար ճշտված են, լրացված նոր նյութերով և վերախմբագրված: Դրքում օգտագործված են հետևյալ հատվածները:

ԴԱԹ—Ե. Չարենցի անվան դրականության և արվեստի թանգարան
ԹՖ—Թումանյանի ֆոնդ

ԹԹ—Թումանյանի թանգարան

ՓԲ—Փաստաթղթերի բաժին

ՊԿՊԱ—Հայաստանի Պետական Կենտրոնական Պատմական արխիվ

Ա. ԻՆՆԻԿՅԱՆ—Ա. ԲԱՄ ԻՆՆԻԿՅԱՆ, Հովհաննես Թումանյան, Եր., 1969

Ն. ԹՈՒՄԱՆՅԱՆ—ԽՂԱՐՊ ԹՈՒՄԱՆՅԱՆ, Հուշեր և զրույցներ, Եր., 1987
Բնագրի մեջ, փակագծերում, նշվում են հետևյալ հրատարակություններին
ընդ կատարվող մեջբերումների տեղերը.

ԵԺ (հերթական հատորը և էջը)—Հովհաննես Թումանյան, Երկերի
ժողովածու վեց հատորով (Եր., 1940—1959)

ՈԻՀ (հերթական դիրքը և էջը)—Թումանյան, Ուսումնասիրություններ
և հրապարակումներ, դիրք 1—4 (Եր., 1964—1985)

ԹԺՀ—Թումանյանը ժամանակակիցների հուշերում (Եր., 1969)

ԹՈՒՄԱՆՅԱՆԸ ԹԻՖԼԻՍԻ ՊԱՀՆՈՐԴԱԿԱՆ ԲԱԺՆԻ ՏԵՍԱԴԱՇՏՈՒՄ

Թումանյանի մուտքը հասարակական կյանքի տապարեղ սկսվել է անցյալ դարի 80-ական թվականների վերջերին: Դա մի ժամանակաշրջան էր, երբ սկսվել էր հայ ժողովրդի ազատագրական շարժման վերելքը, և առավել կազմակերպված բնույթ էին կրում ժողովրդի ազգային ինքնադիտակցության դրսևորումները:

80-ական թվականների կեսերից Արևմտյան Հայաստանում հանդես են գալիս առաջին հայդուկները, որոնք իրենց գործունեությունը նվիրում են արևմտահայ ժողովրդի ազատագրության գործին: Առաջանում են քաղաքական գաղտնի խմբակներ և ընկերություններ. 1888-ին ստեղծվում է հնչակյան կուսակցությունը, քիչ անց՝ 1889-ին «Երիտասարդ Հայաստան» խմբակը¹:

Ազատագրական շարժման գաղափարական դրսևորումները կենտրոնանալով հատկապես հայաշատ Թիֆլիսում, ընդգրկում են տեղի առաջադիմական երիտասարդությանը, որը տոգորված ազգային-հայրենասիրական գաղափարներով, հատկապես Րաֆֆու և Ռ. Պատկանյանի երկերի ազդեցությամբ, սպասում էր սատարելու արևմտահայ եղբայրակիցների փրկության գործին:

Թումանյանի՝ տակավին առաջին ոտանավորներում աչքի է դարնում պատանի հեղինակի ազգային-հայրենասիրական ոգին, ինչպես և հայդուկային որոշ տրամադրություններ², որոնց շուտով բանաստեղծը աշխատում է տալ գործնական բնույթ: Ընկերոջ՝ Անուշավան Աբովյանի, վկայությամբ, դեռևս 1886—1887 թթ. բանաստեղծը հաճախում էր գաղտնի ժողովների (ԹԺՀ, 229): Կնոջ՝ Օլգա Թումանյանի, հավաստ-

¹ Տե՛ս Առ, Անցյալից, հուշեր, փաստեր, թղթեր, Եր., 1925, էջ 84:

² Ա. Ինճիկյան, էջ 141—152, 175—177:

մամբ, ժողովներ կապված էր հայ ազատագրական շարժման առաջին գործիչներից մեկի՝ Ալ. Գոլոշյանի հետ. 1888 թ. նա ատրճանակ էր գնել վերջինիս հետ Արևմտյան Հայաստան մեկնելու համար, բայց հիվանդանալով՝ ետ է մնացել (նույն տեղում, 329): Բանաստեղծի՝ Գոլոշյանին նվիրած ոտանավորը, գրված դեռևս 1885 թ. (VI, 11), և հետագայում արված ինքնակենսագրական շատ համառոտ նշումը՝ «Հեղափոխություն.— Գոլոշյան— հիվանդություն...» (ՈՒՀ 2, 418), վավերացնում են Օլգա Թումանյանի և Ան. Աբովյանի վկայությունները:

Արանով չի վերջանում նոր հասարակական կյանք մտնող երիտասարդի հապը ազատագրական շարժումների հետ:

1890 թ. ամռանը Թումանյանը բանակցություններ է վարել առաջին ժողովածուն Մոսկվայում տպագրելու համար: Այդ մասին ճշգրիտ տեղեկություններ կան Մ. Բարխուդարյանի տպարանի տշխատակից է. Ավետիսյանի՝ Թումանյանին ուղղած նամակներում, որոնք նոր տրվյալներ են տալիս ժողովածուն տպագրության ներկայացնելու հանգամանքների մասին, միաժամանակ վկայում, որ բանաստեղծը այդ միջոցին դադարի խմբակի անդամ է եղել:

Ավետիսյանի նամակները գրված են 1890 թ. հուլիս-հոկտեմբեր ամիսներին, երբ սկսվել և ավարտվել էր ժողովածուի հրատարակության գործը: Այդ ժամանակվա բնթացքում Թումանյանը է. Ավետիսյանին գրել է չորս նամակ և մեկ բացիկ, որոնք թևակոխ չեն ուսանալով, բայց հասցեատիրոջ պատասխաններից կարելի կուհել դրանց գրության ժամանակն ու բովանդակությունը:

Առաջին նամակը Թումանյանը գրել է հունիսի վերջերին կամ հուլիսի առաջին հնգօրյակում և բանաստեղծությունների տետրի հետ ուղարկել է. Ավետիսյանին՝ վերջինս նրան պատասխանել է իր հուլիսի 10-ի նամակով, որտեղ գործնական բանակցություններից բացի, տեղյակ լինելով, որ Թումանյանը «Երիտասարդ Հայաստան» խմբակի անդամ է, հարցնում է. «...Արդյոք ինչպե՞ս է շարունակվում ձեր ընկերության գործը կամ թե գոյություն ունի՞, թե ոչ, խնդրեմ գրես» (ՈՒՀ 4, 262):

Ավետիսյանի երկրորդ նամակում՝ գրված օգոստոսի 6-ին, կարդում ենք. «Շնորհակալ եմ տեղեկություններ տալուդ համար ուխտ... գնալու մասին: Կաղոթեմ, եղբայր... Արդյոք նոր ընկերության մեջ թաքիբը կա՞, թե ոչ. խնդրեմ գրես» (ՈՒՀ 4, 266):

Այդ տեղեկությունները Թումանյանը տվել էր հուլիսի երրորդ տասնօրյակում դրած իր նամակով: Օգոստոսի 25-ի նամակում Ավետիսյանը հետաքրքրվել է «վերջին անցքերով», տեղեկություններ է խնդրել «մեր տղերանց մասին» (ՈՒՀ 4, 267): Այս նամակին Թումանյանը պատասխանել է հոկտեմբերի 4-ին՝ տպագրված գրքի փորձանմուշները ստանալուց հետո, եւր արդեն ժամանակն էր իր զոհունակությունը և շնորհակալությունը հայտնելու Ավետիսյանին՝ ժողովածուի հրատարակության ընթացքում նրա ցուցաբերած ջանքերի և հոգատարության համար: Նույն տեղում նա, անշուշտ, տեղեկություններ պետք է հաղորդած լինի նոր ընկերության «վերջին» անցքերի, «տղերանց» մասին: Հոկտեմբերի 22-ի նամակում Ավետիսյանը պատրաստակամություն է հայտնում՝ այսուհետև ևս ծառայելու մի մարդու, «...որը հոգով ու սրտով նվիրված է հայրենիքի շահերին... Հայրենիքի, որն այսօր երկունքի մեջ է և դառն արտասուք է թափում» (ՈՒՀ 4, 276):

Այս տպավորությունն, անշուշտ, Ավետիսյանը ստացել էր ոչ միայն Թումանյանի հայրենասիրական ստեղծագործություններից, այլև այն լատիշ, որ երչտասարդ հեղինակը հարում էր գաղտնի քաղաքական կազմակերպության և քաջատեղյակ էր հայրենիքում տեղի ունեցող գեպրերի ընթացքին:

Նորաստեղծ գաղտնի կազմակերպությանը հարելու մասին երկու վկայության հանդիպում ենք Թումանյանի՝ Ան. Աբովյանին դրած 1890 թ. սեպտեմբերի 28-ի և հոկտեմբերի 14-ի նամակներում.— «Մկրտիչն ասաց, որ քեզ գրել է, թե Հովսեփ Արղունյանին սպանել են, սուտ է բոլորովին, ես ընկերության մեջ եմ»³:

Սեպտեմբերի 28-ի նամակից մեջբերված այս տողերը հասկանալի պատճառով ժամանակին դուրս են մնացել գիտական հրատարակությունից (V, 25): Հիշատակված ընկերությունը Դաշնակցություն կուսակցությունն է, իսկ Արղունյանը «Երիտասարդ Հայաստան» կոչվող գաղտնի քաղաքական խմբակի անդամներից էր: Երբ 1890 թ. ամռանը ստեղծվում է դաշնակցություն կուսակցությունը, ինչպես քաղաքական հիշյալ խմբակը, այնպես էլ Արղունյանը մտնում են այդ կուսակցության մեջ⁴: Վերջինիս անվան հիշատակությանը հանդիպում

3 ԳԱԹ, ԹՖ, № 271, նամակում հիշատակված Մկրտիչը Ան. Աբովյանի ազգական է:

4 ՄԻԲ. Վառանդյան, Հ. Հ. դաշնակցության պատմություն, հատ. I, Փարիզ, 1932, էջ 57, 150, Անցյալից, էջ 84, 87:

ենք նաև Ան. Աբովյանի «Իմ հուշատետրը» ձեռագիր գրքություն: Հեղինակի վկայությամբ, Թումանյանի հետ փողոցում հանդիպել են զաղտնի ընկերության անդամներից երկուսին, որոնցից մեկը Օսեփ (Հովսեփ) Արղությանն էր⁵: «Մի հեղափոխական ընկերության» զաղտնի ժողովներին հաճախելու մասին Աբովյանը հիշատակում է նաև հուշերում (ԹԺՀ, 229), շոռանալով Թումանյանի խոստումը՝ «մի անգամ էլ ինձ տանել հետը»:

Աբովյանը Թիֆլիսից հեռացել է 1890 թ. դարնանը (Կամենեց-Պոդոլսկից առաջին նամակը գրել է 1890-ի ապրիլի 14-ին⁶), որից կարելի է ենթադրել, որ Թումանյանը այդ ժողովներին հաճախել է 1889—1890 թթ. ձմեռը (նախքան Աբովյանի՝ Թիֆլիսից մեկնելը), անդամադրվելով խմբակին թերևս նրա կազմակերպման առաջին օրերին: Նույնն է հաստատում նաև Գոլոշյանների ընտանիքի հետ Թումանյանի մտերմությունը: Այդ ընտանիքը Թիֆլիսում հայտնի էր իր առաջադիմական գաղափարներով: Դեռ աշակերտուհի Դարիա Գոլոշյանը և նրա ապագա ամուսինը՝ Արշակ Թադեոսյանը եղել են «Երիտասարդ Հայաստան» խմբակի անդամ, և այդ էր պատճառը, որ Գոլոշյաններին հաճախ այցելել են Հ. Արղությանը, Թումանյանը և խմբակի այլ անդամներ⁷:

Քանի որ այս փաստերը որոշակի հաստատում են Թումանյանի՝ «Երիտասարդ Հայաստան» խմբակի անդամ լինելը, և հայտնի է նաև այդ խմբակի՝ դաշնակցությանը միանալը, ուստի, ինչպես Մոսկվայի տպարանի աշխատակից Ավետիսյանի վերոհիշյալ նամակներում, այնպես էլ սեպտեմբերի 28-ի Թումանյանի խոստովանության մեջ («ես ընկերության մեջ եմ») խոսքը վերաբերում է դաշնակցություն կուսակցությանը:

Սեպտեմբերի 28-ի նամակի պատասխանը Թումանյանի արխիվային նյութերում չկա: Բայց ինչպես երևում է բանաստեղծի հաջորդ՝

5 ՏՆՍ ԳԱԹ, «Հայ հեղինակներին վերաբերող հուշեր», Ան. Աբովյան, Իմ հուշատետր, էջ 25: Նույն հեղինակի «Երիտասարդ տարիներս ուղեկիցը» հուշագրության № 9 ծանոթադրության մեջ «Երիտասարդ Հայաստան» ընկերության ժողովները շփոթված են Ալ. Գոլոշյանի զաղտնի հավաքովյեների, որի մասին պատմում է Օլգա Թումանյանը (ԹԺՀ, 929):

6 ԳԱԹ, ԹՖ, № 418:

7 Սոնա Ղևրեկյան, Հայ կնոջ գերը հայ հեղափոխական շարժման մեջ, Ան-թիլիսո-կիրանան, 1968, էջ 30:

Հոկտեմբերի 14-ի նամակից, Աբովյանն իր նամակում ինչ-որ առակ պատմելով՝ զգուշացրել է երիտասարդ ընկերոջը «անհեռատես քայլերից»։ Թումանյանը գրում է. «Իսկ առակդ իմ մասին շատ մաղալու էր։ Ի դեպ, ահեմ, որ ընկերության ես այն անդամներից եմ, որոնց մասին չի կարելի կասկածել անհեռատեսության նկատմամբ. այս փորձից հետո եմ ասում» (V, 27)։

Արդ, ի՞նչ «անհեռատեսություն» մասին է խոսքը, և որտե՞ր էին Մոսկվայում ապրող է. Ավետիսյանին հետաքրքրող «վերջին անցքերը»։

1890 թ. մայիս-սեպտեմբեր ամիսներին Թիֆլիսի երիտասարդությունը խանդավաճված էր Սարգիս Կուկունյանցով։ Վերջինս Պետերբուրգից Թիֆլիս գալով, իր առաջ նպատակ էր դրել ամբողջապես նվիրվել արևմտահայ ժողովրդի սոցալազգրության դործին, ուստի, բնականաբար, ջերմ ընդունելություն է գտնում և հովանավորվում Գր. Արծրունու, «մշակական երիտասարդության» և «Երիտասարդ Հայաստան» խմբակի կողմից։

Իր հայրենասիրական գաղափարը Ս. Կուկունյանցը փորձում է դնել ավելի զործնական հիմքերի վրա 1890-ի ամռանը՝ էրզրումի հայտնի դեպքի, Կոստանդնուպոլսի Գում-Գափուի ցույցի և դրանց ողբերգական հետևանքներից հետո։ Մեկնելով Կարս, նա իր շուրջն է հավաքում ոչ այնքան մեծ թվով հայրենասեր երիտասարդների, փորձում է տնցնել բուսական սահմանը և օգնության հասնել արևմտահայ տառապող ժողովրդին։ Մարդկային զոհերի գնով արված այդ հանդուգն քայլը ունեցավ այն հետևանքը, որ Ս. Կուկունյանցը բանտարկվեց դեռ ոչինչ չարած ու դատապարտվեց 20-ամյա աքսորի և տաժանակիր աշխատանքի Սախալինում⁸։

Այս դեպքերին են առնչվում և է. Ավետիսյանի հարցասիրությունը և Ան. Աբովյանին հասած Հ. Արզումանյանի սպանության ոչ ճիշտ լուրը։

Թումանյանն այդ օրերին Թիֆլիսում էր, ինչպես տեսանք, զբաղված ժողովածուի հրատարակության դործով, և, բնականաբար, բաշտտեղյակ իրադարձություններին, բայց, ինչպես երևում է նրա նամակից, հեռու «անհեռատես» քայլերից։ Կասկածից վեր է, որ «անհեռատես քայլեր» առելով նա նկատի է ունեցել Կուկունյանցի հետ կապված դեպքը։ Որքան էլ վերջինիս հայրենասիրական գաղափարն ու նպատակը մոտ է եղել բանաստեղծի սրտին, այնուամենայնիվ, նա կարողա-

⁸ Ավելի մանրամասն տե՛ս Ան, Անցյալից, էջ 84—87։

ցել է ճիշտ ժամանակին գնահատել կատարվածը, մանավանդ որ երկու տարի էր անցել Գոլոշյանի շարաշար սպանությունից նույն հայրենասիրական գաղափարի իրականացման կիսաճանապարհին: Թե որքան մոտ էր Թումանյանին Կուկունյանցի գաղափարը՝ երևում է նաև այն փաստից, որ 1893-ին նա մասնակցել է երիտասարդական մի երեկույթի, որի հասույթով դրամական օգնություն պետք է ուղարկվեր Սախալինի հայ արքայալիքին:

Պահպանվում են Թումանյանի՝ Կուկունյանցից ստացած երկու նամակները՝ գրված 1910 թ., «տորագրված՝ ՔՊ Բաղմաշարչար Կուկունյանց»: Կարգալով այդ նամակները դժվար չէ կռահել, որ Թումանյանն ու Կուկունյանցը եղել են լավ ծանոթներ, թեև 1890 թվականի ամառվանից: Նամակներում ղգացվում է Կուկունյանցի վստահությունը Թումանյանի նկատմամբ: Նա գիտե, թե ինչ հեղինակություն է վայելում բանաստեղծը և խնդրում է նրա միջամտությունը արքայից վերադառնալուց հետո նոր բանտարկությունից՝ երաշխավորությամբ ազատվելու համար⁹:

Կուկունյանցի հետ կապված ղեկըր տեղի է ունեցել 1890 թվականի սեպտեմբերի 22-ին, Թումանյանի՝ Աբովյանին ուղղած վերոհիշյալ նամակը գրված է 22 օր հետո, ուրեմն, հավանական է, որ հոկտեմբերի 14-ի նամակի «այս փորձից հետո եմ ասում» խոսքերը ունեն որոշակի ենթաբնագիր. ըստ երևույթին, բանաստեղծը նկատի ունի մի իրողություն, որը մեզ հայտնի չէ:

Թիֆլիսի հայ հասարակական մտքի վրա իշխողը «մշակական» երիտասարդությունն էր, որի մեջ մտնում էին մեծ մասամբ ժողովրդի ազատության գաղափարներով համակված մտավորականության տարբեր բնագավառների ներկայացուցիչներ: Իրավիճակն այնպիսին էր, որ այդ կաղմակերպության ազատագրական կոչերին հետևում էին բոլոր նրանք, ում համար թանկ էր արևմտահայ ժողովրդի ազատագրումը, Հայկական հարցի լուծումը: Այս գաղափարով Ս. Կուկունյանցի նման շատերն էին մտնում պաշքարի մեջ, կատարում սխրագործություններ և ղոհվում անհեռանկար, անմիտ գործերից հետո՝ ոչնչի շահանելով:

Հայության ազատագրության գաղափարով, ինչպես տեսանք, տողորված էր նաև Թումանյանը հասարակական կյանք մտնելու առաջին

9 Տե՛ս ԳԱԹ, Ա. Բարխուդարյանի՝ Թումանյանի մասին գրած հոդերի բնագիրը:

10 Նույն տեղում, ԹՖ, ց 2, № 359:

խսկ օրերից, ուստի և միանգամայն բնական է, որ նա նույնպես հարե՞ր «մշակական» կազմակերպությանը: 1890—1892 թթ. բանաստեղծի «մշակական» դիրքորոշումը երևում էր նաև այլ հարցերում: Հիշենք քնկուղ նրա մասնակցությունը Արծրունու լրագրական-հասարակական գործունեության 25-ամյա հոբելյանի տոնակատարությունը (1890, մայիս), դիրքորոշումը Խրիմյան Հայրիկին կաթողիկոս առաջադրելու օրերին և Արծրունուն կաթողիկոսական ընտրություններին պատգամա-վոր առաջադրելու ժամանակ (1892, մարտ), որի պատճառով նա ընդ-հարվում է Կոնստանտնուպոլսի «Նոր-դարական» հոգևորականության հետ և թողնում աշխատանքը: Ընդ որում, դա այն ժամանակ, երբ որոշա-կի էր «Մշակի» բացասական դիրքորոշումը Թումանյանի ստեղծագոր-ծության նկատմամբ: Այստեղից հետևում է, որ նրա համար կարևորը ձղել է հասարակական նպատակը և ոչ անձնական նկատառումները:

1892 թ. դեկտեմբերին Թումանյանն արդեն «մշակականների» հետ շէր: Հայտնի է նրա մասնակցությունը այն ժողովին, որը նպատակ ունի ամրապնդելով «Տարազ» շաբաթաթերթի դիրքերը, պայքարել «Մշակի» և Արծրունու հնացած գաղափարների դեմ (IV, 54): Արծրու-նու մահից հետո ևս անփոփոխ է մնում Թումանյանի «հակամշակա-կան» դիրքը:

Թումանյանի հասարակական գործունեության մեջ աչքի ընկնողը ամենից առաջ սկզբունքայնությունն է, ինքնուրույնությունը, անկախ նրանից՝ գործը որևէ կուսակցության հետ է, թե՛ այս կամ այն հո-սանքին պատկանող պարբերականի: Ինչպես տեսնում ենք, այդ յուրա-հատկության ակունքները թաքնված են դեռևս նրա վաղ շրջանի գոր-ծունեության մեջ: Այս իմաստով շատ հետաքրքրական են Թուման-յանի հետևյալ խոսքերը՝ գրված վերը հիշված դեպքերից մեկ տարի հետո. «...ուրիշին հարգելուց առաջ ես ինձ եմ հարգում— իմ կարծիքս և իմ հասկացողությունս, ինչ չափով էլ որ կան: Ես իմ «եսը» ոչ «Նոր-դարի», ոչ «Մշակի», ոչ «Մուրճի» և ուրիշի ազդեցությանը չեմ զոհելու երբեք, բայց կհարգեմ և կպաշտեմ մինչև անգամ, եթե կար մի հանրո-գուտ միտք...»: Ապա. «...ոչ մեկի ղինվորը չեմ (աստված փրկի, ազա-տի)» (V, 58):

Հայտնի է, որ 1893—1896 թթ. բանաստեղծը հարում է Հնչակյան կուսակցությանը¹¹: Ժամանակակիցների վկայությամբ, նա այդ կու-

¹¹ Յ. Իճեկյան, Հովհաննես Թումանյան, էջ 370:

սակցութեանը անդամագրելի է Ղազարոս Աղայանի խորհրդով: Կարեւորն այն է, որ լցված գործելու անսպառ եռանդով, նա միշտ ուղիներ է որոնել ծառայելու իր ժողովրդի ազատագրութեան գործին: Դրանով է բացատրվում 1895 թվականի նրա մասնակցութեանը Արեւմտյան Հայաստանից Կովկասում հանդիմանած հայ զաղթականութեանն օգնող կոմիտեների աշխատանքին Թիֆլիսում, Ախալքալաքում, Ալեքսանդրապոլում, Երևանում, Էջմիածնում և այլն:

Թումանյանի հասարակական գործունե կյանքը ղեկ 1890-ական թվականներից չէր կարող վրիպել: Թիֆլիսի պահնորդական բաժնի գործակալների ուղադրութունից: Քայց, շնչված դրան, մեղ հայտնի գրութեւններում բանաստեղծի տղզանվան հիշատակութեանը հանդիպում ենք միայն 1900 թվականից:

Պահնորդական բաժնի վարչութեան դիմանը պահվում է Թիֆլիսիում գտնվող վրաստանի պետական կենտրոնական արխիվում, Թումանյանին վերաբերող գաղտնի գրագրութեան լուսապատճենները՝ Երևանի Թումանյանի թանգարանում¹²:

Ժանդարմական վարչութեան գաղտնի գրագրութեւնների մյուս մասը մենք հանել ենք Պետերբուրգի ոստիկանական դեպարտամենտի հատուկ բաժնի ֆոնդից, որն այժմ պահվում է Մոսկվայի պետական արխիվում (ЦГАОР ДП ОО): Ինչպես այնտեղ, այնպես էլ Թիֆլիսիում, Թումանյանի վերաբերյալ հատուկ մեղադրական գործ չկա: Նյութերը ցրված են այսպես կոչված՝ «Դաշնակցութեան գործի» տարբեր տարիների թղթապանակներում. տեղ-տեղ նույնիսկ մի գրութեան կեսը մի թղթապանակում է, կեսը՝ կարված բոլորովին ալլ թղթերի հետ:

Պետերբուրգի ոստիկանական դեպարտամենտ հասել են Թիֆլիսից ուղարկված տարբեր տարիների գաղտնի ամփոփագրեր, ամսական տեղեկութեւններ, ժանդարմական պաշտոնյաների եզրահանգումներ՝ գրված գաղտնի գործակալների հավարած տվյալների հիման վրա, գաղտնի հաշվետվութեւններ, պաշտոնական հարցումներին տրված պատասխաններ և այլն:

Ժամանակագրական կարգով մեղ ծանոթ առաջին փաստաթուղթը, որտեղ հիշվում է Թումանյանի աղգանուներ, թվագրված է 1901, հունի-

¹² Պետք է նշել թանգարանի դիտաշխատող Լուսիկ Թաշճյանի շնորհակալ աշխատանքը այդ նյութերի հավաքման ուղղութեամբ:

աի 7: Այդ գրությամբ խնդրվում է ժանդարմական վարչություն ուղարկել Թիֆլիսի հայոց բարեգործական ընկերութեան անդամների և վարչության կազմի ցուցակը, նշելով հատկապես 1900 թ. անվտանգելի քաղաքացիների անունները: Գրությանը կցված ցուցակներում կա նաև Թումանյանի ընդգծված աղբանուներ՝ կողքին դրված հարցական¹³:

Դժվար է հաստատ ասել, թե իր ո՞ր գործով է 1900 թ. Թումանյանը դարձել կասկածելի: Մեզ չի հանդիպել այդ տարվա դեպքերին վերաբերող որևէ փաստաթուղթ: Մնում է անել հավանական ենթադրություններ՝ հիմնված բանասիրական պրպտումների վրա:

1899 թ. կառավարչապետ Դուխիցինի հրամանով Կովկասի հայոց բարեգործական ընկերությունը լուծարքի է ենթարկվում, դառնալով միայն Թիֆլիսի բարեգործական կազմակերպություն, որոշակի սահմանափակումներով: Ըստ նոր կանոնադրության, ընկերությունը զերկվում է դպրոցներ, գրադարաններ պահելու, սովորողներին օգնելու իրավունքից, դառնում է լոկ աղքատախնամ:

1899 թ. սեպտեմբերի 19-ին տեղի է ունենում վերակազմված ընկերության ընդհանուր ժողովը և վարչության ընտրություն, երբ ընկերությանը կրկին անդամագրվում է Թումանյանը, բայց այս անգամ ընտրվում է նաև վարչության փոխանդամ¹⁴: Ընկերության վարչության մեջ եղել են Թումանյանի մտերիմները՝ Մ. Թումանյանը, Փիլ. Վարդապետյանը, Ար. Զարգարյանը (վարչության նախագահը Մ. Դուխիսանյանն էր՝ Մ. Թումանյանի հայրը), որոնց հետ ունեցած բանաստեղծի հաճախակի հանդիպումները, ինչպես և ժողովների մասնակցելը անշուշտ հայտնի է եղել ժանդարմական վարչությանը: Մեզ թվում է, սակայն, որ Թումանյանի անունը պահնորդական բաժնում կարող էր լինել նաև մի այլ պատճառով, քանի որ բարեգործական ընկերության գործունեությունը, որքան էլ սահմանափակված, այնուամենայնիվ, գաղտնի չէր:

13 ԹԹ, ՓԲ, № 42:

14 Նոյսեմյակ հայոց բարեգործական ընկերության Կովկասում, 1881—1911, կազմեց Լեո, Թիֆլիս, 1911, էջ 220—222, «Նոր դար», 1899, № 161, «Մշակ», 1899, № 174: Ըստ վերջինի տեղեկության, Թումանյանը վարչության ընտրության ժամանակ թեպետ ստացել է բավարար քանակությամբ ձայներ, չի անցել, որովհետև վարչության անդամ առաջադրված, բայց չանցած Մելիք-Ալվադյանը փոխանդամ դառնալու համար տրդեն ուներ բավարար քանակությամբ ձայներ: Հավանական է, որ այլ ոչ ճիշտ տեղեկությամբ «Մշակը» մի անգամ ևս կամեցել է ցույց տալ իր անբարյացակամությունը բանաստեղծի նկատմամբ:

Նույն ժամանակ՝ 1899—1900 թթ. ուսումնական տարում, աշակերտական «Ծիածան» գաղտնի ընկերություն «մայր խմբի» հետ Թումանյանն իր բնակարանում պարապում էր հայոց գրականություն¹⁵։ Ընկերությունը ստեղծվել էր այն ժամանակ, երբ գոլիցինյան հայտնի հրամանով դպրոցական ծրագրերից հանվել էին հայոց լեզուն, գրականությունը, և հայ առաջագիտ շատ գործիչներ, ինչպես Ստ. Շահումյանը, Ավ. Արասխանյանը, Գ. Դեմիրճյանը, Ն. Աղբալյանը և ուրիշներ, գաղանի պարապմունքներով պատանեկությանը մերձեցնում էին մայրենի լեզվին և հայ մշակույթին, նրանց մեջ սերմանում ազգային արժանապատվության զգացում, նպաստում նրանց ազգային ինքնագիտակցության զարգացմանը (ԹԺՀ, 171—174)¹⁶։ Ամենայն հավանականությամբ, այս գաղտնի դասերը ևս ինչ-որ ձևով հայտնի ևս գարձել ուստիականությանը, գումարվել Թումանյանի՝ բարեգործական ընկերության հետ ունեցած առնչության փաստին, որով և նրա անունը գրանցվել է 1900 թ. Թիֆլիսի քաղաքական անբաժնեհույսների ցուցակում։

1900 թ. Թումանյանը անդամագրվում է նաև Երվ. Լալայանի հիմնադրած Ազգագրական հրատարակչական ընկերակցությանը։ Գ. Ասատուրի վկայությամբ՝ «Ազգագրական հանդեսի» համար ընտրվել էր խմբագրական հանձնաժողով՝ Լալայանի, Թումանյանի, Պոռոջյանի, Գ. Ղարաջյանի և իր մասնակցությամբ։ Նիստերը տեղի են ունեցել Լալայանի բնակարանում և վերջում վերածվել գրական երեկույթների, որոնց մասնակցել է նաև Հ. Հակոբյանը. նույնիսկ տրամագրություն է կղել գրական այդ խմբակը ընդարձակելով, ստեղծել գրական ընկերություն (ԹԺՀ, 353)։ 1912 թ. հրապարակած իր «Տխուր հիշողություն» հոգովածում Թումանյանը հիշատակում է, որ 1902 թ. կղել է նաև Թիֆլիսի հայոց ազգագրական ընկերության «խմբագրության մասնաժողովի» մեջ (IV, 200)։

Գ. Ասատուրը իր հուշերում պատմում է նաև, որ Երվ. Լալայանի բնակարանում պարբերաբար հավաքվելու պատճառով 1902 թ. փետրվարյան մի գիշեր խուզարկվել են Գ. Ղարաջյանի, Հ. Հակոբյանի և

15 Ժամանակը որոշվում է ըստ Աղայանի՝ Թումանյանին գրած 1899 թ. նոյեմբերի 6-ի նամակի, որտեղ հիշատակվում են Թումանյանի «հանձն առած դասերը»․ տե՛ս Դ. Աղայան, Երկերի ժողովածու, հատ. IV, Եր., 1963, էջ 569։

16 Ավելի մանրամասն տե՛ս Ա. Ինճիկյան, էջ 385—389։

իր բնակարանները, բռնագրավվել են գրքեր, ձեռագրեր, իրենք էլ բանատարկվել են:

Ինչ վերաբերում է Թումանյանին, նրա՝ իշխանուհի Մ. Թումանյանին ուղղած 1902 թ. փետրվարի 6-ի նամակից պարզվում է, որ այդ օրերին նա հիվանդ է եղել¹⁷:

Բայց ավելի մանրամասն տեղեկություններ տալիս են Թիֆլիսի պաշտոնական բժնի գաղտնի փաստաթղթերը:

Պարզվում է՝ 1. 1902 թ. փետրվարի սկզբներին ոստիկանները հետապնդել են բանաստեղծին, հսկել տունը և համոզվել, որ փետրվարի 7-ից նա տանից դուրս չի դալիս: 2. Փետրվարի 15-ի լույս 16-ի գիշերը Թումանյանի բնակարանում ևս խուզարկություն է կատարվել և իրրե իրեղեն ապացույց վերցվել է մի զիբր: Թումանյանը չի ձերբակալվել հիվանդության պատճառով:

Օլգա Թումանյանի վկայությամբ, 1888 թ. ամուսնանալիս, երիտասարդ բանաստեղծը ունեցել է երկու գիրք. մեկը «Վերք Հայաստանին» էր, մյուսը՝ «Հյուսիսափայլի» մի համար: Ինչպես երևում է «խուզարկության արձանագրությունից», 10—12 տարվա ընթացքում Թումանյանն իր սուղ միջոցներով կարողացել է սեփական, այն օրերի համար, մի պատկանելի գրադարան «...բաղկացած ավելի քան 2000 գրքերից, մեծ մասամբ հայերեն...»: խուզարկուի այն հարցին՝ կա՞ն արդյոք անթույլատրելի գրքեր, Թումանյանը պատասխանել է, թե անտեղյակ է իր գրքերի լեզալ կամ անլեզալ լինելու մասին և ցույց է տվել, ինչպես գրված է փաստաթղթում, Զուբալովի «Современный социализм и революционеры» գրքույկը, որը և ստուգելու է տարել պաշտոնական վարչության պետի տեղակալ Կրավչենկոն¹⁸:

Դրքի և՛ հեղինակը, և՛ վերնագիրը Կրավչենկոյի զեկուցագրում աղավաղված են, պետք է լինի՝ П. Зарудин, Современные социалисты революционеры (1879, Петербург): Սա մի գիրք է՝ գրված անցյալ դարի ռուս հեղափոխականների դեմ, որ պրոպագանդում է անխնա ոչնչացնել մատերիալիզմը իր բոլոր տեսակներով:

17 Նամակն անվակիր է. տպագրված է 1902 թ. նամակների շարքում հարցականով (V, 257): Դրության տարին, ամիսն ու օրը հշտվում են իշխանուհու՝ բանաստեղծին գրած 1902 թ. փետրվարի 6-ի նամակով, որի պատասխանը Թումանյանի այդ նամակն է (Երկուսն էլ Թիֆլիսում էին, ուստի չի բացառվում, որ գրել ու ստացել են նույն օրը):

18 ԹԲ, ՓԲ, № 43: Պաշտոնական բժնի գրությունները գրված են ռուսերեն, ուստի մեջբերումները տրվում են թարգմանաբար:

Ինչպես տեսնում ենք, Թումանյանը դիտավորյալ է խուզարկուի ուշագրությունը հրավիրել հատկապես այդ զրբի վրա, իրենից քաղաքական մեղադրանքը հեռացնելու համար և, ինչպես ցույց են տալիս այլ գրություններ, հասել է նպատակին. նույն թվականի ապրիլի 12-ին, համաձայն ստացած ծանուցագրի, նա ներկայանում է IV քաղաքամասի պրիստավին և հոտ ստանում որպես իրեղեն ապացույց տարված գիրքը¹⁹:

Այլ փաստաթղթերից պարզվում է, որ Թումանյանը կասկածի տակ է եղել որպես ՌՄԴԲԿ Թիֆլիսի կոմիտեի անդամ²⁰. պատճառը կալայանի բնակարանի երեկույթներին սոցիալ-դեմոկրատ Գ. Ղարաջյանի (Արկոմեդ) մասնակցությունն էր, մի աղջանուն, որ լավ ծանոթ էր պահ-նորդական բաժնին:

Ըստ Կրավչենկոյի ապրիլի 3-ի ներկայացրած ղեկուցագրի, ՌՄԴԲԿ Թիֆլիսի կոմիտեի հետ կապված մարդիկ բաժանվում են չորս խմբի: Առաջինի մեջ մտնում են իսկական անդամները. չլստեղ այլ անունների հետ հիշատակվում է Գ. Ղարաջյանը: Չորրորդ խմբում այն կասկածելի անձնավորություններն են, որոնց ՌՄԴԲԿ Թիֆլիսի կոմիտեի անդամ լինելը որևէ ձևով ապացուցված չէ. չլստեղ են Թումանյանը, Երվ. Կալայանը և ուրիշներ²¹: Ուրեմն՝ շնայած խուզարկությունը որևէ աբդուցում չի տվել, այնուամենայնիվ, այս անգամ ևս բանաստեղծի անունը մնացել է կասկածելիների ցուցակում:

Երկու անգամ անբարեհույսների ցուցակներում տեղ գտնելը չէր կարող ինչ-որ չափով չարգելակել նաև բանաստեղծի գրական գործունեությունը: Ակամայից մտածում ես, թե ղեպքերի թարմ տպավորությունը չէ՞ր արդյոք պատճառը, որ գրաքննչական կոմիտեն նույն տարին (մայիսի 22-ին և դեկտեմբերի 7-ին) արգելում է «Տարազում» տրպազդրելու Թումանյանի հոդվածը՝ գրված Աղայանի 40-ամյա հոբելյանի առիթով և «Տարազի» խմբագրության՝ Թումանյանին ուղղած բաց նամակը «...в виду отступления редакции от программы» մականգրությունը²²:

19 Գիրքը պահվում է Թումանյանի թանգարանի՝ բանաստեղծի անձնական գրադարանում, 6-րդ պահարան, № 123:

20 ԹԹ, ՓԲ, № 44:

21 Նույն տեղում:

22 Նույն տեղում, № 40, 41:

900-ական թվականների սկզբին օրավուր ուժեղանում էին գոլիցիյան հալածանքները հատկապես կոլկասահայության նկատմամբ: Հայկական ծխական դպրոցների փակմանը, մտավորականության հալածանքներին, բարեգործական ընկերության իրավունքների սահմանափակմանը հետևում է եկեղեցական կալվածքների պետականացման մասին ցարական կառավարության օրենքը 1903 թ. հունիսի 12-ին: Նոր հրովարտակը առաջացնում է նոր հուզումներ և խռովություններ, ուժեղանում են աղատազրական տրամադրությունները, բարձրանում է ժողովրդի ինքնազիտակցությունը, սաստկանում ատելությունը ցարի և նրա գործակալների նկատմամբ: Այդ շարժումների զնահատականեր տրվել է Ստ. Շահումյանը իր 1904 թ. գրած «Երեանդ» (Հայ իրականությունից)» հոդվածում²³:

1903-ի աշնանը մահափորձ է կազմակերպվում փոխաբքա Գոլիցիյնի դեմ, որը թեպետ անհաջող է անցնում, բայց, հասկանալի է, ուժեղանում են ոստիկանական հետապնդումները: 1904 թ. հունվարին Պետերբուրգի դեպարտամենտին ուղարկված՝ հայազգի մի քանի քաղաքական բանտարկյալներից բռնադատված իրենդին ապացույցների ցուցակներում (արգելված գրականություն, նամակներ, քաղաքական կոչեր, գեղք) հիշատակվում են Թումանյանի գաշույնը, որի մասին ակնարկներ են եղել նամակներում և Թումանյանի անունով անհայտ անձնավորությունից ստացված նամակներ՝ 62 թերթից բաղկացած²⁴:

Հետաքրքրական է մի այլ փաստությունը՝ զրված նույն թվականի ապրիլին, որով պահանջողական բաժնի պետը ժանդարմական վարչությունից թույլտվություն է խնդրել խուզարկելու և բանտարկելու կամ միայն խուզարկելու որոշ հայ մտավորականների, որպեսզի կարողանան կանխել «Դրոշակականների» և «Հնչակյանների» ազդեցությունը՝ նույն օրերին սպառնող ցույցի մասնակիցների վրա: Թումանյանի անունը խուզարկության ենթակաների մեջ է²⁵: Հրացուցիչ փաստեր չկան ճշտելու համար, թե 1904 թ. ապրիլին արդյոք խուզարկություն եղե՞լ է բանաստեղծի բնակարանում, թե ոչ: Մի բան պարզ է, որ այս ան-

²³ Ստ. Շահումյան, Երկեր, հատ. I, 1975, Եր., էջ 48—49:

²⁴ ЦГАОР, ДП ОО ф. 102, 1904, л. 13, 14: Այստեղ նշված է, որ հայտնաբերված է 62 թերթից բաղկացած նամակ. հավանաբար վրիպում է. պարզապես զրված է ПИСЬМО, բայց պետք է կարգաւ ПИСЬМА:

²⁵ Տե՛ս ԹԹ, ֆՐ, № 47:

դամ նա կատկածի ենթակա էր վերը հիշված դաշույնի և նամականի պատճառով. ռուսերից են դրանք, ի՞նչ ճանապարհով են ընկել այդ բաղադրական հանցագործների մոտ կամ նամականներն իսկապես ուղղված են եղել բանաստեղծին, դժվար է ասել: 1909 թ. գրություններից իմանում ենք, որ Թումանյանին շփոթել են Վոլոգդա արքայական դպրական բանտարկյալ ինչ-որ մի ուրիշ Հ. Թումանյանի կամ Իվան Թումանովի հետ, թերևս, վերջինիս են առնչվում և՛ դաշույնը, և՛ կատկածելի նամականները: Սակայն անկախ ամեն ինչից, 1904 թ. այդ խառն օրերին Թումանյանը չէր կարող դուրս մնալ պաշտոնական բաժնի գործակալների տեսադաշտից: Եթե հավատանք պաշտոնական բաժնի գաղտնի գրություններին, 1903 թ. ղեկավարներից Թումանյանին իբր եղել է կուսակցական ակտիվ գործիչ և նույնիսկ տնօրեն գաղտնի տպարանի²⁶, Իրականությունն այն է, որ 1903—1904 թթ. արդեն հռչակված գրող լինելով, նա ընկերներ ու բարեկամներ ունի գրեթե բոլոր կուսակցություններում: «Թումանյանը ամենքինն էր,— գրում է խանոյանը,— նրան բոլորն էլ սիրում էին: Ինքն էլ խտրություն չէր դնում սրա ու նրա մեջ. նրա համար բոլորն էր «մեր տղաներն էին» (ԹԺՀ, 391):

Զի բացառվում, անշուշտ, որ նա կարող էր կասկածանքի ենթարկվել հենց իր այդ կարգի կապերի համար:

1905 թ. փետրվարին, երբ սկսվեցին հայ-թուրքական ընդհարումները, Թումանյանն իր ամբողջ էությամբ նվիրվեց հարադատ ժողովրդի ինքնապաշտպանությանը և երկու հարևան ժողովուրդների հաշտեցման գործին: Բաբվի կոտորածից (1905, փետրվարի 6—9) անմիջապես հետո հալ և թուրք մտավորականների որոշմամբ Թիֆլիսում կազմակերպվում է ցույց, որի նախապատրաստման առաջին շարքերում էր բանաստեղծ Թումանյանը (V, 295, ավելի մանրամասն տե՛ս III գլխում): Ցույցերը արվում էին ոչ միայն հանուն անդրկովկասյան ժողովուրդների հաշտության. դա եղել է նաև որոշակի վերաբերմունքի դրսևորում ցարական կառավարության՝ կոտորածների կազմակերպիչներին դեմ²⁷:

1905 թ. նոյեմբերի 22-ից ազգամիջյան սուր ընդհարումներ են սկսվում Թիֆլիսում, որից հետո Թումանյանը ընտանիքով տեղափոխվում է հայրենի Դսեղ և ամբողջովին նվիրվում խոստ ինքնապաշտպա-

²⁶ Նույն տեղում, № 46:

²⁷ Տե՛ս «Մշակ», 1905, № 20, 23, Լեռ, Անցյալից, էջ 150:

նությանը, նոյեմբերի վերջերին տեղի է ունենում Բորչալուի թուրքերի հարձակումը Թիֆլիսի վրա, միաժամանակ ուժեղանում են բանվորական գործադուլները, կոռում սկսվում են ագրարային շարժումներ, Հաղպատի գյուղացիները ապստամբում են տեղի կալվածատերերի դեմ:

Ոստիկանությունը միմյանցից չէր տարբերում հեղափոխության տարբեր արտահայտությունները: Նրա համար միևնույն էին քաղաքի գործադուլորը և իր կյանքը փրկելու համար դենք վերցնող հայ գյուղացին կամ նրան առաջնորդող սպիտակ դրոշակակիր բանաստեղծը, ժողովրդի ինքնապաշտպանությունը համարվում էր տեղոր թուրքերի դեմ: Եվ քանի որ Թումանյանն արդեն վաղուց «կասկածելի քաղաքացի» էր, պահնորդական բաժնում նրա անունը մտնում է «տեղոր խիստ հեղափոխականների» ցուցակի մեջ:

1905 թ. գրություններից մեկում հանդիպում ենք այսպիսի մի փաստաթղթի. ««Краткий список лиц, вошедших в сферу наблюдения в г. Тифлисе с 1-го февраля по 2-ое марта 1905 года». Յուցակի մեջ մտնում են Թիֆլիսաբնակ հայ, վրացի, ռուս, հրեա հեղափոխականներ՝ տարբեր կուսակցությունների պատկանող (սոցիալ-դեմոկրատներ, սոցիալ-հեղափոխականներ, դաժնակցականներ և այլն), այդ թվում՝ Ս. Խանոյան, Ա. Զափարիձե, Միխա Յիսակայա, Ա.Վ. Ահարոնյան, Հովսեփ Արդուլյան և այլն: Յուրաքանչյուրի անվան դիմաց գրված է կուսակցական պատկանելությունը և ոստիկանության հսկողության մեջ նրան տրված կեղծանունը: Թումանյանը հետապնդվում էր Жокель կեղծանունով²⁸:

Հայտնի է, որ բանաստեղծը ինքնապաշտպանության գործին մասնակից էր Բաքվի կոտորածից (1905, փետրվարի 6—9-ը) անմիջապես հետո, տակավին դավառներում ընդհարումները չսկսված: Ինչպես երևումաց վերջին փաստաթղթից, 1905 թ. նա հսկողության տակ էր փետրվարի 1-ից, դեռ Բաքվի դեպքերից էլ առաջ: Այստեղից և պահնորդական բաժնի վերոհիշյալ փաստաթղթերից հետևում է, որ բանաստեղծի՝ 1908 թ. բանտարկության պատճառը չպետք է փնտրել միայն 1905—1906 թթ. նրա գործունեության մեջ, դա միայն պատրվակ էր²⁹:

1905 թ. սեպտեմբերից գաղտնի գրություններում հաճախ է կրքիլրնվում «Շմակով» կեղծանունը. սա այն գործակալն է, որ հետևել է

²⁸ ԹԹ, ՓԲ, № 55:

²⁹ Նույն տեղում, № 45—47:

Թումանյանին՝ հատկապես Լոռու, Բորչալուի շրջաններում ու վայրիվերո, իրարամերժ տեղեկությունների ուղարկել բանաստեղծի մասին Թիֆլիսի ժանդարմական վարչություն։ Մի տեղ Թումանյանն իբր միջնորդ է դաշնակցության և գյուղական կոմիտեների, մի այլ տեղ՝ դատի է տրված դաշնակցությունից ինչ-որ զումար վատնելու համար կամ Իսահակյանի հետ մասնակից է տեղորոշության խմբակի, ֆուլգերան կայարանում նրա հրամանով սպանվել են երեք թուրք և այլն։ Նման մի անհեթեթ մեղադրանք հիշատակվում է Թումանյանի՝ Ղինվորական նահանգապետ Զոլոտարյովին ուղղած պաշտոնական նամակում, որ իբրև թե բանաստեղծը «սպանել է խեղճ անտառապահին՝ կողոպտելու նպատակով»։ Նամակն անթվակիր է, բայց բոլոր տվյալներից երևում է, որ գրված է 1906-ի մայիսին, ճիշտ այն օրերին, երբ «Շմակովը» հետեում էր Թումանյանին Լոռու շրջանում (V, 294)։

1906 թ. մայիսի 18-ի դրությամբ մեջ ներկայացվում է մի այլ «մեղադրանք»։ «Լոռու շրջանում նա, կարծես, գեներալ-գուբերնատոր է, նրան է ենթարկվում ամբողջ տեղական ղեկավարությունը և ոստիկանությունը։ Նա շրջում է գյուղերում, դատ ու դատաստան տեսնում, տուգանում է գյուղերը... մինչև 500 ռ...»³⁰։ Հիշատակվումն այն է, որ Թումանյանն անխնա էր գողերի, ավադակների, խառը գրավիչներից օգտվող ու ամեն տեսակ օրենքներ ոտնահարող կալվածատերերի նրկատմամբ։ Այդ մասին կան տպագրված նյութեր, Թումանյանի գրավոր, պաշտոնական բողոքները, ուստի ավելորդ է դրան անդրադառնալը (V, 286—302)։

Բայց մատնիչը նաև խորամանկ է. որպեսզի կարողանա պատճառաբանել Թումանյանի ազատ գործունեությունը, նրան համախոհ է հռչակում գաղափարի պաշտոնյաներին, հատկապես գաղառապետին ու նրա օգնականին, արնգելով, թե վերջինները կաշառված են, Թումանյանի միջոցով դաշնակցությունից ստացել են 10 000 ռուբլի։

1906 թ. մայիսի վերջերին Թումանյանն արդեն տեղակ էր, որ իր գործունեությունից դժգոհ է Թիֆլիսի պաշտոնեությունը, և կարգադրություն է արված իր ձեռքակալության մասին, բայց այդ լուրերին նշանակություն չտալով, բանաստեղծը շարունակում էր գործել Լոռում, անձամբ շրջելով, աչ ու ձախ գրություններ ուղարկելով՝ պայքարում էր նույն սկզբունքայնությամբ։

30 ԹԹ, ՓԲ, № 51։

1908 թ. դեկտեմբերին՝ ստուլիսիյան ռեակցիայի ամենագաժան օրերին, Թիֆլիսում և հայաշատ այլ վայրերում սկսվում են ձերբակալությունները: Զոհերը մեծ մասամբ հայ մտավորականներն էին, կուսակցական, թե անկուսակցական, մոտ 160 հոգի՝ գրողներ, ուսուցիչներ, հասարակական գործիչներ, բժիշկներ, իրավաբաններ և այլն, այդ թվում՝ Ավ. Իսահակյանը, Ավ. Ահարոնյանը, Ստ. Մալխասյանցը և ուրիշներ. բոլորի մեղադրանքը մտնում էր նույն «Դաշնակցության գործի» մեջ:

Թումանյանը որդու՝ Մուշեղի հետ բանտարկվում է 1908 թ. դեկտեմբերի 23-ի լույս 24-ի գիշերը:

Ի՞նչ են պատմում զաղտնի գրությունները. բերում ենք համառոտ քաղվածք բանտարկության վճռից:

«Ունենալով կասկած հարուցող տեղեկություններ հակաօրինական ընկերակցության պատկանելու մասին և ըստ ղինվորական դրուժյուն հայտարարված վայրերին վերաբերող կանոնների 23-րդ հոդվածի, ես՝ Թիֆլիսի նահանգական ժանդարմական վարչության պետի օգնականս, վճռեցի նախնական կալանքի վերցնել Հովհ. և Մուշեղ Թումանյաններին... (տրվում են նաև այլ ազդանուններ—Լ. Կ.) մինչև գործի պարզաբանումը»: Ստորագրել է ռումբիստր Պրիգարան³¹:

Ամենայն հավանականությամբ, «կասկած հարուցող հիմնավոր տեղեկություններ» ասելով, ռումբիստրը նկատի ունի պահնորդական բաժնի՝ Օդեսայից ստացած դեկտեմբերի 23-ի գրությունը՝ Թիֆլիսում հեղափոխական նպատակներով դրամ կուտակելու, Թուրքիայից Բաթումի և Փոթիի վրայով դեպի Կովկաս ղենք տեղափոխելու, Կովկասում ապրստամբություն նախապատրաստելու մասին³²:

Պետերբուրգ ուղարկված փաստաթղթերում Թումանյանի բանտարկության առիթը համարվում է նաև դաշնակցության «Արևելյան բյուրոյի» անդամներին հետապնդող զաղտնի գործակալների սպանությունը դեկտեմբերի 11-ին, ինչպես նաև մասնակցությունը Օդեսա, Փոթի, Բաթում ղենքերի տեղափոխման, այն էլ՝ Թուրքիայից, կառավարության դեմ ապստամբություն նախապատրաստելուն, ոստիկանների սպանության և այլն³³: Ինչպես տեսնում ենք՝ բավական անհեթեթ մեղադրանքներ են, որոնք որևէ կապ չունենին Թումանյանի հետ: Նրան իս-

³¹ ԹԹ, ՓԲ, № 60:

³² Նույն տեղում, № 57:

³³ ЦГАОР ДП ОО ф. 102, 1909, оп. 239. ед. хр. 14.

կապես առնչվողը 1905—1906 թթ. խաղաղասիրական գործունեությունն էր և այն լուրը, որը տպագրեց «Մշակը» բանաստեղծի բանտարկությունն ազդարարելուց մի քանի օր հետո՝ «Մանկական գրադարան» մատենաշարով հրատարակված «Աղվեսը», «Ուլիկը», «Անհաղթ ար-լորը», «Ծիախիկը», «Անբախտ վաճառականները» լույս տեսնելու մասին: Նոր տարվա նախօրյակին էր, խորհուրդ էր տրվում «...այնպիսի անմիտ խաղաղիքների և բնծաների տեղ՝ պարզեատրել մանուկներին այգսիսի շքեղ ու բնտիր մանկական զբոսայգիներով»³⁴:

Հետաքրքրական է փաստաթղթերում պահվող ղեկոտմբերի 24-ի խուզարկության ժամանակ վերցված իրեղեն ապացույցների ցանկը.

1. Тун. История революционного движения в России, Ростов н/Д

2. Գ. Խաժակ, Դեպի ֆեդերացիա, Թիֆլիս, 1907:

3. Խան-Ագառ, Ի՞նչ է սահմանադրությունը, Թիֆլիս, 1907:

4. Գ. Ղազարյան, Հողը և նրա մշակությունը, Թիֆլիս, 1907:

5. Կարլ Կաուտսկի, Ներկայացուցչական կառավարչություն, Թիֆ-լիս 1906:

Ապա նշվում է նաև «Переписка на армяноком языке», որի մեջ, ինչպես երևում է բանաստեղծի առաջին դրավոր ցուցմունքից, եղել են նյութեր՝ հավաքված «Վերք Հայաստանի» վեպի ուսումնասիրու-թյան համար:

Գրքերի վերնազրկերից պարզ է նրանց «տենդենցիոզ» քաղաքա-կան բովանդակությունը և հասկանալի, թե ինչու դրանք կարող էին լուրջ հանցանշան համաբովել որևէ քաղաքական մեղադրյալի համար, ուստի իրեղեն ապացույցները այլ նյութերի հետ ուղարկվել են Պե-տերբուրգի ոստիկանական ղեկարտամենտ: Մեր պրպոտմեների ար-դյունքը միայն ցուցակն է, իսկ գրքերի ու ձեռագրերի ճակատագիրն առայժմ անհայտ է.

Բանտարկյալ Թումանյանի առաջին հարցաքննությունը տևել է ունեցել հունվարի 3-ին. պահպանվում են արձանագրությունը և բա-նաստեղծի՝ տարբեր օրեր քննիչ ռոտմիստր Պրիգարայիին ներկայաց-րած բանավոր ցուցմունքի դրավոր չորս լրացումները:

Թվարկելով իր անմեղությունն ապացուցող փաստեր, որոնք բո-լորը կարելի է հաստատել պաշտոնական թղթերով, նամակներով, հե-ռագրերով ու կենդանի վկաներով, Թումանյանը գրում է, թե գործել է հեղափոխության եռուն շրջանում, և, չնայած դրան, առաջնորդվել է

³⁴ «Մշակ», 1908, № 290:

ո՛չ կուսակցական մղումով կամ «...ո՛չ ինչ-որ մեկին դուր գալու համար, այլ խորը դիտակցությամբ և մաքուր խղճով, դատելով իբրև զրոգ-բանաստեղծ, որը ծառայում է հանուն լավ և ազնիվ գործի: Այդպես եմ ես հասկացել ժողովրդի շահերը»:

Այս ցուցմունքները, ինչպես և փոխարքա Վսրոնցով-Դաշկովին և Թիֆլիսի ժանդարմական վարչության պետին ուղղված խնդրագրերը (առաջին անգամ տպագրված ՈՒՀ 3, 335—350), արժեքավոր վկայություններ են սկզբունքային մարդու և մեծ քաղաքացու մասին: Սեփական և ազգային արժանապատվության բարձր զգացողությամբ էր նա գրիչ վերցնում, առանց որևէ ղիջում անելու դիմացինի պաշտոնին, չվախենալով իրեն շրջապատող բանտի պարիսպներից և սպառնացող ցրտաշունչ հյուսիսից: Հավատ սեփական անձի ու գործի նկատմամբ և լավատեսություն—սրանք էին առաջնորդում բանաստեղծին:

Նա վրդովված էր, մանավանդ, իրեն տրված «տեռորիստ» մեղադրանքից. «...Դուք կարծում եք, որ ես ընդունակ եմ ատրճանա՞կ օգտագործելու,— գրում է նա:— Բայց ինչպե՞ս կարող էի ես լօգտվել մի այլ ղենքից՝ իմ բանաստեղծական տաղանդից և իմ զրչից, որոնք, հավատացե՛ք ինձ, ավելի զորավոր են, քան բոլոր տեսակի ատրճանակները» (ՈՒՀ 3, 340):

Խնդրագրերի մեջ էլ Թումանյանը խնդրողի դերում չէ, այլ բողոքողի: Նա պահանջում էր հայտնել իր մեղադրանքն ապացուցող բոլոր փաստերը, որպեսզի կարողանա մեկ-մեկ հերքել, հակառակ դեպքում՝ ինքն էլ կարող է նմանվել այն մարդկանց, որոնք ամփաներով մնում են բանտերում և ապա անմեղ ճանաչվելով՝ ազատվում:

Թումանյանի գրավոր լրացուցիչ ցուցմունքները ազդեցություն չեն գործում, ավելին՝ դրանք հասցեատիրոջը հասնում են միայն հունվարի վերջին: Հետաքննությունը հետևում էր իր օրենքներին, և հունվարի 16-ին, համաձայն Պետերբուրգից ստացված հեռագրի՝ որոշվե՞ամ է Հովհաննես և Մուշեղ Թումանյանների ձերբակալության ժամկետը երկարացնել մինչև գործի քննության ավարտը³⁵, իսկ փետրվարի 19-ին ստացվում է նաև փոխարքայի պատասխանն այն մասին, թե ինքն իրավասու չէ միջամտելու խնդրատուի գործին, քանի որ վերջինս իր մեղադրանքով գտնվում է Ռուսաստանի ներքին գործերի մինիստրության տրամադրության տակ³⁶:

³⁵ ԹԲ, ՓԲ, № 72:

³⁶ Նույն տեղում, № 85, 86, 92:

Ինչպես երևում է պահպանվող փաստաթղթերից, հանցանշանքների որոնումն ու «ստեղծումը» շարունակվել է նաև բանտարկությունից հետո: Հունվարի 8-ին հարցաքննվում է Երևանի մարզային դատարանի երգվյալ հավատարմատար Լևոն Մուշեղյանը, որը Թումանյանի հետ մասնակցել էր 1905 թ. ապրիլի 3—5-ը Թիֆլիսում տեղի ունեցած համազգային համագումարին: Համագումարը գաղտնի չէր, այն նպատակ ուներ հայ ժողովրդի կարիքների մասին խնդրագրեր կազմել և ներկայացնել Կովկասի նոր նշանակված փոխարքա Վորոնցով-Դաշկովին և Ռուսաստանի մինիստրների խորհրդին: Չհայտնելով որևէ փաստ Թումանյանին վերագրվող հանցանքների մասին, Երևանից հրավիրված վկան ընդհանուր տեղեկություններ է տվել հիշյալ համագումարի, նրան հաջորդող բանկետի, Թումանյանի կատակ-էքսպրոմտի վերաբերյալ³⁷: Վկան հայտնում է նաև, որ 1908 թ. դեկտ. 1-ին եղել է բանաստեղծի տանը (որը հավանաբար հայտնի էր հետաքննությանը և, թերևս, այդ էր պատճառը վկային Երևանից Թիֆլիս բերելու), խոստովանում է, որ տիրում է նրան որպես բանաստեղծի:

1909 թ. փետրվարի 14-ին է հայտնի դարձել, որ իբրև թե Մուշեղ Թումանյանը մասնակցել է Թիֆլիսի III իգական գիմնազիայի ուսուցիչ Կոզանի դեմ 1908 թ. կատարված մահափորձին:

1909 թ. մարտ-ապրիլ ամիսներին Թումանյանին վերաբերող գաղտնի գրությունների վրա նոր ազդանուն է երևում. դա սեհարյուրակային քննիչ Լիժինն է, հայտնի իր դաժանություններ: Տեսնելով, որ Դամանակ է պետք քիչ թե շատ համոզիչ մեղադրական գործ ստեղծելու համար, նա համաձայնություն է տալիս երաշխավորությամբ ազատելու մի քանի բանտարկյալների, այդ թվում և Թումանյանին ու Իսահակյանին: Մուշեղ Թումանյանը հինգ ու կես ամիս Մետեխի բանտում մնալով՝ անսպարտ է ճանաչվում:

Բանախց ազատվելուց հետո (1909 թ. հունիսի 13-ից) Թումանյանի վրա ավելի խիստ հսկողություն է սահմանվում: Գրություններից մեկում երևում է 1908 թ. բանաստեղծին հետապնդող մի նոր գաղտնի գործակալ՝ ծայրված «Մանասյանց Ստալնոյ» անվան տակ: Պահանջական բաժինը հաճախակի իր գրություններում հավաստիացնում է Պետերբուրգի ոստիկանական ղեկարարամենտին, որ Жокель—Թումանյանը Թիֆլիսում է և «շարունակում է հանցագործությունները». Օրի-

³⁷ Նույն տեղում, № 68: Այդ մասին տե՛ս նաև ԹԺՀ, 293, 935: Կատակ-էքսպրոմտը տե՛ս I, 510—511:

նակ՝ հրաման է տվել տեղորիստներին «սպանելու մասնիչ Շահաբաս Շահվերդովին», այսինչ օրը թաղման և ապա եկեղեցում հալաքույթի է գնացել Աղայանի, Փափաղյանի հետ, կամ՝ իր տանը հյուրընկալելով Խաչակյանին, Սիմոն Հակոբյանին, բժ. Արշակ Թադևոսյանին, զորացել է աշակերտական կադմակերպություն ստեղծելու, բանտարկությունների պատճառով Դեղորդյան ձեմարանում և Ներսիսյան դպրոցում լավորակ ուսուցիչների պակասի մասին և այլն: Սրանք տարբեր դրություններից բաղկած «փաստեր» են, և դժվար չէ կուսհել, որ հաղորդված են նրա ամեն բայի մեջ մտածված հանցանշաններ ոբոնող և «ստեղծող» հատուկ մարդու միջոցով³⁸:

Իսկ ինչո՞ւ էր զբաղված Թումանյանը: 1909 թ. օգոստոսի 16-ին, երբ զեռես երկու ամիս էր՝ ինչ երաշխավորությամբ ազատվել էր կալանքից, նա մեկն էր այն ինը մտավորականներից, որոնց հրավիրել էր Ավ. Արասխանյանը՝ «Գրականներին, գիտնականներին, մանկավարժներին օգնող հայոց ընկերություն» ստեղծող հիմնադիր ժողովին մասնակցելու: 1910 թ. ապրիլի 24-ին Թումանյանը նույնպես ստորագրում է այդ ժողովի որոշած կանոնադրության նախագծի տակ: Քիչ անց՝ 1910-ի ամռանը, բանաստեղծը ստանձնում է նոր ծանր գործ՝ «Հորիզոն» օրաթերթի խմբագրությունը, և մի ներ թափով մտնում հրապարակախոսական գործունեության մեջ, բայց և շարունակում պատրաստել «Լուսարեր» դասագրքի տարբեր տարիները, «Հայ գրողներ» քրեատոմատիայի II հատորը և այլն:

1911 թ. հունվարին լուրեր են հասնում պահնորդական բաժին, թե «Հորիզոն» խմբագրատունը դաշնակցության ղեկավար անդամների ժամադրավայրն է, և հունվարի 12—19-ը գաղտնի հսկողություն է սահմանվում խմբագրատան շուրջը: 19-ին ցերեկը խմբագրատուն են ներխուժում պահնորդական բաժնի գործակալները, խուզարկում, կալանավորում են Թումանյանին, թերթի այլ աշխատակիցների ու պատահական այցելուներին՝ այդ թվում՝ Ալ. Շիրվանզադեին, Երվ. Լալայանին և ուրիշներին:

Պահպանվել է այդ խուզարկության լճիռը, որտեղ կրկնվում են Թումանյանին տրված նախկին բոլոր մեղադրանքները՝ նոր խմբագրումներով և «հարստացած» քննիչ Լիժինի երեակայության նոր պը-

³⁸ ИГАОР ДП ОО, ф. 102, 1909, оп. 147, ед. хр. 1660, л. 190, նույն տեղում, оп. 147, ед. хр. 1660, л. 196, նաև՝ оп. 239, 1909, ед. хр. 14, л. 14:

տուղներով³⁹: Վճիռը և բանաստեղծի բնակարանում շորս ժամ տեւած խուզարկութեան եզրակացութիւնը ցույց են տալիս, որ ոստիկանութիւնը զենք է փնտրել և զաղտնի նամակագրութիւն, որովհետեւ, ըստ լրտեսական տվյալների, իբրեւ թէ Թումանյանն էր տնօրինում զենքի պահպանութեան գործը Թիֆլիսում և նրա տանն էր պահպանվում դաշնակցութեան զաղտնի գրագրութիւնը⁴⁰: Այդպիսիք չհայտնաբերելով, պահնորդական բաժին են տալով մի փոքր դանակ, երկու բանալի, բանաստեղծի ձեռագրերը, ստացած նամակները և այլ նյութեր 12 պարկով, որոնք հետո պաշտոնապես վերագարձվում են: Բանտարկութիւնը տեւում է մեկ օր:

Աւելորդ է ասել, թէ ինչ ծիծաղելի վիճակի մեջ պետք է բնկած լինէին իրենց սպասածին չհասած կիժինի գործակալները, բայց Թումանյանի համար ստեղծվում են նոր մտահոգութիւններ, որոնցից ամենանշանակալիցը երկու պարկ ձեռագրերի կորուստն էր: Այնուհետեւ, մեկ օրվա՝ հունվարի 19-ի, բանտարկութեան պատճառով լույս չի տեսնում «Հորիզոնի» հունվարի 20-ի համարը և ապա՝ (որը շատ ավելի զգալի եղավ) տարվա սկիզբն էր, անհրաժեշտ էր հնարավորին չափ շատ բաժանորդներ ունենալ օրաթերթի համար, այնինչ, ինչպես վկայում է ինքը՝ բանաստեղծը, այդ դեպքի պատճառով, նախորդ տարվա համեմատ, բավականաչափ պակասում է բաժանորդների թիւը⁴¹:

Հրապարակվել է բանաստեղծի դիմումը՝ դրված 1911 թ. հունվարի 28-ին, որով նա Թիֆլիսի ժանդարմական վարչութիւնից ետ է պահանջում կորած ձեռագրերը (ՈՒՀ 3, 350): Հայտնի է, որ դրանց մեջ են եղել «Հին կռիւլը» և «Հաղարան բլրբուլ» պոեմների որոշ հատվածներ, մի այլ պոեմ, որը սկսվում է «Ես վայր եմ իջնում հայոց լեռներից...» տողով, «Քաջ Նազարի» 1908 թ. մշակումը և այլ նյութեր, այն օրերին բոլորն անտիպ: Մի քանի տարի հետո Թումանյանը երկու անգամ օրաթերթերում ամսոսանքով հիշեցրել է իր կորուստը⁴², բայց անօգուտ. ձեռագրերի ճակատագիրն այդպես էլ մնացել է անհայտ:

Չնայած հետապնդումներին և հսկողութեանը, պահնորդական բաժինը չէր կարողանում մեղադրական գործի մեջ ավելացնել նոր հան-

39 ԹԹ, ՓԲ, № 123:

40 ԹԹ, ՓԲ, № 125, 127:

41 «Հորիզոն», 1911, № 13, ՈՒՀ. 1, 380, 381:

42 «Հորիզոն», 1915, № 243, «Հառաջ», 1919, № 11:

ցանշաններ: 1911 թ. սեպտեմբերի 6-ի մի փաստաթղթով պահանջողական ընդհանուր տեղեկություն է ստանում քաղաքային հասցեների վարչությունից, որ բանաստեղծը Մանգլիսից Թիֆլիս վերադարձել է օգոստոսի 29-ին⁴³, Սեպտեմբերի 8-ին Թիֆլիսի ժանդարմական վարչությունը դիմում է պահանջողական բաժնի պետին իմանալու՝ «Հորիզոնի» խմբագրություն, «Հերմես» տպարանի և Նիկոլաևյան նրբանցքի կաթնեղենի խանութի հսկողության արդյունքը: Այնուհետև հարցնում են՝ հաստատվե՞լ է, արդյոք, այն տեղեկությունը, թե Թումանյանը և ուրիշներ հավաքվում են տպարանի տնօրեն Բագրատ Հարությունյանի մոտ: Երեք օր հետո ստացված պատասխանը հերքում է հղած կասկածը՝ գաղտնի հանդիպումների մասին, չհաշված այն, որ Թումանյանը իսկուպես այցելում էր «Հորիզոնի» խմբագրատուն, ուր աշխատում էր նա⁴⁴,

Լուրերի մի մասը ունեն ինչ-ինչ հիմնավորումներ:

Այսպես, պահանջողական բաժնում գրանցված են Թումանյանի բնակարանում տեղի ունեցած 1911 թ. մայիսի 15-ի, Ավ. Ահարոնյանի տան՝ մայիսի 22-ի, «МОН ПЛЕЗНР» այգու՝ մայիսի 26-ի «գաղտնի ժողովները», որոնց մասնակիցների ցուցակներում նշված են մասամբ «Դաշնակցության գործով» մեղադրվածներ՝ ժամանակավորապես ազատկալանքից, ինչպես և Թումանյանի մտերիմները, այդ թվում՝ Ավ. Խաչակյանը, Ղ. Աղայանը, Դ. Դեմիրճյանը, բժ. Ար. Զարգարյանը, Դ. Խատիսյանը և ուրիշներ, բոլորը՝ հսկողության իրենց կեղծանուններով⁴⁵: Այդ տվյալները հիշեցնում են Աշխեն Թումանյանի վկայությունը, թե ինչպես Դ. Խատիսյանը՝ նրա ամուսինը, ձեռք էր բերել դատական գործի տպագրված Համառոտագրությունը և մանրամասնորեն ուսումնասիրում էր որպես Թումանյանի ապագա պաշտպան, այդ գործում ներգրավելով նաև մտերիմ մարդկանց, ինչպես և իրեն՝ Աշխեն Թումանյանին. «Կազմում էինք բոլոր մեղադրյալների քարտերը» (ԹԺՀ, 634): Շատ հավանական է, որ հետապնդված այդ «ժողովները» եղել են Խատիսյանի նախաձեռնությունը. անմիջականորեն շահագրգռված մարդիկ հավաքվել են գործին ծանոթանալու համար, իսկ «զգոն» լրտեսները՝ նոր թղթերի ու եզրակացությունների հոգ են նախապատրաստել:

⁴³ ԹԺ, ՓԲ, № 146:

⁴⁴ Նույն տեղում, № 143, 144:

⁴⁵ Նույն տեղում, № 158:

Այնուամենայնիվ, Թումանյանին մեղադրելու համար հանցանշանների բացակայությունը չի արգելում, որ, Պետերբուրգի կառավարական սենատի կարգադրությամբ, երաշխավորությամբ ազատված բանաւելծը 1911 թ. հոկտեմբերի 31-ին նորից ձերբակալվի և տեղափոխվի Պետերբուրգ:

Այսպիսով՝ առանձին կարեւորություն է ներկայացնում Հովհ. Թումանյանի և պաշտօնողական բաժնի փոխհարարերության, ինչպես և բանտարկության ու դատավարության պատմությունը: Ներկայացվող նյութերը, 1912 թ. Պետերբուրգից Թիֆլիս ուղարկած նամակների հետ, ուշադրաւ վկայություններ են այն մասին, որ բանտատեղծը հուսահատության, հոռետեսության կամ արածի նկատմամբ ամոսոսանքի որեէ զգացում չի ունեցել: Նույնիսկ դատավարության⁴⁶ օրերին, երբ տակավին պարզ չէր, թե ինչ վախճան էր ունենալու գործը, նա ունկընդիր էր միայն իր ներքին ձայնին. «Լինել մաքուր և արդար՝ էդ մեծ բան է: Դա տալիս է կայտառություն և ամեն, ամեն ինչ, և առողջություն» (V, 364):

Իհարկե Թումանյանի ցուցմունքների ու դատի ժամանակ իր՝ ՀՀ. դաշնակցության անդամ լինելը միտող փաստարկներով չի կարելի որոշել նրա՝ այդ կուսակցության մեջ լինել-չլինելու հարցը: Բացի ժանդարմական վարչության նյութերից, առաջմ միակ վկայությունը Արշակ Զամալյանի հուշն է այն մասին, որ Թումանյանը 1905 թ. ապրիլին Դաշնակցության կովկասյան առաջին շրջանային ժողովին մասնակցել է որպէս Թիֆլիսի կենտրոնական կոմիտեի անդամ⁴⁶: Սակայն նրան հետաքրքրողը միայն ինքնապաշտպանությունն էր, խաղաղությունը, որի սպիտակ գորշը հակասում էր ցարական բյուրոկրատիայի՝ ժողովուրդների համար հնարած շար խաղին (IV, 421):

Բանաստեղծը կարողացավ ապացուցել, որ ինքը միայն խաղաղության համար է գործել և Պետերբուրգի կառավարական սենատի հատուկ ատյանում 1912 թ. մարտի 20-ին անպարտ ճանաչվելով, ապրիլին վերադարձավ տուն:

46 «Լեւո», հանդես, Փարիզ, 1932, № 2:

II

ԹՈՒՄԱՆՅԱՆՐ ԵՎ ԷԶՄԻԱՄՆԻ ԳՈՐԾԻՉՆԵՐԸ

Առանձին հետաքրքրություն են ներկայացնում Թումանյանի կյանքի այն շրջանները, որոնք առնչվելով էջմիածնի հոգևոր գործիչների հետ՝ նոր ուղագրավ էջեր են բաց անում նրա կենսագրության մեջ, որոշ դեպքերում մատնանշելով Թումանյանի ստեղծագործության, հրապարակախոսության ու հասարակական գործունեության միջև գոյություն ունեցող սերտ կապը՝ սկսած 90-ական թթ. մինչև 1905—1906 թթ. և հետագա տարիները:

Անշուշտ, այստեղ հարկ չկա զնահատելու այն դերը, ինչ ունեցել է էջմիածինը դարեր շարունակ պետականություն չունեցող մեր ժողովրդի պատմական ճակատագրի համար ու հոգևոր մշակույթի զարգացման բնագավառում: Այդ դերը յուրովի գնահատում էին անցյալի բոլոր հայ առաջադեմ գործիչներն ու գրողները: էջմիածնի հոգևոր իշխանության դերը այդպես էր գնահատում նաև Թումանյանը, ուստի հասկանալի է այն բուռն հետաքրքրությունը, որ ցուցաբերել է նա իր ժամանակի կաթողիկոսական ընտրությունների նկատմամբ, կաթողիկոսների գործունեության և դեպի էջմիածնի միաբանությունն ընդհանրապես:

Հետևելով էջմիածնի միաբանների գիտաբանասիրական ու պատմագիտական աշխատանքներին՝ բանաստեղծը ծանրակշիռ խոսք է ասել մի շարք միաբանների մնայուն գործերի մասին: Նա լավ ծանոթ էր Գալուստ Տեր-Մկրտչյանի գիտական գործունեությանը և ըստ ամենայնի գնահատում էր այն, ուստի պատահական չէ, որ իր խմբագրությանմ հրատարակվող օրաթերթը՝ «Հորիզոնը», լուրջ և արժեքավոր հոդվածներով հարստացնելու համար նրան է դիմում. «Եվ ո՞րքան ցանկալի էր, որ մեր կյանքի, մեր աշխարհի, լեզվի, մեր գրականության վրա լիներ խոսքդ, մենք մեղանից միանգամայն անտեղյակ մի ժողովուրդ ենք» (V, 347):

Թումանյանը բարձր էր գնահատում Մխիթարյան միաբանության բազմաբեղուն գործունեությունը հայ մշակույթի հարստացման, եվրոպական դասականների հետ ծանոթացնելու բնագավառում: 1901 թ. այն օրերին, երբ նա կատարում էր իր հայտնի ճամփորդությունը Ավ. Իսահակյանի և Հովհ. Կոստանյանի հետ (ԹԺՀ, 13—15, 461—463), մասնակցել է Ալեքսանդրապոլի երիտասարդության կազմակերպած հանդիսավոր տոնակատարությանը՝ նվիրված Մխիթարյան միաբանության 200-ամյա հոբելյանին¹ և իր գրչակից ճամփորդ բնիկերների հետ հետևյալ ջերմ ու բովանդակալից հեռագիրն ուղարկել Ս. Ղազար.

1901, սեպտեմբերի 3,
Ալեքսանդրապոլ

Վերապատվելի հայրեր.

Հանապարհորդելով Շիրակի գավառում ու ման դալով նրա ավերակները, մենք անդադար հիշում էինք ձեր բազմավաստակ միաբանությունը, որ պանդխտության մեջ երկու հարյուր տարի շարունակ երգեց ու պատմեց մեր տխուր հայրենիքն ու նրա ավերակները, և տուա՝ ջինք մայրենի լեզվով մեղ ծանոթացրեց եվրոպական հանճարների հետ: Երախտագետ սրտով ողջունում ենք ձեր պանծալի հոբելյանը, համբուրում անմահ Մխիթարա և նրա մեծանուն հետևորդների շիրիմները:

Հովհ. Թումանյան
Հովհ. Կոստանյան
Ավետիք Իսահակյան²

¹ Այդ տոնակատարությանը մասնակցելու մասին հիշատակվում է բանաստեղծի կնոջը ուղղված սեպտեմբերի 4-ի նամակում (անտիպ է, ինքնագիրը տե՛ս ԳԱԹ, ԹՖ, ց 3 № 47): Ինքնագրում սխալմամբ գրված է օգոստոսի 4. ճշտվում է ճամփորդության տվյալներով. Թումանյանը Անիից Ալեքսանդրապոլ վերադարձել է սեպտեմբերի 1-ի լույս 2-ի դիշերը և նույն օրը՝ սեպտեմբերի 2-ի երեկոյան մասնակցել հոբելյանական հանդեսին, որտեղ զեկուցել է Պ. Մոճոռյանը, ներկայացվել է երկու վոդևիլ: Երեկոյթին մասնակցել են նաև դերասան Խաժակը, կոմպոզիտոր Նիկողայոս Տիգրանյանը (դաշնամուր) և ուրիշներ («Մշակ», 1901, № 198):

² Տե՛ս «Հիշատակարան երկհարյուրամյա հոբելյանի Մխիթարյան միաբանության ի վեներտիկ», Վենետիկ, Ս. Ղազար, 1901, էջ 144—145:

Գարեգին Հովսեփյանի «Մանրանկարչությունը հայոց մեջ» աշխատության մասին 1911 թ. գրած իր հոդվածում («Արևելքից արևմուտք»), անդրադառնալով ընդունված այն ճշմարտությանը, թե գրական-գիտական-բանասիրական գործունեության մեջ միաժամանակ իրար հակադրված լինելու և զուգակցված լինելու հարցը, Գ. Հովսեփյանը պնդում է, որ առաջնությունը այդ իմաստով, «էջմիածինը փերկելու և նոր միաբանները՝ իրենց գրական-գիտական գործերով և ժամանակի ընթացքում, ամենայն հավանականությամբ, խլելու և մխիթարյալներից առաջնության պատիվը այդ ասպարեզում» (VI, 193): Իր այդ կարծիքը հայտնելիս, հեղինակը, բացի նախորդ տարիներից հայտնի ուսումնասիրությունները, հենվում էր Գ. Հովսեփյանի վերջ հիշված աշխատության, Մեսրոպ Կալիստոսյան Տեր-Մովսիսյանի՝ էջմիածնի, Նրուսահեմի և այլ տեղերի ձեռագրաց ցուցակի, Տիրայր վարդապետի՝ Օբսֆորդի ու Մանչեստրի հայ ձեռագրերի ցուցակի և միջնադարյան տաղարանների ուսումնական խրատների, Սահակ վարդապետ Ամասունու «Բառ ու բանի» և Կոմիտասի բաղմարեղուն գործունեության վրա:

Թեև ժամանակի ու հանգամանքների բերումով Թումանյանի այդ հուշերը իր կենդանության օրոք չարդարացան, բաղմարեղ ծրագրեր մնացին թիրի ու անկատար, բայց այս դեպքում այդ չէ կարողորդ, այլ նրա վերաբերմունքը, տված գնահատականները և իրական հիմքեր ունեցող սպասելիքները: Գ. Հովսեփյանի գրական գործունեությունը արժեքավորող մի այլ վկայություն է հետևյալ փաստը:

Հայտնի է, թե ինչպիսի հարուստ ու բովանդակալից գործունեություն է ծավալում Հայ գրողների կուկասյան ընկերությունը Թումանյանի ղեկավարությամբ՝ պարբերաբար կազմակերպված գրական երեկույթներով: Մեծ է այդ երեկույթների, զեկուցումների, ասուլիսների դերը հայ և սօսար ժողովուրդների գրականության պրոպագանդման, ունենդիրներին հայ անցյալ ու ներկա գրականության և պատմահասարակական արդիական նշանակություն ունեցող խնդիրների հետ ծանոթացնելու առումով: Այդ տեսակետից ուշագրավ է Գ. Հովսեփյանի գիտական գործունեությունը արժեքավորող մի այլ անտիպ փաստ, որից երևում է, թե ինչքան բաղմակողմանի բնույթ էր ունենում Թումանյանը իր կազմակերպած գրական երեկույթներին: Պահպանվում են բանաստեղծի 1913 թվականի հուլիսի 14-ի նամակը Գ. Հովսեփյանին և վերջինիս օգոստոսի 4-ի պատասխանը, որոնցից պարզվում է, որ Թումանյանը դիմել էր հոգևորական բանասերին, խնդ-

րելով նրան՝ գրողների ընկերության և Երեկոյթներից մեկում զեկուցել հայ եկեղեցական նկարչության մասին: Գիտնականի բարեխղճությամբ և մեծ պատասխանատվությամբ մոտենալով գործին, Գ. Հովսեփյանը իր հիշյալ նամակում հանդամանորեն ներկայացնում է պահանջվող թեմայի պատրաստման դժվարությունները՝ կապված Անիի մեկնելու, նկարահանումներ անելու համար նյութական հարցերի հետ, միաժամանակ խոստանալով՝ հնարավորության սահմաններում կատարել բանաստեղծի խնդրանքը³, թեև, որքան մեղ հայտնի է, այն հնարավոր չի լինում ի կատար ածել (անտարակույս, խանդարիչը դրամական դժվարությունն էր):

1912 թ. Սահակ Ամատունու «Հին ու նոր պարսկանոն շարականներ» գիրքը ստանալու կապակցությամբ Թումանյանը ջերմորեն է ողջունում աշխատության տպագրությունը և առանց թաքցնելու իր վերաբերմունքը, հեղինակին գրում է. «Հիմա՞ծինը որքան կարևոր լինի ի՞ր վարչական նշանակությամբ, ավելի սիրելի է դառնալու, երբ գրական ու գիտական գործերը ճոխանան ու հաճախանան նրա պարիսպների մեջ: Եվ ինձ համար էդ տեսակի գործերն ու գործիչները միշտ մնալու են ավելի թանկ ու սիրելի, քան ամեն տեսակի պաշտոնյաներ» (V, 377):

1913 թ. լույս է տեսնում նույն գիտնականի «Հայոց բառ ու բան» աշխատությունը, որի գնահատականը բանաստեղծը, ինչպես տեսանք, տվել էր տակավին դիրքը լույս չտեսած «Առանց էդ տեսակ աշխատանքների անկարելի է ստեղծել մեր գրական լեզուն,— գրում է նա գրքի հետ ծանոթանալուց հետո:— Նոր կյանքի ու նոր ազդեցությունների պատճառով շատ արագ կերպով կորչում են էդ ամեն բառ ու բաները և ով նրանց փրկի կորուստից ու մահից, նրանց հետ միասին կանմահացնի իրեն» (V, 383):

Օգտվելով բանաստեղծի՝ իր նկատմամբ ունեցած վերաբերմունքից և առաջին գրքին տված գնահատականից, Սահակ Ամատունին խնդրել է նրան հիշյալ գրքի երկրորդ հրատարակության համար ուղարկել կոռու այն բառ ու բանից, որ չկան իր հրատարակության մեջ⁴: Բանաստեղծը, ծանոթացնելով Ամատունուն իր ծրագրերի հետ, խոստանում է գրողների ընկերության «Հայոց լեզվի խնդրին» նվիր-

3 Տե՛ս «Թումանյանը արվեստի մասին», Եր., 1969, էջ 185, ԳԱԲ, ԲՓ, ց 2, № 291:

4 ԳԱԲ, ԲՓ, № 496:

ված երեկուլթներից մեկում անդրադառնալ նաև «Բառ ու բանին», գաղափար, ինչպես շատ այլ ցանկություններ, այդ ևս բազմադարադ բանաստեղծը իրականացնել չի կարողացել, թեպետ Ամատունու աշխատության մասին արտահայտվել է Հ. Աճառյանի «Հայերեն գավառական բառարանի» մասին հրապարակած դրախտականում (IV, 402) և այնուհետև՝ հայոց լեզվի վարդապետան տարրեր փուլերի, լեզվաոճական զանազան հարցերի մասին թողած սեպիր ծրագրային նշումներում (VI, 168):

Ինչպես տեսանք, իր կյանքի հասուն տարիներին Թումանյանը միանգամայն դրական վերաբերմունք ուներ էջմիածնի մեղայուն արժեքներ ստեղծող գիտնական հոգևոր գործիչներին նկատմամբ:

Տակավի՛ն երիտասարդ, զրագրի պաշտոն ունենալով Թիֆլիսի առաջնորդարանի հոգևոր կոնսիստորիայում (1887—1892), Թումանյանը շփվել էր նախ անաշխատ ու սգևտ կղերականների հետ: Մեծ հեղինակություն ու համբավ ունեցող Թիֆլիսի հայոց թեմի առաջնորդ Արիստակիս հայրսկոպոս Սեդրակյանի հեռանալուց հետո առաջնորդարանի միջավայրի արագ փոփոխությունը ազդում է նոր կյանք մըտնող երիտասարդ բանաստեղծի աշխարհայացքի վրա: Սեդրակյանին փոխարինող Մամբրե հայրսկոպոսը իրեն անմիջապես շրջապատում է այնպիսի կրոնավորներով, որոնք շուտով հոգևոր հիմնարկությունը վեր են ածում անառականոցի, զգվանք ու ատելություն հարուցելով բանաստեղծի մեջ: Հայտնի են կոնսիստորիայի՝ իր հակառակորդների դեմ դրած «Միամիտներին», «Չարամիտներին», «Դարձյալ նրանց» և այլ բանաստեղծություններ, որոնք սկիզբ են դնում հոգևորականության հետ սուր հակադրության և լարված փոխհարաբերությունների ու պատճառ դառնում բանաստեղծի՝ աշխատանքից վտարելուն⁵:

Քաջատեղյակ հայ ժողովրդի պատմության՝ բանաստեղծն ուներ նաև կատարյալ հոգևորականի իր պատկերացումը: Ընկերոջ՝ Արսեն Ղլտճյանի, արեղա ձեռնադրվելու կապակցությամբ նրան շնորհավորելիս, Թումանյանը մաղթում էր առաջնորդվել պատանկություն տարիներին իրենց փայտյաձ «փայլուն իգիալներով» և դժվարությունների միջոցին: Հիշել այնպիսի հոգևոր գործիչների, ինչպիսիք են Ներսես Մեծը, Սահակ Պարթևը, Ղևոնդ Երեցը, Եղիշեն, Ներսես Աշտարակեցին (V, 75): Բանաստեղծի իղբալը, տվյալ դեպքում, այն հոգևոր գործիչներն են, որոնք հավատը ծառայիցնելով աղատագրական պայքարին,

⁵ Ծանրամասնությունները տե՛ս Ա. Խնկյաև, էջ 203—221:

առաջնորդել էին ժողովրդին՝ գոյատևման համար նրա մղած սրբա-
ղան մարտերում:

* * *

Թումանյանի մոտքը գրական-հասարակական ասպարիզ զուգադի-
պեց Արևմտյան Հայաստանում սկսված ազատագրական շարժումների
նոր զարթոնքին, որը խոր ազդեցություն էր թողել Թիֆլիսի հայ առա-
ջագետ երիտասարդության վրա: Հայկական հարցի դրական լուծման
հեռանկարով էր ապրում ժողովրդի փրկության հույսերով խանդավառ-
ված երիտասարդությունը:

1891 թ. մեռնում է Մակար կաթողիկոսը, և հրապարակ է գալիս նոր
հայրապետի ընտրության անհետաձգելի գործը՝ արևմտահայ ժողովրդի
համար կարևոր իրադարձությունների միջոցին:

Ընտրական պայքարի ամենաթեթ պահին՝ 1892-ի հունվարին, տպա-
դրվում է Թումանյանի՝ պահպանողականների դեմ գրված «Ազդ» վեր-
նագրով բանաստեղծությունը, որոշակիորեն երևան բերելով երիտա-
սարգ գրողի վերաբերմունքը և հստակ պատկերացումը այդ ճակատա-
գրական պահին ընտրվող նոր կաթողիկոսի դերի և նշանակության
մասին:

Բանաստեղծը կոչ էր անում քարկոծիկ նրանց, ովքեր անտեղյակ
լինելով «մարդկային կյանքի վսեմ խորհրդին», համարձակվում են
«քարեղել, հովվել այս ժողովրդին» (ՈՒՀ 2, 235): «Վսեմ խորհուրդը»
այդ օրերին զգալի չափով կապվում էր ժողովրդի արդար ձգտումների,
ազատության պայքարին նվիրված հոգևոր նոր առաջնորդի ընտրության
հարցի հետ:

Նույն թվականի փետրվարին Տիգրան Փիրումյանին ուղղած Թու-
մանյանի երկտողից որոշակի է, որ հասցեատիրոջ անվանակոչության
օրը շնորհավորելուց բացի, նա բարեկամին նվեր է ուղարկել պատկերը
«ազգի երջանկության առհավատչալի»․ այստեղ գրված չէ, թե ում
լուսանկարն է, բայց կասկածից վեր է, որ խոսքը վերաբերում է երիմ-
յան Հայրիկին՝ ժամանակի ամենաժողովրդական մարգուն: Այդ անունն
էր հղովմում բոլորի բերանում, նա էր պատճառը «մշակականների»
ու «նոր-գարական» պահպանողականների անզիջում, հետևողական
պայքարի, որին մասնակից էր նաև Թումանյանը:

Երկու կողմերի սուր տարաձայնությունները վերջանում են առա-
ջագիմականների հաղթանակով: 1892-ի մայիսին Մկրտիչ Խրիմյանը
հավասար ձայն է ստանում Մատթեոս Իզմիրլյանի հետ, բայց Ալեք-

սանդր III թագավորը, առաջնությունը տալով Խրիմյան Հայրիկին, 1893-ի հունիսին նրան հաստատում է ամենայն հայոց կաթողիկոս:

Հայոց հայրապետական գահին արժանացել էր ժողովրդի հույսն ու հավատը, Հայկական հարցի դրոշակակիրը մայր հայրենիքում և միջազգային դիվանագիտության առջև: Հաղթողները առաջնորդվում էին նոր «հովվապետի» կենսագրության փայլուն այլ դրվագներով ևս, հատկապես վարագա վանքի նրա բեղմնավոր գործերով: Այդ գործն արժեքավորել է նաև Թումանյանը 1910 թվականին գրած «վարագա հորեկյանը» հոդվածում՝ ընդգծելով հատկապես ուսումնարանի, տպարանի և ամսագրի («Արծիվի վասպուրական») դերը, համարելով այն «փրկարար գործի և գործունեության հիմքը», որի նպատակն էր վասպուրականի բարձրությունների վրա ջահ վառելով, լուսավորել շրջակողմը, անել ամեն բան, ինչ որ «ազգին միավայան, հայրենյաց շինության, եկեղեցյաց բարեգարգության և հայ մանկավույն լուսավորության կվերաբերին» (VI, 182—183):

Խրիմյան Հայրիկի մոտքը Թիֆլիս տեղի է ունենում 1893-ի օգոստոսի 29-ին, որից երկու օր հետո «Մուրճ» ամսագրի աշխատակիցները, ինչպես և բանաստեղծը, պատիվ են ունենում այցելելու կաթողիկոսին: Ընդունելությունը տևում է կես ժամ, որի ընթացքում նոր հայրապետին ծանոթացնում են ամսագրի բոլոր աշխատակիցներին⁶:

Այդ հանդիպման մասին բանաստեղծի որևէ հիշատակություն մեզ հայտնի չէ. Արասխանյանի և Թումանյանի նամակագրությունից տեղեկանում ենք միայն, որ կաթողիկոսի ընդունելության մասին «Մուրճում» տպագրելիք հաղորդումը նախապատրաստելիս բանաստեղծը ինչ-որ դիտողություն է արել, ուր խմբագիր Արասխանյանը, ճիշտ է, դժկամությամբ ընդունել է, սակայն երիտասարդ բանաստեղծի հանդրգնությունը դարձել է նրանց ապագա գծությունն պատճառներից մեկը (V, 100)⁷:

«Մշակականների» հաղթանակի ոգևորությունը սկսում է աստիճանաբար պաղել Խրիմյան Հայրիկի՝ էջմիածին ժամանելուց 2—3 ամիս հետո: Իրար կտելից լուրեր են հասնում Թիֆլիս կաթողիկոսի արած փոփոխությունների մասին, այն, որ պաշտոնանկ է արված ճեմարանի տեսուչ Արիստակես Սեդրակյանը՝ երիտասարդության սիրելին, ժամանակի ամենաառաջադեմ հոգևորականներից մեկը, ազատված է

⁶ «Մուրճ», 1893, № 7—8, էջ 1291:

⁷ Տե՛ս նաև ԳԱԹ, Թֆ, ց 2, № 262:

«Արարատի» խմբագիր Գալուստ Տեր-Մկրտչյանը, երգի ուսուցիչ և խմբավար Կարա-Մուրզան:

Թումանյանը անմիջապես չի ենթարկվում ընդհանուր հիասթափությանը, ընդհակառակը, 1893 թ. վերջերին բանաստեղծությունների առաջին երկու ժողովածուներն ուղարկում է կաթողիկոսին, Դ. Աղայանին գրելով հետևյալը. «Բանաստեղծություններս» շուտով կուղարկեմ Հայրիկին ընծա, որ կարդա սիրտը ցնծա, որ կներկայացնեք առաջեք՝ էս հալա ոչինչ, կեսը դգեւլամանունն ա գեռ...» (V, 79): Վերջին խոսքերով բանաստեղծը նկատի ունի այդ օրերին տպագրության ընթացքի մեջ գտնվող «Դաշնակներ» խորագրով բանաստեղծությունների գրքույկը:

1893 թ. նոյեմբերին «Մշակը» կաթողիկոսի պաշտոնական փոփոխությունների, հատկապես «նոր-դարական» Գեորգ եպիսկոպոս Սուրենյանին թեմի առաջնորդ նշանակելու առիթով ղուսադ դժկամությամբ գրում է. «Մնում է ի սրտե ցանկանալ, որ վեհափառի վստահության արժանացած անձինք կարողանան իրագործել իրանց վրա դրված հույսերը»⁸:

Տեղին է հիշել, որ հիշատակված վստահվածներից մեկը Սողոմոն սարկավազն էր՝ ապագա Կեմիտաս վարդապետը, որ նշանակվել էր բավական մեծ հեղինակության ու համբավի տեր Կարա-Մուրզային փոխարինող երգեցողության ուսուցիչ: Ի՞նչ իմանային այդ փոփոխումից դժգոհողները, որ դրանով ամենայն հայոց Հայրիկը ի վնաս մի արժանավոր՝ ճանապարհ էր հարթում ամենայն հայոց ապագա երգահանի համար:

Թումանյանի՝ Ղլտճյանից ստացած 1894 թ. նամակներից մեկում շարադրված են կաթողիկոսից ունեցած դժգոհության առաջել լուրջ պատճառներ ևս, որոնցից ամենահիմնավորը Պոլսի տիպարահալ Սշրգյան պատրիարքի ազգադավ գործունեության դեմ խրիմյան Հայրիկի՝ արմատական միջոցների դիմելու ձգձգումն էր, իսկ այնուհետև՝ արևմտահայերի արտագաղթը կանխելու, գաղթականներին կաղմակերպված օգնություն ցույց տալու, սովի, աղքատության դեմ պայքարելու նրա անկարողությունը, դպրոցների վատ վիճակը և էջմիածնում տիրող շատ անկարգություններ (գողություն, կաշառակերություն և այլն)⁹:

⁸ «Մշակ», 1893, № 10:

⁹ ԳԱԹ, Թֆ, № 816:

Թե ինչ ազդեցություն են թողնում այս տեղեկությունները բանաստեղծի վրա, երևում են 1894 թ. ապրիլին գրած հետևյալ խոսքերից. «էջմիածնից հկած լուրերը մեկը մյուսին գերադանցում են» (V, 92):

Մինչ այդ, բանաստեղծի հիասթափությանը նպաստել էր նաև Արսեն Ղլտճյանին՝ էջմիածնի միաբանությունից հանիրավի Երնջակի վանքը տեղափոխելը՝ դարձյալ սլահայանողական հոսանքի դրդամամբ: Անարդար այդ որոշումը բավական արձագանք է գտել մամուլում, ուստի, տեղյակ ամեն մանրամասնության, Թումանյանը վրդովված գրում է. «...Բոլորը մարդու հուսահատեցնում դայրացնում են: Շուտով կունենանք մեծ ժողով այդ մասին մտածելու» (V, 86):

Խնչ ժողովի մասին է խոսքը կամ թե՛ կայացե՛լ է արդյոք այն, հայտնի չէ, բայց դա տվյալ դեպքում երկրորդական է: Ավելի ուշագրավ են բանաստեղծի հետևյալ տողերը, որ նա գրում է Ղլտճյանին նույն նամակում. «Գրում ես, թե ոտանալորը կորցնեմ, ինչո՞ւ կորցնեմ. այն կմնա իբրև հիշատակ մեր առաջին զգացումների, իսկ նորը յուր կարգին, նորը քեզ կուղարկեմ. այսպես է սկսվում»:

Եթե այդպես է, մենք կխորտակենք.

Այն պատվանդանը, որ մենք կառուցինք ... և այլն:

Այս երկու տողի շարունակությունը չկա, հնարավոր է, որ չի էլ գրվել: Անհայտ է նաև նույն նամակում հիշատակված «էջմիածնի ամբարի միկեբին» ոտանալորի ճակատագիրը, որ նա խոստանում է տպագրել «Տարաղում»: Վերնագիրը արդեն հուշում է անտիպ մնալու պատճառը:

Բայց ի՞նչ ոտանալոր էր բանաստեղծը հրաժարվում ոչնչացնել, կամենալով թողնել այն որպես «հիշատակ իրենց ունեցած առաջին ըզգացումների»:

Անվտանգ թումանյանագետ Արամ Ինճիկյանը, հենվելով նամակի բովանդակության վրա, հավանական է համարել, որ այստեղ խոսքը վերաբերում է «Հայ ուխտավորին» բանաստեղծությանը, և հղել է առաջին գիտական հրատարակության I հատորը (էջ 108—109)¹⁰, թեպետ այդտեղ, ինչպես և ծանոթագրությունների մեջ նշված չէ, թե բանաստեղծությունը, որ տպագրվել է կրճատ, նվիրված է Խրիմյան Հայրիկին (I, 633):

¹⁰ Ա. Ինճիկյան, էջ 499:

«Հայ ուխտավորին» բանաստեղծության ամբողջական բնագիրը տպագրվել է միայն խրիմյան Հայրիկի մահվան կապակցությամբ՝ 1907 թ. նոյեմբերի 2-ին Թիֆլիսում հրատարակվող «Նոր Ալիք» օրաթերթում, հիշվեալի հետևյալ ծանոթագրությամբ. «Գրված է 1893 թվականին Հայրիկի ընտրության առիթով՝ Թիֆլիսի երիտասարդության խնջույքին: Ժամանակի ցնեղության պայմանների պատճառով առաջին անգամ է տպվում ամբողջ»¹¹:

Հայ արձակն ու պոեզիան հարուստ են Արարսի, Հրազդանի, Եփրատի, Մասսի ու Սրագածի, Սիփան սարի ու Գեղամա լեռների, Վանա լճակի ու Սևանի սքանչելի նկարագրություներով: Բայց այդ բոլորի թվում Թումանյանի «Հայ ուխտավորին» բանաստեղծության լրիվ տարբերակն աչքի է ընկնում ոչ միայն ինքնատիպ ոճով, դուռագեղ, անպաճույճ պատկերներով ու բնության քառանյառական զգացողությամբ, այլև հայրենասիրական բարձր շնչով, ազդային ոգով և գաղափարական խոր հագեցվածությամբ: Հեղինակի մտահղացման աղբյուրը և գաղափարական ելակետը հայրենի բաղնաջարշար ժողովրդի դալավոր իղձն է՝ ազատագրությունը բռնակալությունից ու երջանիկ ապագայի նկատմամբ նրա ունեցած անխորտակելի հույսը:

Բանաստեղծությունը և՛ առաջին (1898, «Տարազ»), և՛ երկրորդ (1907, «Նոր Ալիք»), հրատարակության մեջ բաղկացած է չորս հատվածից. միայն չորրորդն է որոշակիորեն վերաբերում հայոց կաթողիկոսին՝ խրիմյան Հայրիկին, որն ամբողջ բանաստեղծության մեջ դառնում է հայ ժողովրդի ազատության իրականացման գեղարվեստական խորհրդանիշ: Այդպես էր մտածում 90-ական թթ. սկզբի «մշակական» երիտասարդությունը: Շուտով, ինչպես կտեսնենք, Թումանյանը նույնպես ունեցավ հրասթափության պահեր, իսկ հետագայում, հարցին մոտենալով փորձված, շրջահայաց ու բանիմաց, իր ժողովրդի կյանքով ապրող ազդային գրող-գործչի հայացքով, խրիմյան Հայրիկի գնահատությանը նա վերաբերվել է այլ տեսանկյունից:

Այժմ քնենք «Հայ ուխտավորին» բանաստեղծության այն տողերը, որոնք հանվել են «Տարազում» տպագրելիս, 1898 թվականին, երբ Կովկասի և, հատկապես, հայ մտավորականության ուսերին ապառաժի ծանրությունը նստած էր գլխիցինյան ուսակցիան:

¹¹ «Նոր ալիք» 1907, № 2: Բանաստեղծության մասին այլ տեղեկություններ տե՛ս ՈՒՀ 4, 77 և Հովհաննես Թումանյան, Երկերի ժողովածու տաս հատորով հատ. I, էջ 452—455, 583—585:

Դիմելով հայ ուխտավորին, որ «կարոտով ու սիրառաս» ուխտ է գալիս «դեպ Այրարատ», հեղինակը թվարկում է հայրենիքի հրաշալիքները, որոնք պետք է տեսնի ու վայելի նա. առաջինը Սևանն է՝ ներկայացված վշտոտ ու տխուր.

Որ լեռների շուրքի հնա
հաղ է անում, խայտում վետ-վետ.
Փայլելում է ծրփանքներով,
Հորինում է լուսերի ծով ...

Այսպես է վերջանում մեջբերումը «Տարազի» տարբերակում, այնինչ ամբողջական բնագրում կա ևս մի քառատող, որով Սևանը ներկայանում է հուզված՝ հայրենիքի դարավոր ողբերգական անցյալի տրտուր հուշերով, մտահոգ՝ ժամանակի իր ցանկությունների ու պահանջների կատարման հնարավորություններ, ժողովրդի ապագա ճակատագրով: Ահա այդ քառատողը.

Եվ մերթ վշտով ու տխրությամբ
Սևանում է, ինչպես մոխր ամպ...
Ո՞վ իմանա՝ ի՞նչն է հուզում,
Ի՞նչ է հիշում, ի՞նչ է ուզում...¹²

Բանաստեղծության երկրորդ հատվածում հեղինակը նկարագրել է հայոց «սարերի արքային»՝ Մասիսը, որ դարեր շարունակ՝

Պերճ դազաթովն իր ձյունափառ
Շողշողում է, փայլատակում
Եվ ուխտավոր հայի հոգում
Հայրառության ծնում թունդեր
Եվ սիրելի երազ՝ թե դեռ
էն հրկնահաս Մասյաց կատար,
Ուր հին տապանն առավ դադար ...

Եվ այս տողերին «Տարազի» բնագրում հաջորդում է մի քառատող, որը միանգամից կոտրելով հեղինակի խոսքի թափը, փոխում է բանաստեղծության տրամաբանական ընթացքը, ավարտում մտահղացումը Թումանյանին ոչ բնորոշ բռնազրոսիկ տողերով.

¹² Նույն տեղում: Ուշադրություն դարձնել վերջին երկու տողի երկարացման նշանների վրա, որոնք նույնպես ընդգծում են ենթարնադիրը: Այս քառատողի վերջին երկու տողը չկա նաև 1908 թ. Բաբվի հրատարակության մեջ (էջ 31). հավանաբար, այդ կերպատմը արված է հրատարակիչների ձեռքով:

Այս էլ հիշիր աղոթքիդ մեջ
կարոտ հոգով հայրենատենչ
նվ լավ դիտե դու սրտադող
Հայոց անվան այն վեհ կոթող¹³:

Այնինչ, այս շորս տողի փոխարեն, երկրորդ հրատարակության մեջ երկու տողով արտացոլված է հայ ժողովրդի դարավոր երազանքը: Հեղինակը լիահույս է, պայծառատես. այնտեղ, ուր մի ժամանակ ավանդական Նոյան տապանն էր՝

Դադար կառնեն փառերն մեր հին,
Որ նորափայլ իջնեն կրքին...¹⁴

Կարծում ենք՝ պարզ է. նախորդը որքան ավելորդ է, ճապաղ, այնքան վերջինը տրամաբանական է, նպատակային, իր մեջ բովանդակում է ժամանակի երիտասարդության ներշնչանքի աղբյուրը՝ սատար լինել հայրենի ժողովրդի ազգային ինքնագիտակցության բարձրացմանը և ցույց տալ այն ճանապարհը, որով «հին փառքերը» պետք է «նորափայլ իջնեն» Մասսի գագաթին, բերելով իրենց հետ դարեր առաջ կորցրած ազատությունը:

Անտարակույս, բանաստեղծության այդ տողերի փոփոխությունը հեղինակը կատարել է «Տարազի» խմբագրի կամ հետադիմական ուժերի, գրաքննչության ստիպմամբ, հնարավոր է՝ փութկոտ և շտապ, թերևս՝ տպարանում, պարզապես հանված տողերը լրացնելու և բանաստեղծությունը անպայման տպագրելու համար:

«Հայ ուխտավորին» բանաստեղծության՝ «Տարազի» և «Նոր ալիքի» բնագրերի հաջորդ տարբերությունը երրորդ հատվածում է, ուր պատկերված է էջմիածինը իր վանքով, որ դարեր շարունակ Սահակ Պարթևի, Ներսիս Մեծի ու շատ ուրիշների «հուժկու ձայներով» խոսել է հայ մարդու հոգու հետ, մաղթելով նրան խաղաղ կյանք, ծավալել լուսավորություն:

էնտեղ լցված անեղ հոգով
Աստվածային իր տեսիլքով
«էջ Միածինը ի Հորն»,
Որ Հայաստան լուսավորի:
Ու լույսն առան ծավալեցի
Լուսավորին ու սեզ Տրդատ ...

¹³ «Տարազ», 1898, № 4, էջ 58:

¹⁴ «Նոր ալիք», 1907, № 2:

«Տարագրում» այս վեցնյակից հետո պակասում է հետևյալ երկու տողը, կրկին աղհատելով այդ հատվածի ամբողջական էությունը: Հեղինակի նպատակն էր ցույց տալ, որ այդ օրերին էլ էջմիածնում թևածում էին Գրիգոր Լուսավորչի ու Տրդատ Բագավորի սկզբնավորած լուսավորական դադարի արմատի ավանդները:

Որ տակավին էստեղ կեցած,
Կը սավառնեն հողիացած:

1898-ին հրապարակված բնագրում աղավաղված են նաև շորշորդ հատվածի՝ խրիմյան Հայրիկին վերաբերող տողերը, որոնք անմիջականորեն կապվում են կաթողիկոսի կյանքի և՛ անցած ուղու հետ, և՛ նրանից ունեցած սպասելիքներին: Պատկերելով էջմիածնում Լուսավորչի շիրմին Լիբանանի կաղնու նման ամուր կանգնած «հսկայատիպ» արծվահայաց վահանատին, հեղինակը հատկապես շեշտել է դեպի «Հայոց կողմերը ու շատ հեռուն» սևեռած նրա հայացքը և կրկնել:

Կողմերն Հայոց ու շատ հեռուն
Դիտե ցրված իր ձագերուն ...

Այստեղ դրաքննիչը, անշուշտ, ուշադրություն է դարձրել տողերի տակ թաքնված՝ հայ ժողովրդին միավորելու ցանկության վրա, որից շատ էին խորշում ցարական պաշտոնյաները՝ սկսած Լուբանով-Ռոստովսկուց մինչև Գուլիգին, Ստոլիպին, Պուրիշկին և ուրիշներ, ուստի և հանվել են նաև այդ տողերը:

Ահա այն հիմնական տարբերությունները, որոնք առկա են «Հայ ուխտավորին» բանաստեղծության առաջին երկու հրատարակություններում: Ինչ վերաբերում է 1908 թ. հրատարակված բանաստեղծությանն, ապա ժողովածուին և «Հայ գրողներ» քրեստոմատիայի առաջին հատորին (1909), որոնց մեջ նույնպես տեղ է գտել քննության առարկա բանաստեղծությունը, երկու գրքից էլ դուրս է մնացել խրիմյան Հայրիկին վերաբերող ամբողջ հատվածը՝ հեղինակի ցանկությանմբ. այն մի ձոն էր կենդանի կաթողիկոսին, իսկ նրա մահից հետո արդեն պատմության սևփականությունն էր¹⁵:

* * *

Խրիմյան Հայրիկի կաթողիկոս դառնալուց մի քանի ամիս անց «մշակականների» համար ստեղծվում է ղեգոհության նոր առիթ:

¹⁵ Նույն տեղում:

Հայ մտավորականության մեջ մեծ աղմուկ առաջացրեց էջմիածնի «Արարատ» ամսագրում հրապարակված Արշեն երեց կեղծ ստորագրությամբ «Գյուղական քահանայի բողոքը» հոդվածը: Մասյալ հեղինակը, քննադատելով տգետ քահանաներին և նրանց ձեռնադրող բարձրաստիճան հոգևորականությանը, մեղադրում էր հետամնաց ժողովրդին, որը, չկարողանալով զուտել գիտունին անգետից, մեծ մասամբ ինքն է խնդրում անուս, աղքատիմաց մի տիրացուի վարձնել քահանա¹⁶:

Պահպանողական մամուլը նախ շտապեց Արշեն երեցի խոսքը համարել «պատվական», «խորիմաստ» քարոզ, ժողովրդի կարիքների «ներժամիտ ըմբռնողություն», այնինչ «Մշակում» Արիստակես եպիսկոպոս Սեդրակյանը «Ո՞վ հավատաց» հոդվածով սուր քննադատության ենթարկեց «Արարատի» հոդվածագրին և քահանա ձեռնադրող բարձրաստիճան հոգևորականությանը, միաժամանակ իր պաշտպանության տակ առնելով գյուղական ժողովրդին¹⁷: Այդ առթիվ «նոր-դարական» մտավորականները նախ քողարկված, ապա բացարձակ հայտարարեցին, թե Արշեն երեցը խրիմյան Հայրիկն է, կարծես հաղթանակած, որ «մշակական» հոգևորականը հակառակվում է իր ընտրած կաթողիկոսին¹⁸:

Այս վեճի կողքով Թումանյանն անտարբեր անցնել չէր կարող: Նամակներից մեկում, դիմելով Ղլաճյանին, նա գրում է. «Արիստակեսի հոդվածի զալմաղալը կարդում ես երեխ» (V, 93): Այս հակիրճ խոսքերով բանաստեղծը ցույց էր տալիս ժողովրդի դատար պաշտպանող հոգևորականի հետ իր համաձայնությունը:

¹⁶ «Արարատ», 1894, № 3:

¹⁷ «Արձագանք», 1894, № 41, 42, «Մշակ», 1894, № 41, «Մուրճ», 1894, № 3. այստեղ Ա. Արատյանյանը, ավելի ընդարձակելով քննարկվող հարցը, գնում էր «կուսակրոն հոգևորականության խնդիր ընդհանուր առմամբ» (էջ 449):

¹⁸ «Արձագանք», 1894, № 41—44, «Նոր դար» № 62—64: «Մշակը» ապրիլի 21-ի «Տգեղ վարմունք» վերնագրով առաջնորդողում քննադատում է կեղծանունը հրապարակելու պահպանողական մամուլի արարքը. «...բանի որ ինքը՝ հեղինակը (եթե բնորոշ են, որ Արշեն երեցը կաթողիկոսն է) թաքնվում է կեղծ անվան տակ, բանի որ նա իր հոդվածի մեջ ոչ թե հրամաններ է տալիս, այլ երևույթներ է ուղղում պարզել, անկասկած նա հենց ինքը դրանով ուղղում է, որ իր հոդվածը և իր մտքերը անարգել կերպով ենթարկվեն քննության, պարզաբանության, և, եթե հարկ լինի՝ նույնիսկ խիստ հարձակումների» (№ 44):

1894 թ. Թումանյանը վրդովվեց խրիմյան Հայրիկի վրա պահպանողականների ունեցած մի այլ ազդեցությունից ևս, որը ճակատագրական եղավ նրա մտերիմ բարեկամի՝ Ղ. Աղայանի համար: 1893-ի աշնանը, նոր կաթողիկոսի օծվելուց հետո, Աղայանը, որ վարում էր էջմիածնի տպարանի և ձուլարանի կառավարչի պաշտոնը, նշանակվում է էջմիածնի դպրոցական խորհրդի անդամ և ճեմարանի ավագ դաստիարակ: Երբ լույս է տեսնում վերջինիս հուշագրությունը՝ «Իմ կյանքի գլխավոր դեպքերը», որտեղ սուր քննադատության էր ենթարկված Գեորգ IV կաթողիկոսը, պահպանողական հոսանքը «Նոր դարի» և «Արձագանքի» միջոցով սկսում են հալածել Աղայանին, ընդգծելով հակապես այն հանգամանքը, թե էջմիածնի ճեմարանում իրավունք չունի աշխատելու մի մանկավարժ, որը անվանարկում է այդ հաստատության հիմնադրին՝ Գեորգ IV-ին¹⁹:

Ղ. Աղայանը «Մշակի» էջերում տպագրված իր թղթակցություններում ասելու պահանջում էր պահպանողականներից: Բայց կաթողիկոսը, որքան էլ մտերիմ Աղայանին, այս անգամ էլ տեղի է տալիս պահպանողական հոսանքի ազդեցությանը, նրան ի վերջո աղատում է պաշտոնից, առաջացնելով «մշակականների» և, հատկապես, Թումանյանի դժգոհությունն ու հիասթափությունը:

Աղայանը գործուն այն «մշակականներից» էր, որ ջանք շինայեց խրիմյան Հայրիկին կաթողիկոսական գահին բարձրացնելու համար, բնդհուպ մինչև Երուսաղեմ մեկնելը՝ քսոսրական խրիմյանին առաջարկելու, որ ընդունի հայրապետական աթոռը²⁰: Ուստի կաթողիկոսի վերաբերմանը Աղայանի նկատմամբ ընկալվեց որպես «ղավաճանություն»:

Մնալով անգործ, Աղայանն ընկնում է ծանր կացության մեջ, իսկ նրա կրտսեր բարեկամի համար ստեղծվում է սրտացավ մտահոգություն: 1895 թ. գարնանը, ի պաշտպանություն Աղայանի, Թումանյանը հանձնում է մի հոդված «Մշակում» տպագրելու համար, սակայն մերժում է ստանում. «...Հոգեվածս հավանեցին, իսկ միտքը՝ ոչ—ժամանակն առարկելով»,— գրել է նա (V, 103): Ըստ երևույթին, թերթի խմբագրությունը վաղաժամ է համարել հոդվածով հանդես գալ ի պաշտպանություն Աղայանի, որը նշանակում էր սուր հակադրության

¹⁹ «Նոր դար», 1893, № 203, «Արձագանք», 1893, № 150. տե՛ս նաև «Մշակ», 1893, № 23:

²⁰ Տե՛ս Ղ. Աղայան, Երկերի ժողովածու, հատ. IV, 1963, Եր., էջ 311—315, 615:

մեջ մտնել էջմիածնի հոգևոր իշխանության հետ (հոգևածը չի պահպանվել): Դրա փոխարեն մարտի 30-ին օրաթերթը հրապարակում է մի լուր Աղայանի անդործ ու անօգնական լինելու մասին, մի կողմից՝ նկարագրելով «շնորհալի գրողի» և «բեղմնավոր դպրոցական գործչի» վիճակը, հասարակության ուշադրությունն է հրավիրում նրա վրա, մյուս կողմից՝ այնուամենայնիվ ակնարկում է, որ ի վերջո, դժբախտության պատճառը էջմիածնի պահպանողականության հալածանքն է: «Քաղաքակրթվող աղգի անուն ենք վայելում, բայց մեր գրողները ծանրաբեռնված ընտանիքով, առանց միջոցների, առանց ապահովության ողբում են իրանց դառն օրերը...», — հայտարարում է թերթը²¹: Այս տողերը գրված են, ամենայն հավանականությամբ, Թումանյանի հիշյալ կորած հոգևածի ազդեցությամբ և տպավորությամբ:

Բանաստեղծի սկսած գործը շարունակում է Շիրվանզադեն, տպագրելով «Ամոթ է վերջապես» հոգևածը, որով նա պարտագրում է հայ հասարակությանը՝ մտահոգվելու Աղայանի ճակատագրով²²: Լինում են նաև այլ արձագանքներ, բայց անհետևանք. իսկ մինչ այս, մինչ այն՝ վրա է հասնում Աղայանի բանտարկությունը (1895-ի սեպտեմբերին), որը և գործին տալիս է բոլորովին այլ ընթացք...

* * *

1895 թ. հայկական կոտորածներից հետո, որպես «Հանգանակող և գործադրող կոմիտեի» անդամ, Թումանյանը հանձնարարություն է ըստանում ստեղծելու դադիականությանն օգնող գավառական տեղական կոմիտեներ: Այդ նպատակով նա կատարում է մի ճամփորդություն, որը տևում է ամբիի քան մեկ ամիս:

Ճամփորդության վերջին կայանը էջմիածինն էր²³: Այս բանաստեղծի առաջին այցելությունն էր հայոց հոգևոր և մշակութային կենտրոն, ուստի ամեն ինչ նրա համար նորություն էր ու հետաքրքիր:

«Միաբանությունը վատ տպավորություն թողեց, բայց մի քանի ընտրյալներից, — գրում է բանաստեղծը տեսածի թարմ ազդեցության

21 «Մշակ», 1895, № 37:

22 «Տարազ», 1895, № 12, էջ 178, նաև՝ Ալ. Շիրվանզադե, Երկերի ժողովածու: հատ. X, Եր., 1962, էջ 157:

23 Մանրամասնությունները տե՛ս Ա. Ինճիկյան, էջ 370—373:

տակ: Բարոյական և մտավոր կողմը ողորմելի է, իսկ տնտեսականը՝ տանող-տանողի» (V, 113):

Մեծ բավականություն է ստանում նա Հռիփսիմեի վանքից ու թանգարանից, բայց ամենուրեք, և՛ թանգարանում, և՛ ճեմարանում ու վեհարանում, նրա ուշադրությունը գրավում է անճաշակությունն ու խեղճությունը:

Էջմիածնում բանաստեղծը երկու անգամ այցելում է խրիմյան Հայրիկին՝ 1895-ի նոյեմբերի 30-ին և դեկտեմբերի 1-ին, և երկար զրուցում նրա հետ: Ըստ երևույթին, տեսակցությունները գործնական բերույթ կրելով, օգտակար են եղել Թումանյանի ճամփորդության նպատակն իրագործելու առումով, որովհետև, հիշատակելով կաթողիկոսի հետ ունեցած երկար զրույցը, բանաստեղծը Ս. Հովվյանին գրում է. «Բայց դու հասկացող մարդ ես, բանը խո երկարությունը չի...» (V, 114):

1895 թ. այս հանդիպումները հիմք են դնում բանաստեղծի և կաթողիկոսի սերտ բարեկամության, որը տևում է մինչև վերջինիս մահը:

Գրեթե ամեն անգամ, երբ կաթողիկոսը ժամանում էր Թիֆլիս, առաջնորդարանում մեծ սիրով հյուրընկալում էր Թումանյանին, հետաքրքրվում նրա բանաստեղծություններով, միաժամանակ կարդում էր իր գրած երկարաշունչ կրոնաբարոյախոսական ոտանավորները, որոնց մասին բանաստեղծը հետագայում ներողամտորեն պատմել է սրամիտ, ծիծաղաշարժ պատմություններ (ԹժՀ, 177—179):

Գրելով ոտանավորներ, ամենայն հայոց կաթողիկոսը սիրում էր բանաստեղծությունը և բանաստեղծներին: Տեղին է հիշատակել Ավ. Իսահակյանի հանդիպումը խրիմյան Հայրիկի հետ Էջմիածնում, 1901 թ. սեպտեմբերին, որից մնացել են բանաստեղծ-կաթողիկոսի հետևյալ ուշադրավ խոսքերը. «Է՛հ դուն ալ բարով ես եկել. ես քեզ կճանչնամ, կարդացիւր եմ քու գրվածքներեն քանի մը բան:— Ասել է հայրապետը Իսահակյանին:— Ես Կովկասին մեջ երեք բանաստեղծ գիտեմ. մեկը մեր ուսուցիչ Հովհ. Հովհաննիսյանն է, մեկն ալ Թիֆլիս Հովհ. Թումանյանն է. անոնց անձամբ կճանչնամ ու շա՛տ կսիրեմ: Ըշտե մեկն ալ դուն ես—քեզ ալ հիմա տեսա. դուն անոնցմե երիտասարդ ես, այդ է պատճառը, որ միշտ ամպ ու աղբյուր, վարդ ու աղջիկ կերգես...»²⁴:

²⁴ խրիմյան Հայրիկի մասին հուշը գրված է վերջինիս մահվան առիթով և առաջին անգամ տպագրվել է՝ «Նոր ալիք», 1907, № 3: Նույնը որոշ փոփոխումներով տե՛ս Ավ. Իսահակյան, Նրկեր, հ. IV, Եր., 1959, էջ 19:

Իր նկատմամբ կաթողիկոսի բարեհաճությունը Թումանյանն օգտագործել է դարձյալ Աղայանին ծանր վիճակից հանելու համար, երբ վերջինս էջմիածնից վտարվելուց, 1895 թ. բանտարկվելուց հետո, անհլանելի կացութունից հասել էր ծայրաստիճան հուսահատության:

1898 թ. կաթողիկոսին Թումանյանը հանդիպում է երկու անգամ՝ փեարվարին ու դեկտեմբերին: Առաջին այցելության միջոցին նրանք մեկ և կես ժամ զրուցում են գրականության ու գրողների մասին:

Ինչպես վկայում է բանաստեղծը, հրիմյանը մտահոգված էր հրողների նյութական վիճակով. «...Գրականությունը դադարել է, խեղճ դրողներ ինչպես գրեն, չգիտեն՝ ասլուստի մասին մտածեն, թե գրվածքին մասին»,— ասել է կաթողիկոսը ու խոստացել «այդ մասին հոգալ» (V, 135): Օգտվելով առիթից, Թումանյանը, նկարագրել է Աղայանի ծանր կացությունը: Բայց կաթողիկոսը, ցավակցելով հանդերձ, որևէ գործնական խոստում չի արել, թեպետ տակավին 1894 թ. երբ նոր էր Աղայանը թողել էջմիածինը, խոստացել էր տարեկան հարյուր ոսկու թոշակ:

Թումանյանը իր միջնորդությունը կրկնում է նաև նույն տարվա երկրորդ այցելության ժամանակ, այս անգամ արդեն՝ ստանալով հրիմյանի խոստումը, որը և առիթ է ստեղծում գրելու 1898 թ. դեկտեմբերի 27-ի (ժամանակը որոշվում է ըստ բացիկի փոստային կնիքի) հալտնի կատակ-նամակը չափածո՝ Ասլան բալայից-Ասլան Ապորը²⁵:

25 Թումանյանն ու Աղայանը կատակով իրար այդպես էին կոչում ըստ վերջինիս պատմած մի հին զրույցի (տե՛ս Մուշեղ Աղայան, Ղաղարոս Աղայանը և Հովհաննես Թումանյանը, ԹԺՀ, էջ 541—542): Ինչ վերաբերում է չափածո նամակ-կատակին, ինքնագրից ակնհայտ է, որ նամակը վեց տող է, վերջին տողը՝ «Քո կարոտյալ Ասլան-Բալա» փոխարինում է նամակագրի ստորագրությանը, իսկ յեթերորդ, ութերորդ տողերը, գրված մանրատառ՝

Մինչև գրեն հրամանը,

Ինչպես ասաց հրիմյանը,—

ծանոթագրությունն են հինգերորդ տողի երեք օր էլ բառերի, որոնք ընդգծված են և ունեն ծանոթագրության նշան՝ գրված տողի սկզբում (ԳԱԹ, Աղայանի ֆոնդ, № 333ա):

Երեք օր բառերն ընդգծելով և ապա ծանոթագրելով, Թումանյանը հուսադրել է Աղայանին, որ տարին վերջանում է և, ըստ կաթողիկոսի խոստման, պետք է լուծվի թոշակավորման հարցը:

Անհրաժեշտ է ավելացնել նաև, որ կաթողիկոսի հրամանը, Աղայանին թոշակ նշանակելու մասին, բավական ձգձգվում է (տե՛ս Աղայանի՝ 1900 թ. դեկտ. 7-ի նամակը. ԳԱԹ, ԹՖ, № 478), բայց, այնուամենայնիվ, նշանակվում է ամսական 25 ոսկու քմահ:

Թումանյանի և Խրիմյան Հայրիկի մի այլ հանդիպում տեղի է ունեցել 1900 թ. հուլիսին, վերջինիս ճամփորդության միջոցին, Դսեղում: Բանաստեղծը լուսանկարել է կաթողիկոսին, ապա, վերջինիս խնդրանքով, ուղարկել նրան²⁶:

Այդ օրերին բանաստեղծի աչքից չի վրիպել տեղական ժողովրդի անտարբերությունը կաթողիկոսի նկատմամբ: «Պեսոք է ասեմ, որ սաստիկ անշուք անցավ Հայրիկը,— գրել է Թումանյանը,— և ժողովուրդը՝ գլուղացին, զրեթե ոեղից չշարժվեց: Որքան ցայլալի էր այս երևվույթը, արանից ավելի ռիսուր սպավորություն էր անում Վեհի՝ իրան սվիտան ըստ սմեհանի» (V, 169):

Այս խոսքերով Թումանյանը ընդգծել է երկու հանգամանք. մեկը լոռու գլուղացիության անտարբերությունն էր իր հողում ճամփորդող հայրապետի նկատմամբ, մյուսը՝ ժողովրդի այդ պառ ընդունելության և կաթողիկոսի շքախմբի հակադրությունը:

Տարիների մտերմությունը Խրիմյան Հայրիկի հետ չի փոխեց բանաստեղծի քննադատական վերաբերմունքը էջմիածնի, նրա միաբանության մեծ մասի նկատմամբ:

1904 թ. մայիսին էջմիածին կատարած երկրորդ այցելությունն ավելի վատ ապավիրությունե թողեց բանաստեղծի վրա, քան առաջինը՝ 1895-ին, ուստի պատահական չէ, որ Վ. Խանդամիրյանին գրած նամակի թվագրության կողքին գրելով Ս. էջմիածին, հասցեատիրոջը առաջարկում է Ս. էջմիածինը կարդալ ոչ թե Սուրբ, այլ սոսկալի էջմիածին (V, 267):

Անշուշտ և՛ այս խոսքերը, և՛ քննադատական տողերը միաբանների տգիտության, գողության, անճաշակության (V, 113), ինչպես և գլուղացիության՝ կաթողիկոսի նկատմամբ ցուցաբերած անտարբերության մասին, ինչ-որ չափով վերաբերում էին նաև Խրիմյան Հայրիկի՝

Ուրիշի հոգսերի նկատմամբ միշտ ուշադիր կաթողիկոսը չէր կարող աչքաթող անել Աղայանի անելանելի վիճակը: Այս հարցում, հավանաբար, վատ դեր է խաղացել էջմիածնի սինոդը: Աղայանի մահից մի քանի ամիս անց թոշակը ստանում էին ժառանգները, իսկ այնուհետև դադարեցվում է Սինոդի որոշմամբ, առաջացնելով մտավորականության զայրույթը («Հորիզոն», 1912, № 55):

²⁶ Խ.Պողոկոսյան Դսեղում եղել է 1900 թ. հուլիսի 13-ին, Ճամփորդության նպատակն էր ծանոթանալ Մարցի վանքապատկան հոգերի տնօրինությանը («Մշակ», 1900, № 134):

Կաթողիկոսի նկարը (բանաստեղծի եղբոր՝ Ռոստոմի ձիու վրա նստած) պահպանվում է Թումանյանի թանգարանում (№ 385/65):

որպես հոգևոր գահակալի թուլությանն ու անկարողությանը: Դրանք շարունակությունն էին այն հիասթափության, որ ունեցավ հայ առաջադեմ մտավորականությունն ընդհանրապես՝ խրեմյան Հայրիկին կաթողիկոս դարձնելուց երկու-երեք ամիս հետո:

Եվ, չնայած այդ հանգամանքին, Թումանյանը հմայված էր խրիմյանի անձնավորությամբ, նրա հերոսական անցյալով և ժողովրդակա-նությամբ. վկա՝ «Կաղնի» բանաստեղծությունը՝ գրված 1896-ի սեպտեմբերին՝ էջմիածնում կաթողիկոսի հետ ունեցած առաջին հանդիպու-մից ամիսներ անց.

Նորա շուքի տակ, նրանից շատ ցած
հընվել էին իրար փաթաթված
Աննշան խոտեր, թիփեր ու ծառեր:
Նրանք նայելով մեծ կաղնին ի վեր,
Ցրտից խըշշալով, հոգմից դողալով,
Կամ թե ամպրոպին արձագանք տալով
Թերվում էին՝ իրար ականջում դժգոհ շըշնջում,—
«Սա որ վերև է քարձրացել այսքան,
Ոչ ոքոտ գիտի, ոչ քամի, ոչ բան...» (Ուշ 1, 305):

Ինչպես բանաստեղծության վերնագրից էլ ականհայտ է, հեղի-նակը դնահատում էր խրիմյան Հայրիկի հատկապես տոկունությունը, նրա կամրի ուժը (ի դեպ՝ այդ պատկերը, որպես ուժի, ամրության, անխորտակելի կամրի արտահայտություն, բանաստեղծը օգտագործել էր նաև «Հալ ուխտավորին» բանաստեղծության IV հատվածում. «Հըս-կայատիպ կանգնած ամուր, ինչպես կաղնին լիբանանի»):

1907 թ. կաթողիկոսի մահվան առիթով բանաստեղծը գրեց պատ-մըվածքներ, մի անգամ ևս հանդես բերելով իր՝ դեպի կաթողիկոսն ունեցած վերաբերմունքի երկվությունը: Դրանցից մեկը 1895 թ. հան-դիպման հուշերի անմոռաց տպավորությամբ գրված «Երկու հայր» ստեղծագործությունն է (տպագրվեց «Նոր Ալիք» օրաթերթում, կաթո-ղիկոսի թաղման օրը՝ 1907-ի նոյեմբերի 6-ին, № 5), որը արվեստի ուժով և խորությամբ վավերացրեց Մկրտիչ խրիմյանի «ամենայն հա-յոց Հայրիկ» կոչումը (VI, 51)²⁷:

²⁷ Հեղինակն իր պատմվածքը սկսում է «1896-ի կոտորածի ձմեռն էր» խոսքերով, որպես ականատես. այստեղ չփոխված են ամիսները: Նրանց հանդիպումը, ինչպես աս-վեց վերևում, տեղի է ունեցել 1895-ի նոյեմբերի 30-ին և դեկտեմբերի 1-ին (V, 113):

Մի քիչ այլ է «Խրիմյան Հայրիկի օրերից մինը» պատմվածքը՝ գրված Թիֆլիսի առաջնորդարանում՝ գրողի և կաթողիկոսի բազմաթիվ հանդիպումների հուշերի ազդեցությամբ։ Պատկերելով կաթողիկոսի անսահման մաքրեկանությունն ու ժողովրդականությունը, հեղինակը միաժամանակ հաստատում է Խրիմյան Հայրիկի մասին տարածված այն կարծիքը, թե նա իր բարությունը, դիմացյինին օգնելու պատաստակամությամբ, վատնում էր էջմիածնի ունեցվածքը անհաշիվ անկաղմակերպ։ Այդ գրեթե նույն էր, ինչ Թումանյանը գրել էր 1895 թ. էջմիածնի տնտեսական վիճակի մասին՝ թե «տանող տանողի է» (V, 113)։ Թեև, այդ է պատճառը, որ պատմվածքը գրելով կաթողիկոսի մահվան օրերին, հեղինակը շտպագրեց, համարելով այն ոչ պատշաճ, միաժամանակ համոզված, որ, ի վերջո, ժողովուրդը սիրում էր Խրիմյան Հայրիկին, և այդ սերը պայմանավորված էր նրա հոգևոր բարձրագույն կոշտմով, այլ կապվում էր հայության ազատագրական պայքարի պատմության մեջ նրա ունեցած դերի հետ²⁸։

1910 թ. Մատթեոս Իզմիրլյան կաթողիկոսի մահվան առիթով հրապարակած հոդվածներում փրկասփայլական ու գործնական մոտեցում ցուցաբերելով երկու հայրապետների մարդկային հատկանիշների, հասարակական գործունեության և պաշտոնավարության գնահատությանը, Թումանյանն ընդգծում էր լայն ժողովրդականություն վայելող այդ երկու անձնավորությունների մեծությունը, թեև կաթողիկոս եղած ժամանակ նրանք անկարող էին մեր ժողովրդի կյանքում մեծ գործեր կատարել։ «Մարդիկ կան,— գրում է նա,— որոնց միմիայն սոսկ գոյությունը, ներկայությունն ավելի շատ գործ է տեսնում, քան թե հազարավորների գործը։ Այդպիսի դեմքեր էին վերջերս հայոց ժողովրդի մեջ Խրիմյանն ու Իզմիրլյանը։ Խրիմյանը իր անձի հոյակապ մեծությամբ, Իզմիրլյանն իր արտասովոր աղնվությունը» (VI, 192)։

Սրանք ականալոր մարդկանց մասին արված լրագրային սովորական հայտարարություններ չեն։ Եթե Իզմիրլյանին տված գնահա-

²⁸ «Խրիմյան Հայրիկի օրերից մինը» պատմվածքը առաջին անգամ տպագրվել է Թումանյանի երկերի զիտական հրատարակության III հատորում (1949, էջ 394)։ Ըստ երևույթին, դիրքը լույս ընծայելուց հետո ինչ-ինչ պատճառներով պատմվածքը հանվել է, բայց, չնայած դրան, դրբերի օրոշ օրինակներում այն պահպանվել է առանց ծանոթագրության (որը պետք է լիներ էջ 526-ում) և ցանկում նշվելու (տե՛ս Թումանյանի Թանգարանում պահպանվող օրինակը)։ Այնուհետև պատմվածքը տպագրվել է՝ ՈւՆ 2, 322։

գրում, «սոցիալ-դեմոկրատիայի կարմիր դրոշի տակ»: Կոչն ավարտվում է հետևյալ տողերով.

«Կեցցե՛ ազգերի նղրայությունը,

Կեցցե՛ հալալ աշխատանքը,

Կեցցե՛ հերոս լանվոր մարդը» (VI, 410):

Ճշգրիտ թվագրություն ունեցող Թումանյանի՝ «Արշալույսում» տրւպագրված «Նամակ խմբագրությանը» նախ ճշտու՞ է «Ղարիբ եղբայրներ» կոչի մեջ հիշատակված գեպքերի հաստատ օրը՝ նոյեմբերի 27, որոշում կոչի թվագրությունը՝ Դսեղի միտինգից հետո՝ նոյեմբերի 28—29-ը: Այնուհետև, որ շատ կարևոր է, հաստատ տեղեկություն է տալիս, թե ո՞ւմ է ուղղված կոչը, ովքեր են այդ «Ղարիբ եղբայրները», «մեր թանկագին ղոնախները», ինչպես գրում է Թումանյանը:

1906 թ. հունվարի 9-ի բաց նամակի մեջ ընթերցողին ներկայանում է ասելով ու հպարտ մեծ մարդը, օբյեկտիվորեն դատող ազգային գործիչը: Մի կողմից՝ Թումանյանը սրտի ցավով, եթի կարելի է ասել, ամոթի խոր զգացումով է նկարագրում տեղի ուննցածը (այդ հատկապես շեշտված է կոչի մեջ), ամիսսում, որ հայերը ավելորդ արյուն են թափել, բայց, միաժամանակ, բացատրելով հանգամանքները, ցույց է տալիս, թե լցվել է համբերության բաժակը, և դա առանձին գեպքերում նրանց կարող է մղել նման քայլերի:

* * *

1906 թվականի հունվարի վերջերին, շնորհիվ Թումանյանի ջանքերի, հատկապես Լոռու շրջանում ապահովվում է անվտանգությունը: Գործին մեծապես նպաստում է Բորշալուի այդ օրերի գաղառապետ, բանաստեղծի նամակներից մեզ հայտնի Ռեզանովը: Վերջինս նույնիսկ հաջողիցնում է ձերբակալել մի քանի կողոպտիչ-ջարդարարների և ուղարկել նրանց Թիֆլիս՝ Մետեխի բանտ:

«Արշալույսի» թղթակից, շուրավերցի Գր. Բալասանյանը հետաքրքրոտաձև հաղորդումներով Թիֆլիսի ընթերցողներին տեղյակ էր պահում՝ գաղառում կատարվող գեպքերին:

Տեսնելով, բո մոտենում է դարունը, և կոտորածների պատճառով ահաբեկված ու ցրված ազգաբնակչությունը հնարավորություն չի ունենալու հողի մշակումը սկսելու, Կովկասի կառավարչությունը թեպետ ուշացած, բայց ստիպում է բնակչությանը վերադառնալ և տեր կանգ-

նել հողերին, սպառնալով, որ եթե դանդաղեն, կարող են զրհվել հողերից:

Ինչպես պարզվում է մամուլի տվյալներից, գնդապետ Լևիցկու կարգադրությամբ արգելվում է ղենք կրելը, սկսվում է վնասների, կորած գույքերի և անասունների ձեռքից գրանցում ու գնահատում¹⁴: Նույն Գր. Բալասանյանի՝ Շուլավերից փետրվարի 2-ին գրած թղթակցությունից իմանում ենք, որ թուրքերը այժմ արդեն իրենք են ձգտում հաշտության, որովհետև մոտենում էր գարունը, պետք է սկսվեր ափանդական բռնը, հայերը կարող էին յայլաների ճանապարհները փակել, իսկ այդ ճակատագրական կլիներ թուրքերի համար նույնպես:

Բոլորի համար պարզ էր, որ եթե նույն թափով կոտորածները շարունակվեին, սովը անխուսափելի էր:

Գր. Բալասանյանի փետրվարի 4-ին գրած թղթակցության մեջ հաղորդվում է, թե լուրեր են պտտվում հայերի՝ Քորփուլ գյուղի վրա կատարած հարձակման մասին. տեղ հասած կազակները և լամբալուին ու Սադախլուին օգնության գնացած թուրքերը հայտնում են, որ լուրերը սուտ են: Նույն թղթակցությունից իմանում ենք, որ այդ օրերին «Հովհաննես Թումանյանին տեսել են այն կողմերով Ղազախ գնալիս լոռեցի հայերի հետ սպիտակ դրոշակներով՝ հաշտություն քառողիս համար»¹⁵:

Պետք է ասել՝ մամուլը խիստ ժլատ է Թումանյանի այդ օրերի դործունեության վերաբերյալ: Միայն «Արշալույս» է հայտնում բանաստեղծի, լոռեցի հայերի ու նրանց պարզած սպիտակ դրոշի մասին, որի վերաբերյալ, ինչպես բանաստեղծի նամակներում, այնպես էլ ժամանակակիցների հուշերում կան վկայություններ, առանց, սակայն, ճշգրիտ օրերի հիշատակության: Այսպիսով, Գր. Բալասանյանի փետրվարի 4-ի թղթակցությունը պարզում է մի որոշակի թվագրություն ևս՝ բանաստեղծի՝ Ղազախում կատարած խաղաղության բանակցության մասին:

Հայ-թուրքական հարաբերություններին վերաբերող «Արշալույսի» նյութերում ուշադրություն է դրվում փետրվարի 18-ին տպագրված «Լոռեցիների կողմ»․ այն կրում է համախոսականի բնույթ, ուստի և անստորագիր է: Բերում ենք կողք ամբողջությամբ, ապացույցելու համար, որ այն գրված է Թումանյանի ձեռքով, և նա է անձամբ ուղար-

¹⁴ «Արշալույս», 1906, № 25, 26:

¹⁵ Նույն տեղում, № 28, 30:

յանալու համար: Հայտնվում է նաև, որ փետրվարի 9-ին, երեկոյան, ընտրված երկու հոգին արդեն մեկնել են¹:

Արդ, ովքե՞ր են էջմիածին մեկնող այդ երկու հոգին, որոնք կաթողիկոսին պետք է ուղեկցեին Բաքու:

Պահպանվում է Թումանյանի՝ մարտի 9 թվագրությամբ մի նամակ՝ ուղղված արտասահմանում գտնվող ընկերոջը՝ բժիշկ Ա. Զարգարյանին. այն տպագրված է 1906 թ. նամակաների շարքում, մինչդեռ շատ որոշակի է, որ նամակը գրված է կոտորածներից թիչ անց՝ 1905-ի մարտի 9-ին: Այստեղ բանաստեղծը գրում է. «Բաքվի կոտորածի օրերը, հենց այն սարսափի թարմ ժամանակ Թիֆլիսում՝ ժողովարանում, մի ժողով արին, ինձ ու բժ. Մուրադյանին պատգամավոր ղրկեցին էջմիածին կաթողիկոսին խնդրելու, որ գա: Խեղճ ծերունուն գտանք անկողնում պառկած»: Բաքվի ղեպքերը կաթողիկոսին ներկայացրել է բանաստեղծը: Լսելով ցնցող լուրերը, հիմաևս չաղաղակում է. «— Բավակա՛ն էր... բավակա՛ն էր... բավակա՛ն էր... Այդ աղաղակը ես չեմ մոռանում,— գրում է բանաստեղծը:— Այդ կարծես մեր ամբողջ ազգի, տանջված, ջարդված, հոգնած, ուժասպառ եղած ազգի աղաղակը լինի...» (V, 295): Ինչպես տեսնում ենք, «Մշակի» հաղորդման և Թումանյանի նամակի մեջ խոսքը նույն ղեպքերին է վերաբերում: «Մշակը» շատ լավ տեղյակ էր, որ էջմիածին մեկնող երկու հոգուց մեկը Թումանյանն է, բայց գիտավորությամբ նրա անունը չէր հայտնել 1905-ի փետրվարի 11-ի լուրերի մեջ, մի անգամ ևս ցուցարհեղիվ իր չկամուկյունը բանաստեղծի նկատմամբ:

Այստեղ միայն մի հանգամանք կարող է շփոթության մեջ դրել «Մշակը» հայտնում էր, որ պատգամավորները կաթողիկոսին պետք է ուղեկցեն Բաքու, իսկ Թումանյանը իր նամակում գրում է, որ դնացի են «խնդրելու, որ գա <Թիֆլիս>»: Տարակուսանքը փարատում են «Մշակի» հաջորդ օրերի հաղորդումները, որոնցից հայտնի է դառնում, թե պատգամավորները էջմիածին հասնում են փետրվարի 10-ին և ստանում կաթողիկոսի՝ Բաքու մեկնելու համաձայնությունը²: Բայց փետրվարի 11-ին Թիֆլիսի առաջնորդարանում Գարեգին կալսկոպոս Սաթունյանցի նախագահությամբ տեղի ունեցած մի այլ ժողովում որոշվում է նոր հեռագրով խնդրել կաթողիկոսին՝ Թիֆլիսի կայարանը

1 «Մշակ», 1905, № 20:

2 Նույն տեղում, № 22:

հասնելով՝ շարունակել ճանապարհը դեպի Բաքու, այլ մնալ մասնակցելու նախօրոք կազմակերպված փետրվարի 13-ի հաշտության ու խաղաղության ժողովողական ցույցին³։ Կաթողիկոսը կրկին համաձայնում է։ Ցույցը տեղի է ունենում առաջնորդարանի բակում, տեում է երկու օր. 13-ին մասնակցում են հայերն ու թուրքերը, 14-ին՝ հայերն ու վրացիները։

Ե՛վ առաջին, և՛ երկրորդ ցույցին կաթողիկոսն իր ելույթն սկսում ու ավարտում է աղոթք-մրմունջով, այդ լուսթյամբ անմոռանալի տըպավորութուն թողնելով ներկաների վրա⁴։

Այնուհետև Խրիմյան Հայրիկի ժերունական հիվանդությունը սրվում է՝ արգելելով նրան ճանապարհը շարունակել դեպի Բաքու. բնականաբար չի իրականանում նաև բանաստեղծի՝ Բաքու մեկնելու մտադրությունը։ Լսով ճանաչելով բանաստեղծին, դժվար չէ կռահել, որ նրա ճամփորդությունը չէր սահմանափակվի լուկ ուղեկցի իրավունքներով, այլ կնշանավորվեր հանուն խաղաղության արված մի կարևոր գործով։

Հայտնի է Թումանյանի՝ 1908 թ. բանտարկության փաստը և մեղադրանքը։

1909 թ. հունվարի 4-ին Մետեխի բանտում տված գրավոր ցուցմունքի մեջ բանաստեղծը մանրամասնորեն ներկայացրել է 1905—1906 թթ. իր գործունեության խաղաղասիրական նպատակը հաստատող մի քանի փաստեր, որոնց մեջ ուշադրություն է գրավում հատկապես Խրիմյան Հայրիկին ուղղած նրա մի հեռագիրը։ Նույնը արվում է մարտի 20-ին՝ Թիֆլիսի նահանգապետին ներկայացրած խնդրագրում (ՈՒՀ 3, 336, 348)։ Հեռագիրը երրորդ անգամ հիշատակվում է 1912 թ. Թումանյանի՝ Պետերբուրգից դատերը՝ Նլադդին ուղղած նամակի մեջ. բանաստեղծը պահանջել է «Թիֆլիսի լրագրերից մեկի այն համարը», որտեղ տպագրված է 1905 թ. վերջերին Ղարախաչի թուրքերի հարձակման առթիվ կաթողիկոսին տրված հեռագիրը և իր արդարությունը հաստատող այլ նյութեր։ Հայտնի է, որ շատ փաստաթղթեր, այլևայլ ձեռագիր վավերագրերի հետ բնակարանի խուզարկության ժամանակ բռնագրավվելով, տարվել են ժանդարմական վարչություն և հետագայում օգտագործվել որպես մեղադրանքի իրեղեն ապացույցներ (V, 360)։

³ Նույն տեղում, «Մուրճ», 1905, № 2—3, էջ 182։

⁴ Վ. Ահարոնյան. Հովհաննես Թումանյան. Մարդը և բանաստեղծը, Բոստոն, 1936, էջ 92—93։

Ուստի բնական է, որ պահանջվող իրեղեն ապացույցի գտնելը ունի իր զգալարությունները:

Հայտնի է, որ (ՈԻՀ 3, 352), կաթողիկոսին ուղղած հիշյալ հեռագիրը լույս է տեսել Թիֆլիսի «Արշալույս» օրաթերթում:

Համլիկ Թումանյանը, ի պատասխան Պետերբուրգից արված հոր պահանջի, 1912 թ. փետրվարի 13-ի նամակում որոշակի գրել է, թե հեռագիրը փնտրել է «Մշակ», «ТИФЛИССКИЙ ЛИСТОК» թերթերում և չի գտել. «եթե շատ է կարևոր,— գրում է նա,— կարպտենք և ուրիշ տեղեր»⁵:

Ինչպես պատմում է իր հուշերում վահան Թումանյանը՝ բանաստեղծի հղբայրը, կաթողիկոսին ուղարկած մի հեռագիր և հղբոր մասին այլ վկայություններ նա շատ մեծ զգալարությամբ ստացել է Ալեքսանդրապոլի Северский կոչվող գնդի հրամանատար Գոնչարովից, որը թիպետ հայտնի էր իր հայատալանությամբ, բայց Թումանյանի նկատմամբ ցուցաբերելով մեծ հարգանք, օգնել է նրան, ինչով կարողացել է (ԹԺՀ, 244—245): Բայց հուշը միշտ ենթակա է գրավոր փաստերով ճշտելու անհրաժեշտության: Այդ մասին Թումանյանի նամակներում և արխիվային նյութներում այլ փաստացի տեղեկություններ չկան, ուստի հեռագիրը պետք էր փնտրել 1905-ի վերջերին և 1906 թ. սկզբներին Թիֆլիսում հրատարակվող հայտնի պարբերականներում («Մշակ», «Նոր դար», Տարազ», «Մուրճ», «Արարատ», «Լուսա», «ТИФЛИССКИЙ ЛИСТОК», «Новое обозрение», «Кавказ», «Возрождение» և այլն), բայց որոնումներն անցան անօգուտ:

Պահպանվում է Թումանյանի մի անտիպ նամակը՝ գրված Նիկոլ Աղբալյանին 1905 թ. ամռանը, որտեղ հայտնելով, թե Գ. Մելիք-Ղարաբաղյանը պատրաստվում է հրատարակելու «Բանբեր Կովկասի» անունով թերթ, հրատարակչի խնդրանքով առաջարկում է ընկերոջը՝ ստանձնել նոր թերթի խմբագրի տեղակալի կամ պատասխանատու քարտուղարի պաշտոնը:

Ըստ մամուլի տվյալների և Թումանյանի մասին գրած անտիպ հուշերի, Գ. Մելիք-Ղարաբաղյանին սկզբում պաշտոնապես թույլատրվել է «Բանբեր Կովկասի» անունով օրաթերթի հրատարակությունը⁶,

⁵ Տե՛ս ԹԹ, ՓԲ, № 2822:

⁶ «Մշակ», 1905, № 46:

խակ հետո խնդրատունն ստիպել են պարբերականի տնունը փոխել «Արշալույս», որը և սկսում է լույս տեսնել 1905 թ. օգոստոսի 28-ից, որպես «գրական-հասարակական քաղաքական-տնտեսական օրաթերթ», ունենալով այնպիսի աշխատակիցներ, ինչպիսիք են Թումանյանը, Իսահակյանը, Շանթը, Փափաղյանը, Շիրվանզադեն, Համադասյ Համբարձումյանը, Հակոբ Մանանդյանը և ուրիշներ: Մի կարճ միջոց Մանանդյանը եղել է նաև հիշատակված օրաթերթի ժամանակավոր խմբագիրը: 1906 թ. ապրիլից թերթը պաշտոնապես արգելվել է Թիֆլիսի նահանգապետի կարգադրությամբ՝ պատերազմական դրուժյան ընթացքում «սոցիալիստների թուլցիկ հրատարակելու» մեղադրանքով⁷:

Ահա այս օրաթերթում է լույս տեսել Թումանյանի՝ մեզ հետաքրքրող հեռագիրը հրիմյան Հայրիկ կաթողիկոսին: Ընդամենը վեց ամիս հրատարակված թերթի տնունը մոռացել էին և՛ բանաստեղծը, և՛ որդին: Բնականաբար, Թումանյանը նշել էր հեռագրի մոտավոր ժամանակը. այն տրվել է ոչ թե 1905 թ. վերջերին, այլ նոյեմբերի 29-ին և տպագրվել է «Արշալույսի» դեկտեմբերի 1-ի համարում (№ 66):

Ինչպիսի՞ պայմաններում է հաղորդվել հեռագիրը:

Հայտնի է, որ մտավորականության և հոգևորականության ջանքերը 1905 թ. փետրվարին՝ շուտափույթ վերջ տալու կոտորածը, ի դերե եղան. ընդհարումներ սկսվեցին նաև գավառներում և հասան մինչև Թիֆլիս ու շրջակայքը: Մեծ վտանդ էին սպառնում Բուրջալուի թուրքերը: Թիֆլիսում նոյեմբերի 22-ին խուճապ է սկսվում. փակվում են խանութները, դպրոցները, լույս չեն տեսնում թերթերը (24-ից 27-ը):

Այդ օրերի մասին է բանաստեղծը գրել. «Նրեխեքս հավաքեցի, դնացի Լոուի: Շատ լավ գիտեի, որ խառնակություններ են պատահելու, գիտեի, որ մեր գավառում անիշխանություն և ամեն անկարգություն կարող է լինել և ես շատ պետք կգամ, բայց պատահածն իմ սպասածից էլ ավելի եղավ» (V, 298):

Նմ բանաստեղծը ի մի է բերում ձեռքի տակ հղած ուժը և հանուն խաղաղության առաջնորդո՞ւմ հայրենակիցներին՝ դեպի ինքնապաշտպանություն:

Փաստեր կան, որ տեղական պահնորդները, որոնք իբրև թե պետք է օգնեին անվեն հայերին վայրենի հարձակումներից, փոխարեն ջարդարարների վրա կրակելու, կրակում էին օդում⁸: Նոյեմբերի 27-ին,

⁷ «Նոր դար», 1906, № 62:

⁸ «Մշակ», 1905, № 241:

երբ տեղի է ունենում Ղաղախի վրա կատարված հարձակումը, գալա-
ռապետ Առնոլդը մեծ դժվարություններով կարողանում է օգնել հայ
խաղաղ ու անօգնական բնակչությանը: Բայց, ինչպես հաղորդում են
Թիֆլիսի ռուսերեն և հայերեն օրաթերթերը, կոտորածների ամենաթեթ-
ևիջոցին խաղաղության համար ջանքեր չխնայող գալառապետը շու-
տով կանչվում է Թիֆլիս և վտարվում պաշտոնից⁹:

Այսպիսի դեպքեր էին կատարվում կոռու և Բորչալուի շրջակայ-
քում, երբ Քուլագերան կայարանից նույնքերի 29-ին տրվում է մեղ
հետաքրքրող հետևյալ հեռագիրը կաթողիկոսին, որն այդ օրերին գտնե-
րվում էր Թիֆլիսում.

«Խնդրում եմ հաղորդել վեհափառ կաթողիկոսին, թե կոռվա շրջա-
նում հայտնվել է թուրքերի մի ահագին խումբ, որ կողոպտում է, սպա-
նում: Ժողովուրդը աղաչում է անմիջական օգնություն խնդրել:

Հովհաննես Թումանյան»¹⁰:

Ինչպես վկայում է բանաստեղծը Մետեխի բանտի դրամոր ցուց-
մունքներում, հեռագիրը տեղ հասնելով, ծառայել է նպատակին (ՈԻՀ
3, 336, 348): Շուտով ստացվում է սպասված օգնությունը և Քուլագե-
րանում բանաստեղծն ինքն անձամբ է դիմավորում Ալեքսանդրապոլից
ուղարկված գորքը:

Վահան Թումանյանը իր հուշերում նշում է նաև մոտավոր օրը՝
1905 թ. դեկտեմբերի 5-ին կամ 6-ին (ԹԺՀ, 244):

Այս է իրիմյան Հայրիկին ուղարկված հեռագրի պատմությունը:

Անցնենք մի այլ հետաքրքրական նոր տվյալի, որը դարձյալ
առնչվում է նույն դեպքերին:

1905 թ. դեկտեմբերի 9-ին «Արշալույսը» Թիֆլիսում հրատարակ-
վող «Возрождение» օրաթերթից արտատպում է տեղի ֆրանսիական
հյուպատոսի քարտուղար էբերի հայտնած լուրն այն մասին, թե ինչ-
պես, այցելելով Ալավերդու պղնձահանքը, նա վերադարձել է հայերի
համար աննպաստ լուրերով: Նույնքերի 27-ին, պատմել է էբերը, հա-
յերը իբրև թե հարձակվել են Ալավերդու գործարանում աշխատող 16
պարսկահայատակ անմեղ թուրքերի վրա, տեղնուտեղը սպանել են
դրանցից երկուսին, մյուսներին էլ տանելով անտառ, ոչնչացրել, որից
հետո գործարանը դադարել է աշխատելուց: Այնուհետև, — հաղորդում

9 նույն տեղում, «Новое обозрение», 1905, № 248:

10 «Արշալույս», 1905, № 66:

է Բերքը, — Շահալի, Կամիլիուտ, Խաչիգյուղ, Դսեղ և այլ գյուղերի հայ բնակիչները, լսելով այդ դեպքը, սատտիկ հուզվեցին իրենց հավատակիցների արածների դեմ, հավաքվեցին միտինգի Դսեղում և վճռեցին որոշել հանցավորներին ու վերադարձնել խլած զենքերը»։ Հայտնում է նաև, որ Դսեղի միտինգի ժամանակ առաջացած սուր տարածայնությունների պատճառով սպանվել է ստարշինայի օգնականը։ Այս վճռվել է անել ամեն ինչ՝ կանխելու նման դեպքերը, կազմվել է ինքնապաշտպանության մի խումբ «Շահալի կայարանի շուրջն ապրող բուրքերի կյանքն ու գույքը» հարձակումներից պահպանելու համար¹¹։

Դեպքը, ինչպես տեսանք, տեղի է ունեցել նոյեմբերի 27-ին, Դսեղի խաղաղություն ցույցը՝ 28-ին, և, քանի որ հաստատ է Թումանյանի՝ այդ միջոցին Դսեղում գտնվելու հանգամանքը, անտարակուսելի է, որ այդ ցույցի նախաձեռնողը դարձյալ նա է։ Ընթերցողի ուշադրությունը հրավիրում ենք հիշատակված թվականի վրա՝ նոյեմբերի 27, 28, ուրեմն խրիմյան Հայրիկին սլած հեռագրի նախօրյակին։

Ժամանակի հետաքրքրասեր ընթերցողը, անտարակույս, սպասում էր հավաստի նոր տեղեկությունների՝ հանրաքվի սպանությունների, Դսեղում տեղի ունեցած ցույցի և Թումանյանի մասնակցության մասին։ Բայց ֆրանսիացի էջերի հաղորդած լուրերի շուտափույթ ճշտելուն խանդարում է 1905 թ. համառուսաստանյան գործադուլը. դեկտեմբերի 11-ից Թիֆլիսում դադարում է ամեն մի աշխատանք, տպարանների փակվելու պատճառով օրաթերթեր լույս չէին տեսնում։

Հայ-թուրքական ընդհարումները շատ տեղերում հասնում են ծայրահեղ ողբերգությունների, այնպիսի խառնաշփոթ է առաջանում, որ այլևս չէր ջոկվում մեղավորն ու արդարը, ինչպիսի դավառներում, այնպես էլ Թիֆլիսում։ Համառուսաստանյան գործադուլի ավարտից հետո, դեկտեմբերի 31-ից թերթերը շարունակվում են լույս տեսնել, տալով մանրամասն տեղեկություններ անցած օրերից։ Դեկտեմբերի 22-ին, օրը ցերեկով ներսիսյան դպրոցին պատկանող շինությունից անհայտ շարագործները երկու ռումբ են նետում կաթինսկի զնդի կազակների վրա, որից հետո շենքը շրջապատվում է, գնդակոծվում և ապա՝ հրդեհվում։ Անտարակույս, դա կատարվել էր պաշտոնական հրահանգով,

¹¹ «Արշալույս», 1905, № 73։

պարզապէս շանտաժ էր՝ հայ հոգեւոր մշակույթի այդ հանրահայտ կենտրոնը հիմնահաստակ կործանելու համար:

Նույն օրերին Ղազախի Բարանա գյուղից հայտնւում է, թե թուրքերը սկսել են առևանգել հայերի. նրանց թաքցնում են ու պահանջում իրենց, իբրև թե, կորած անասունները: Շանտաժը, կոտորածն ու թալանը կազմակերպում էին թուրք «աղալարները», որոնց դեմ հետևողական պայքար մղողը Ղազախի և Բորչալուի շրջաններում այդ օրերին Թումանյանն էր: Հայտնի է բանաստեղծի պաշտոնական գրադրությունը 1905 թ. վերջերին և 1906-ի սկզբներին և, հատկապէս, հունվարի 1-ին և 2-ին տեղի ունեցած բանակցությունները թուրք «առաջավոր մարդկանց» հետ (V, 285):

Բայց մեզ ամէլի հետաքրքրողն այստեղ 1905-ի նոյեմբերի 27-ի, 28-ի դեպքերն են, Դսեղի միտինգը, Թումանյանի մասնակցությունը, «Возрождение» և «Արշալույս» օրաթերթերի կուլյթները:

Ինչպես երևաց վերը բերված թվական տվյալներից, անտարակույս է Թումանյանի մասնակցությունը հիշատակված դեպքերին: Արդ, ինչո՞ւ է նա արձագանքել այդ թերթերի՝ հայերի մասին հայտնված աննպաստ լուրերին:

Իր հունվարի 14-ի համարում «Արշալույսը» տպագրում է հունվարի 9-ին լոռուց ուղարկած՝ բանաստեղծի ստորագրությունը կրող թղթակցությունը, ի պատասխան Ֆրանսիացի էբերի հաղորդած լուրերի: Այն չի ղետեղվել ո՛չ Թումանյանի ժողովածուներում, ո՛չ հրատարակումների հատորներում, ուստի և անծանոթ է:

«Արշալույսի» ղեկտեմբերի 9-ի համարում, — գրում է Թումանյանը, դիմելով օրաթերթի խմբագրությանը, — «Վոզրոժդենիև»-ից աղտատակ էք մի լուր, որ հայտնի է ֆրանսիական հյուպատոսարանի քարտուղար պ. էբերը: Այդ լուրի մեջ մի երկու սխալ կա, որ հարկավոր եմ համարում ուղղել և լրացնել տեղեկությունը:

Ֆրանսիական Շահալի-էլիար դործարանում սպանված են ոչ թե 16, այլ 7 հոգի: Այդ դեպքի աւելի միտինգ է կայացած Դսեղ գյուղում. միտինգին հիկել են Դսեղա շրջանից 13 գյուղերը և ո՛չ մի տարածայնություն տեղի չի ունեցել, ո՛չ էլ դրա համար ստարշինայի օգնականն է սպանված, ընդհակառակը, միաձայն վճռով որոշված է ետ դարձնել ամբողջ կողոպուտը և պատժել հանցավորներին: Այդպես էլ ետ են դարձնում պարսկահայատակներից կողոպտված փողը, իրերն ու անասունները: Ես և երաժրած ֆրանսիական ընկերության գործա-

րանի զենքերը: Դսեղ է կանչված գործարանում ծառայող հույնը, որը մասնակցել է կողոպուտին և պատվիրված է նրան էլ, որ նա էլ ետ դարձնի իր տարածը: Հանցավորներին պատժելու համար որոշված է հրավիրել ժողովրդական դատաստան: Մահմեդականների կյանքն ու գույքը պաշտպանելու համար ոչ մի առանձին, նոր ինքնապաշտպանության խումբ չի կազմվել մասնավոր մարդկանց ձեռքով:

Շարունակելով իր փաստացի տեղեկությունները, Թումանյանը հայտնում է, թե և՛ միտինգ գումարելը, և՛ կողոպուտը վերադարձնելն ու մահմեդականներին պաշտպանելը կամ դատաստան հրավիրելը,— ամեն բան կատարված է հայերի ձեռքով, և «այս բոլորի մասին հեռադրված է վեհափառ կաթողիկոսին և Թիֆլիսի պարսիկ գլխավոր հյուպատոսին...»:

Նամակի շարունակության մեջ, սնդրադառնալով Ղազարի սահմանի մոտ տեղի ունեցած մի թյուրիմացության, հեղինակը պատմում է, թե ինչ ջանքերով է կարողացել «խաղաղությունը պահել գոնե այս կողմը», ապա հատկապես շեշտել, թե երկու ժողովրդի մեջ «...սաստիկ մեծ է խաղաղության ցանկությունը: Երկու կողմից էլ խուլիգան մարդիկ են խառնում: Եվ այնպե՛ս հեշտ են խառնում,— սրտի ցավով գրում է բանաստեղծը,— որ զարմանում է մարդ: Եթե դժվար մի բան կա՝ դրա առաջն առնելն է»¹²:

Թումանյանի ժառանգությանը ծանոթ մարդը չի կարող նմանություն չտեսնել բանաստեղծի այս բաց համակի և հայտնի «Ղալիբ եղբայրներ» վերնագիրը կրող կոչի միջև (VI, 409)¹³:

Տարակուսանք չի կարող լինել, որ այս կոչն էլ գրված է Ալավերդու պղնձահանքերում կատարված հանիրավի սպանությունների առիթով. առաջինը համակ-բացատրություն է Թիֆլիսի ուսուցիչի և հայերեն թերթերի ընթերցողների համար, մյուսը՝ խաղաղության կոչ և բարեկամության հավաստիացում՝ ուղղված պարսկահպատակ այն թուրք պանշախտներին, որոնք ապաստան էին գտել Ալավերդում՝ մի կտոր հաց վաստակելու, իսկ այդ օրերին կանգնած էին, ինչպես Թումանյանն է

¹² «Արշալույս», 1906, № 8:

¹³ Այստեղ ծանոթագրությունը տեղեկացնում է միայն, թե «Գրիլ է, հավանորեն, 1905 թ. նոյեմբերի վերջերին, հայ-թուրքական ընդհարումների ժամանակ: Առաջին անգամ տպագրվել է՝ «Գրական թերթ», 1949, փետրվարի 19, № 6ա, առանց հայտնելու, թե ովքեր են «Ղալիբ եղբայրները» (VI, 488):

գրում, «սոցիալ-դեմոկրատիայի կարմիր դրոշի տակ»: Կոչն ավարտվում է հետևյալ տողերով.

«Կեցցե՜ ազգերի եղբայրությունը,
Կեցցե՜ հալալ աշխատանքը,
Կեցցե՜ հերոս ընկեր մարդը» (VI, 410):

Ճշգրիտ թվագրություն ունեցող Թումանյանի՝ «Արշալույսում» տրպագրված «Նամակ խմբագրությանը» նախ ճշտում է «Ղարիբ եղբայրներ» կոչի մեջ հիշատակված գեպքերի հաստատ օրը՝ նոյեմբերի 27, որոշում կոչի թվագրությունը՝ Դսեղի միտինգից հետո՝ նոյեմբերի 28—29-ը: Այնուհետև, որ շատ կարևոր է, հաստատ տեղեկություն է տալիս, թե ո՞ւմ է ուղղված կոչը, ովքեր են այդ «Ղարիբ եղբայրները», «մեր թանկագին ղոնախները», ինչպես գրում է Թումանյանը:

1906 թ. հունվարի 9-ի բաց նամակի մեջ ընթերցողին ներկայանում է աշնիվ ու հալարտ մեծ մարդը, օբյեկտիվորեն դատող ազգային գործիչը: Մի կողմից՝ Թումանյանը սրտի ցավով, եթե կարելի է ասել, ամոթի խոր զգացումով է նկարագրում տեղի ունեցածը (այդ հատկապես շեշտված է կոչի մեջ), ամոսսում, որ հայերը ավելորդ արյուն են թափել, բայց, միաժամանակ, բացատրելով հանգամանքները, ցույց է տալիս, թե լցվել է համբերության բաժակը, և դա առանձին գեպքերում նրանց կարող է մղել նման քայլերի:

* * *

1906 թվականի հունվարի վերջերին, շնորհիվ Թումանյանի ջանքերի, հատկապես Լոռու շրջանում ապահովվում է անվտանգությունը: Գործին մեծապես նպաստում է Բորչալուի այդ օրերի գաղառապետ, բանաստեղծի նամակներից մեկ հայտնի Ռեզանովը: Վերջինս նույնիսկ հաջողիցնում է ձերբակալել մի քանի կողոպտիչ-ջարդարաբների և ուղարկել նրանց Թիֆլիս՝ Մետեխի բանտ:

«Արշալույսի» թղթակից, շուրջվերջի Գր. Բալասանյանը հետաքրքրական հաղորդումներով Թիֆլիսի ընթերցողներին տեղյակ էր պահում: զավառում կատարվող գեպքերին:

Տեսնելով, թե մոտենում է դարունը, և կոտորածների պատճառով ահաբեկված ու ցրված ազդարձակչությունը հնարավորություն չի ունենալու հողի մշակումը սկսելու, Կովկասի կառավարչությունը թնայեա ուշացած, բայց ստիպում է բնակչությանը վերադառնալ և տիր կանգ-

նեկ հողերին, սպառնալով, որ եթե դանդաղեն, կարող են զրհվել հողերից:

Ինչպես պարզվում է մամուլի տվյալներից, գնդապետ Լևիցկու կարգադրությամբ արգելվում է ղենք կրելը, սկսվում է վնասների, կորած գույքերի և անասունների ձեռակա գրանցում ու դնահատում¹⁴, նույն Գր. Բալասանյանի՝ Շուլավերից փետրվարի 2-ին գրած թղթակցությունից իմանում ենք, որ թուրքերը այժմ արդեն իրենք են ձգտում հաշտության, որովհետև մոտենում էր գարունը, պետք է սկսվեր ավանդական բռնը, հայերը կարող էին յայլանների ճանապարհները փակել, իսկ այդ ճակատագրական կլինեի թուրքերի համար նույնպես:

Բոլորի համար պարզ էր, որ եթե նույն թափով կոտորածները շարունակվեին, սովը անխուսափելի էր:

Գր. Բալասանյանի փետրվարի 4-ին գրած թղթակցության մեջ հաղորդվում է, թե լուրեր են պատվում հայերի՝ Քորփուս գյուղի վրա կատարած հարձակման մասին. տեղ հասած կազակները և Լամբալուին ու Սադախլուին օգնության գնացած թուրքերը հայտնում են, որ լուրերը սուտ են: Նույն թղթակցությունից իմանում ենք, որ այդ օրերին «Հովհաննես Թումանյանին տեսել են այն կողմերով Ղազախ գնալիս լոռեցի հայերի հետ սպիտակ գրոշակներով՝ հաշտություն քառուկելու համար»¹⁵:

Պետք է ասել՝ մամուլը խիստ ժլատ է Թումանյանի այդ օրերի դործունեության վերաբերյալ: Միայն «Արշալույսն» է հայտնում բանաստեղծի, լոռեցի հայերի ու նրանց պարզած սպիտակ գրոշի մասին, որի վերաբերյալ, ինչպես բանաստեղծի նամակներում, այնպես էլ ժամանակակիցների հուշերում կան վկայություններ, առանց, սակայն, ճշգրիտ օրերի հիշատակության: Այսպիսով, Գր. Բալասանյանի փետրվարի 4-ի թղթակցությունը պարզում է մի որոշակի թվագրություն ևս՝ բանաստեղծի՝ Ղազախում կատարած խաղաղության բանակցության մասին:

Հայ-թուրքական հարաբերություններին վերաբերող «Արշալույսի» նյութերում ուղադրություն է գրավում փետրվարի 18-ին տպագրված «Լոռեցիների կողք». այն կրում է համախոսականի բնույթ, ուստի և անստորագիր է: Բերում ենք կողք ամբողջությամբ, ապացուցելու համար, որ այն գրված է Թումանյանի ձեռքով, և նա է անձամբ ուղար-

¹⁴ «Արշալույս», 1906, № 25, 26:

¹⁵ Նույն տեղում, Մ 28, 30:

կել «Արշալույսում» տպագրելու՝ որպէս նույն թերթի աշխատակից։ Անհրաժեշտ է այստեղ էլ ուշադրութիւն դարձնել լույս տեսնելու թիւագրութեանը՝ փետրվարի 18, և վերեւում հիշատակված՝ Գր. Բալասանյանի փետրվարի 4-ի ընթացիկության մեջ բերվող Թումանյանի սպիտակ դրոշմով դեպի Ղազարի կատարած բանագնացության վրա. ուրիշն կողք գրված է փետրվարի մոտ 1—2-ին, բայց այդ խառն օրերին մինչև ուղարկվել է Ռիֆլիս, անցել է շուրջ 15—16 օր։

Ահա այդ անստորագրւել կողք.

«Մեր հայրական-պապական բարեկամ, մեր գաղափոր հարեան Ղազարի մոստովմաններին։

Լուռ ժողովուրդը լսեց, որ Ղազարի մեր հայ ու թուրք եղբայրների մեջ գծաւթիւն է ծագել. լսեց, որ ամոթալի ու անմիտ կռիւն խախտում է երկու կողմի հարեանութիւնն ու բարեկամութիւնը. լսեց, որ հրացան են արձակում գյուղերի վրա, երեսաների ու կանանց վրա, իրար որդի են սպանում, իրար տուն են քանդում, իրար խոտ կրակում, իրար ապրանք քշում։ Ինչո՞ւ համար—ոչ ոք չի հասկանում։ Ինչպէս խոտ են կրակում, այնպէս էլ կրակ են գցել, ժողովուրդը միջին այլովում է, և հանգցնող չկա։ Անխելքները վեր են կացել, գազան կտրել, խելոքներն էլ խելքները կորցրել, շվարել, մնացել են։ Յրկիրն իրար է խառնվել։

Յ՛՛՛՛՛ն այդ երկու կողմերը երկու դուրս լինեին, կասեինք՝ մի օր մեկը մյուսին կհաղթի, կջարդի, կանցնի-կգնա։ Բայց սրանք ժողովուրդ են, որ միշտ ապրելու են իրար կողքի, որ երբեք չեն մոռանալու մեկը մյուսի արածը՝ որդին են սպանել, տունն են կրակել, կիներն են անպատվել. և որդեցորդի մնալու է ոխն ու թշնամութիւնը, որդեցորդի պղտորվելու է երկուսի էլ կյանքը այս մեր գեղեցիկ սարերում ու ձորերում։

Մրա համար մենք՝ լուսեցիքս, հավաքվեցինք, հաշտութեան նշան սպիտակ դրոշակը սարգեցինք, անցկացանք մեր սարերը, եկանք կանգնելու մեր կռիւնը եղբայրների մեջտեղը։ Այս ի՞նչ եք անում, անմիտներ. ի՞նչ եք արել մեկ-մեկու, ի՞նչ եք ուզում մեկը մյուսից։ Մի՞թե մեզք չեն ձեր կանայք ու երեխաները, մի՞թե ամուսնի ձեր արդար աշխատանքը, որ փչացնում եք։ Մի՞թե ամոթ չի ձեր տղամարդկութեանը, մի՞թե հարամ չի այն աղ ու հացը, որ կերել եք միասին։

Մենք եկել ենք հարյուր ձիավորով, և շատ հարյուրներ էլ պատրաստ են մեր սարերում, բայց նրանք ձեզ համար չեն, այլ նրանց

համար, ով կհարձակվի իր հարեանի վրա, հայ լինի, թե թուրք, մեկ է։
Լավ է մեր միջից մի քանի լիբր մարդիկ վերանան, քան թե երկու
կողմի անմեղ ժողովուրդը նրանց պատճառով կրակի մեջ ընկնի։
Միայն թե դուք էլ այդպես վարվեցեք։

Ղազախի մուսուլման եղբայրներ, դուք խոռու սահմաններում ինչ
որ թողել եք ու փախել, իմացած եղեք, որ մենք պահում-պահա-
նում ենք ինչպես «ամանաթ»։ Եթե մի բան կորչի կամ պակասի, հայ
գյուղերն են պատասխանատու։ Գարնանն էլ գալու եք մեր սարերը,
այդ սարերում միշտ ապրել ենք միասին, մի հողի, մի ջրի վրա։ Միա-
միտ սրտով, եղբոր նման էլի եկեք, և եթե մեզանից մեկը ձեզ նեղու-
թյուն տա՝ մենք կտեսնենք նրանց դատաստանը, ինչպես որ տեսել ենք
շատ անգամ։

Մուսուլման եղբայրներ, դուք պիտի հավատաք մեր խոսքին նախ
այն պատճառով, որ ձեզ հետ լռեցիք են խոսում, իսկ լռեցիք քաջ
կովից չեն վախենում, երկրորդ. ինքներդ լավ գիտեք, որ մենք ձեզ հա-
մար այնպիսի հարեան ու բարեկամ ենք եղել, որ ձեզ մեր հայերից
չենք ջոկել»¹⁶։

Ինչպես տեսնում ենք, կասկածից վեր է «քաջ կովից» չվախեցող
լռեցիների այս խաղաղության կոչի՝ Մեծ քաղաքացու և Մեծ բանաս-
տեղծի իմաստուն գրչին պատկանելը. սա, կարծես, մի արձակ բանաս-
տեղծություն է մարդասիրության ու բարեկամության մասին՝ գրված
Թումանյանին հատուկ պարզ ու անպաճույճ ոճով։ Կոչի նպատակն էր՝
փրկել ժողովրդին վերահաս սովից, բարձրացնել այդ օրերին սարսա-
փից տուն ու տեղը թողած ու տառապած հողի աշխատավորի ինքնա-
գիտակցությունն ու ազգային արժանապատվությունը ու նրան առաջ-
նորդել դեպի տուն, դեպի խաղաղ ու ազնիվ աշխատանք, դեպի հաշտու-
թյուն։

Ինչպես ասվեց, Թումանյանի այս կոչը տպագրվել է փետրվարի
18-ին։ Այդ օրերին խոռու, Բորչալուի, Ղազախի շրջաններում կյանքը
ավելի խաղաղ և ապահով է դառնում։ Կառավարությունը շարունակում
էր իր դիվանագիտական նոր խաղերը։ Փետրվարի 25—27-ին Թիֆլի-
սի նահանգական ատյանը Շուլավերում քննում է ձերբակալված մի քա-
հանայի և հաղպատցի 18 հայ գյուղացիների գործը։ Նրանք մեղա-
դրվում էին իշխանությանը դիմադրելու, սպանությունների և այլ

¹⁶ Նույն տեղում, Մ 36։

հեղծ, մտացածին հանցանքների մեջ: Դատարանը արդար ճանաչելով՝ հայերին, բրեւական դատ է բաց անում ոստիկանական պրիստավի և ուրիշ իսկական հանցավորների դեմ¹⁷:

Մարտի 1-ին Թիֆլիսի նահանգապետին ներկայանում է Բորչալուի մահմեդականների քսանյոթ հոգուց բաղկացած մի պատգամավորություն, որը հայ-թուրքական ընդհարումների միջոցին խորքերին մեղավոր ճանաչելով, խնդրում է նախ ազդել հայ աղգարնակչության վրա՝ մոտակա քոչը չխանգարելու համար և ապա՝ աշխատում է ամեն կերպ հավատացնել, որ Բորչալուի աղգարնակչությունը այն համոզմունքը չի ունեցել, թե իշխանությունը կարող է համակրել իրենց թշնամական գործողությունները հայերի վերաբերմամբ: Երկուստեք՝ դիվանագիտությունը հետագա դժվարությունները կանխելու՝ ճանապարհ է հարթում, նահանգապետը՝ փոխարքայի անունից խոստանում է երկու աղգություններից և իշխանավորներից հաշտարար հանձնաժողով հրավիրել, որպեսզի վաղեմի բարեկամական դրացիությունը վերականգնվի հայերի և թուրքերի միջև¹⁸: Հավանաբար մարտի 6-ին տեղի ունեցած հայ-թուրք պատգամավորական խորհրդակցությունը (այսպես կոչված՝ խաղաղության համագումար) որոշել է ընտրել տասը հոգի, որոնք կազմակերպեն Հայ-թուրքական խորհուրդ՝ փոխարքայի զինվանին կից: հայերից ընտրվում են հասարակական գործիչ Սամսոն Հարությունյանը, «Մշակի» խմբագիր Ալ. Քալանթարը, բժիշկ և հասարակական գործիչ Ալ. Խատիսյանը և ուրիշներ¹⁹:

Գր. Բալասանյանի՝ մարտի 15-ին ուղարկած թղթակցությունից իմանում ենք, որ «մոտ օրերս» սեծովյան ղորագնդի հրամանատար Զոլոտարյովի ղլխավորությամբ մի մասնախումբ է գալու՝ Բորչալուի գալուստում հայերի կրած վնասները որոշելու և մեղավորներից գանձելու համար²⁰:

Թումանյանը ընդհանրապես հավատ չունի պաշտոնական միջոցառումների, մասնաժողովների արդարադատության նկատմամբ, բայց մեծապես վստահում էր ինչպես գալուստպետ Ռեզանովին, այնպես էլ Վ. Ա. Զոլոտարյովին. վերջինս շուտով նշանակվում է նաև զինվորական

17 Նույն տեղում, № 44:

18 Նույն տեղում, № 50:

19 «Հառաջ», 1906, № 42:

20 «Արշալույս», 1906, № 59:

նահանգապետ, իսկ պաշտոնատեղին Ջալալօղլին էր²¹, որը նրան հնա-
րավորություն էր տալիս մոտիկից ծանոթանալու իրադրությունը և ար-
դարյունը դրսևորելու «հայրական վերաբերմունքը» գյուղացիների և
քաղաքացիներին «մութ և արատավոր անձնավորությունների նկատ-
մամբ» (V, 293), որոնք շարունակում էին իրենց սև գործը, առանց
ուղղորդվելու դարձնելու մասնաժողովների վրա, ահռելի դժվարու-
թյուններ ստեղծում վերջնական խաղաղություն հաստատելու համար:
Դրանց դեմ պայքարելը անընդհատ նոր փակուղիներ ու խոչընդոտ-
ներ էր ստեղծում: Թումանյանի հիշատակած «մութ և արատավոր»
մարդիկ, այնուամենայնիվ, հովանավորում էին վերուստ՝ պաշտոնա-
պետ, ուստի բոլորովին պատահական չեն բանաստեղծի նույնիսկ մա-
լխի 30-ի (խորհրդակցություններից, մասնաժողովների միջամտությու-
ններից հետո) հետևյալ հուսահատ խոսքերը. «Նորից մթնոլորտը խառ-
նվում է. և ով գիտի էս կարկուտի տակից էլ կազատվե՞մ, թե չէ»,
մահավանդ, արդեն լուրեր էին հասել, որ ոստիկանության ղլխավոր
գեներալ-լեյտենանտ Շիրինկինը կարգադրել է բանտարկել իրեն
(V, 299):

Իրենց գաղանթություններով հայտնի Եդիգարով եղբայրներին 1906 թ.
ամռանը հաջողվում է վտարել Բորչալուի արգարադատ գավառա-
պետ Ն. Կ. Ռեզանովին, որի միակ մեղքը հայերին հովանավորելն էր:
Թումանյանի ջանքերը՝ խանգարել այդ անարդար որոշումը ի կատար
ածելու՝ հաջողություն չունեցան:

Հուլիսի 7-ին Օձոմնում կայանում է Լուվա քառասուն գյուղերի
ներկայացուցիչների խորհուրդ, ուր որոշվում է փոխարքային հեռագիր
ուղարկել և բողոքել Հասան բեկ Եդիգարովին Բորչալուի գավառի ազ-
նըվականների պարագլուխ ընտրելու դեմ, համարելով նրան հայ-
թուրքական կոտորածների, ամեն տեսակ վայրագությունների հեղի-
նակ, խնդրել՝ ղրկելու նրան պարագլուխ դառնալու պատվից և դատի
տալ որպես հանցագործի: Հեռագրի տակ ստորագրել են 15 լիազոր²²:

Հեռագրի բնագիրը անհայտ է, բայց անտարակուսելի է, որ և՛
խորհուրդ հրավիրելու նախաձեռնությունը, և՛ հեռագիր ուղարկելու
որոշումը կատարվել է Թումանյանի ղլխավորությամբ: Կասկածից վեր
է նաև, որ հեռագրի մասին հայտնող թղթակցությունը (լույս է տեսել

²¹ Այդ շրջաններում դեռևս շարունակվում էր ղինլորական դրությունը (նույն տե-
ղում, № 48):

²² «Ալիբ», 1906, № 60:

1906 թվականի հուլիսի 7-ին) գրված է Թիֆլիս ուղարկած Թումանյանի նյութերի հիման վրա՝ ասացույց՝ երկու օր հետո Զալալօղլում գրած նրա պաշտոնական նամակները Ս. Հարությունյանին, Ալ. Քալանթարին և Ալ. Խատիսյանին (վերջինը՝ անհայտ, V, 300), որոնք ընտրված էին, ինչպես ասացինք վերևում, փոխարքայի դիմանին կից հայ-թուրքական խորհրդի մեջ։ Խստագույնս դատապարտելով Եղիզարով եղբայրներին և պաշտպանության տակ առնելով հանիրավի պաշտոնազրկված գավառապետին, բանաստեղծը միաժամանակ ամփոփում է իր ցանքերով ստեղծված դարնան համեմատաբար կայուն խաղաղ վիճակը. «Հայ-թուրքական հարցը մեզանում առել էր մի շատ ցանկալի ընթացք, և հասել էինք լավ հետևանքների... և ահա վրա հասավ այս նոր պրովոկացիան։ Հանցավոր տարրը բարձրացավ գավառում, պատժող ու զսպող ձեռքը հեռացվում է մեջտեղից» (V, 300)։

Նամակի շարունակության մեջ, երբ Թումանյանը գրում է, թե «Այժմ գավառի գյուղերից պատգամավորություն է գալիս ներկայանալու փոխարքային և... խնդրելու Ռեզանովին թողնեն իր տեղը...», նկատի ունի այն 15 լիազորներին, որոնք ստորագրել էին վերևում հիշատակված հեռագրի տակ²³։

Ինչպես տեսնում ենք, գործելով կրակի առաջին գծում, բանաստեղծը անմիջական կապ ունի նաև Թիֆլիսի մամուլի, ինչպես և հասարակական ու պաշտոնական անձանց հետ։

Ս. Հարությունյանին և Ալ. Քալանթարին ուղղած նամակն է հիշեցնում նաև մի այլ թղթակցություն, որ գրված է բանաստեղծի ուղարկած նյութերի հիման վրա (թերևս որոշ խմբագրումներով օգտագործել են հաշտության գործերով զբաղված գրողի՝ շտապ ոտքի վրա դրած թղթակցությունները)։ Դրանցից մեկը նույն «Այիք» օրաթերթի «Նոր պրովոկացիա» հոդվածն է (անստորագիր)՝ տպագրված օգոստոսի 6-ին²⁴, երբ Օձունի խորհրդակցությունից և հուլիսի 9-ին գրած պաշտոնական նամակներից (մեկը, ինչպես ասացինք, ուղղված Ալ. Խատիսյանին՝ անհայտ է) անցել էր մեկ ամիս, բայց դրությունը քանի գնում, վտանգավոր էր դառնում, հատկապես Բորչալուի գավառում։

Հոդվածն սկսվում է խմբագրության կողմից տրված հաղորդմամբ. «Բորչալու գավառից ստացված տեղեկությունները ցույց են տալիս, որ

²³ Նույն տեղում։

²⁴ «Այիք», 1906, № 82։ Հմմտ. հիշատակված հոդվածը Թումանյանի գրած նույն թվականի հուլիսի 9-ի նամակի հետ (V, 300)։

այնտեղ վերջին ժամանակներս մի առանձին հուզում, խլրտում է սկըս-
վել թուրք ազգաբնակչության մեջ: Շարունակությունը՝ արդեն բուն տե-
ղեկություններն են ժամանակից շուտ յայլադներից թուրք ազգաբնակ-
չության վերադառնալու, «ինչ-որ խորհրդավոր պատրաստություններ
տեսնելու» և «ասպագայի «դեպքերին» սպասելու» մասին: Հոգվածա-
գիրը որոշակի հայտնում է. «Սլ ալդ բոլորի դրդողն ու կազմակերպողը
դարձյալ տխրահռչակ Հյուսիսին բեկ Եդիգարովն է», որ Ղըզըլ-հաջըլու
գյուղից թռուցիկներ ուղարկելով սարերը, պատվիրել է՝ քոչվորները
«վերադառնան և պատրաստվեն»: Հոգվածի շարունակության մեջ թըղ-
թակցի մտահոգությունը վերաբերում է նախ թուրք «խեղճ ու կրակ
գյուղացիության» ճակատագրին, քանի որ ստոր դավերը մոլորեցնում
են նրանց, «միշտ վառ պահում կասկածանքի խարույկը և թշնամանքի
որոմ ցանում ընդդեմ աշխատավոր հայ գյուղացիության»: Ինչպես
տեսնում ենք, թղթակցի տրամադրությունը միանգամայն հաշտարար
է ու խաղաղասիրական, նրան պետք է բարիդրացիական փոխհարա-
բերություն աշխատավոր մարդու համար և «ազնվականների պարա-
զուխի» մեկուսացում, «...որպեսզի ամրապնդվի հայ և թուրք գյու-
ղացիության փոխադարձ վստահությունը...», ավելի լայն չափերով
տարածվի եղբայրության, ազգերի համերաշխության վեհ գաղափարը,
և բարձրանա նրա դասակարգային գիտակցությունը²⁵:

Հոգվածում ուշադրություն է գրավում բողոքը տիրող կարգերի դեմ:
«Փոխարքայի կողմից իբրև թե քննության ուղարկված «առանձին հանձ-
նարարությունների պաշտոնյա» Մասալուլը գնում է Բորչալու, բայց
փոխանակ ժողովրդին հարց ու փորձ անելու, փոխանակ անաչառ քնն-
նիշի դեր կատարելու, իջևանում է հենց Եդիգարովի և նրա բարեկամ-
ների մոտ և, իհարկե, նրանց ցանկացածի նման էլ «քննության ղեկու-
ցում պատրաստում»²⁶: Քննիչին գործուղողի, այնպես էլ նրան հյուր-
ընկալողի տրամադրությունը հայ աշխատավոր մարդու նկատմամբ
բարբարոսական է: Այդ է պատճառը, որ հետագա տողերում ընթեր-
ցողի աչքի առջև հառնում է թղթակցության հեղինակի միտումը՝ բարձ-
րացնել վախեցած ու տառապած հայ մարդու ինքնագիտակցությունը
և հատկապես ընդգծել, որ ամբողջ դժբախտությունը գալիս է «ռճրա-

²⁵ Նույն տեղում:

²⁶ Նույն տեղում: Թումանյանի՝ հուլիսի 6-ի վերևում հիշատակված նամակում նույն-
պես գրվում է, «...որ փոխարքայից քննիչ է եկած, ու ոչ մի գյուղում չեն տեսած նրան»
(V, 300):

գործ բեկի» և իշխանության համագործակցությունից: «Հուսալ, թե բարձր իշխանությունը, որ մինչև այժմ մեղսակից ու քաջալերիչ է եղել թշուրք բեգական քաջագործություններին, այժմ արդարության քայլեր կանի և կպատժի Եղիգարությունների նման սճրագործներին—դա ամենի քան միամտություն է:

Այս դեպքում էլ ժողովուրդը ինքը պետք է աշխատի չարիքը խեղդել, ամեն տեղ և ամեն քաղաքում արծարծելով համերաշխության գաղափարներ: ...Թող նորից ու նորից հնչի հայ և թուրք գյուղացիության փոխադարձ կոչը:

— Միանա՛նք, որովհետև մեկ է մեր թշնամին—հանձին շահագործող բեկերի, խաների ու կապիտալիստների և նրանց հովանավորող բռնակալ բուրժուականության:

— Միանա՛նք, որովհետև մեր միությունը ու հոբանջությունը միայն կարող ենք տապալել բռնության ու հարստահարության լուծը և պրոլետարիատական բոլոր դավերը»²⁷:

Այստեղ անկյորդ է խոսել լեզվառեական ընդհանրությունների, առանձին նախադասությունների նմանության մասին, քանի որ, ինչպես ասվեց, երկուսն էլ խմբագրական միջամտություններ: Կարողորք դադարաբանի միտումն է, դավառից ուղարկված թղթակցության ոգին, որ հար և նման է Թումանյանի վաղուց հայտնի հոդվածների, նամակների ու հիշումների, ինչպես և «Արշալույսում» տպագրված թղթակցության և անստորագիր կոչի ինտերնացիոնալիստական մղումներին, ժողովրդասիրական ու մարդասիրական ձգտումներին:

Գրեթե նույն սկզբունքներն ունի Թիֆլիսի «Զանգ» օրաթերթի օգոստոսի 11-ի թվագրությամբ «Բոսնի լրջությունը» անստորագիր առաջնորդողը՝ գրված նույն ամսի 15-ին, էջմիածնում բացվող «Կենտրոնական համաժողովի» առիթով, որը գգուշացնում էր շղանալ «համադպյին ռեֆերենդումի» հրապույրներով, այլ նախապատրաստվել պաշտպանելու սպառնող աղետներից²⁸: Ընդգծելով հատկապես Զանգեզուրի, Սիսիանի, Ղափանի, Շուշիի «լքված, անդեն հայ ժողովրդի օգնության ազադակները», առաջնորդողը անդրադառնում է նաև ըստ ասվելիք այն նոր անկուսակից դավերին, որոնք նյութում են վրեժխնդիր մարտագների Ղառաբաղի հայության դեմ և ասյա անցնում դատժյալ Բորչալուի դեպքերին, լույս գործունեությամբ հայտնի դա-

²⁷ Նույն տեղում:

²⁸ «Զանգ», 1906, № 2:

վառապետի հանիրավի պաշտոնադրվածներ և կրկին հայտարարում.
«Վառապետությունը և բեկերը այսպիսով մի անգամ ևս հայտնվում են
սրտաշարժ համերաշխության մեջ»:

Այստեղ, սակայն, առաջնորդող հոգևածը միաժամանակ առանձ-
նացնում է մի ուրիշ հանգամանք, որ ընդհանուր ողբերգության մեջ
մխիթարություն է երևան բերում. «...Կան խաղաղության ու համերաշ-
խության հանդիսավոր թափոռներ Ղազարի կողմերում, ուր մեր ին-
տելիգենտ ընկերները մի ազնիվ, սքանչելի եռանդ են թափում, ամ-
բասնդում են երկու աշխատավոր հարևան ժողովուրդների խղված
կապերը»²⁹:

Կասկածի տեղիք տալի՞ս է, արդյոք, որ այդ շրջանում «սքան-
չելի եռանդ» թափողներից մեկը կամ, թերևս, միակը՝ Թումանյանն
էր: Թերթի խմբագրությունը, տեղյակ լինելով բանաստեղծի՝ ոստիկա-
նության կողմից հսկողության տակ լինելու մասին, գերադասել էր
անունը չհիշատակել³⁰: Այս առաջնորդող հոգևածում Բորչալուի դեպ-
քերին և Թումանյանի գործունեությանը անդրադառնալուն հիմք է տը-
վել հիշյալ օրաթերթի նույն համարի հրրորդ էջում տպագրված օգոս-
տոսի 10-ի թղթակցությունը Շուլավերից՝ «Վերջին տեղեկություններ»
վերնագրով: Դրա ապացույցը բովանդակությունն է, Ռեզանովին պաշտ-
պանության տակ առնելը, «տխրահույս Եղիգարովների» հասցեին
տրված որակումները: Թղթակցության մեջ հայտնվում է նաև, թե «Բոր-
չալուի գավառի կողմից գալիս է արդեն պատգամավորություն՝ բաղ-
կացած մոտ 50 մարդուց՝ հայ, ռուս և վրացի, որ վաղը՝ օգոստոսի
12-ին, կհերկայանա խնդրագրով փոխարքային»: Անտարակույս, ինչ-
պես հանուն խաղաղության Բորչալում արված ամեն գործ, այս պատ-

²⁹ Նույն տեղում:

³⁰ Այս առիթով ընթերցողի ուշադրությունը հրավիրում ենք մի այլ հանգամանքի
վրա ևս. «Արշալույսում» տպագրված «Նամակից» (1906, № 8) հետո Թումանյանի որևէ
հոգևած չի հրատարակվել (չհաշված լոռեցիների անստորագիր կոչը): Բացի այդ, Բոր-
չալուի ու Ղազարի շրջաններում բանաստեղծի վարած գործունեության մասին մամուլում
միայն մի դեպքի առիթով է տրվում ազդանունը. դա Գր. Բալասանյանի՝ փետրվարի
4-ի Բվադրությամբ թղթակցությունն է, որի մասին արդեն վերևում հիշատակել ենք
(«Արշալույս», 1906, № 30): Իսկ այնուհետև՝ Թումանյանի ազգանունը մամուլում
հայտնվում է միայն կոտորածներից հետո՝ 1906-ի հոկտեմբերից, երբ արդեն վերա-
դարձել էր Թիֆլիս. այդ ժամանակ է տպագրվում «Գաղթականի երգը» բանաստեղծու-
թյունը և Մ. Գորկու «Վալախական լեզենդին» թարգմանությունը («Երկիր», 1906, №
13, 25):

գամավորութեան՝ փոխարքային ներկայանալը նույնպես կազմակերպել էր Թումանյանը:

Ռեզանովին հանելու և նրա փոխարեն Գորու գավառապետ կապիտան Լեոնտեին նշանակելու լուրը Թումանյանին հասել էր դեռևս մեկ ամիս առաջ (V, 300), բայց քանի որ նոր գավառապետը դեռևս չէր հասել իր պաշտոնատեղին՝ Շուշավեր, ուստի Թումանյանը հույս ունեւր փոխարքայի միջոցով վերականգնել խաղաղութեան համար ոչինչ չխնայող ռուս արդարադատ նախկին պաշտոնյային իր պաշտոնում³¹:

Հայտնի է, որ Թումանյանի ջանքերը իզուր են անցնում, Ռեզանովը չի վերականգնվում, Լեոնտեը շուտով տեղափոխվում է Շուշավեր, իսկ բանաստեղծն իր բանակցութուններն արդեն շարունակում է նրա հետ, մի կողմից՝ նոր գավառապետի ուշադրութունը հրավիրելով այն հանգամանքի վրա, որ Բորչալու գավառին «...հարկավոր է իշխանութուն. ուժեղ և արդարադատ իշխանութուն», խորհուրդ էր տալիս լինել «...միաժամանակ անաչառ՝ երկու ժողովուրդների նկատմամբ», բայց և տեղյակ էր պահում իր և հայրենակիցների պահանջի, անկոտրում կամքի մասին. «Մենք թույլ չենք տա որևէ գյուղում գող և աւաղակ թաքցնել»: Տնտեսապես քայքայված, հոգեպես ընկճված ժողովրդին դատավորներ էին պետք՝ մեղավորին և արդարին ջոկելու, վնասները հատուցելու, մաքառողներ էին անհրաժեշտ՝ կայուն խաղաղութուն հաստատելու համար, այնինչ՝ Արքրի գյուղի թուրք բնակիչները, շեշտում էր Թումանյանը, շարունակում են թալանն ու կողոպուտը. «օգնեցեք, ի սեր աստծու, խեղճ գյուղացիներին, նրանք կորչում են»:

Բառիս բուն նշանակութամբ կորչում են» (V, 302)³²:

31 Ըստ «Զանգի» օգոստոսի 13-ի լուրերի, օգոստոսի 11-ին Գորիի գավառապետ կապիտան Լեոնտեը մահափորձի է ենթարկվել, որից վնասվել է կապիտանի ուղեկիցը և ձին («Զանգ», 1906, № 3), ուրեմն՝ 13-ին Լեոնտեը դեռևս Գորիում էր:

32 Առայժմ փաստեր չունենք հաստատ որևէ բան ասելու, թե ինչ արեց նոր գավառապետը գավառում դրութունը բարվոքելու համար: Տեղյակ ենք միայն, որ Լեոնտեը անսպասելի հանվել է իր պաշտոնից նույն տարվա նոյեմբերին: Նոր պաշտոնում նա շուտով կույր դործիք է դառնում հետադեմ ուժերի համար, նրա օրոք գավառում ստեղծվում է նույնիսկ «ղաղտնի ոստիկանական բաժանմունք»: «Շատերի կարծիքով,— դրում է «Մշակը»,— պարոնը շատ պետքական էր հայ-թուրքական ընդհարումների ու գողութունների համար որպես խիստ մարդ», բայց, ինչպես երևում է թղթակցութեան շարունակութունից, Լեոնտեը Ռեզանովի արժանավոր հետևորդը չդաքճավ: Նա այնպիսի պաշտոնյաներից էր, որոնք աշխատում են «...տեղ լինել գավառին, բայց, ինչպես ասում են,

Նոր գավառապետին ուղղված այս պաշտոնական փաստաթուղթը վերևում հիշատակված հուլիսի 9-ի նամակի հետ միասին, օգնում են հղրակացնելու, որ «Ալիք» և «Զանգ» օրաթերթերի քննարկվող նորահայտ նյութերը իսկապես կապվում են Թումանյանի անվան հետ:

Բանաստեղծը ոչինչ չէր խնայում գաղառում երկու հարևան ժողովուրդների միջև հաշտություն և բարեկամություն հաստատելու համար՝ համոզված, որ «բարձր իշխանությունը» չի ընդառաջում իր գործունեության: Օգոստոսի 10-ին Շուլավերից գրած թղթակցության մեջ կարդում ենք. «Եթե բարձր իշխանությունը արձագանք չտա պատգամավորության դիմումներին՝ այն ժամանակ ամբողջ Բորջալուի խաղաղ ժողովուրդը պիտի իսպառ կորցնե իր հավատը դեպի իշխանությունները և պիտի համոզվի, որ կառավարության ջերմ ցանկությունն է՝ ջարդ ու ավերած տեսնել գավառում...»³³:

Մինչև այժմ անհայտ մնացած այս և վերը քննարկված նյութերը մի կողմից նոր էջեր են բացում բանաստեղծի հրապարակախոսության մեջ, հարստացնում նրա կյանքի տարեգրությունն ու գիտական կենսագրությունը, մյուս կողմից՝ առանձնացնում Թումանյանի ազգային հասարակական գործունեության նոր կողմը՝ բացարձակ բողոքը տիրող կարգերի դեմ՝ 1905—1906 թթ. հայ-թուրքական կոտորածների միջոցին:

Բանաստեղծը չէր թաքցնում, որ թալանն ու սպանությունները «կառավարության ջերմ ցանկությունն է»:

Հայոց բանաստեղծի այս համարձակ խոսքերը և նրա խաղաղասիրական անձնվեր գործունեությունը ունեցավ երկու իրարամերձ հետևանք. նա կարողացավ «իրար դեմ կանգնած ժողովուրդների սրերը պատյան դնել տալ և շատ ու շատ անմեղների ազատել այս գաղանակա-կան կոտորածից» (V, 298), որին հետևեց «բարձր իշխանության» իսկական «արձագանքը» 1908 թ. դեկտեմբերին, երբ բարձրագույն հրամանով Թումանյանը հայտնվեց Մետեխի բանտում:

ոչ այն մտքով, որ օգուտ բերեն հասարակությանը, այլ միմիայն անիրավ ու դալթա-կղեցուցիչ ոսկիներ դիզելու նպատակով» («Մշակ», 1906, № 258):

³³ «Զանգ», 1906, № 2:

IV

1911 թ. ԽԱԹՈՂԻԿՈՍԱԿԱՆ ԸՆՏՐՈՒԹՅՈՒՆՆԵՐԻ ՆԱԽՕՐՅԱԿՈՆ

Ստորև հրապարակվող նամակը Ստամբուլի պատրիարքարանի ղեկավարությանը հայտնաբերել և նույն քաղաքում տպագրվող 1970 թ. «Շողակաթ» տարեգրքում հրապարակել է Գ. Բամսուքչյանը:

Ահա այդ նամակը.

«Գերապատիվ սրբազան հայր,

Մամուլից իմանում եմ, որ Ձեր սրբազնությանը Կովկասից ուղարկված է կաթողիկոսական առաջիկա ընտրության համար թուրքահայերի կողմից ընտրվելիք պատգամավորների մի ցուցակ, որի մեջ նշանակված է և իմ անունը:

Խոնարհաբար խնդրում եմ՝ իմ անունս հանեք այդ ցուցակից, քանզի ոչ ոք այդ մասին չէ հարցրած իմ կամքը, և չեմ տված իմ համաձայնությունը ումևիցե: Չգիտեմ՝ ո՞վ է կազմել ու ղրկել այդ ցուցակը, և ընտրվելու դեպքում էլ հրաժարվելու եմ արդեն:

Խոսին հարգանքով՝ ՀՈՎՀԱՆՆԵՍ ԹՈՒՄԱՆՅԱՆ

Իմ հասցեն՝ «Հորիզոն» թերթի խմբագրատուն»:

Նամակը, թվագրված՝ 1911 թ. հոկտեմբերի 22, ուղղված է Կ. Պոլսի պատրիարքի տեղապահ Վահրամ արքեպիսկոպոս Մանկունուն:

Ինչպես տեսնում ենք, նամակի գրության շարժառիթը 1911 թ. կաթողիկոսական ընտրություններն էին, ու թեպետ Թումանյանը գրում է «պատգամավորների ցուցակ», բայց այստեղ խոսքը վերաբերում է ոչ թե պատգամավորների, այլ այն պատվիրակների ցուցակին, որոնք պետք է կաթողիկոս ընտրող պատգամավորներ առաջադրեն:

Նամակի գրության շարժառիթը և բովանդակությունը հասկանալու, բանատեսելծի հրաժարականի պատճառը իմանալու համար անհրաժեշտ է ետ գնալ շուրջ մեկ տարի և մամուլի տվյալներով ծանոթա-

նալ այն ճիշտությունի հետ, որը ստիպել է հասարակական-քաղաքական-հոգևոր նման կարևոր իրադարձությունների միջոցին այնքան շահագրգռվածություն հանդես բերող ազգային գրողին՝ զսպված դաշրույթով աշխարհի մի հրաժարական-նամակ ուղարկել Կոստանդնուպոլսի պատրիարքարանին:

1910 թ. դեկտեմբերի 11-ին մեռնում է Մատթիոս կաթողիկոս Իզմիրլյանը: Հաջորդ օրվանից Թումանյանն ամբողջապես նվիրվում է կաթողիկոսի թաղմանը Թիֆլիսի մտավորականության մասնակցությունն ապահովելու գործին, ուրիշ չխնայելով արժանին մատուցելու հերոսական անցյալ ունեցող այդ մեծ ու աղնով մարդու հիշատակին: Բացի հայտնի երկու հոգվածներից («Խրիմյան և Իզմիրլյան», «Աղ-նիվ մարդը», VI, 190, 191) իբար հոսից «Հորիզոնում» ստագրվում են Թումանյանի այլ հոգվածներ ևս («Էջմիածնի ցավը», «Չալաշտապանեցիք», «Մեծերից հետո»)¹, որոնց մեջ ընթերցողի առջև կրկին հանում են հայ ժողովրդի աղաքագրության այդ երախտավոր երկու հոգևոր գործիչների հասարակական դեմքը և մարդկային բարձր հատկանիշները:

Հայոց կաթողիկոսին արժանավորապես մեծաբեկու, էջմիածնի թաղման արարողություններին հավուր պատշաճի մասնակցելու համար, 1910 թ. դեկտեմբերի 14-ին Թիֆլիսի առաջնորդարանում տեղի է ունենում կաղմակերպչական ժողով, որտեղ ելույթ է ունենում նաև Թումանյանը: Որոշվում է էջմիածին ուղարկել վեց հոգուց բաղկացած խառնատեսակալություն բանաստեղծի մասնակցությամբ: Դեկտեմբերի 17-ին նա մեկնում է էջմիածին՝ որպես ներկայացուցիչ «Հորիզոն» օրաթերթի և «Հասկեր» ամսագրի՝ հանձնարարություն ունենալով նաև արձայնու պատկ դնել Հաշտարխանի հայ հասարակության կողմից: 18-ին Սանահին կայարանից Թիֆլիս է հասնում Թումանյանի ստորագրությամբ առաջին հեռագիրը՝ ինչպես Մայր աթոռ մեկնող հայ պատգամավորների, այնպես էլ Վրաստանի էկզարխ Գրիգորի եպիսկոպոսի և այլ պատվավոր հյուրերի, պատվիրակների՝ էջմիածին մեկնելու մասին²: Այնուհետև, Թումանյանի ստորագրությամբ հեռագրերը «Հորիզոնի» ընթերցողներին ծանոթացնում էին կաթողիկոսի հոգեհանգստի և թաղման արարողությունների մանրամասներին³:

¹ «Հորիզոն», 1910, № 277, 279, 284:

² Նույն տեղում, № 283:

³ Նույն տեղում, № 284:

Դեկտեմբերի 20-ին ուղարկած բանաստեղծի հեռագիրը հայտնում էր, որ նույն օրը առավոտյան տեղի է ունեցել 80 պատգամավորների ժողով, որտեղ առաջարկվել և որոշվել է Իզմիրլյանի անունով ստեղծել դպրոցական ֆոնդ: Ինչպես պարզվում է «Հորիզոնի» հետագա նյութերից, այդ ժողովի շարունակությունը տեղի է ունեցել նույն օրը երեկոյան և, լինելով շատ աղմկոտ ու վիճաբանություններով, պատճառ է դարձել սուր բանակովի, իրար ընդհանրապես չհանդուրժող «Հորիզոն» և «Մշակ» օրաթերթերի աշխատակիցների և կողմնակիցների միջև:

Էջմիածնում եղած օրերին բանաստեղծի սուր տեսողությունից դուրս չէր մնացել Մայր աթոռի ծանր մթնոլորտը, լճացած այն միջավայրը, որում տառապել էր Մատթեոս Իզմիրլյանը՝ կաթողիկոսական գահը կրելու երկու տարվա ընթացքում, լինելով գրեթե մենակ ու անպաշտպան: Թումանյանը համոզվել էր, որ բանասարկու մի քանի հոգևոր գործիչներ պարզապես արագացրել են առանց այն էլ ֆիզիկապես տկար կաթողիկոսի մահը, և դեկտեմբերի 20-ի հիշյալ պատգամավորական ժողովում ելույթ ունենալով, խիստ դատապարտել էր այդպիսիներին:

Թումանյանի՝ դեռևս էջմիածին մեկնելուց առաջ կաթողիկոսի մահվան առիթով գրած հորվածներում արդեն ակնարկներ կային Իզմիրլյանի հալածվելու և անպաշտպան լինելու մասին⁴:

«Մշակը», որ շարունակում էր երկու տասնամյակ տևող իր անբարեհաճ վերաբերմունքը Թումանյանի նկատմամբ, այժմ օգտագործում է պատգամավորական ժողովի նրա ելույթը՝ կարապետ եպիսկոպոս Տեր-Մկրտչյանի և նրա համախոհների դեմ, և Հ. Առաքելյանի հորվածներում միանգամայն այլ կերպ ներկայացնում և՛ էջմիածնի անց ու դարձը, և՛ բանաստեղծի ելույթի մեկնաբանությունները⁵:

Ահա նոր առիթ հրապարակային բանակովի, որ Թումանյանի ստեղծագործ մտքի հետ որևէ առնչություն չունենալով, խլում էր նրա թանկագին ժամանակը, դցում հասարակական դործերի ու դեպքերի ոլորտալուրջ մեջ, անշուշտ, ո՛չ հակառակ նրա ցանկություն: Այդպես էր բանաստեղծը. հայկական կյանքում կատարվող որևէ դեպք առանց նրա գործուն մասնակցության լինել չէր կարող, իսկ «Հորիզոնի» խմ-

⁴ Նույն տեղում, № 277, 279:

⁵ «Մշակ», 1910, № 285:

բազիր լինելը նաև պարտավորեցնում էր:

«Համբ. Առաքելյանը և էջմիածնի վերջին դեպքերը» հոդվածաշարում և «Բաց նամակ պ. Հ. Առաքելյանին» թղթակցության մեջ Թումանյանը փաստացի սվլյալներով ապացուցում էր «Մշակի» գլխավոր աշխատակցի սուտ ու սխալ տեղեկությունների էությունը, լրագրողի անպատասխանատվությունն ու անազնվությունը⁶: Խնդիրն այն է, որ Առաքելյանին դուր չէր եկել բանաստեղծի հախուռն ելույթը Կարապետ եպիսկոպոս Տեր-Մկրտչյանի դեմ: Այստեղ կար մերկապարանոց միտում՝ պաշտպանելով հիշյալ եպիսկոպոսին, «Մշակը» նախապատրաստվում էր կաթողիկոսական ապագա ընտրական պայքարին, քանի որ Կարապետ եպիսկոպոսը, ինչպես պարզվեց մի քանի ամիս անց, նրա թեկնածուներից մեկն էր:

Թումանյանի մերկացումներից վերադարձած Առաքելյանը, չկարողանալով դիմանալ բանաստեղծի սուր գրչին, շուտով նրան սպառնում է միջնորդ դատարանով, իսկ բանաստեղծը պատասխանում է ինքնավստահ և անզիջող մի «Բաց նամակով»:
«Թող դատաստան լինի,— գրում է նա— Դուք ինքներդ գնացեք անձամբ, իսկ ես, եթե կուզեք, կուղարկեմ միայն իմ գլխարկը, դա էլ բավական կլինի ցույց տալու, որ դուք ստախոս եք ու կեղծող:

Բայց դուք մի կեղտոտ ձի ունեք, որ շատ եք սիրում հեծնել ու քշել այս ու այն կողմը: Այդ «Դաշնակցության գործն է»: Այդ գործը, պարոն, արդեն դատարանումն է: Ո՛վ կմեղադրվի, ո՛վ կարդարանա՝ այդ ասպագան ցույց կտա: Բայց դա ի՞նչ կասի ունի Կարապետ եպիսկոպոսի գործի և Ձեր ստախոսության հետ»⁷:

Ավելորդ է այս բանավեճի մանրամասներին անդրադառնալը. ասենք միայն, որ Թումանյանը 1911 թ. հունվարի 12-ին հարցի պարզաբանության համար, Վյենում բնակվելով, ընդունում է դատը, առաջարկում միջնորդ դատարան հրավիրել հենց էջմիածնի վերոհիշյալ պատգամավորական ժողովի նախագահ Հ. Խունունցին, նույն ժողովի մասնակից, Թիֆլիսի քաղաքագլուխ Ալ. Խատիսյանին, «Մշակի» աշխատակից բժ. Վ. Արծրունուն: Թող Թիֆլիսում գտնվող պատգամավորները հավաքվեն ու տեսնեն այս ամոթալի դատը,— հայտարարում է վեր-

⁶ «Հորիզոն», 1910, № 290, 291, 293:

⁷ Նույն տեղում, № 292:

դովաժ բանաստեղծը:— Բավական է մամուլը դարձնել ստախոսության ասպարեզ»⁸:

Բայց Հ. Առաքելյանը միջնորդ դատարանի իր ամպագորգու պահանջը չի հետապնդում, և դատն էլ տեղի չի ունենում:

Հոգվածներից մեկում նրա արած այն հայտարարությանը, թե Հովհաննես Թումանյանը «երբեմն էր բանաստեղծ», վերջինս տվել է հետևյալ սուր պատասխանը. «Գուցե Հ. Առաքելյանը ճշմարիտ է ասում, որ ես «երբեմն» էի բանաստեղծ ... այն ծանր օգում, որ շնչում եմ Հ. Առաքելյաններ—բանաստեղծությունը չի կարող շնչել ու ապրել և պետք է լռի վերջապես, բայց գոնե բողոքի և զայրույթի ձայնը ընդդեմ ստույթյան, վատություն ու կեղծիքի՝ չպետք է լռի»⁹:

Եվ բանաստեղծը չի լռում:

Դեռևս Իզմիրլյանի մահից քիչ անց հրապարակված «Մեծերից հետո» հոգվածում, բանաստեղծը ի լուր ամենքի հայտարարում էր, որ Խրիմյան Հայրիկ և Մատթևոս կաթողիկոսներից հետո հայ ժողովուրդը չունի այնպիսի հոգևոր գործիչ, որ դառնա իր իսկական ընտրյալը¹⁰: Այնիկ ուշ նա բացահայտորեն և սրտացավությամբ նշում էր, որ եղած թեկնածուները (Կարապետ Տեր-Մկրտչյան, Մաղաքիա Սրմանյան, Եղիշե Դուրյան, Մեսրոպ Տեր-Մովսիսյան, Դևոբդ Սուրենյան և ուրիշներ) շատ սովորական մահկանացուներ են¹¹:

1911 թ. ապրիլին, երբ դեռ չէր սկսվել թեկնածուների պրոպագանդումը, Թումանյանը Մեսրոպ Կաթողիկոսին գրած նամակում կես կատակ կես-լուրջ գրում է. «Կարծեմ կաթողիկոսական խնդիրն էլ լավ ենք տանում: Սրանից լավ իսկի երևակայել անգամ չի կարելի», որով, հավանաբար, կամենում էր ընդգծել, թե չեն կարողանում կողմնորոշվել, որովհետև մի քանի առդից հետո գրում է. «Մոտիկ առաջիկայում ուղում եմ մի խորհուրդ հրավիրել մեր գրողներից ու գործիչներից՝ տեսնենք որն է լավ» (V, 342): Եթե նույնիսկ այդ խորհուրդը հրավիրվել է, մասնակիցները, ըստ երևույթին, ընդհանուր եզրակացության չեն եկել: Ամիսներ անց, սեպտեմբերի 11-ին տպագրված «Կաթողիկոսական ընտրելիներ» հոգվածում, նա առաջարկում էր ընդարձակ հոգ-

⁸ «Հորիզոն», 1911, № 6:

⁹ Նույն տեղում, 1911, № 11:

¹⁰ Նույն տեղում, 1910, № 284:

¹¹ Նույն տեղում, 1911, № 218:

վածներով ժողովրդին ծանոթացնել Մեսրոպ Տեր-Մովսիսյան, Նզիշե Դուրյան, Կարապետ Տեր-Մկրտչյան եպիսկոպոսների հետ, քանի որ, ի վերջո, նրանք կարող են դառնալ հիմնական թեկնածուներ: Բայց օրաթերթի խմբագրության մյուս անդամները հոգևածի տակ դնում են ծանոթագրություն այն մասին, թե հայտնված միտքը թեկնածուների մասին «անհատական կարծիքի արտահայտություն է»: Այստեղից կարելի է դալ այն եզրակացության, որ «Հորիզոնի» խմբագրության մյուս գլխավոր աշխատակիցները ունեին մի այլ թեկնածու՝ Գևորգ Սուրենյանը, որի անունը Թումանյանը չէր տվել¹²:

Այսպիսով, ինչպես տեսնում ենք, այս ընտրությունների միջոցին Թումանյանը շունչ էր փչում թեկնածու Նույնիսկ սեպտեմբերին նա չէր կարողանում կողմնորոշվել, թե, ի վերջո, ում կարելի է առաջադրել կաթողիկոս, և ընտրությունը թողել էր քվեարկող ժողովրդին:

Բայց այդ կարծիքին չէր «Մշակը» իր առաջնորդներով:

1911 թ. սեպտեմբերի 20-ին «Մշակում» լույս տեսած իր «Ուղևորական ակնարկների» VII հոդվածում Համբ. Առաքելյանը Կ. Պոլսի պատրիարքի տեղապահ Վահրամ Մանկունու անունից հայտարարում է. էջմիածնից իրեն ուղարկված է 50—60 հոգուց բաղկացած «չեզոք», «անկուսակցական» նշանավոր մարդկանց մի ցուցակ, որից նա պետք է ընտրի պատվիրակներ՝ քվեարկող պատգամավորներ առաջադրելու համար, քանի որ դժվար է ձևավոր ցրտերին Թուրքիայից էջմիածին պատվիրակներ ուղարկել կաթողիկոսական ընտրությունների ժամանակ: Ծանոթանալով այդ բավական բազմամարդ ցուցակին, Առաքելյանը, ի թիվս այլոց, տեսել է նաև Թումանյանի (ցուցակում առաջինը), Աղայանի (որն արդեն փախճանվել էր) և Լեոյի անունները, դրանից եզրակացնելով, որ ցուցակը կազմել են իրենք՝ «հորիզոնականները»: Հայտարարելով, որ Մանկունին արդեն հակված է դեպի կաթողիկոսի տեղապահ Գևորգ եպիսկոպոս Սուրենյանի թեկնածությունը, Համբ. Առաքելյանը ենթադրում է, թե «Հորիզոնի» թեկնածուն ևս Սուրենյանն է, թեպետ արևմտահայ գաղառներում պրոպագանդ է տարվում նաև Նզիշե Դուրյանի և Խորեն Մուրադբեկյանի համար: Այսպիսով, ստացվում է այնպես, որ «հորիզոնականները», չնայած իրենց հայտարարում են «չեզոք» կաթողիկոսական թեկնածուների առաջադրման գործում, բայց մի կողմից Մանկունուն տրամադրում են դե-

պի Սուրենյանը, մյուս կողմից՝ պրոպագանդում եղ. Դուրյան և Խորեն Մուրադբեկյան սրբազանների թեկնածությունները¹³։

«Մշակի» հզրակացությունը արտառուց էր և վիրավորական, հատկապես Թումանյանի համար, որի վերաբերմունքը կաթողիկոսական թեկնածուների նկատմամբ հայտնի էր բոլորին՝ նրա վերը հիշված հոդվածներից։ Իսկ ինչ վերաբերում է Գ. Սուրենյանին, վերջինիս բանաստեղծը չէր համակրում դեռևս նրա՝ Վրաստանի և Իմերեթի հայոց թեմի առաջնորդ եղած Ժամանակից (1894) և բազմիցս ծաղրով ու արհամարհանքով է արտահայտվել պահպանողական «նոր-գարական» առաջնորդի մասին, որակելով նրան «փթած» առաջնորդ, աղգանունը փոխելով «Պարապյանց» (V, 80, 85, 91, 92, 122 և այլն), իսկ առաջնորդության տարիներին երբեք որևէ առնչություն նրա հետ չէր ունեցել¹⁴։

Յուցակի այդ տգեղ պատմությունը անմիջապես տարածվում է և ստանում լայն արձագանք։ «Խաթարալա» հրգիծական շաբաթաթերթը նույնիսկ ֆելիետոն է տպագրում երկու կողմերի պայքարի մասին, հիշելով նաև բանաստեղծի անունը¹⁵։ «Մշակին» կողմնակից էին նաև «Հովիտ» ու «Սուրհանդակը»¹⁶։

«Հորիզոնի» «Մի նոր խարդախություն» անստորագիր հոդվածում դատապարտվում էր «Մշակի» կեղծիքը և պահանջվում, որ Կ. Պոլսի պատրիարքի տեղապահը՝ ինքը հրապարակավ հայտարարի, թե ումից է ստացել հիշյալ ցուցակը։ Համբ. Առաքելյանի «Ուղեորական ակնարկների» VII հոդվածը և հրապարակված ցուցակն է պատճառ դառնում, որ Թումանյանը, անձամբ դիմելով Մանկունուն, խնդրում է հանել իր անունը այդ շաբաթաստիկ ցուցակից, քանի որ ինքը տեղյակ չէ, թե ով է կազմել և ուղարկել այն և ինչու են դրել նաև իր անունը առանց իր համաձայնության։

Բանասիրական մի ճշտում։

Ինչպես ասվեց, Համբ. Առաքելյանի հիշյալ հոդվածը հրապարակվել է սեպտեմբերի 20-ին, «Հորիզոնի» «Մի նոր խարդախություն» հոդվածը՝ նույն ամսի 22-ին։ Վրաստանի առաջնորդական տեղապահ Եփրեմ հպիսկոպոսի կարգադրությամբ՝ պատգամավոր առաջադրող պատ-

13 «Մշակ», 1911, № 204։

14 «Հորիզոն», 1911, № 234։

15 «Խաթարալա», 1911, № 42։

16 «Հովիտ», 1911, № 38, «Սուրհանդակ», 1911, № 401։

վիրակների ընտրութիւնը կատարւում է հոկտեմբերի 9-ին¹⁷։ Այդ, այդ ինչպե՞ս է, որ նամակը՝ պատվիրակների թեկնածուների ցուցակից իր անունը հանելու մասին՝ գրւած է հոկտեմբերի 22-ին, այսինքն՝ ընտրութիւններից հետո։ Թւական այս տվյալները ապացույց են; որ Մանկունուն ուղարկւած նամակի ամիսը «Շողակաթ» տարեգրքում սը-խալ է։ Թումանյանն այդ նամակը գրել է սեպտեմբերի 22-ին՝ նույն օրը, երբ տպագրւել է «Հորիզոնի» անստորագիր հոդւածը՝ «Մի նոր խարդախութիւն» վերնագրով։ Հնարավոր է, որ սխալւել է Թուման-յանը. վայրացած վիճակում նամակը գրելիս, մտքում եղել է պատվի-րակների ընտրութեան հոկտեմբեր ամիսը։ Ցավոք, նամակի սևագիր ինք-նագիրը, որ միայն վերջերս է հայտնաբերւել Թումանյանի թանգարա-նում, թվագրութիւն չունի, հակառակ դեպքում նամակի՝ սեպտեմբե-րի 22-ին գրած լինելը տարակույս չէր առաջացնի (Նոր նյութեր, թղթա-թ 21), կարելի է բերել այլ օրինակներ ևս, երբ Թումանյանը նա-մակները գրելիս շփոթել է ամիսները։

Փաստական այս ճշտումը հանգեցնում է այն եզրակացութեան, որ վերոհիշյալ անստորագիր հոդւածը՝ «Մի նոր խարդախութիւն» վեր-նագրով, պատկանում է Թումանյանի գրչին։ Այդ անառարկելի է դառ-նում հատկապես այն դեպքում, երբ համեմատում ենք նամակի և հոդւածի բովանդակութիւնը, ոճը, գրութեան շարժառիթը։

1911 թ. հուլիսի 20-ին հանկարծամահ է լինում Ղ. Աղայանը՝ «Հո-րիզոնի» խմբագրութիւն գնալու ճանապարհին։ Գրականում հայտնա-բերել էին նրա վերջին հոդւածը, «Մի անհրաժեշտ ծանոթութիւն Մաղաքիա եպիսկոպոսի նոր գրքի առթիւ» վերնագրով՝ գրւած վեր-ջինիս «Հայոց եկեղեցին» գրքի մասին։

Թումանյանը ծանր է տանում ավագ ընկերոջ և բարեկամի կո-րուստը. «Ես վերջին ժամանակներս մի տեսակ թմրութեան մեջ էի ընկել։ Ղազարոսի մահը շատ խոր ազդեց և եղալ իմ մշտական թանկ վշտերից մինը» (V, 343)։

Ինչպես պարզւում է Լեոյի՝ Թումանյանին գրած 1911 թ. հուլի-սի 24-ի նամակից, դրանից անմիջապես առաջ բանաստեղծը Լեոյին գրած նամակով (անհայտ) խորհուրդ էր տվել ընկերոջը՝ ուշադրու-

¹⁷ «Հորիզոն», 1911, № 218։

գրում, «սոցիալ-դեմոկրատիայի կարմիր դրոշի տակ»: Կոչն ավարտվում է հետևյալ տողերով.

«Կեցցե՝ ազգերի եղբայրությունը,

Կեցցե՝ հալալ աշխատանքը,

Կեցցե՝ հերոս բանվոր մարդը» (VI, 410):

Ճշգրիտ թվագրությունն ունեցող Թումանյանի՝ «Արշալույսում» տրւադգրված «Նամակ խմբագրությանը» նախ ճշտում է «Ղարիբ եղբայրներ» կոչի մեջ հիշատակված դեպքերի հաստատ օրը՝ նոյեմբերի 27, որոշում կոչի թվագրությունը՝ Գսեղի միտինգից հետո՝ նոյեմբերի 28—29-ը: Այնուհետև, որ շատ կարեւոր է, հաստատ տեղեկություն է տալիս, թե ո՞ւմ է ուղղված կոչը, ովքեր են այդ «Ղարիբ եղբայրները», «մեր թանկագին ղոնախները», ինչպես գրում է Թումանյանը:

1906 թ. հունվարի 9-ի բաց նամակի մեջ ընթերցողին ներկայանում է ալեխի՛ ու հայաբոտ մեծ մարդը, օբյեկտիվորեն դատող ազգային գործիչը: Մի կողմից՝ Թումանյանը սրտի ցավով, եթե կարելի է ասել, ամոթի խոր զգացումով է նկարագրում տեղի ունեցածը (այդ հատկապես շեշտված է կոչի մեջ), ամիսսում, որ հայերը ավելորդ արյուն են թափել, բայց, միաժամանակ, բացատրելով հանգամանքները, ցույց է տալիս, թե լցվել է համբերության բաժակը, և դա առանձին դեպքերում նրանց կարող է մղել նման քայլերի:

* * *

1906 թվականի հունվարի վերջերին, շնորհիվ Թումանյանի ջանքերի, հատկապես Լոռու շրջանում ապահովվում է անվտանգությունը: Գոյթին մեծապես նպաստում է Բորչալուի այդ օրերի դավառապետ, բանաստեղծի նամակներից մեզ հայտնի Ռեզանովը: Վերջինս նույնիսկ հաջողիցնում է ձերբակալի մի քանի կողոպտիչ-ջարդարարների և ուղարկել նրանց Ռիֆլիս՝ Մետեխի բանտ:

«Արշալույսի» թղթակից, շուրավերցի Գր. Բալասանյանը հետաքրքրական հաղորդումներով Ռիֆլիսի ընթերցողներին տեղյակ էր պահում՝ գավառում կատարվող դեպքերին:

Տեսնելով, որ մոտենում է դարունը, և կոտորածների պատճառով ահարեկված ու ցրված ազգաբնակչությունը հնարավորություն չի ունենալու հողի մշակումը սկսելու, Կովկասի կառավարչությունը թեպետ ուշացած, բայց ժողովում է բնակչությանը վերադառնալ և տիր կանգ-

նել հողերին, սպառնալով, որ եթե դանդաղեն, կարող են զրկվել հողերից:

Ինչպես պարզվում է մամուլի տվյալներից, գնդապետ Լևիցկու կարգադրությամբ արգելվում է ղենք կրելը, սկսվում է վնասների, կորած գույքերի և անասունների ձեական գրանցում ու դնահատում¹⁴: Նույն Գր. Բալասանյանի՝ Շուլավերից փետրվարի 2-ին գրած թղթակցությունից իմանում ենք, որ թուրքերը այժմ արդեն իրենք են ձգտում հաշտության, որովհետև մոտենում էր գարունը, պետք է սկսվեր ավանդական բույր, հայերը կարող էին յայլանների ճանապարհները փակել, իսկ այդ ճակատագրական կլիներ թուրքերի համար նույնպես:

Բոլորի համար պարզ էր, որ եթե նույն թափով կոտորածները շարունակվեին, սովը անխուսափելի էր:

Գր. Բալասանյանի փետրվարի 4-ին գրած թղթակցության մեջ հաղորդվում է, թե լուրեր են պատվում հայերի՝ Քոբփու գյուղի վրա կատարած հարձակման մասին. տեղ հասած կազակները և լամբալուին ու Սադախուին օգնության գնացած թուրքերը հայտնում են, որ լուրերը սուտ են: Նույն թղթակցությունից իմանում ենք, որ այդ օրերին «Հովհաննես Թումանյանին տեսել են այն կողմերով Ղազախ գնալիս լոռեցի հայերի հետ սպիտակ դրոշակներով՝ հաշտություն քարոզելու համար»¹⁵:

Պետք է ասել՝ մամուլը խիստ ժլատ է Թումանյանի այդ օրերի դործունեության վերաբերյալ: Միայն «Արշալույսն» է հայտնում բանաստեղծի, լոռեցի հայերի ու նրանց պարզած սպիտակ դրոշի մասին, որի վերաբերյալ, ինչպես բանաստեղծի նամակներում, այնպես էլ ժամանակակիցների հուշերում կան վկայություններ, առանց, սակայն, ճշգրիտ օրերի հիշատակության: Այսպիսով, Գր. Բալասանյանի փետրվարի 4-ի թղթակցությունը պարզում է մի որոշակի թվագրություն ևս՝ բանաստեղծի՝ Ղազախում կատարած խաղաղության բանակցության մասին:

Հայ-թուրքական հարաբերություններին վերաբերող «Արշալույսի» նյութերում ուղադրություն է գրավում փետրվարի 18-ին տպագրված «Լոռեցիների կոչը». այն կրում է համախոսականի բնույթ, ուստի և անստորագիր է: Բերում ենք կոչը ամբողջությամբ, ապացուցելու համար, որ այն գրված է Թումանյանի ձեռքով, և նա է անձամբ ուղար-

¹⁴ «Արշալույս», 1906, № 25, 26:

¹⁵ Նույն տեղում, № 28, 30:

ինչպես տեսնում ենք, բանաստեղծի հարցադրումը ավելի լայն ընդգրկում ունի, քան ժամանակին այդքան մեծ հետաքրքրություն առաջացրած ու կրքոտ վիճաբանությունների տեղիք տված կաթողիկոսական ընտրությունը: Թումանյանը, ինչպես բաղմամբով այլ հարցեր քննարկելիս, այժմ էլ շեշտը դնում էր մարդկայնության, ազնվության վրա, անկախ նրանից՝ խոսքը վերաբերում է գործին, թե գործին, գրողին, թե ստեղծագործությանը:

Քննարկված հոդվածը առաջացնում է նոր արձագանքներ: «Սուրհանդակ» օրաթերթում հանդես է գալիս Կատոնը²⁴, որը բացատրություն է պահանջում Թումանյանի այն հայտարարության համար, թե Կատոնի նպատակն է, Թումանյանի և նրա կողմնակիցների «քաղաքական անբարենհուսությունը» հիշեցնելով, լռեցնել նրա ձայնը և կասկածելի դարձնել հակառակ կողմնակցության կաթողիկոսական թեկնածուներին:

Կատոնի թղթակցությունը («Նամակ խմբագրության») ինքնին լուրջ բան չէր ներկայացնում. այն կրկնում էր «Մշակի» միտումնավորությունը: Բայց Կատոնը ստիպեց Թումանյանին 1911 թ. հոկտեմբերի 6-ին գրելով «Նամակ խմբագրության» (տպագրվել է հաջորդ օրը՝ 7-ին), բողոքել հեղինակի քննադատության անազնիվ մղումների դեմ²⁵ և ապա՝ հոկտեմբերի 9-ին «Պատասխան այ. Կատոնին» վերնագրով հոդվածը²⁶, որտեղ բանաստեղծը շրջանցելով իր և հակառակորդների բանակովի սկզբնապատճառը՝ կաթողիկոսական ընտրությունները, տալիս է գրողի դերի մի անկրկնելի ընդհանրացնող գնահատական:

«Նամակ խմբագրության» հոդվածում Թումանյանը հետաքրքրվել էր, թե արդյոք «Կատոն», «Կ», «Իրազեկ» ստորագրությունները Ս. Չերքեզյանինը չե՞ն (պահպանողական լրագրող-հրապարակախոս): Այդ հարցը առիթ դարձնելով, Կատոնը Թումանյանին ուղղված երկրորդ հոդվածում նրան անվանել էր ուսիկանակա՞ն գաղտնի խուզարկու²⁷, որը և բանաստեղծին դրդում է գրելու հետևյալ թևավոր խոսքերը.

«Գրողները, բանաստեղծները միաժամանակ ոչ այլ ինչ են, եթե ոչ՝ գաղտնի խուզարկուներ, որ ոչ միայն ձեռք կեղծ անունները հրա-

24 «Սուրհանդակ», 1911, № 406:

25 «Հորիզոն», 1911, № 220:

26 Նույն տեղում, № 222:

27 «Սուրհանդակ», 1911, № 408:

պարակ կրեռին, այլև ձեր կեղծ հոգին ու կեղծ մտքերը, որ ավելի խորն են ծածկված:

Այդ աստվածային գաղտնի խուզարկութունն է, որ հայտնագործում է մութը արարածների գաղտնի գործերը, աղաղակում է, հրապարակում և այդպիսով հսկում է բարոյական օրենքներին ու շատ նվիրական բաներին՝ գաղտնի սրիկայութունների դեմ:

Գաղտնի խուզարկու՜ւ...

Գիտե՞ք, գաղտնի պ. Կատոն, եվրոպական մեծ բանաստեղծներից մինը, կարծեմ Հեյնեն, իր հայրենիքին դիմելով՝ ասում է. «Ես քո պահպան շունն եմ»: Ի՞նչ կա որ. թող ես էլ իմ համեստ ուժերով իմ հայրենիքի պահպան խուզարկուն լինեմ: Եվ ահա բռնել եմ ձեզ. պատասխան տվեք իմ հարցին, դուրս եկեք հրապարակ: Ոչ մի բարոյական օրենք չկա, որ մի մարդ խոսի, գործ տեսնի միաժամանակ մի քանի կեղծ անուններով, մի անունը մի բան գրի, մյուսը նրան վկա գա, երրորդն էլ հաստատի, իբրև թե երեք մարդ են մեջտեղը» (IV, 195):

Պատասխան հոգվածում Կատոնը, խուսափելով որոշակի խոստովանութունից իր ով լինելու մասին, դարձյալ անդրադառնում է Վ. Մանկունուն ուղարկած ցուցակում բանաստեղծի անվան հիշատակությանը, դրանով ստիպում վերջինիս գրելու «Հովիտի» Կատոնին» նոր հոգվածը: «Ես սպասում եմ տակավին,— պնդում է բանաստեղծը:— Այս խնդիրը (կեղծ ստորագրութունների—Լ. Կ.) ինձ համար չափազանց կարևոր ու ցավալի մի խնդիր է, գերազանցապես հասարակական, եթե կուղեք՝ ազգային, միանգամայն ժամանակակից, և իսկի չի վերջանում ձեզանով»²⁸:

Բայց Կատոնը որոշակի պատասխանից խուսափում է նաև հետագայում²⁹:

1911 թ. ամբողջ հոկտեմբեր ամիսը բանաստեղծը, այսպես անընդմեջ, ղբաղված էր հակառակորդների դեմ այնպիսի հոգվածներ տպագրելով, որոնց մեջ հառնում էր հետևողական ու անզիջում հրապարակախոսը իր սուր գրչով, սկզբունքայնությամբ, ժամանակի միջավայրի հակասութունների խոր ըմբռնությամբ ու հարցերի լայն ընդգրկումով: Հոգվածների բովանդակությունն է պատճառը (շարժառիթը կաթողիկոսական ընտրություններն էին), որ դրանք, միայն մի բա-

²⁸ «Հորիզոն», 1911, № 227:

²⁹ «Սուրհանդակ», 1911, № 415:

ցառությամբ («Պատասխան պ. Կատոնին», 1V, 194), մնալով «Հորիզոնի» համարներում, այսօրվա ընթերցողին մեծ մասամբ անծանոթ են:

Վերևում անդրադարձանք սեպտեմբերի 22-ին հրապարակած «Մի նոր խարդախություն» վերնագրով անստորագիր հոդվածին, ապացուցելով, որ հեղինակը Հովհ. Թումանյանն է: Երկու օր հետո սեպտեմբերի 24-ին տպագրվում է «Հորիզոնի» Մամուլ բաժնի տեսությունը՝ «Մշակի» և Հ. Առաքելյանի դեմ՝ դարձյալ Կ. Պոլիս ուղարկված ցուցակի կապակցությամբ: Առաջին իսկ տողում հիշատակված է «նախանջյալ» «Հորիզոնի» «Մի նոր խարդախություն» հոդվածը, որը ոչ միայն ոճական առանձնահատկություններով նման է այդ իսկ Մամուլի տեսությանը, այլև, կարծես, սկիզբը լինի այդ թղթակցության: Ուստի անհավանական չէ, որ այն ևս պատկանում է Թումանյանի գրչին:

Եվ այնուհետև նույն օրաթերթի համարներում՝ Հ. Առաքելյանի, «Մշակի» և նրա համախոհների դեմ գրված անստորագիր առաջնորդողների, հոդվածների մեջ (որոնք հատկապես ակնարկում են, հիշեցնում Թումանյանի դրած նախկին հոդվածները՝ մտքերը կամ արտահայտում օրաթերթի խմբագրության սկզբունքային դիրքը կաթողիկոսական ընտրությունների ողջ ընթացքում) միշտ պետք է փնտրել բանաստեղծի գրիչը:

Լեոյի հուշերից հայտնի է, որ Թումանյանը գրել է նաև անստորագիր առաջնորդողներ (ԹԺՀ, 68):

Լինելով «Հորիզոնի» գլխավոր աշխատակիցներ, 1910—1911 թթ. առաջնորդողներ գրում էին Լևոն և Թումանյանը: Եթե առաջնորդողի բովանդակությունը կապված է առօրյա, հաճախ արժարժվող սրևէ հարցի հետ, բացարձակապես հրապարակախոսական է և ուղղակի փաստեր շունենք, թե սույալ միջոցին որտեղ էին Թումանյանը կամ Լևոն, ապա դժվար է միայն արտաքին-ոճական տվյալներով որոշել, թե այս կամ այն անստորագիր առաջնորդողի, կամ հոդվածի հեղինակը ով է: Երկու հեղինակների ստորագրություն ունեցող հոդվածներից ակնառու է, որ Թումանյանի խոսքը կարճ էր, դիպուկ, հարձակողական, հաճախ օգտագործվում էին ժողովրդական արտահայտություններ, ոճեր: Լեոյի հոդվածները մեծ մասամբ երկարաշունչ էին, որոշ դեպքերում ունեին պատմական բնույթ, թեպետ նա էլ գրել է կարճ, արդիական հարցեր շոշափող, ինչպես և հարձակողական առաջնորդողներ:

Կասկածի տեղիք տալ չի կարող, օրինակ, որ Լեոյի գրչին է պատկանում «Կաթողիկոսական հարց» անստորագիր հոգվածաշարը, որտեղ հարցը բնության է հեթարկվում պատմականորեն, անցյալ ժամանակների հայ հոգևոր կյանքի տված դասերի՝ տեսանկյունից՝ սկսած 1836 թ. «Պոլսեցի»-ի կատարած փոփոխություններից, Ներսես Աշտարակեցու և հաջորդ կաթողիկոսների ընտրություններից, մինչև 1911-ի դեպքերը, երբ առավել սրված էր կաթողիկոսական ընտրությունների պայքարը ժամանակի բերումով³⁰:

Դժվար է, օրինակ, որոշել, թե ով է հեղինակը հոկտեմբերի 11-ին, 12-ին, 14-ին («Հորիզոն», № 223, 224, 226) լույս տեսած «Առաջ և այժմ (կաթողիկոսական հարցի առթիվ)» անստորագիր հոգվածաշարի՝ Թումանյանը, թե՞ Լևոն, բայց անտարակուսելի է, որ նույն ամսի 13-ի Մամուլի տեսությունը բանաստեղծինն է. ապացույց՝ Թումանյանի անձնական վերաբերմունքի արտահայտությունը Դեորգ արքեպիսկոպոս Սուրենյանի նկատմամբ՝ ինչպես միշտ բացասական («...մենք նրա անունով չենք երգվում», — գրում է հեղինակը), մինչդեռ Լևոն կաթողիկոսական տեղապահի նկատմամբ ավելի ներողամիտ էր. մի բան, որ հատկապես երևում է վերջինիս՝ Թումանյանին գրած հոկտեմբերի 24-ի նամակից³¹:

1911 թ. հոկտեմբերի 6-ին տպագրվում է «Ում պիտի ընտրել» անստորագիր առաջնորդողը՝ ուղղված դարձյալ Կատոնին՝ «Հովիտի» նույն թվականի № 38-ի այն թղթակցության կապակցությամբ, ուր Մանկունուն ուղարկված ցուցակի առիթով հեղինակը գրում էր, թե «...ցուցակի մեջ հիշվածները, չնչին բացառությամբ պատկանում են այն կուսակցությանը, որի օրգանն է «Հորիզոնը»: Եթե ոչ Թումանյանը, ապա ո՞վ պետք է պատասխաներ Կատոն—Զիրքեղյանին՝ բանաստեղծի երգվյալ հակառակորդին, երբ, մանավանդ, հարցը գրվում էր ոչ թե սկզբունքային հողի վրա, այլ՝ կուսակցական: Այդ հանգամանքը պարտավորեցնում էր բանաստեղծին ապացուցելու, թե իր խմբագրած թերթի չի պաշտպանում դաշնակցության դերքորոշումը (այս դեպքում այդ անհրաժեշտ էր անել, հատկապես, իր՝ դատի տակ լինելու պատճառով, թեթև փակման վտանգից փրկելու համար: Ի վերջո, ինչպես

30 Տե՛ս «Հորիզոն», 1911, № 205—211 և հմտ. Լեոյի ստորագրությամբ տպագրված «Երմիլյան և Վարժապետյան (Մի էջ հայոց հարցի պատմությունից)» հոգվածի հետ. նույն տեղում, № 223, 240, 245, 249:

31 ԳԱԹ, ԹՖ, № 705:

վերևում ասվեց, Կատոնի նպատակն էլ հայտնի էր՝ ականարկել բանաստեղծի անբարեհույս քաղաքացի լինելը)։ Իր սկզբունքների անկուսակցական էությունը Թումանյանը նույն ձևով պաշտպանել էր մեկ օր առաջ հրապարակած իր «Մեծ մոլորեցնողը և ծանր հանցավորը» հոդվածում։ Ավելորդ չէ որպես ոճական առանձնահատկություն օրինակ բերել «Ու՛մ պիտի ընտրել» առաջնորդողի մի արտահայտությունը, որին հանդիպում ենք նաև դարձյալ ստորագրված «Կաթողիկոսական ընտրելիները» հոդվածում՝ «հնշտ կարող է պատահել» (այսինքն հնարավոր է)³²։

Թումանյանի հրապարակախոսության առանձնահատկությունը, գաղափարների հետևողական սկզբունքայնությունը աչքի է ընկնում հոկտեմբերի 7-ի «Ծիծաղելի վայնասուն», 9-ի՝ «Ընտրելիները» անստորագիր առաջնորդողներում³³։ Հատկապես վերջին հոդվածում հեղինակը, անդրադառնալով Իլմիրյանի մահվան առիթով և ավելի ուշ հրապարակած իր հոդվածների մտքերին, գրում է. «Մեր նախընթաց մի շարք հոդվածներում մենք արդեն շատ պարզ և մանրամասն բացատրել ենք, որ անձնավորությունները չեն կարող հրաշքներ գործել... Մեզ համար առաջին բանն այն է, որ ամեն մի ընդունակություն հպատակվի ժողովրդական վարչության մեծ գաղափարին։ Եկեղեցին կառավարողը պիտի ժողովուրդը լինի։ Մեր բոլոր լավագույն գործիչների, նույնիսկ հոգեւորական, դավանանքն է եղել, թե կաթողիկոսը, ինչպես և եկեղեցու ամեն մի պաշտոնյա, ժողովրդի սպասավորն է։

32 ՏՆ՝ս «Հորիզոն», 1911, № 199, 219։ Կատոնին ուղղված վերջին առաջնորդողի առիթով անհրաժեշտ է ավելացնել, որ տիրահույս այդ ցուցակի պատճառով առաջացած վիճաբանություններն ու երկու կողմնակցությունների՝ մեկը մյուսի դեմ կատարած հրապարակային հարձակումները ի վերջո ինքնաբերաբար ի հայտ բերեցին իսկական մեղավորին, որը ոչ այլ ոք էր՝ եթե ոչ ինքը՝ տեղապահը՝ Գևորգ արքեպիսկոպոս Սուրենյանը։ Ցուցակը կազմել և Կ. Պոլիս էր ուղարկել նա ոչ միայն ի պաշտոն, այլև որպես շահագրգռված անձ՝ կաթողիկոսական թեկնածու։ Նույն կարծիքին էր և «Մշակը» 1911 թ. հոկտեմբերի 22-ի «Մի նոր փաստ» հոդվածում, թեպետ «Սուրհանդակ» օրաթերթում Գ. Սուրենյանը հերքել էր իրեն հարուցված մեղադրանքը, հայտաբարելով, թե տեղյակ չէ Մանկունուն ուղարկված ցուցակից (№ 301)։

Օգտագործելով «Մշակի» այդ «նոր փաստը», Թումանյանը «Հորիզոնի» հոկտ. 23-ի Մամուլ բաժնի անստորագիր թղթակցությամբ մի անգամ ևս ընդգծում է իր և կողմնակիցների ճշմարտացի լինելը և հակառակորդների անազնվությունը նույնիսկ այն դեպքում, երբ հրապարակի վրա էին աղաղակող փաստերը ցուցակի՝ էջմիածնից ուղարկված լինելու մասին (տՆ՝ս «Հորիզոն», 1911, № 234)։

33 «Հորիզոն», 1911, № 220, 222։

Ահա ինչ ենք մենք ցանկանում»³⁴։

Այդ միջոցի՝ հայ ժողովրդի սոցիալ-քաղաքական կյանքի պայմաններում (խոսքը, անշուշտ, վերաբերում է և՛ արևմտահայ, և՛ արեւելահայ հատվածներին) անհատներից «հրաշքներ» սպասելու անհնարինություն, այնպես էլ ժողովրդի ձայնի իրավունքը պաշտպանելու մասին գրված տողերի մեջ հառնում են Թումանյանի ժողովրդասիրական դադափարները։

«Հորիզոնի» 1911 թ. հոկտեմբերի 18-ի լուրերից պարզվում է, որ Լեոն «մի երկու շաբաթով մեկնել է Երևան»³⁵։ Այս հաստատ վկայությունը և այլ լրացուցիչ փաստեր օգնում են ավելի վստահորեն ասելու, որ այնուհետև հրապարակված անստորագիր հոդվածները մեծ մասամբ պատկանում են Թումանյանի գրչին։

Ուշագրավ է Լեոյի՝ Թումանյանին ուղարկած հետևյալ անթվակիր երկտողը Երևանից. «Երեքշաբթի օրվա հոգվածդ հոյակապ էր, համբուրում եմ դրա համար,— գրում է նա։— Չորեքշաբթի օրվանը ինձ չգոհացրեց։ Շարունակիր երեքշաբթի օրվա տոնով՝ հարձակողական, խիստ»³⁶։

Երկտողի անթվակիր լինելը, ինչ խոսք, դժվարացնում է միանգամից և ստույգ որոշել, թե բանաստեղծի ո՞ր հոդվածներին է վերաբերում գնահատականը, բայց շաբաթվա օրերի հիշատակությունը, «Հորիզոնում» լույս տեսած հոդվածների բովանդակության համեմատությունը, և Լեոյի Թիֆլիսից բացակայելը օգնում են ճշտելու, որ երկտողի հեղինակը նկատի ունի 1911 թ. հոկտեմբերի 18-ի (երեքշաբթի օրվա) «Վերջնական անկումը» անստորագիր առաջնորդող՝ գրված դարձյալ «Մշակի» և Մ. Օրմանյանի դեմ։ Հոդվածը իսկապես հարձակողական է, խիստ, ոչնչացնող, և բոլորովին պատահական չէ, որ դժվարահաճ Լեոն այդպիսի բարձր գնահատականի էր արժանացրել այն։

Այսպիսով, ըստ վերջինիս նույն երկտողի տված փաստի, Թումանյանն է գրել նաև հաջորդ՝ հոկտեմբերի 19-ի (չորեքշաբթի օրվա) առաջնորդողը «Սուտ են ասում» վերնագրով՝ ուղղված պահպանողական մամուլին («Մշակ», «Սուրհանդակ», «Հովիտ»), թեպետ դժվար է երկու հոդվածների մեջ, հրապարակախոսական հնչեղության առու-

34 Նույն տեղում, № 222, հմտ. նույն տեղում, 1910 № 281 կամ VI 191—192, 284։

35 Նույն տեղում, № 229։

36 ԳԱԹ, ԹՖ, № 713։

մով, մեծ տարբերություն նկատել, ինչպես այդ արել է Լեոն, առավելությունը տալով հոկտեմբերի 18-ի առաջնորդողին³⁷:

Քանի որ հաստատ է Լեոյի բացակայությունը Թիֆլիսից, ապա, որոշ իմաստով, ավելի դուրին է դառնում օրաթերթի՝ հոկտեմբերի երկրորդ կեսի հոգվածների տողերի արանքում տեսնելու Թումանյան լրագրողին և հրապարակախոսին: Այդ օրերին «Հորիզոնի» մշտական աշխատակիցների մեջ շկային Թումանյանին և Լեոյին արժանի փոխարինողներ: Դեռևս նույն տարվա հուլիսի 13-ին Թիֆլիսից Մանգլիս բանաստեղծին ուղղած նամակում Լեոն, գանգատվելով օրաթերթի խմբագրատան վիճակից, նյութական ծանր դրության, աշխատակիցների պակասի մասին, գրում էր. «Ինչևիցե, Հովհաննես, այս լրագրական գործը մեծ և մեծ դարդեր ունի, պիտի կարողանա՞ս ճար անել»³⁸: Այնուհետև, հուլիսի 24-ի նամակում Լեոն որոշակի բողոքում էր թերթի մշտական աշխատակիցների՝ Մարգար Ավետիսյանի և Միքայել Վարանդյանի անփորձությունից, որի պատճառով աշխատանքի ամբողջ ծանրությունը մնում էր իր վրա³⁹:

Քնականաբար նույն դժվարությունները կրկնվում էին Լեոյի բացակայության միջոցին Թումանյանի համար, մանավանդ, երբ անհրաժեշտ էր շուտափույթ, առաջատար հոգվածների հրապարակումը, Մամուլի տեսություն բաժնում պահպանողական թերթերի հարձակումներին պատասխանելը՝ սուր, դիպուկ հոգվածներով:

Հետաքրքրական արձագանք ունեցավ «Դեռ համարձակվում է խոսել և շարունակում է խաբել» վերնագրով անստորագիր առաջնորդողը՝ տպագրված հոկտեմբերի 21-ին և 23-ին: Այն դարձյալ ուղղված է «Մշակի», Հ. Առաքելյանի և Մ. Օրմանյանի դեմ: Եթե չլինեին Թումանյանի հետագայում տված փաստերը, թե հիշատակված առաջնորդողի հեղինակը ինքն է (այդ մասին՝ ներքևում), ապա հոգվածը նույնպես հուշում է հեղինակի ով լինելը: Ընթերցողի ուղարկությունը հրավիրվում է թեկուզ հետևյալ նախադասության վրա. «Իրենց (մշակականների)»—Լ. Կ.) միջի մամենախաբեբան էլ դժար քե այնպիսի հանդրգնությանը խաբի տգետ բորչավեցի քառաճամային, ինչպես այս մարդը (Հ. Առաքելյանը—Լ. Կ.) խաբում է գրել-կարդալ գիտցող հա-

37 «Հորիզոն», 1911, № 229, 230:

38 ԳԱԹ, ԹՖ, № 703:

39 ԳԱԹ, ԹՖ, № 704:

սարակոթյանը»⁴⁰։ Հարկ կա՞նք ապացուցելու, որ ընդգծված բառերը բնորոշ են հատկապես Թումանյանի գրչին։

Անդրադառնալով «մշակականների» հետևողական պայքարին՝ կաթողիկոսական ընտրովյունների ժամանակ Մ. Օրմանյանի հաղթանակը ապահովելու համար, Թումանյանն այս հոդվածում հատկապես կանգ է առնում «Մշակի» այն կարծիքի վրա, թե կաթողիկոսական ընտրովյունների ժամանակ Լեոն և Թումանյանը ունեին իրենց նեղանձնական նկատառումները, և հակառակորդի նպատակն է՝ խլել «Լեոնի ու Հովհ. Թումանյանի շաղ-շաղ պաշտոնները, որ նրանք չքանդեն հայոց ուսումնարանները, հայոց ազգային հաստատությունները»⁴¹։ Առնվազն ծիծաղելի են Թումանյանի և Լեոնի հասցեին նման անպատասխանատու հայտարարությունները, ուստի հեղբուսն էլ՝ ավելորդ։

Հորվածի շարունակության մեջ (տեղագրվել է հոկտեմբերի 23-ին) հեղինակը կանգ է առնում Հ. Առաքելյանի՝ Լեոնին ուղղված այն լուրջ մեղադրանքի վրա, թե նա ուրացել է ու դավաճանել Գր. Արծրունուն։ Միանգամայն հակառակը պնդելով, Թումանյանը գրում է. «Եթե մի մարդ կա, որ հավատարիմ է մնացել Գր. Արծրունու լավագույն դադափարներին ու հիշատակին—գա Լեոն է։ Եվ եթե նա լղված երես է դարձրել ու հեռացել,— շարունակում է նա,— միմիայն իրենցից, այդ ստախոսներից ու խաբերանքից, սրոնք միշտ մի հոգս են ունեցել՝ ինչքան կարելի է իրենց շփոթել Արծրունու հետ և շահագործել նրա անունն ու հիշատակը»⁴²։

Այս տողերով հեղինակը ամենից առաջ ընդգծում էր, որ «Մշակի» գլխավոր աշխատակիցները չեն հետևում իրենց նախկին առաջնորդի «լավագույն դադափարներին», իսկ այնուհետև այլ փաստերով ապացուցում, որ կաթողիկոսական ընտրովյունների նրանց պայքարում, և ժամանակի «մշակականների» ողջ գործունեության մեջ ընդհանրապես, իշխողը սուտն ու կեղծիքն է։

Մի կողմ թողնելով այս բավական լուրջ մեղադրանքները իր հասցեին, «Մշակը» կեղծ սարսափով և հատուկ միտումնավորությամբ հայտարարում է. «Ահա, ընթերցող, ուր են հասցրել հայ մամուլը Հ. Թումանյանները իրենց արբանյակներով, օր ցերեկով մարդկանց աչքի առաջ քարոզում են մարդասպանություն»⁴³։ Նման եղրակացու-

⁴⁰ «Հորիզոն», 1911, № 232։

⁴¹ Նույն տեղում։

⁴² Նույն տեղում, № 234։

⁴³ «Մշակ», 1911, № 238։

թյան հանգեւում համար հիշված տողերի հեղինակը կառչել էր առաջնորդողի հետևյալ խոսքերից. «Մարդ կանգնում ու ակամայից հարց է տալիս իրեն. ինչու՞ և ինչպես է ապրում մեր մեջ այս զզվելի տիպը (Հ. Առաքելյանը—Լ. Կ.): Արդյոք մեր կյանքում գոյության իրավունք ունի՞ր սա» (այդ մասին տե՛ս նաև Լեոյի վկայությունը, ԹԺՀ, 69):

«Մշակը» դիտավորությամբ շուռ էր տվել Թումանյանի խոսքերի հիմնական միտումը, որը, հեռու լինելով սոսկ մի մարդու քննադատելու նեղ սահմաններից (առավել ևս՝ սպանելու նպատակից), ուներ ավելի ընդհանրացնող իմաստ. Հաջորդ տողերում բանաստեղծը դալիս է այն եզրակացության, որ «...այո՞, իրավունք ունի. սա մեր կյանքի ապականությունից ծնված հարազատ որդն է և հասարակությունը տարիների ընթացքում հասու լինելով նրա բոլոր ստերին, կեղծիքներին, հայհոյանքներին ու զրպարտություններին ոչ միայն տակավին տանում է նրան, այլ դեռ արտադրում է նրա նման նորերը:

Եվ այս երևույթը զարհուրելի է»⁴⁴:

«Մշակի»՝ վերևում հիշատակված «կեղծ սարսափից» հետո, հոկտեմբերի 30-ի Մամուլ բաժնում «Հորիզոնը» չի հրաժարվում, որ «Դեռ համարձակվում է խոսել և շարունակում է խաբել» առաջնորդողի հեղինակը Թումանյանն է: Զի թաքցրել նաև ինքը՝ հեղինակը, քննության առարկա առաջնորդողում հիշեցնելով «անցյալ հողվածում» բերած այն միտքը, «թե այս երևույթը մեզ ավելի մեծ մտահոգություն է պատճառում և ավելի լուրջ խնդիր է, քան կաթողիկոսական ընտրությունները»: «Անցյալ հողված» ասելով՝ հեղինակը դարձյալ նկատի ուներ իր «Մեծ մոլորեցնողը և ծանր հանցավորը» հողվածը, որտեղ, ինչպես ասացինք, նրան հուզողը ընտրական պայքարի տգիղ ձևն էր, անսկզբունքայնությունը, սուտն ու կեղծիքը⁴⁵:

Տարիներ անց՝ 1914 թվականին, Համբ. Առաքելյանի հետ ունեցած մի նոր բանակովի առիթով, Թումանյանը, կրկին անդրադառնալով 1911 թ. դեպքերին, հաստատում է, որ «Դեռ համարձակվում է խոսել և շարունակում է խաբել» առաջնորդողի հեղինակը ինքն է⁴⁶:

Ինչպես ասվեց, հոկտեմբերի 21-ի հողվածի շարունակությունը լույս է տեսել ոչ թե հաջորդ օրը, այլ՝ 23-ին. պատճառը, ըստ երե-

⁴⁴ «Հորիզոն» 1911, № 234:

⁴⁵ Նույն տեղում, № 218, 240:

⁴⁶ Նույն տեղում, 1914, № 31, 32:

վույթին, հոկտեմբերի 22-ի անվերնագիր առաջնորդողն էր՝ արձագանքը Հ. Առաքելյանի մի նոր խարդախության՝ կապված Կ. Պոլսի ազգային ժողովում քննության առարկա դարձած նրա այն հայտարարության հետ, թե պատրիարքարանը Մատթեոս Իգմիրլյանի ընտրության ժամանակ պատվիրակներին էջմիածին ուղարկելու համար ծախսել է 24 հազար ռուբլի:

Ազգային ժողովը ապացուցել էր, որ Առաքելյանը ծախսված գումարը ավելացրել է տասն անգամ: Թումանյանը չէր կարող Առաքելյանին մեղակցնելու նոր առիթը բաց թողնել, ուստի հոկտեմբերի 21-ի առաջնորդողը ընդհատելով, գրել է անվերնագիր հիշված նոր առաջնորդողը⁴⁷:

Հետաքրքրական մի փաստ է պարունակում Երևանից հոկտեմբերի 24-ին Լեոյի գրած նամակը, որտեղ նա Թումանյանին խնդրում է «Հորիզոնի» միջոցով հերքել այն լուրը, թե իբր Սուրենյանը դիմել է փոխարքային՝ կաթողիկոսական ընտրությունը բաց քվեարկությամբ կատարելու համար⁴⁸: Կատարելով իր աշխատանքային ընկերոջ և բարեկամի առաջարկությունը, Թումանյանը տարածված այդ լուրը հերքել է յուրովի. նա գրել է Թեոթի հոկտեմբերի 27-ի առաջնորդող հոդվածը (անստորագիր) «Բա՞ց, թե՞ զաղտնի» վերնագրով, հրապարակորեն դեմ դուրս գալով կաթողիկոսական ընտրությունը զաղտնի քվեարկությամբ անցկացնելուն: Այստեղ էլ հեղինակը հարցը քննում է ժողովրդի շահերի տեսանկյունով, պաշտպանում ժողովրդի ձայնի իրավունքը: Նա պնդում էր, թե ի վերջո՝ ընտրությունների եռաստիճան կամ քառաստիճան քվեարկությունը (ընտրող ժողովուրդ, պատվիրակ, պատգամավոր, կաթողիկոս) հեռացնում է նախապես ձայն տվող ժողովրդին իր ցանկության վերջնական կատարումից, քանի որ նա որևէ երաշխիք չունի, թե պատգամավորը զաղտնի քվեարկությամբ կատարելո՞ւ է իր ցանկությունը, թե ոչ:

Լեոյի նույն նամակը (հոկտեմբերի 24-ի) նոր հնարավորություն է ստեղծում որոշելու մի այլ անստորագիր հոդվածի՝ Թումանյանի գրչին պատկանելի:

Լեոն Թումանյանին հայտնում է Ռուսաստանի ներքին գործերի մինիստրի՝ էջմիածնի դատախազին ուղարկած այն պրության մասին, ըստ որի «...պատգամավորներ կարող են ընտրել միայն նրանց, որոնք

47 Նույն տեղում, 1911, № 233:

48 ԳԱԹ, ԹՖ, № 705:

թեմին են պատկանում, այսինքն՝ դրախ Թեմերից չէ կարելի պատգամավոր ընտրել»⁴⁹։ Լեռնի այս տեղեկությունը պաշտոնական արգելքի մասին Թումանյանին նյութ է տալիս գրելու երկու հոդված՝ հոկտեմբերի 29-ի անստորագիր և անվերնագիր առաջնորդողը և հաջորդ օրվա «Հին խնդիր» իր ստորագրությամբ հոդվածը։ Նրկուսի մեջ էլ, շոշափելով նույն հարցը, հեղինակը պաշտպանում էր կաթողիկոսական ընտրությունների ավանդական օրենքը, քստ ուրի՝ հեռավոր երկրներում ապրող, էջմիածին մեկնելու և ընտրություններին մասնակցելու կարողություն չունեցող հայերին հնարավորություն էր տրվում՝ ձայնի իրավունքը վստահել իրենց թեմերից դուրս այն պատվիրակներին, որոնք ի վիճակի էին մասնակցելու ընտրություններին։

Հոկտեմբերի 30-ի անստորագիր առաջնորդողը՝ «Նորից ու նորից» վերնագրով, իր բովանդակությամբ նույնպես խիստ մոտ է հրապարակախոս Թումանյանի հետաքրքրություններին (ավելորդ է կոչելով ռճական նմանություն օրինակներ և այլ ընդհանրություններ)։ Հոդվածը շոշափում է հայկական կյանքում տեղի ունեցող իրադարձությունների նկատմամբ հարեանի թուրք, վրաց մամուլի անտարբերությունն ու անտեղյակությունը⁵⁰։

Այսպիսով, թվում է անտարադատելի, որ «Հորիզոնի»՝ 1911 թ. սեպտեմբերի 22-ի համարում տպագրված «Մի նոր խարդախություն» անստորագիր հոդվածը, 24-ի՝ Մամուլ բաժնի տեսությունը, հոկտեմբերի 7-ի՝ «Ծիծաղելի վայնապուն», 9-ի «Ընտրելիները» առաջնորդողները, 13-ի՝ Մամուլ տեսությունը, 16-ի՝ «Ձեր անունն են շահագործում» առաջնորդողը, 18-ի՝ «Վերջնական անկումը», 19-ի՝ «Սուտ են ասում», 21-ի և 23-ի՝ «Դեռ համարձակվում է խոսել և շարունակում է խաբել» առաջնորդողները, նույն 23-ի՝ Մամուլ բաժնի և 22-ի՝ «Մի նոր փաստ» հոդվածները, ինչպես և 27-ի՝ անստորագիր «Բա՞ց, թե՞ դադտնի», 29-ի՝ անվերնագիր և 30-ի՝ «Նորից ու նորից» առաջնորդողները հեղինակը Թումանյանն է։

Այդ հոդվածներում ամենուրեք հրապարակախոսական նույն ոճն է, թումանյանական պարզություն, հստակություն նույն առանձնահատկությունը, հակառակորդին մերկացնելու նույն սուր լեզուն, կարճ, դիպուկ խոսքը և, որ ամենից կարևորն է, գաղափարների հետևողական սկզբունքայնությունը։

49 ԳԱԹ, ԹՖ, № 705։

50 «Հորիզոն», 1911, № 240։

Հոկտեմբերի 30-ի տուաջնորդողը և «Հին խնդիր» հոգվածը դարձան բանաստեղծի այդ տարվա լրագրական գործունեության վերջնակետը, իսկ այնուհետև այսքան եռանդ ու ժամանակ վաստակույց հետո Թումանյանը ասպարեզից հեռանում է նոյեմբերի 2-ին՝ իր երկրորդ բանտարկության պատճառով⁵¹։

Ինչպես տեսնում ենք, Թումանյանի հասարակական գործունեության քննությունն անսպառ է, մանավանդ, նոր նյութեր հայտնաբերելու ուղղությամբ։ Նրա գործունեության մեջ առանձնահատուկ տեղ է գրավում նաև 1910 թ. հունիս—1911 թ. հոկտեմբեր ժամանակամիջոցը, հրբ բանաստեղծը, գրեթե ամբողջապես, նվիրվել էր լրագրության և հրապարակախոսության։ Ուստի անհրաժեշտ է մանրակրկիտ բանասիրական աշխատանք՝ գլոբալ հոդվածների մատենագրական ցանկը լրացնելու, հասարակական գործունեության տարեգրությունը հարստացնելու համար։

51 Ձևայած նույն ամսի 6-ին Թիֆլիսի հայոց հոգևոր թեմը կաթողիկոսական ընտրությունների պատգամավոր է ընտրում Հովհ. Սպենդիարյանին, որը դեռ կաթողիկոսական նախորդ ընտրությունների ժամանակ (1908) օրմանյանական էր («Հորիզոն», 1911, № 247), այնուամենայնիվ, ամենայն հայոց կաթողիկոս է դառնում Գեորգ Սուրենյանը։ Դա «հորիզոնականների» հաղթանակն էր, որայց ո՛չ Թումանյանի ցանկությունը։

ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՍԿՂՐԻՆ:
ԱՌԱՋԻՆ ԱՅՅԵԼՈՒԹՅՈՒՆԸ ՌԱԶՄԱՃԱԿԱՏ (1914 թ.)

1912 թ. հոկտեմբերի բալկանյան աղատագրական պատերազմը Թուրքիայի դեմ (որին մասնակցում էին դաշնակցած Բուլղարիան, Հունաստանը, Սերբիան, Չեռնոգորիան) և երիտթուրքերի նոր սանձարձակովթյունները արևմտահայության նկատմամբ՝ Կովկասում աղատագրական պայքարի նոր ակիբ առաջացրին, մեծ հույսեր ներշնչելով հայ ժողովրդին, հատկապես մտավորականությանը: Շարժումը սկսեցին Բաքվի գործիչները, նպատակ ունենալով Հայկական հարցը հանել միջազգային ասպարեզ, ցույց տալ, թե XX լուսավորված դարում ինչպիսի բարբարոսովթյունների է ենթակա հայ ժողովուրդը իր բնաշխարհում, ապացուցել, որ սուլթան Համիդի միապետության տապալումով «առաջադեմ» երիտթուրքերը՝ ստեղծեցին հայ ժողովրդի ոչնչացման նոր՝ վայրենի ծրագրեր:

Պահպանվում է ինժեներ Կոստանդին Խատիսյանի՝ 1912 թ. հոկտեմբերի 19-ին Թումանյանին ուղղած նամակը, որով նամակագիրը հայտնում է նույն ամսի 30-ին Թիֆլիսում կայանալիք ժողովի, այդ ժողովին մասնակցող Կովկասի հայաշատ բնակավայրերի պատգամավորների մասին, և Բաքվում ընտրված հանձնաժողովի անունից խընդրում է բանաստեղծին՝ իրենցից ևս պատգամավորներ առաջադրել հիշյալ ժողովին մասնակցելու համար: Նամակում նշված էին թիֆլիսաբնակ այն գործիչների անունները, որոնք նույնպես հրավեր էին ստացել՝ Բագրատ Նավասարդյան, Ալեքսանդր Խատիսյան, Սամսոն Հարությունյան, Ալեքսանդր Քալանթար, Ս. Զեքեղյան:

Նշանակված օրը հիմնադիր ժողովը կայանում է. մասնակցում էին հասարակական գործիչներ, բժիշկներ, լրագրողներ, դրամատուրգներ,

1 ԳԱԹ, ԹՖ, ց 2, Մ 349:

որոշվում է ստեղծել Հայոց ազգային բյուրո, մշակվում է բանաձև և հանձնարարվում «Մշակի» աշխատակից Համբարձում Առաքելյանին և Սամսոն Հարությունյանին՝ բանաձևը ներկայացնելով Գևորգ Մ' կաթողիկոսին, խնդրել նրան ղեկավարել Նիկոլայ կայսերը՝ ապահովելու արևմտահայ ժողովրդի գոյատևումը, փրկելու նրան Թուրքիայի բարբարոսական լծից:

Ժողովի սկզբում որոշվել է առաջ քաշել ինքնապաշտպանության հարցը, բայց նպատակահարմար են դուել առաջժամ համահափափվել ղեկանազդիտական ղեկումներում:

Նույն օրը ընտրվել է Ազգային բյուրոյի կենտրոնական կոմիտե հետևյալ կազմով՝ Հովհ. Թումանյան, Թիֆլիսի քաղաքապետ Սևեդ-սանդր խատիսյան, «Մշակի» աշխատակից Համբ. Առաքելյան, «Մշակի» խմբագիր Ալեքսանդր Քալանթար, գրականագետ Նիկոլ Աղբալյան, Ավետիք Զոհոսյան: Նախագահ է ընտրվել Սամսոն Հարությունյանը, գործը վարելով մինչև 1914 թ. վերջերը:

Եռեմբերի 25-ին գումարվել է բյուրոյի հրկրորդ նիստը, որի կազմում ընտրվել են ևս երկու հոգի՝ բժ. Ստեփանյան, Արշակ Զամալյան: Հարկ հղած բնագրում բյուրոյի կենտրոնական կոմիտեն իրավունք է ունեցել գործին մասնակից դարձնել նաև հայոց պատմությանը, հայ հասարակական կյանքին տեղյակ այլ գործիչներին: հրավիրվել են Լեոն, Նիրսես Աբելյանը, Հովհ. Մանեգիարյանը, Տիգրան Հովհաննիսյանը:

Ինքնաձեռնադատ քաղված ևս Ազգային բյուրոյի «Համառոտ զեկուցումից», որի տակ ստորագրել են կոմիտեի բոլոր անդամները, այդ թվում և Թումանյանը²:

Այն ուղադրության դարձնենք Կ. խատիսյանի համակի և բյուրոյի հիմնադիր ժողովի թվագրության վրա (1912, հոկտեմբերի 19, 30), ապա կտեսնենք, որ այն համընկնում է Հայ գրողների Կովկասյան ընկերության ստեղծմանը, որի վարչության նախագահ էր ընտրվել Թումանյանը: Ուրեմն, նույն ամսում նա հանձն է առել երկու կարևոր ազգային գործ, մեկին կապվում էր իր ժողովրդի ճակատագիրը, մյուսին՝ հայ մշակույթի՝ մայրենի գրականության:

Բանաստեղծն ամբողջովին նվիրվեց երկուսին էլ՝ մինչև վերջ բյուրոյի կենտրոնական կոմիտեի կազմում լինելով միակ գրողը:

Ազգային բյուրոյի ներսում տարբեր կուսակցությունների, հատ-

2 ՊԵՊԱ, ֆ. 222, ց. 1, գ 24, թ 25:

կապես, դաշնակցության ներկայությունը բանաստեղծ Բուման-
յանի համար որևէ նշանակություն չունի: Տակավին 90-ական թվա-
կանների նրա հասարակական գործունեությունից հայտնի է, որ նա եր-
բեք որևէ կողմնակցության կամ ընկերության հիմնական անդամ չի
եղել, միշտ ունեցել է իր ես-ը, սեփական ողջամտությունը, առաջ-
նորդվել է միայն ժողովրդին, հայրենիքին ծառայելու սկզբունքով,
որին նա հետևել է մինչև կյանքի վերջը (V, 58, VI, 139—141):

Այդպես էլ եղել է բյուրոյի կենտրոնական կոմիտեի նրա մաս-
նակցությունը:

Այն հանգամանքը, որ Բաքովի մտավորականները բյուրոն ստեղծ-
ելու նախօրյակին դիմել էին նաև Թումանյանին, նշանակում էր բա-
նաստեղծին՝ որպես հասարակական գործչի դերի հատուկ գնահատու-
թյուն:

Մենք նպատակ չունենք կանգ առնելու Աղգային բյուրոյի ստեղծ-
ման առաջին տարիների դիվանագիտական գործունեության, նրա ան-
հաջողության, ցարական կառավարության այդ ժամանակի հակահայ-
կական քաղաքականության վրա: Աղգային բյուրոն սովորաբար
մեզ հետաքրքրում է այնքանով, որքանով նրա հետ են կապվում հատ-
կապես համալսարհային պատերազմի տարիներին՝ Թումանյանի հա-
սարակական կյանքի փալտուն էջերը, երբ բյուրոյի գործունեության
մեջ նոր բովանդակություն է մտնում ռուս-թուրքական պատերազմի
կապակցությամբ: Մնացածը պատմաբանների գործն է:

* * *

1914 թ. ամռան Թումանյանի ծրագրերից մեկը նորից Անի մեկ-
նելն էր: «...Այս տարի այցելուները, թվում է թե կկրկնասպասելին,
տեսնեն՝ ե՞րբ եմ բախտ ունենում տեսնելու Անիում էն ցանկալի
խումբը, որ հայրիկիդ գլխավորությամբ է գալու», — գրում է Աշխարհ-
բեկ Քալանթարյանը՝ նույն թվականի հունիսի 20-ին Անիից՝ Նախդ
Թումանյանին ուղղած անտիպ նամակում: Բանաստեղծի և նրա գրե-
խավորած խմբի Անի մեկնելը այնքան հաստատ մտադրություն էր,
որ Քալանթարյանը խնդրում է հասցեատիրոջը՝ հաղորդել խմբի ան-
դամներին՝ մի-մի հատ գիրք վերցնեն Անիի մատենադարանի համար,
որը «...չի սահմանափակվում միայն Անիով ու հնագիտությամբ, այլ
ընդգրկում է հայագիտությունը»³:

³ ԲՐ. Ն. Թումանյանի ֆ:

Թե ուլբեր են հղել խմբի մյուս անդամները, մեզ համար առաջժամահայտ է. մի բան հաստատ է, որ ստեղծագործողներ էին՝ գրողներ, գիտություն մարդիկ, քանի որ Անի պետք է տանեին «իրենց երկերից»:

Բայց բունկվեց համաշխարհային պատերազմը, և շատ ծրագրերի հետ խափանվեց նաև Անի մեկնելու Թումանյանի մտադրությունը, որ եթե իրականանար, կգտնար հորորդ ալյուրությունը: Նրան սպասում էին ուրիշ ճամփաներ. նա տեսնելու էր համազգային ողբերգությունը մոտիկից, տեսնելու էր քաղաքներ ու գյուղեր, որոնց մի մասին սպասվում էր Անիի ճակատագիրը, բայց այնտեղ էլ ոչ գիրք պահանջող կար, ոչ հայագիտություն ...

Պատերազմի գույժը Թումանյանին հասավ Վրաստանի Զաղվեր ամառանոցում, ուր եկել էր մի քանի օր առաջ՝ հուլիսի 14-ին: Լուրջ թունավորեց նրան ու զրկեց ամառանոցային անդորրի վայելքից: Նրա միտքը «մխրթարանը» այն էր, որ «...Գերմանիան և նրա միլիտարիզմը պիտի խորտակվի կամ թուլանա, ավելի ճիշտը՝ Ավստրո-Հունգարիան էլ իր պատիժն առնի— և ամբողջ Գերմանիան՝ էգոիստ ցեղը, և իմ սուստիությունը հաղթանակի» (V, 400):

Պատերազմի լուրը Զաղվեր ամառանոցում խուճապ է առաջացնում, ծայր են առնում սրտամաշ տառապանքներ. թեպետ Թումանյանն աշխատում էր զուլս բերել «Լուսաբեր» դասագրքի հերթական տարին, բայց հոգին տաղնապով լի էր հայ ժողովրդի ճակատագրի համար: Տեղեկություն ուներ, որ Մոսկվայում Արտավազդ որդին կարող է զորակոչվել, իսկ Մուշեղից լուր չունեի (նա ճանապարհորդում էր Եվրոպայում, Լայպցիգում էր դեռ պատերազմը չսկսած), հղբայրներին արդեն բանակ էին տարել, ավագ դուստրը պատրաստվում էր երեխա ունենալ: Խռովված հոգով Թումանյանը թողնում է ամառանոցը և վերադառնում Թիֆլիս:

«Ամենքս կլանված ենք պատերազմով: Ամենքս դարձել ենք ռազմագետ»,— գրում է Թումանյանն այդ օրերին (V, 403): Որքան էլ նա համոզված էր, որ հաղթանակը կշահվի, թեպետ մեծ զոհերի գնով, բայց նրան անհանգստացնողը Արեւելքի պատերազմն էր: Թումանյանը լավատեսորեն կարծում էր, որ այդ լինելու էր «վերջին տապանակն ու դժբախտությունը համազգային», որովհետև Գերմանիայի պարտությունից հետո, ըստ նրա լուծվելու էր Հայկական հարցը, որով Արեւելքի պա-

տերազմը «ավելորդ աղետ» էր լինելու (V, 403): Բանաստեղծին մտահոգողը Թուրքիայի պատերազմի մեջ մասնին էր:

Եվ Թումանյանն ամբողջապես կլանվեց հայ ժողովրդի գալիք ուլբերգությունը հնարավորին չափ կանխելու գործով, առանց սպասելու որևէ հաստատության, ընկերության կամ կուսակցության միջնորդելուն: Թումանյանը Բիսմարկի, Մետերնիխի ժառանգների կողքին, ստվերի մեջ, արդեն տեսնում էր Աբդուլ Համիդի դաժան դեմքը, ու շատ ժամանակ պետք չէր, որ այն կերպարանափոխվելով՝ դառնար բազմադեմ ու դարեր շարունակ հռչակված մեր ժողովրդին ներկայանալու որպես էնվերի, Թալեաթի, Ջամալի ու երիտթուրքերի այլ գիշատիչների մի ստվար ոհմակ (IV, 306):

1914 թ. օգոստոսի 3-ին, դեռևս Ջազվեր ամառանոցում, Թումանյանն արդեն գործնական պաշտոնական նամակ է գրում Լուուզ զավառապետ Դավրիժովին՝ առաջարկելով իր ծառայությունը Այստեղ նա արտահայտում է իր վերաբերմունքը պատերազմի և նրա մեջ Ռուսաստանի դերի մասին: Նամակն անտիպ է, ուստի, հայտաբերվել է վերջերս Թումանյանի ընտանեկան արխիվում:

Ստորև արվում է հայերեն թարգմանությունը:

«Մեծարգո Վասիլի Պավլովիչ,

Թիֆլիսի մեր հանդիպումից հետո ես հեռագրով կանչվեցի Ջազվեր՝ ընտանիքիս մոտ, որտեղ և գտնվում եմ այժմ և ուր ուշադրությունս հետևում եմ, թեպետ վաղուց նախապատրաստված, բայց անսպասելի բռնկված մեծ պատերազմին, որի մեջ Ռուսաստանի համար սահմանված է ամենակարևոր և ազնիվ դերը:

Այսօր Թիֆլիսից ինձ գրում են, որ կարող է այս օրերս Թուրքիան նույնպես պատերազմ հայտարարի Ռուսաստանին: Եթե իրականապես այդ լուրը՝ մեզ մոտ, Կովկասում, անպայման կսկսվեն սովորական անկարգություններ և հույժ ցանկալի կլինի, որ մեր դավառի մշտավորականությունը իր ժամանակին հավաքվի և համախմբվի Ձեր շուրջը ու ներդնի իր բոլոր ուժերը դավառում խաղաղություն և հանգրստություն պահպանելու համար: Եթե անհրաժեշտություն չլինի, ու Դուք նպատակահարմար գտնեք, ինչպես եմ նկատի ունեցիք, որ ես պատրաստ եմ դալ Ձեզ մոտ՝ իմ հայրենիքը, և օգտակար լինել, ինչով կարող եմ»⁴:

⁴ ԹԹ, Նոր նյութեր, թղթ. № 38:

Նույն պատրաստակամությունը նա հայտնում է Թիֆլիսի և Իմերեթիայի հայկական թեմի առաջնորդ և Հայոց ազգային բյուրոյի պատվավոր նախագահ Մեսրոպ Կաթողիկոս Տեր-Մովսիսյանին, միաժամանակ զգուշացնում՝ «պետք է աշալուրջ լինենք և պատրաստ» (ՈՒՀ 1, 383):

Թումանյանն այդ օրերին դեռևս չգիտեր, թե ինչ անակեղաներ էին սպասում հայ ժողովրդին. իսկ ինչ վերաբերում է հայրենիքում տեղի ունենալիք «անկարգություններին»՝ դրանք և՛ զանազան ազդ օրերից ավելի քան երեք ու կես տարի հետո, երբ նա եռանդուն գործունեություն ծավալեց ազգամիջևյան ընդհարումները խաղաղությամբ ավարտելու համար:

* * *

Պատերազմը սկսվելուց հետո, ինչպես ասացինք, նոր բովանդակություն է ստանում Հայոց ազգային բյուրոյի կենտրոնական կոմիտեի գործունեությունը: Քանի որ անխուսափելի էր ռուս-թուրքական պատերազմը, բյուրոն գիմում է գործնական քայլերի: Բանակցությունների մեջ մտնելով Կովկասի փոխարքա Վորոնցով—Դաշկովի և զինվորական բարձր հրամանատարության հետ, նրանց ակնառու շահագրգռությամբ և համաձայնությամբ, սրուշվում է ստեղծել հայ կամավորական խմբերը, ու զործի նախապատրաստությունը սկսվում է ծածկագիր հեռագրով՝ Վառնայից համբավավոր ժողովրդական հերոս Անդրանիկին Թիֆլիս հրավերելով:

1914 թ. օգոստոսի 12-ին Թիֆլիս է ժամանում Անդրանիկը, որը մասնակցելով բալկանյան պատերազմին՝ բուլղարական կառավարությունից ստացել էր սպայի աստիճան, կուրճքը զարդարել քաջության արժաթյա և ոսկե խաչերով⁵:

Անդրանիկը պատրաստ էր շարունակելու Արևմտյան Հայաստանում ընդհատված հայդուկային ազատագրական պայքարը արդեն նոր պայմաններում՝ ռուսական բռնակի հետ դաշնակցած, ինքնավար Հայաստան տեսնելու մառ հույսերով:

Թիֆլիս հասնելուց մի քանի օր հետո Ազգային բյուրոյի անունից Մեսրոպ Կաթողիկոս Տեր Մովսիսյանը, Թիֆլիսի քաղաքագլուխ Ալ. Խատիսյանը և Բոխլի, հասարակական գործիչ Հակոբ Զավրիկը Անդ-

⁵ «Զորավար Անդրանիկի կովկասյան ճակատի պատմական օրագրություն, 1914—1917, օրագրված զորավարին թիկնապահ զինվորեն», Պոսթոն, 1924, էջ 4—5:

րանիկին ներկայացնում են կովկասյան ճակատի ընդհանուր հրամանատար զեներալ Միշլյանսկուն, նրա օգնական զեներալ Յուզենիշին⁶։ Անդրանիկը նրանց խոստանում է շորս դրոժինա (4000 ղինոլոր) կամավորական խմբերով առաջնորդել ռուսական բանակը, Թուրքիայի աշխարհագրական դիրքի, լեզուների իր իմացություններով ամեն կերպ օգնել նրանց։ Իրենց հերթին, գեներալները խոստանում են 800 հազարամոց բանակ, ռազմամթերք⁷։

Հայ ժողովուրդը ապրում էր ճակատագրական օրեր...

Անդրանիկի Թիֆլիսում գտնվելը նշանավորվում է նաև հայոց Մեծ րաւոստեղծի և ժողովրդական հերոսի ջերմ բարեկամությունը։

Թումանյանը և Անդրանիկը առաջին անգամ իրար հանդիպել էին 1904 թ. գեկտեմբերի սկզբներին Թիֆլիսում⁸, միջնորդը Սեքարեյի Սաքոն էր՝ Սաքո Մովսեսյանը, հայ ազատագրական պայքարի մարտիւրում կոչված մի հայտնի հայգուկ, որ թուրքական օրենքով դատապարտվել էր մահվան, բայց ռուսական կառավարության միջամտությամբ արքայիցիով Ռուսաստան, շարունակում էր իր գործուն մասնակցությունը արևմտահայության ազատագրական պայքարին։ Վերջինս մեծ ժողովրդականություն ստացավ հատկապես 1905—1906 թթ. Կովկասի ազգամիջյան կռիվների ժամանակ. նույնիսկ թուրքերը նրան Ղուշախ Սաքո էին կոչում, շնորհելով նրան նաև փաղիշահի տիտղոս։

Իրենց ծանոթության միջոցին Թումանյանն ու Անդրանիկը արդեն հայտնի դեմքեր էին։ Բանաստեղծը հրատարակել էր 1903 թ. ժողովածուն և հայ գրականության բարձունքներում ստեղծել իր հաստատուն տեղը, իսկ Անդրանիկը քաջ և իմաստուն ղինոլորի համբավ ուներ դեռ 90-ական թվականներից՝ որպես հայդուկային ազատագրական պայքարի ղեկավար և առավել ևս 1902—1904 թթ. Տարոնի, Սասունի,

6 Նույն տեղում, էջ 61

7 Նույն տեղում։

8 Հանդիպման ամիսը՝ գեկտեմբեր, որոշվում է մոտավորապես. հիմք են ընդունվում այն թվական տվյալները, որոնք Անդրանիկը բերում է իր 1905 թ. Ժնևում թելադրած հուշերում (զրի է առել նույն ժամանակ գյուղատնտեսության ուսանող Գրձելյանը)։ Այդ թվագրությունները վերաբերում են ինչպես Աղթամարի, Վանի գեպրեքին, այնպես էլ Պարսկաստան անցնելուն, այնուհետև՝ Կովկաս ժամանելուն, Ըստ հրետյալի, հեղինակը դիտավորությամբ այս հուշերում չի անդրադարձել իր բոլոր հանդիպումներին. նշում է միայն, որ «...քանի մը տուներ մեր ընկերները հացկերույթի հրավիրեցին» (մանրամասնություններ տե՛ս «Անդրանիկի հուշերը», «Հայրենիք», Բոստոն, 1931, № 11, էջ 133)։

վասպուրականի կոթիւններից հետո, երբ մկրտվել էր «Հայ Գարիբալդի» անունով:

1904 թ. օգոստոսին, հերոսաբար ազատվելով շրջապատումից և թողնելով վանք, Անդրանիկը անցնում է Պարսկաստան և ապա ոչ մեծ խմբով հանդրվանում Կովկասում: Մեկնում է նախ Բաքու, պարսկահայատալի անձնագրով, ապա տեղափոխվելով Թիֆլիս, ծալոված Պարույր կեղծ անվան տակ, իջևանում «Լոնդոն» հյուրանոցում:

Թիֆլիսում Անդրանիկը մնում է 17 օր⁹, Բայց որքան էլ ուզենար զաղտնի պահել իր իսկական անունը, այնուամենայնիվ, նա սովորական ճանապարհորդ չէր. ուներ իր ապագա գործունեության ծրագրերը, ուստի անհրաժեշտ էր հանդիպել հասարակական նշանավոր գործիչներին. դրանցից մեկը Թումանյանն էր:

Բանաստեղծի ջերմ ու հյուրընկալ հարկի տակ սև տկնոցներով ծալոյալ հայդուկը ընդունվում է որպես «գսնղցի հեռավոր ազգական»¹⁰: Տանտերը սիրով ու գուրգուրանքով երկխոսներին ներկայացնում է իր մեծանուն հյուրին, կանգնեցնում նրա դիմաց ու երգել տալիս ժողովրդի մեջ լայն տարածում գտած, հայոց լեռների հերոսին նվիրված երգերը...

Հուզիչ էին այդ պահերը. լսում էր մեծ հայդուկը ու մտածում, որ անտեղի չի վատնել կյանքը՝ հանուն ազատության մղած իր պայքարի արձագանքները հասել են Թիֆլիս և ավելի հեռու¹⁰:

Բանաստեղծն ու Անդրանիկը, բնական է, շուտ մտերմացան ու սիրեցին միմյանց մեծ ու խոր սիրով: «Մեկ նայվածք մը բավ էր հասկընալու և ճանչընալու անոր սրտի անբիծ ու նկարագրին անաղարտ վիճակը», — գրել է հետագայում Անդրանիկը (ԹԺՀ, 550):

Անդրանիկից ստացած բանաստեղծի՝ այդ օրերի տպավորության մասին առաջիմ տեղեկութունն չունենք: Նրանց անմիջապես մտերմանալու մի ապացույց է նաև հետևյալ փաստը, որ տան ավազներից լսելով՝ վերջերս պատմել է բանաստեղծի դուստրը՝ Թամար Թումանյանը: Իմանալով, որ տիկին Թումանյանը սպասում է իր իններորդ զավակին՝ Անդրանիկը խնդրում է՝ աղջիկ ունենալու դեպքում անունը դնել Հայկանուշ՝ ի հիշատակ իր քրոջ վաղամեռիկ դստեր, տղա ունե-

⁹ Նույն տեղում:

¹⁰ Արսեն Մամաբյան (Վ. Թորոպենց), Զորավար Անդրանիկ և իմ պատերազմները, Կ. Պոլիս, 1920, էջ 173:

նախու բնագրում՝ Հայկ՝ ի հիշատակ կռիւներում հերոսաբար զոհված քեռորդու և ի նշան իրենց նոր հաստատված բարեկամության: Թումանյանների ընտանեկան արխիւում պահւում է մի ծոցատետր, որտեղ դրի են առնված հրեխանների ծննդյան թվականները. Սեղա Թումանյանի անվան դիմաց (ծնվել է 1905 թ. հունվ. 5-ին) դրված է նաև Հայկանուշ անունը (այդպես է նաև նրա ծննդյան վկայականում):

Այդ հանդիպումներից հետո Անդրանիկը կրկին մեկնում է Բաքու և ապա անցնում Շվեյցարիա՝ Ժնև, այնուհետև հաստատվում Բուդապեշտում:

Անդրանիկը տակավին ժնեում էր, երբ 1905 թ. ծայր առած ազգամիջյան կռիւները, ղրկելով բանաստեղծին խաղաղ ստեղծագործական աշխատանքից, ստիպում են նրան գրիչը սպիտակ դրոշմով փոխարինել: Այդ նույն ժամանակամիջոցում անմեղ ժողովրդի թափվող արյան կանչով Կովկաս պետք է գար նաև Անդրանիկը, ուղեկից և թարգմանիչ ունենալով Դերենիկ Դեմիրճյանին, որն այդ օրերին ուսանող էր ժնեում, սակայն, անհայտ պատճառներով, նրանք ճանապարհից ետ են կանչվում, ուստի և Անդրանիկի առաջին օգնութչունը կովկասահայությանը տեղի չի ունենում:

Այդ տարիներին ժնեում Անդրանիկը մտերմացել է նաև Սիամանթոյին, դարձել նրա բանաստեղծական ներշնչանքի աղբյուր, բարեկամացել է Դ. Դեմիրճյանի, Ռուբին Զարդարյանի հետ¹¹, բայց մտերմութչունը և համագործակցութչունը Թումանյանի հետ, որը վերաբերում է 1914—1919 թթ., առանձնակի տեղ է զբաղում երկուսի էլ կյանքի տարեգրութչյան մեջ:


1914 թ. հոկտեմբերին, նախքան ռուս-թուրքական պատերազմի սկսվելը, Թիֆլիսում ստեղծվում է «Պատերազմից վնասվածներին օգնող կենտրոնական կոմիտե», որը մշակութային և հոգևոր գործիչների մասնակցութչամբ ծավալում է լայն գործունեութչուն: Կոմիտեի առաջին նիստը տեղի է ունենում հոկտեմբերի 5-ին Մեսրոպ Կարսկոպոս Տեղ Մովսիսյանի նախագահութչյամբ և որոշվում է.

1. Կաթողիկոսին խնդրել մի հատուկ կոնդակով կոչ անելու հայ ազգաբնակչութչանը՝ նպաստելու կոմիտեին իր նպատակն իրագործելու համար:

¹¹ Նույն տեղում, էջ 240:



Հովհ. Քումանյանը Մեսրոպ Լախիճյանի տեր-Մովսիսյանի հետ



2. Դիմել բոլոր ընկերություններին և անհատներին, խնդրելով օգնել կոմիտեին:

3. Խնդրել զաւլառական մտավորականությունը՝ օգնել քաղաքային ինքնավարություններին:

Նույն օրը ընտրվում է կենտրոնական կոմիտե Սամսոն Հարությունյանի նախագահությամբ (փոխնախագահ էր մեծահարուստ Կոստանդին Ալիխանյանը)¹²:

1914—1915 թթ. Թումանյանի հասարակական ողջ գործունեությունը կապվում է հիշյալ ընկերության կենտրոնական կոմիտեի հետ: Այդ կոմիտեն իր հերթին ենթարկվում էր Հայոց ազգային բյուրոյին, որին Թումանյանը, ինչպես տեսանք, անդամագրված էր նրա գոյության առաջին օրից՝ 1912 թ. հոկտեմբերի 30-ի հիմնադիր ժողովից:

* * *

Ռուս-թուրքական պատերազմը սկսվելուց հետո Թումանյանը մշտադրություն է ունեցել մեկնել Պետերբուրգ «կայսերը ներկայանալու»: Ի՞նչ նպատակ էր հետապնդում բանաստեղծի այդ մտադրությունը: Այս փաստի աղբյուրը Վ. Տերյանի՝ Ն. Թումանյանին ուղղած նամակն է (1914, հոկտեմբեր): Նամակից պարզվում է, որ այդ մասին Տերյանը լսել է Մոսկվայում եղած միջոցին Արտավազդ Թումանյանից և Պետերբուրգից վերադառնալով՝ նույն տեղեկությունը կարգացել Պողոս Մակինցյանի՝ իրեն ուղղած նամակում¹³:

1915 թվականին գրած նամակներից մեկում բանաստեղծը հայտնում է, թե պաշտոնական վայրերում (Հայոց ազգային բյուրոյում) ցանկություն է եղել իրեն գործողելու «Ռուսաստան՝ շրջագայելու, խոսելու, նաև հանգանականության մասին հոգալու, կազմակերպելու...»: Նույն նպատակը նրան պետք է ուղեկցեր մինչև Մոսկվա, բոլոր բազմամսեային ընտանիքի հոգսերը նրան հնարավորություն չեն տալիս երկար ժամանակով Թիֆլիսից հեռանալու (V, 402):

Պետերբուրգ մեկնելու մտադրությունը, ամենայն հավանականությամբ, կապված է «պաշտոնական վայրերից» նրան Ռուսաստան գործողելու հետ. քանի որ Թումանյանը հեռավոր ճամփորդությունից

¹² «Հորիզոն», 1914, № 222:

¹³ Վ. Տերյան, Երկերի ժողովածու, հատ. 3, եր., 1963, էջ 352: Պողոս Մակինցյանի նամակն անհայտ է, Բանգարանային ֆոնդերում չի պահպանվել:



Շիրվանդադեն, խորեն հպիսկոպոս Մուրադրեկյանը, Բումանյանը,
Նիկողայոս ԲՆԻ. Տեր-Բալդյանը, Հովսեփ Խունունցը արևմտյան
ռազմարևմ մեկնելուց առաջ (1914, նոյեմբեր)։

հրաժարվել է, բնականաբար Նիկոլայ 2-ին հանդիպելու մտադրությու-
նը չի իրականացել: Այդ մասին առաջժամ այլ տեղեկությունների չկան,
մնում է ենթադրությունների անել, թե ի՞նչ նպատակ էր նրան մղում
հանդիպելու կայսեր հետ: Տեսակցությունը, անշուշտ, պետք է ունե-
նար քաղաքական նպատակ. հայ ժողովրդի՝ պատերազմին մասնակցի-
լու, կամավորական խմբերի կազմակերպման հետ կապված խնդիրներ
պարզաբանելու, պատերազմի բարեհաջող ելքից հետո Արևմտյան Հա-
յաստանի ճակատագրի և նման հարցեր:

Սակայն այդ ուղևորությունն ու հանդիպումը, ինչպես ասվեց, չկա-
յացան: Դրա փոխարեն պատերազմի սկզբում Թումանյանը հանդես
եկավ մի շարք հրապարակախոսական հոգևածներով («Ապաշավանք»,
«Սրանով կհաղթես», «Վերջին տագնապը»), որոնց մեջ խստորեն քնն-
նադատում էր արյունալի պատերազմը հրահրողներին, մյուս կողմից՝ մեծ
հավատով և լավատեսությամբ ընդգծում «ժողովուրդների ձայների», «ժո-
ղովուրդների ուղևորության» նշանակությունը: Հոգևածները տպագրվել են
այն օրերին, երբ արագորեն համալրվում էին կամավորական խմբերը, և
աշխարհի բոլոր ծայրերից կովկաս էին դալիս թուրքական բարբարոսական
հետապնդումների պատճառով հայրենիքը թողած հայորդիները՝ հանելու
խրինց հնօրյա վռնժը: Թումանյանի յուրաքանչյուր հոգևած հայ ղին-
վորին և ամբողջ ժողովրդին մղում էր ազատագրական պայքարի, ողի-
մբերում նրանց հաղթանակի հավատով:

Թուրքիայի՝ Ռուսաստանին պատերազմ հայտարարելուց հետո,
հոկտեմբերի 31-ին, լույս տեսավ Թումանյանի «Երրորդ զարկը» հոգ-
վածք, որով նա վերստին դրսևորեց իր քաղաքական հավատամքը՝
կողմնորոշումը Ռուսաստանի նկատմամբ, և առաջին հրապարակային
ելույթն ունեցավ արդեն եվրոպական համբավ ձեռք բերած Անդրանիկի
մասին: Անդրադառնալով ռուս-թուրքական երեք պատերազմներին
(1827—28, 1877—78 և 1914 թթ.), Թումանյանը գրում է այդ պատե-
րազմների երեք հերոսների մասին. «Վերք Հայաստանի» Աղասու,
«Խենթի» Վարդանի և Անդրանիկի:

Առանձնացնելով Անդրանիկին իբրև ոչ վիպական, այլ իրական,
բայց լեգենդար մի հերոսի, փառաբանելով նրան որպես ազատագրա-
կան պայքարի ժողովրդական առաջնորդի, Թումանյանը հայտարա-
րում է, որ նա այս անգամ կռվի է ելնում հանուն ճակատագրական
մի գոյամարտի: «Եվ էսպես, էս երրորդ պատերազմը ավանդական
խորհրդավոր երրորդ զարկն է,— գրում է Թումանյանը:— Երրորդ

զարկն է վճռում խնդիրը: Երրորդ զարկով հյուսիսի հսկան, Մեծ Ռուսաստանը վճռում է հայ ազգի հին, արյունոտ խնդիրը, ապահովում է նրա ապագան ու առաջնորդում դեպի ազատ ազգերի հղբայրությունը» (ՈՒՀ 2, 354):

Ժիշտ է, ժամանակը ցույց տվեց, որ բանաստեղծի լավատեսությունը վաղաժամ էր: Շուտով պարզվեց, թի որքան «փշոտ է ճանապարհը» դեպի «ազատ ազգերի հղբայրությունը»: Պատերազմում ցարական Ռուսաստանը ուներ իր նշանակալից ծրագրերը, որոնք ոչ մի կապ չունեին հայերի ազատագրության հետ: Բայց այդ միջոցին կարևորը Թումանյանի վերաբերմունքն էր դեպի այդ ամանդական «երրորդ զարկը», հաջապես այդ զարկի զորության նկատմամբ և Անդրանիկի հերոսական գերի կանխատեսումը:

Անդրանիկը Թիֆլիս եկավ Ռուսաստանի նկատմամբ ունեցած հավատով: Տակավին 1905-ի նվրոպա կատարած առաջին այցելության ժամանակ ժնեռւմ գրած հուշերում նա շատ որոշակի գրսևորել էր իր հիասթափությունը նվրոպայից հետևյալ խոսքերով. «Բայտ ունեցանք նվրոպան տեսնելու, բայց ավելի լավ կհամարեի չտեսնել: Հայկական հարցի վերաբերմամբ ոչ մի տպավորություն չթողեց ինձ վրա: Միայն տեսանք ժողովրդի ազատությունը իր երկրի մեջ:

Ինքնասեր, իրենց հանգստությունը սիրող մարդիկ են, որոնք չեն օգնել իրենց հղբորը, ուր մնաց, թի մեղ օգնին հեռվեն»¹⁴:

Շուտով Անդրանիկը խորամուխ եղավ նաև ցարական կառավարության քաղաքականության մեջ:

Կովկասյան բանակի հրամանատարության առաջին խնդիրը եղավ կամավորական բանակը բաժանել խմբերի և միայն մեկի՝ առաջինի ղեկավարությունը հանձնել Անդրանիկին: Նպատակը պարզ էր՝ որքան հնարավոր է արգելակել հայերի միասնականությանը, համախմբմանը:

Ռուս-թուրքական պատերազմն սկսվեց ուսոների հաղթանակներով բոլոր ճակատներում: Բայց այդ հաղթանակները անմիջապես ի հայտ բերեցին ցարական քաղաքականության հակահայկական բնույթը: Նայ՝ գրաված բնակավայրերում նահանջող թուրքերը ամենավայրենի ձևերով վրեժը լուծում էին խաղաղ բնակչությանից և դրանով հիմք դնում հայ ժողովրդի նոր ողբերգության՝ գաղթականությանը, որի դեմ ուսական հրամանատարությունը փակում էր աչքերը: Իսկ

14 «Անդրանիկի հուշերը», «Հայրենիք», Բոստոն, 1931, № 11, էջ 133:

կամավոր հայ զինվորների անձնուրաց կռիվը դարավոր թշնամու դեմ՝ ստիպեց ցարական զորավարներին բացասական դիրք գրավել հայ մարտիկների, Ազգային բյուրոյի խնդրանքների և միջնորդությունների նկատմամբ:

Ցարական զորավարները գիտեին, որ հայերը կռվում են իրենց ազատության համար, և սկսեցին կասկածել, թե կամավորական խմբերից և զորակոչված հաջերից կարող է ստեղծվել ազգային բանակ և հնարավորութուն՝ Հայաստանի ինքնավարության պահանջի համար:

Կասկածանքը շուտով վերածվեց միտումնավոր վերաբերմունքի: Սկսվեց կեղծ լուրերի, բառասանքների շարան հայ կամավորական խմբերի մասին, թե չեն կռվում, վատ են վարվում թուրք և քուրդ խաղաղ բնակչության հետ, թալանում են նրանց, չեն ենթարկվում հրամանատարությանը և այլն: Այդ պայմաններում անհրաժեշտ էր համարել հայկական կամավորական խմբերը, քանի որ ցարական պաշտոնյաները, ի դեմս Կովկասի փոխարքայի, չկատարեցին իրենց խոստումը 800000 կռվող տրամադրելու մասին, պատճառաբանելով, թե բոլոր ուժերը ուղարկվել են գերմանա-ավստրիական ճակատ:

1914 թ. նոյեմբերի 11-ին էջմիածնի դիվանապետ Բաղրատ եպիսկոպոսի՝ Ազգային բյուրոյի նախագահ Մամսոն Հտրությունյանին գրած պաշտոնական նամակից պարզվում է, որ նույն օրը էջմիածնում ստացվել է հասցեատիրոջ անթվակիր նամակը (անհայտ): Այն ծանր տպավորություն է թողել կաթողիկոսի վրա: «Զղվելի պրոտկոպցիան շատ պարզ է»,— գրում է Բաղրատ եպիսկոպոսը: Հայտնվում է նաև, որ նկատի ունենալով չարամտաբար ստեղծված ծանր միջոցառումը, համաձայն Ազգային բյուրոյի նախագահի նամակի, կաթողիկոսը կարգադրել է Մեսրոպ և Խորեն եպիսկոպոսներին «շուտով գնալ կովկասյան բանակ՝ պատերազմի դաշտը՝ հայ զինվորներին օրհնելու և ոգեւորելու»: Նամակի հետ ուղարկվել է նաև կաթողիկոսի՝ փոխարքային տրված հեռագրի պատճենը և խոստացել ավելի մանրամասն տեղեկություն ուղարկել:

Նույն նամակում խոսվում է Խորեն եպիսկոպոս Մուրադբեկյանի հետ (այդ միջոցին՝ Արարատյան թեմի առաջնորդ, հետագայում՝ կաթողիկոս ամենայն հայոց) Երևան մեկնող երկու ներկայացուցիչների և Մեսրոպ եպիսկոպոսին ուղեկցողների մասին, որոնց անունները չեն նշվում¹⁵:

¹⁵ ՊԿՊԱ, ֆ 288, ց 1, գ 7, թ 31:

Նամակում հիշատակվում է նաև Ազգային բյուրոյի փոխնախագահ Հ. Ամիրխանյանի միջոցով ուղարկված նույեմբերի 8-ի «Թուղթը», որով եպիսկոպոսը հարցնում է. հարմա՞ր է արդյոք այդ «Թուղթը» ուղարկել փոխարքային, թե՞ սպասել մինչև որ ծանր մթնոլորտն ու տպավորութիւնն անցնի: Ձեռքի տակ շունհնալով այդ վավերագիրը, կարելի է չկասկածել, որ այն վերաբերում է կամավորական խմբերին: Բազրատ եպիսկոպոսը հայտնում է նաև, որ «Գեներալ Չեռնա-դուբովից վեհափառը հեռագիր է ստացել նույեմբերի 7-ի կովում Անդրանիկի խմբի քաջագործութիւնների մասին»:

Ինչպես տեսնում ենք, նամակը հետաքրքիր փաստաթուղթ է և իր բովանդակութեամբ, և թվագրութեամբ. կամավորական խմբերը ուսական դորին միացել էին նույեմբերի սկզբին և մի շարաթ անց մի կողմից՝ հայտնի էր կովում աչքի ընկած Անդրանիկի անունը, մյուս կողմից՝ տարածվել էին «պրոպեկանդին» բնույթ կրող լուրեր կամա-
ռաւ սինժոննեոն մասին:

Ժրնշև էջմիածնում ստացված այդ «պրոպեկանդին» լուրերը, նույն լուրի 3-ին Բաքվի «Արև» օրաթերթը տպագրում է «Հովհ. Թումանյանի ալըր հայոց դպրոց» վերնագրով թղթակցութիւնը, դրանով հայտնի դարձնում Թումանյանի՝ Բաքվում գտնվելու անակնկալը: Հայտնւում է, որ բանաստեղծին դպրոցում դիմավորել են հոգաբարձութեան ներկայացուցիչները, բաղնաթիւ աշակերտուհիներ իրենց ուսուցիչների հետ, դպրոցական երգեցիկ խումբը Անտոն Մայիլյանի ղեկավարութեամբ, ողջունի խոսք է ասել դպրոցի տեսուչը, արտասանվել են Թումանյանի ստեղծագործութիւնները և այլն:

Վերջում խոսել է Թումանյանը, ասելով հետևյալը. «Հայ դրո-դին, հայ բանաստեղծին այսօր ոգևորողը հայ դպրոցը պիտի լինի: Ասված է՝ աղա կրթիկ նշանակում է մարդ կրթել և աղջիկ կրթել, նշանակում է մայր կրթել, ընտանիք կրթել: Նա շնչոտեց, — շարունակում է թղթակիցը, — որ դարերի ավերակների վրա նոր-նոր շենքեր պիտի կառուցի և մայրենի խոսքը պիտի կենդանի պահել միշտ: Ձեր ուսուցիչները ձեզ առաջնորդում են ոչ թե՛ երկրներ, հողեր գրավելու, այլ հոգեկան նվաճումներ անելու և լուսավորութեան դռները բանալու ձեր առաջ: Հայ գրողը, հայ բանաստեղծը միշտ կոգևորվի, տեսնելով այն կառուցվածքը, որի վրա աշխատելու է սիրունը»: Հասկանալի է, աշա-

կերտությունը դղրդալից կեցցեններով է ընդունել «սրտակից բարեկամի խոսքերը»¹⁶:

Թումանյանի՝ Բաքվում գտնվելու լուրը Թիֆլիսում հրապարակվեց միայն նոյեմբերի 7-ին: Շեշտվում էր հատկապես այն հանգիսավոր ընդունելությունը, որին արժանացել է բանաստեղծը¹⁷:

Բայց Բաքվում գտնվելը Թումանյանի համար նշանավորվում է նաև այլ կերպ. այստեղ է հրապարակվում «Վերջին տագնապը» բանաստեղծությունը նոյեմբերի 3-ի խաղողությամբ՝ գրված Բաքվում¹⁸:

Այդ ստեղծագործության՝ Բաքվում գրելու և հրապարակելու փաստը հուշում է Թումանյանի այս այցելության նպատակը: Կտրելի է հնթադրել, օրինակ, որ Թումանյանը եկել էր Բաքու հատկապես ուղմի դաշտ մեկնող կամավորական խմբերին ոգևորելու իր վարակիչ խոսքով, անձամբ նրանց լսելի դարձնելու այն բոլորը, ինչ գրում էր ու հրապարակում հրեք ամիս շարունակ: Այս բանաստեղծության մեջ աղ-դարարելով հնօրյա վիրապի նոր թափով ասպարեղ գալը, ալևոր լեռների վրա և ամենուրեք ահավոր ոճիրներ ու մահ տարածելը՝ Թումանյանը ի հայտ է բերում մեր ժողովրդի դարավոր տառապանքը բարբարոս պետության տիրապետության տակ:

Բանաստեղծության գործող անձինք կիսամեռ տանջվողներ են, որ մարտի են ելել անձնվեր քաջ խմբերով, կռվում են «անընկճելի ու արի», ծառա են լինում մինչև լեռների ճերմակ գագաթները: Բանաստեղծի նպատակն է ոչ միայն պատկերել տանջվողների հաղթելու և ապրելու ձգտումը, այլև հավատացնել նրանց, որ կռվում են վերջին անգամ, իսկ դրա համար անհրաժեշտ է հավաքվել՝ «Հորձանք տալով ամեն կողմից հայության», որովհետև նրանց դարավոր կանչերի արձագանքները տեղ են հասել, անցնելով լեռների սպիտակ գագաթներից, հասել հեռու-հեռունիր...

Ու ամպերում, բարձր ուսից Մասիսի
Սլանում է մեծ արծիվը հյուսիսի,
Շիտակ դեպի րարծունքները հայկական,
Իր հետևից հայի բախտն ու ապագան:

¹⁶ «Արև», Բաքու, 1914, № 173:

¹⁷ «Հորիզոն», 1914, № 248:

¹⁸ «Արև», 1914, № 175, նոյեմբ. 5 և ապա՝ նաև «Հորիզոն», 1914, № 250՝ արտատպված «Արևից» նոյեմբ. 9-ին:

Բանաստեղծի լավատեսության աղբյուրը իր ժողովրդի անկոտրում փամբն էր և ուսական բանակի՝ այդ օրերին արդեն իրական թվացող օգնությունը: Բանաստեղծությունը գրված է աշխարհի հեռավոր ծայրերից Կովկաս հավաքված կամաձոր զինվորների՝ ուսական բանակին միանալու նախօրյակին և այդ իմաստով այն կոչ էր, հրավեր բոլոր հայերին՝ ոչինչ չխնայել հանուն ազատության, հանուն գոյատևման (ՈՒՂ 2, 245):

Որ իսկապես Թումանյանի Բաքու ժամանելը կապվում է կամաձորական շարժման և հանգանակության գործին, ապացույց է նույնմբերի 5-ին Բաքվից մի մեծ խմբի ուղևորվելը դեպի ռազմի դաշտ¹⁹:

Նույն ժամանակ՝ 1914 թ. նոյեմբերին, Թիֆլիսի «Հորիզոնի» խմբագրությունը սկիզբ է դնում թերթի գրական-գեղարվեստական հավելվածի հրատարակությանը, տպագրելով հատկապես պատերազմական թեմայով նյութեր: Հավելվածը լույս էր տեսնում շաբաթը մեկ անգամ՝ կիրակի օրերը: Նոյեմբերի 23-ի համարում (№ 2) հրապարակվում է Թումանյանի «Հին խոսքը» պատմական ակնարկը:

Այստեղ հեղինակը կրկին անգրադառնում է հնօրյա վիշապին, միայն թե այս անգամ նոր սպասումները նրան տանում են դարերի խորքը: Նա օգտագործում է բյուզանդական մի հին ավանդություն՝ համոզված, որ ավանդությունը «...ավելի լուրջ ու հաստատ բան է, քան ամեն պատմություն»: Վերապատմելով ժողովրդական հին խոսքը, հեղինակը վերստին շարադրում է իր հայացքը պատերազմի վախճանի մասին: Եթե այդ ըմբռնումները ժամանակի ընթերցողների համար նորոթյուն չէին, ապա նոր էր արտահայտչական ձևը՝ բյուզանդական ավանդության օգտագործումը, որն այլ հնչեղություն էր տալիս արևմրտահայ ժողովրդի ազատագրության գործում Ռուսաստանի դերի Թումանյանական հավատամքին: Նրիտթուրքերը, տխրահուշակ էնվերններն ու թալեսթները, որոնք յաթաղան էին բարձրացրել ոչնչացնելու հայ ժողովրդին, ընթերցողին ներկայանում են որպես նույն անաշխատ գիշատիչները, որոնք XIII դարում փախչելով Մոնղոլիայից, հորատանի վրայով մտել են Հայաստան ու սկսել իրենց վայրենի ասպատակությունները: Սերնդից սերունդ ավելի կատարելագործելով

19 «Հորիզոն», 1914, № 252:

իրենց բարբարոսությունները 1453 թվականին նրանք գրավում են Կոստանդնուպոլիսը՝ կոչելով այն Ստամբուլ, այստեղ էլ հիմնում իրենց «բարձր դուռը» («արևելքում դուռն ու դարպասը որքան բարձր էր, էնքան էլ բարձր էր տիրոջ պատիվը», — գրում է հեղինակը), որը դաբեր շարունակ եղել է կեղեքումներ, շահագործում, թալան ու ավերում սաղրողների որջ։

Այսպիսով, Բյուզանդիան իր դարավոր մշակույթով, որը սնունդ էր առել հունա-հռոմեական Հելլագայից կուլ է դնում բարբարոսներին, և Մուհամմեդ II-ը շուտով Այա-Սոֆյայի քրիստոնեական տաճարում նամազ է անում։

Բայց բյուզանդական հույները վստահ են, որ կգա մի օր, երբ այդ տաճարում նորից կսկսվի քրիստոնեական արարողությունը, և այդ կարվի Ռուսաստանի միջոցով²⁰։

Հետաքրքրական է, որ նույն կարծիքին է և գերմանացի գիտնական Հ. Դեյցերը իր «Համառոտություն բյուզանդական կայսրերի պատմության» աշխատության մեջ։ Ամենայն հավանականությամբ՝ Թուրմանյանը օգտվել է այս գրքի՝ Կ. Պոլսի ազատագրությանը վերաբերող հատվածներից։ Դեյցերը այն կարծիքին է, որ եթե երբեք Սուրբ Սոֆյան վերականգնվի որպես քրիստոնեական տաճար, այդ կարող է անել միայն ռուսական ցարը. «...Կոստանդնուպոլսի կայսրը կարող է միայն Օրթոդոքս եկեղեցու հովանավորողը՝ ռուսաց ցարը լինել, եթե նա գիտակ մնա այն լուրջ պարտավորություններին, որ կապված են այդ մեծ խեղրի հետ»²¹։

Գերմանացի պրոֆեսորը չի շարունակում իր միտքը, չի թափանցում «լուրջ պարտավորություններին» խորքը, բայց աշխատությունը գրելու ժամանակ նա պատկերացրե՞լ է, թե քաղաքակիրթ իր երկրի դեկավարները XX դարում դաշնակցած հետամնաց Թուրքիայի հետ, կրկնելու են այն բարբարոսությունները, որոնք արվում էին XV դարում։

20 Մանրամասնություններ տե՛ս «Բանրիկ Երեանի համալսարանի» (Հասարակական գիտություններ), 1986, № 3, էջ 87—90։ Այստեղ վրիպում է Թույլ տրված. ակնարկը տպագրվել է ոչ թե նոյեմբ. 16-ին այլ՝ 23-ին (№ 2), ինչպես ասվեց վերևում։

21 Հ. Դեյցեր, Համառոտություն բյուզանդական կայսրերի պատմության, 1901, Վաղարշապատ (Թարգմանություն Մեսրոպ Կալիսիկոս Տեր-Մովսիսյանի), էջ 475։ Գրքի մեկ օրինակը պահպանվում է Թումանյանի անձնական գրադարանում։

Արձագանքելով Գեղցերին, Թումանյանը խտացրել, միաժամանակ արդիականացրել է նրա մտքերը Կ. Պոլիսը ազատագրելու մասին, կապելով այն արևմտահայության, իր օրերի այն տրամագրությունների հետ, որով սպասվում էր Կ. Պոլսի գրավումը դաշնակիցների կողմից։ Սուրբ Սոփիայի տաճարի ամանդությունը ռուսական բանակի առաջին հաղթանակների օրերին պետք է հնչեր որպես այդ սպասումների իրականացման սլաքանական պատկերում։



Ազգային բյուրոյին ուղարկված Բազմատ հայկականոսի նամակին անդրադառնալիս տեսանք, որ Մեսրոպ և Նորեն հայկականոսների հետ ուղմաճակատ մեկնող մյուս անձնավորությունների անունները չեն հիշատակվում։ Սակայն ուրիշ ավյալներից պարզվում է, որ Մեսրոպ հայկականոսին Թիֆլիսում միանալու էին Թումանյանը, Շիրվանզադեն, Ներսիսյան դպրոցի տեսուչ Հովսեփ խոնունցը, Թիֆլիսի վեցայի գերիզմանատան քահանա Նիկողայոս Բաժոյանը (հոգևոր հրգերի լավագույն կատարմամբ հայտնի տեր Նիկոլը), իսկ էջմիածնում Արամյան և Քլեյնի հայկականոսին ընկերակցելու էր իրավաբան Սմբատ Խաչատրյանը (1915 թվականից՝ Երևանի քաղաքադուր)։

Մեսրոպ հայկականոսի հետ մեկնողները Թիֆլիսից դուրս են գալիս 1914-ի նոյեմբերի 15-ին։ Տեղական գրեթե բոլոր թերթերը ազգաբարեցին Թումանյանի և Շիրվանզադեի ճամփորդության լուրը էջմիածին-Իզդիր-Կարս ուղղությամբ²²։ Բնականաբար, ուղմաճակատ մեկնելու իսկական նպատակը այդ օրերին հայտնի էր միայն պաշտոնական անձանց, ուստի մամուլը չէր կարող հրապարակել ճշմարտությունը։ «Հորիզոնը» բավարարվեց զրեղով, որ խումբը մեկնել է «պատերազմի գալու... մեկնողներին բարի երթ մաղթեց մեծ թվով ժողովուրդ»²³։ Բաքվի «Արևը» հայտնեց, թե խումբը Կովկասի պատերազմական թատերաբեմ է ուղևորվել «վհատաբա կաթողիկոսի կարգադրությամբ՝ հայ ղինվորներին հոգեպես մխիթարելու համար», իսկ «Մշակը», որ Թումանյանին վերաբերող հարցերում միշտ ուներ նույն «ազնվական դիրքը, հաղորդեց միայն կաթողիկոսի հրամանով Երևանի

²² «Հորիզոն», 1914, № 256։

²³ «Արև», 1914, № 187։

և Թիֆլիսի հոգևոր առաջնորդների՝ Մեսրոպ և Խորեն սրբազանների մեկնումը ռուս-թուրքական ճակատ՝ «հայ զինվորներին այցելելու և մխիթարելու»։ Ինչպես տեսնում ենք, աշխարհիկ ուղեւորների անուններ չկան. դրանք բոլորը տուժել են Թումանյանի անվան պատճառով, այլ կերպ գոնե Շիրվանզադեի և Հ. Խունունցի անունները կհայտնվեին²⁴։

Արձագանքեց նաև «Տարազը»՝ քիչ ուշացած հրապարակելով Թումանյանի, Շիրվանզադեի և Նիկողայոս քահ. Բավոյանի լուսանկարը «Դրական մեր աստղերը» խորագրով և այնուհետև հաղորդեց. «Ս. էջմիածնում նույնմբ. 17-ին առնելով օրհնություն, Իգդիրի վրայով նույն օրն էլ ճանապարհվեցին ռուս-տաճկական պատերազմ»²⁵։

«КАВКАЗСКОЕ СЛОВО» թերթը նույնպես հրապարակեց երկու լուր, թե ինչպես «էջմիածնի և Կարսի ուղղությամբ» թուրքական ռազմա-ճակատ են մեկնել Մեսրոպ և Խորեն եպիսկոպոսները կաթողիկոսի հանձնարարությամբ, և նրանց ուղեկցում են Հովհ. Թումանյանը, Ալ. Շիրվանզադեն և Հ. Խունունցը²⁶։

Մասնախմբի ճամփորդության մասին կա երկու աղբյուր։ Մեկը՝ Թումանյանի ծոցատետրերն են, որտեղ կատարված են նշումներ, գրառումներ նույնիսկ 17-ի զիշերվանից մինչև վերադառնալու օրը՝ 1914 թ. դեկտեմբերի 12-ը։ Մյուսը՝ Շիրվանզադեի «Պատերազմի վայրերում» ակնարկն է։ Թումանյանի մոտ միայն նշումներ են, գրառումներ տևածի ու լսածի մասին՝ հետագայում ճամփորդական ընդարձակ նկարագրություններ շարադրելու համար, որը, սակայն, չի արվել։ Իսկ Շիրվանզադեն իր ակնարկը գրելով 1915-ի մարտին, տարագրել է նույն թվականի աշնանը պատերազմից վնասվածներին օգնելու նպատակով Թիֆլիսում հրապարակված «Զիլենի» գրական ժողովածուի մեջ։ Նախքան ակնարկի հրապարակումը մի քանի հատվածներ տարագրվել են «КАВКАЗСКОЕ СЛОВО» թերթում իբրև ճամփորդող սփական թղթակցի նոթեր, որոնցում քաղաքական հարցեր չեն շոշափ-

²⁴ «Մշակ», 1914, № 258։ Ուշագրավ է, որ նույն թվականի դեկտ. 5-ի համարում «Հայ զրոգների» քրեստոմատիայի 2-րդ հատորի լույս տեսնելու մասին հայտարարության մեջ նույնպես Թումանյանի անունը չկա. գրված է՝ կազմեցին Ղ. Աղայան, Ավ. Ահարոնյան, Վ. Փափազյան։

²⁵ «Տարազ», 1914, № 8 (դեկտեմբեր) էջ 137։ Լուսանկարել էր «Արարատի» խմբագիր Բարկեն վարդապետ Վարդազարյանը։

²⁶ «КАВКАЗСКОЕ СЛОВО», 1914, № 53, 54։

վում: Այդ նոթերը «Պատերազմի վայրերում» ակնարկի սկզբնական մասի տարբերակներն են: Թումանյանի ծոցատետրի գրառումներից մեկը վերաբերում է հիշյալ ուսսական թերթին ուղարկվող Շիրվանզադեի նոթերին. «Հայկական հարցի մասին ինչ որ գրում է, «Кавказское слово»-ն կրճատում է կարևոր կետերը և հանում²⁷: Խրմազիրը հեռագրում է,— շարունակում է Թումանյանը,— «Все нам интересно, кроме дружинников և խմբերի մասին չի ուղում տպագրել: Իսկ Շիրվանի հետ Դոլուխանովը ապապրում է, թե խմբերի մասին մի գրեք, որովհետև վնաս կրերի: Հայկական հարցին, գրգռում է ուսաներին»²⁸:

Թումանյանի այս գրառումը պարզում է, թե ինչու ուսսական թերթում Շիրվանզադեի հրապարակած նոթերի մեջ քաղաքական հարցեր չեն շոշափվում: Հեղինակը սկզբում չի գրում, թե ուր են գնում, ում հետ և ինչ նպատակով, թեպետ հետագա հատվածներում տրվում են նաև մյուս ճամփորդների անունները²⁹: Պետք է նկատել, որ «Զիթինիում» տպագրված ակնարկում հեղինակն անհամեմատ ազատ է, քան օրաթերթում լույս տեսած թղթակցություններում, թեպետ գրաքննչական մարմիններից խուսափելու ձգտումը և որոշ քաղաքական հարցեր անտեսելը բավական բացահայտ է³⁰:

Թումանյանի գրառումների մեջ տիրապետում է ազատ, անկաշկանդ, օրյեկտիվ ոճը՝ անկախ նրանից, թե ինչի մասին է խոսվում:

Թումանյանի գրառումների և Շիրվանզադեի ակնարկի թվական տվյալների մեջ տարբերությունը քիչ է: Դուրս գալով Թիֆլիսից հոկտեմբերի 15-ին գնացքով, խումբը 16-ին հասնում է էջմիածին կայարանը, ապա մինչև էջմիածին բնակավայրը գնում են կառքով: Այն կառքը, ուր նստած էր Թումանյանը Մեսրոպ սրբազանի հետ, միմյանց լուր ճանապարհի ցեխի մեջ, մեծ դժվարություն է ստեղծել նրանց համար, և ճանապարհի մի մասը գնացել են ոտքով:

Մեկ օրվա ընթացքում նրանք պաշտոնական հանդիպում են ունեցել կաթողիկոսի հետ, խոսել Անդրկովկասի ճանապարհը բռնած փախըստականների, նրանց օգնելու, հանգանակություններ կազմակերպելու մասին: Ծանոթացել են նոր կառուցված գրադարանին (ուր իջե-

27 ԳԱԹ, ԲՖ, № 258, ք 9—10:

28 Նույն տեղում:

29 «Кавказское слово», 1914, № 60, 62, 75, 79:

30 Նույն տեղում, № 60:

սին գրում է. «...մերը մաքուր ու հարուստ, նրանցը աղքատ ու նի-
հար»: Ըստ երևույթին, խումբը հանգստացել է «միանգամայն մերկ և
դատարկ տներում»³⁴: Պարզ է, որ բնակիչները ցրվել են այս ու այն-
տեղ պատերազմական գործողությունների պատճառով:

Իդդիրում հանձնախումբը մնացել է երկու գիշեր, իջևանել մի վա-
ճառականի տանը: Այստեղ նրանց այցելել են տեղական մտավորական-
ները, հաղորդելով հետաքրքրական նորություններ ուսական բանակի
հաղթանակների և սահմանամերձ հայերի ծանր կացության մասին: Նոյեմբերի 19-ին խումբը տեղեկանում է, որ երկարատև ճակատա-
մարտից հետո Անդրանիկը գրավել է Ղոթուրը:

Շարունակելով ճանապարհը, նույն օրը երեկոյան հասնում են ուս-
ական վերջին կայարանը՝ Օրդուվ:

Այդ մասին Թումանյանը գրում է. «Օրգուվի պատմությունն ու քըն-
նությունը»: Ըստ երևույթին, այստեղ ինչ-որ լուրջ խոսակցություն է
եղել կամավորների մասին, բայց Թումանյանը չի շարունակել: Շիր-
վանզագեն նույնպես այդ մասին ոչինչ չի գրում: Նոյեմբերի 20-ին,
երբ խումբը հասել էր Արծափ, Թումանյանը գրում է իր առաջին երկ-
տողը ընտանիքին. «Նրեկ դուրս եկանք Իգդիրից, ընկանք մեծ ճահիճ-
ների մեջ (Մասիսի թաքթաքուտները), էսօր կեսօրին Չինգիլի նշա-
նավոր լեռնանցքը անցանք, և մեր առջև բացվեց հին Բայազետի հո-
վիտն ու քաղաքը և Մասիսը Տաճկաստանի կողմից»³⁵:

Թումանյանի գրառումներից կարելի է կռահել, որ խառն է գրու-
թյունը քուրդ և հայ բնակչության միջև, որ Ռուսաստանի պաշտոնական
անձինք հակված են ավելի շատ դեպի քրդերը, քան՝ հայերը. «Քրդե-
րի ցույցմունքով են շարժվել»,— գրում է հեղինակը, թեպետ «նույն
քրդերը միացել են ու ջարդել են ոռոսներին», «Աբաղեղ,— շարունա-
կում է նա,— շատ քրդերի ՅԱՌԻՍԿԱ-ներ է տվել, որ առաջնորդելու են
իրենց», այդ ՅԱՌԻՍԿԱ-ները քրդերի գրպաններից հանել են կազակ-
ները: Գրելով այդ մասին, Թումանյանը եզրակացնում է. «Աբաղեղ
հայատյալ է»³⁶: Նշումների սկզբում գրված մեկ տողը՝ «ինչո՞ւ է Օսը
զլխավոր դորքի մեջ», վերաբերում է Աբաղեղին, որը ծագումով մահ-
մեդական էր:

34 ԳԱԹ, ԹՖ, № 258, Ի 1:

35 Երկտողը տպագրվել է՝ «Գրական թերթ», 1979, № 7:

36 ԳԱԹ, ԹՖ, № 258, Ի 4—5:

Դեռ Իզդիրում խումբը երկու անգամ հանդիպել է գեներալ Օդանովսկուն և զրուցել նրա հետ՝ ղորաբանակի շտաբի գլխավոր գեներալ Լյախովի ներկայությամբ (այս ազգանունը լրացվում է Թումանյանի ծոցասերտրի միջոցով)։ Հանձնախմբի նպատակն էր՝ պարզել ճշմարտությունը կամավոր ռազմի դաշտ մեկնած հայ մարտիկների մասին, ուստի բնական է, որ զինվորական այդ պաշտոնյաների հետ զրույցը ընթանար այդ ուղղությամբ։ Օդանովսկին, առաջնությունը տալով ուսուղիներին, կամավորների մասին արտահայտվել է բավական զուսպ, միաժամանակ զնահատելով նրանց որոշ առավելությունները. «Նրանք ևս ունեն իրենց դերը... այդ դերն է գլխավորապես երկրի հետազոտությունը և թշնամու դիրքերի որոշումը... նրանք ճանաչում են թշնամի երկրի բոլոր անկյունները։ Գիտեն լեզուն, ծանոթ են տեղական պայմաններին»։ Ինչպես տեսնում ենք, խոսք չկա նրանց անձնուրաց կռիլ, ռուսական բանակի նկատմամբ ունեցած նվիրվածության մասին։

Օդանովսկին հատկապես գնահատել է Անդրանիկի դերը, կանխավ նրա հետ կապիլով Վանի ապագա դրավումը։ Դեներալ Լյախովը, որն, ինչպես ասացինք, ներկա էր խոսակցությանը, դժկամությամբ է ընդունել Օդանովսկու դրական գնահատականները, որոշակի ցույց տալով իր տարակուսանքը պաշտոնակցի խոստովանությունների միջոցին³⁷։ Թումանյանը ավելացնում է, որ Լյախովը Թևհրանից է, հայաստացի։

Հայ կամավորների նկատմամբ ցարական ղորավարների ունեցած վատ վերաբերմունքի մասին Թումանյանը անում է այլևայլ նշումներ։ Օրինակ, Արմեն Գարոյի խմբի մասին գրում է, որ նրանք ժամանակին հագուստ չստանալով, մոտ 50 հոգի հիվանդացել են, թողել ռազմաճակատը և գնացել իրենց գյուղերը³⁸։ Ինչ վերաբերում է թալանին, որի մասին խոսել է Լյախովը Օրդովում, հետո պարզվել է հետևյալը։ Դրոջի և Խեչոյի կամավորական խմբերը քրդական Շամշադինով գյուղում ցուրտ, անձրևոտ մի գիշեր այլ վեր չտեսնելով, փորձել են գիշերել քրդերի տանը, բայց տանտերերը չեն ընդունել նրանց։ Այնուամենայնիվ, հայերին հաջողվել է գիշերել։ Առավոտյան քրդերը կերակրել, հարգանքով ճանապարհել են իրենց հայ հյուրերին, իհարկե, նախօրոք ստանալով դրամական հատույում, «բայց հետո,-- գրում է Թուման-

³⁷ «Զեթնի», էջ 10։

³⁸ ԳԱԹ, ԹՖ, № 258, Բ 3։

ջանը,— դիմում են բողոքով պրիստավին, արձանագրության են կազմել տալիս ու գործ սկսում, թե հայ դրուժինան կկազմվի ջարդեցին, թալանեցին, տարան»։ Այդ մասին էլ հեռագրել են Թիֆլիս՝ փոխարքային։ Թեպետ, ինչպես վկայում է Թումանյանը, նշանակվել է քննությանը, բայց այն կատարվել է միակողմանի, վկայություն տվել են միայն քրդերը և տեղի ստրաժնիկը, որը կաշառված է եղել³⁹։ Թումանյանի տված այս տեղեկությունները արդեն պարզում են Թիֆլիսում և էջմիածնում ստացված «Պրովոկացիայի» աղբյուրը։ Հետաքրքիր է նրա մի գրառումը թալանի մասին. «Քրդերը հայերին թալանել են նախքան ռուսների գալը։ Անցել է մի ամիս, այժմ, երբ հայը գնում է իր ասլուքները վերադարձնում, գալիս են գանգատվում, թե հայերը մեզ թալանեցին։ Իսկ հայերը սրան առանձին նշանակություն չեն տալիս, մինչդեռ սրանով տրամադրություն է ստեղծվում»⁴⁰։

Նրկրորդ հանդիպումը, որ եղել է գեներալ Օգանովսկու փոխայցելությանը, ավելի մտերմակամ էր։ Դեններալը նույնիսկ չի թաքցրել, թե անկեղծորեն համակրում է հայերին. «...Կփափագեի,— ասել է նա,— որ այս անգամ ձեր թրքահայ եղբայրների խնդիրը վերջապես լուծվեր», իսկ այնուհետև՝ «Գիտե՞ք, իմ արշան մեջ էլ մի քիչ «կարապետ» կա»⁴¹։ Ահա դադարից համեմատաբար դրական վերաբերմունքի։

Դեռ Արծաթի շահաժ նոյեմբերի 20-ի ցերեկը (ժամանակները մեծ մասամբ տրվում են մոտավորապես, Թումանյանի նշումները և Շիրվանդադեի ակնարկի թվական տվյալները համեմատելով) ստացվում է շտապ հեռագիր, որով Մեսրոպ եպիսկոպոսին կարգադրվում էր ետ վերադառնալ՝ Նիկողայ կայսեր Թիֆլիս ժամանելու կապակցությամբ (նման կարևոր իրադարձությունների ժամանակ Մեսրոպ եպիսկոպոսը, լինելով կրթված, լեզուների, հատկապես ռուսերենի քաջ գիտակ, միշտ փնտրված անձնավորություն էր, թարգմանիչը կաթողիկոսների հանդիպումների, պաշտոնական ընդունելությունների ժամանակ)։ Չնայած դրան, սրբազանը խմբին ուղեկցում է մինչև Բայազետ, այսպիսով ինչպես դրում է Թումանյանը, նոյեմբերի 23-ին վերադառնում Թիֆլիս։ Օգտնվելով առիթից, Շիրվանդադեն սրբազանի հետ ուղարկում է վերևում հիշված իր ճամփորդական նոթերը «Кавказское слово» թերթում տպագրելու համար։

³⁹ Նույն տեղում, թ 10, 11։

⁴⁰ Նույն տեղում, թ 22։

⁴¹ «Զեթնի», էջ 10։

Ըստ Շիրվանզադեի, նոյեմբերի 21-ին Բայազետում հանձնախումբը արժանանում է գեներալ-նահանգապետի ընդունելությանը, որին ներկա էր նախկին հյուպատոս Ա.-ն, գեներալի քաղաքացիական դժով օգնականը: Նահանգապետը թեպետ ակնարկում է, որ հայերը նեղում են քրդերին, այնուամենայնիվ, ի վերջո ասում է. «Համենայն դեպս կարող եք հավատալ, որ ես Ձեր տառապյալ հայրենակիցներին անպաշտպան չեմ թողնիլ», ավելացնելով նաև, որ թուրքի կամ քրդի ձեռքը միայն իր դիակի վրայով կարող է բարձրանալ նրանց վրա: «Սխալներ իմ կողմից հնարավոր են,— ասում է նա,— բայց վատ վերաբերմունք՝ հրեք»:

Գեներալ Գ.-ն դժգոհել է, որ տեղական լեզուները չհասկանալու պատճառով իրենք հաճախ շին տարբերում մեղավորին արդարից: Խեմբի աչն պնդմանը, թի «...մինչև այժմ հալածվողը հայն է հղել», գեներալը պատասխանել է.


«—Մինչև այժմ այո՛, բայց այժմ հայերն են սկսել նեղել քրդերին... Այո, զոհն ինձ այդպես են զեկուցանում, մի խոսքով կիսողերի ձեզ, սրբազան հայրեր և զուր բարոններ, որ ձեր հայրենակիցներին հասկացնեք, թե այսուհետև այս երկրում գործելու է օրենքը և ո՛չ բռնությունը»⁴²:

Ընդ սմին ավելացնենք, որ Թումանյանը նշում է նահանգապետի անունը լրիվ՝ գեներալ Բայազին, և ավելացնում, որ ծնվել է Երևանում և միշտ ծառայել է հայերի մեջ, ու մի քանի խոսքով պատմում Մեսրոպ հայկակոպոսի հետ ունեցած նրա զրույցը, դրանով լրացնում Շիրվանզադեի խոսքը. «Մեսրոպ հայկակոպոսը շատ բաց ու լավ տարավ խոսակցությունը—բացատրեց ավտոնոմիայի խնդիրը, խոսեց էն մասին, որ էդ ամենը վերևից է, ներքև շատերը շին իմանում»: Այնուհետև հայկակոպոսը բարձրացրել է դրավձած բնակավայրերում հայերին զինաթափելու հարցը և խոսել զրա վատ հետևանքների մասին, իսկ նահանգապետը պատասխանել է, որ այդ որոշումը վերաբերում է միայն քրդերին, որոնք գարնանը ռուսների համար սպառնալիք են: Ինչ վերաբերում է հայերին, նա բացատրել է նաև հայերի տները խուզարկելու պատճառը. թուրքերը և քրդերը նահանջելիս, իբրև թի, իրենց զենքերը պահ են տվել հայերին, վերադառնալիս ետ վերցնելու նպատակով, այդ մասին գաղտնի հայտնել են հայերը՝ իրենք և առիթ տվել

⁴² «Զիթենի», էջ 371:



Անդրանիկ Օզանյան




խուզարկութիւն: յաճանգապետը հայտնել է դժվարութիւնները նույն պատճառը, որ շատ թուրքիմացութիւններ առաջանում են լեզուն և սովորութիւնները չիմանալուց: Այդ կատարկցութեամբ ասենք, որ Թումանյանը որոշակի առաջարկներ ունի, որով պետք է դիմեր պաշտօնական անձանց էջմիածնում կամ Ազգային բյուրոյին. օրինակ, «Ուսանողներին և ինտելիգենտ մարդիկ տեղավորել տիրած տեղերում, որ և հարաբերութիւն պահեն, և ... (անավարտ է—Լ. Կ.): Կամ՝ «Որոշ տեղեր փոքրիկ գլուխներ և գաղութներ հիմնել», «Ինտելիգենտ, ազգացիկ մարդիկ պետք է ուղարկել շտաբների և հրամանատարութեան մոտ մնան և միշտ... առաջն առնեն թուրքիմացութիւններին»⁴³:

Բայազետի ավերված եկեղեցում Մեսրոպ Կալիսկոպոսի նախաձեռնութեամբ կազմակերպվում է հանդիսավոր ժամերգութիւն: Ռուսական զորքերի մուտքից հետո դա առաջին պաշտօնական արարողութիւնն էր, որ եկեղեցի էր հաւաքել բաւական հասարակութիւն: Եպիսկոպոսի քարոզը համոզում էր համբերող լինել, տանել ամեն դժվարութիւն, որ բերում է պատերազմը: Ներկաները, ծնկաչոք ու արտասուքով էին լսում ժամերգութիւնը, պատրաստակամութիւն հայտնում դիմաւալ, համբերութեամբ տանել ամեն զոհողութիւն, միայն թե ուսները չթողնեն իրենց⁴⁴:

Բայազետի այս եկեղեցական արարողութիւնը մի քիչ այլ կերպ է նկարագրված Շիրվանղաղեի տկնարկի՝ «Զիթենիի» տարբերակում: Այստեղ մազթանքի խոսք է ասում խորհն Կալիսկոպոսը, այնուհետև հեղինակը չի հիշում՝ Սմբատ Խաչատրյանն է խոսել, թե՞ Թումանյանը կամ գուցէ երկուսն էլ: Գրչակից բնկերոջ խոսքի նկատմամբ այս տարօրինակ անփութութեանը հետևում է Շիրվանղաղեի մոտորումը, ըստ որի՝ նույնիսկ ավելորդ էր խոսելը Բայազետի եկեղեցում. «Եւ ի՞նչ պետք է ասել հոգեւոյառ և արշունքաւ ժողովրդին, որին մի բան կարող է օգնել— ուժը, որ չունենք»: Կամ՝ «Վերջապէս այն, ինչ որ կարելի է ասել, ասում է հոգեւորականը...»: Իհարկե, Շիրվանղաղեն իրավացի չէր. ժողովուրդը մեծ սպասելիքներ ուներ և հոգեւոր գործիչներից, և Արևելյան Հայաստանից եկող ամեն մեկից: Էլ չենք ասում, որ Թումանյանի խոսքը, որ երբեք ավելորդ չի եղել, այդտեղ՝ Բայազետում պետք է ունենար մի հատուկ հնչողութիւն: Մնում է ցավել, որ

⁴³ ԳԱԹ, Թֆ, № 258, ր 24:

⁴⁴ «Кавказское слово», 1914, № 75:



Թումանյանը եջֆրածնի որբերի և բուժ անձնակազմի
հետ (1915, օգոստոս):

Շիրվանշահին անուշադրության է մատնել այն, իսկ Թումանյանն այդ մասին ոչ մի խոսք չի թողել:

Այդ ժամերգության միջոցին մեծ տպավորություն է թողել տեր նիկողայոսի երգը, որի մասին Շիրվանշահին խոսում է մեծագույն հիացմունքով. «Լավ կլիներ, եթե նույնիսկ ոչ ոք չխոսեր և թույլ տրվեր այդ խեղճ ժողովրդին ավելի երկար ժամանակ լսելու տեր-Նիկոլի հուղիչ երգեցողությունը: Ահ, նրա մաքուր սենորի յուրաքանչյուր հնչյունը թափանցում էր այդ ողորմելի տառապալներին հոգին՝ և արտասուք կորզում նրանց ցամաքած աչքերից: Եվ ինչպես հիացած են օտարազգի զինվորներն ու զինվորականները, որպիսի՝ երկյուղածությամբ են լսում արևելյան եկեղեցու հնադարյան մեղեդին, որ այնքան սազում է այդ մռայլ, արյունաշաղախ պատերին»⁴⁵:

Հետևելով Բայազետի մասին Թումանյանի գրառումներին և, ընդհանրապես, ամբողջ ծոցատետրին, տեսնում ենք, որ նա մտահոգված է եղել ժողովրդի (և՛ հայերի, և՛ քրդերի) ապրելակերպի, կենցաղի, զենքերի, կենդանի մնացած կամ ոչնչացած մարդկանց, պատմական անցյալի մասին վիճակագրական տեղեկություններ հավաքելով: Հետաքրքրական է հետևյալ ավանդությունը. «Բայազետի բերդը շինել է Ավետիս անունով վարպետը: Շինելուց հետո աջ կուռը կտրում են, որ էլ նրա նմանը չլինի: Եվ հիշավի, սբանչևլի շինություն է. մի արևելյան գեղեցկուհի, որի հետ կապված են էնթան աղետալի սրտամոխշություններ, որի ամեն կողմից էնթան գեղակաների, ռումբերի հետքերը մնում են ընդմիշտ»: Այս խոսքերին հաջորդում է հետևյալ նշումը. «Խենթի վտակն ու աղբյուրը». ըստ երևույթին, այս տողի տակ թաքնված է ինչ-որ հետաքրքիր ավանդություն Բաֆֆու «Խենթ» վեպի հերոսի մասին⁴⁶:

Անդրադառնալով Բայազետից լերե գտնվող ավերակներին, Թումանյանը գրում է, որ դա ուրարտական շրջանի շինք է և ավստսանքով ավելացնում, թե մի դարի ընթացքում ուլի անգամ ավերվել է. Չաշահ օղլի, Թամուր փաշա, Վանա Թամուր աղեն, Մալվա նադիր շահ, Բեհբուսովը, 1877-ին Տեր-Ղուկասովը, 1914-ին էլ և այլն⁴⁷:

Ճանապարհին ամենուրեք տեսել են ավերակ գյուղեր, որտեղից հայերը գաղթել են 1829, 1878, 1895 թթ.: Հայկական հին գյուղերից

⁴⁵ «Զիթենի», էջ 38—39:

⁴⁶ ԳԱԹ, Թֆ, № 258, ք 28:

⁴⁷ Նույն տեղում, ք 34:

շատերը բնակեցված են քրդերով, միայն կողքներին գանվող գերեզմանները ապացույց են, որ այդտեղ երբևէ ապրել են հայեր:

Ահա մի ավանդույթուն է: Գյուլիսոր (Մաղկոց) գյուղի կողքին հին կամուրջի մնացորդներ կան. այդտեղ եփրատ (Մուրադ) գետը ընթացքը փոխել է, իսկ կամուրջը մնացել է անօգտագործելի: Ավանդույթունը պատմում է. «էս կամուրջը հայերն են շինել: Եվ էն օրվանից, որ հայերը հեռացան Մաղկոցից, Եփրատն էլ իր ընթացքը փոխեց, կամուրջը թողել հեռվից է անցնում»⁴⁸:

Չիրո հայկական գյուղում հանդիպում են հայ ու քուրդ բնակիչներին. ընդամենը 12 տուն հայեր են, 60 տուն քրդեր: Մուսիկ հայկական գյուղերում մնացած հայերը գալիս են հանձնախումբը իրենց մոտ հրավիրելու և անմիջապես սկսում են շարական երգել («Թագավոր փառաց»): Հանձնախումբը գնում է մտնում երեք անգամ թալանված մի եկեղեցի, որտեղ մնացել էր միայն Աստվածածինը՝ Հիսուսը գրկին: Ամեն ինչ կորցրած թշվառ այդ գյուղացու հետ զրույցել են Թումանյանը, խորեն հայիսկոպոսը, Սմբատ խաչատրյանը. «Այնտիս տվինք, որ արդեն անցիլ են հին նեղույթյունները, հուսադրեցինք, որ նորերն էլ՝ պատերազմի ժամանակ է, անցավոր նեղույթյուններ են, շուտով կանցնի»: Ոգևորվել է ժողովուրդը, պատրաստ ամեն նեղույթյան դիմանալու, բայց պատմել են, որ եկեղեցու արծաթ սկիհը, որ պահել էին մի տան մեջ, «էն էլ ռուս կաղակ<ներն> էին հանել, տարել շորս հացով ծախել»: Չափազանց հուզիչ է եղել այս գյուղի հետ հանդիպումը: Թումանյանի շարադրանքից նկատելի է, որ այդ միջոցին իրենք էլ հույս չեն ունեցել լավ օրերի. «Եվ շորս հոգով,— գրում է Թումանյանը,— խորեն հայիսկոպոսը՝ եկեղեցու ներկ<ալացուցիչ>, խոնուցը՝ դպրոցի ներկ<ալացուցիչ>, Սմբատը՝ հին գործ<իչ>, դաշնակցության ներկալացուցիչ և ես՝ գրականության—նրանց առջև կանգնած հույս էինք տալիս, որ նեղ օրերին լին օրեր կդան, էրած գրքերի հետ նորերը կունենան, կիսավեր թալանված եկեղ<եցու> տեղ հույսկապն ու նորը կկանգնի, նրա կողքին էլ դպրոց կունենան»⁴⁹:

Թումանյանը ելույթ է ունենում նաև Յոնջալու, Ղազի գյուղերում ու վերստին հուսադրում նրանց: Շարունակելով խոսքը այդ հանդիպման մասին (Շիրվանդաղեն չի մասնակցել՝ հոգնածություներ պատճառաբանելով), Թումանյանը գրում է. «Սաստիկ հուզիչ էր էս գյուղում ու էս

⁴⁸ Նույն տեղում, թ 49:

⁴⁹ Նույն տեղում, թ 52—53:

եկեղեցում, և շաբեցիներ կիսավեր եկեղեցում, կիսամերկ ժողովրդի հետ, թալանված սեղանի առջև ու թալանված բահանաները սկսեցին երգել— «Ապավինեցար ի խաչ քո Քրիստոս...»:

Ամենքիս էլ թվաց, թե առաջին անգամ եղանք թուրքահայ գյուղում և խորապես զգացինք էն ամենը, որ զգացել էինք մինչև էդ ժամանակները»⁵⁰:

Մեջբերումից հրեում է, որ անջնջելի տպավորություն են թողել այդ տեսարանները բանաստեղծի վրա, հատկապես, բնակչության ըստացած վնասները: Թումանյանը նշում է միայն փաստերը, մեկնաբանությունները թողնելով հետագային:

Այդ աղբատ, կիսամերկ հայ գյուղացիներին հանդիպելիս Թումանյանի ուշադրությունը գրավել են կանայք. «Կանայք վշտոտ դեմք ունեն, բայց գեղեցիկները շատ են. նոր է պարզվում ինձ համար, թե ինչու նուրբ մորթ ունի էստեղից դաղթած Ախալցխայի կիներ»⁵¹, Մոցատետրի գեկտեմբերի 12-ի գրառումներից մեկը դարձյալ վերաբերում է հայ կանանց. «Ռուսական Բասենում հայ կանայք սուգ են պահում պատերազմի առիթով, բոլոր զարդերը թողած, սև հագած, ուրախություն վերջ»⁵²: Ավերված երկիրը, տղամարդկանց կորուստը, բռնաբարություններն ու վայրենությունները, չէին կարող այլ կերպ արտահայտել հայ կանայք:

Նոյեմբերի 25-ին (Շիրվանդադեն գրում է՝ 28-ին) խումբը հասնում է Ղարաբաղիսա, որտեղ նրանց այցի է դալիս մահմեդական ծաղում ունեցող զենեքալ Աբաղևը և գանգատվում հայ բնակչությունից: Շիրվանդադեն գրում է, որ դա առաջին բացահայտ գանգատն էր: Սկեղեցում հավաքված հայ բնակչության առջև դարձյալ ելույթ են ունենում խորեն եպիսկոպոսը, Թումանյանը և Սմբատ Խաչատրյանը: Աբաղևը խոսում է նաև կամավորների թալանի մասին և ամեն առիթով արդարացնում քրդերին ու թուրքերին, միաժամանակ փորձում է հստատացնել հանձնախմբին, իբրև թե, իրենք հատուկ հրաման ունեն, «որ հայերին առանձնապես հովանավորենք և զենք տանք»: Գինիրալ Աբաղևը հանձնախմբին ամեն կերպ հավատացնում էր, թե կամավորական խումբը «առաջին դիրքերում չի, մինչդեռ Արմեն Գարոն հանձ-

50 Նույն տեղում, թ 53—54:

51 Նույն տեղում, թ 56:

52 Նույն տեղում, թ 135:

Նախամբին ուղղած իր նամակում գրել էր, որ «Աբացելը կողմնապահ վերաբերմունք ունի և հարած է բրդական քաղաքականության»։ Իսկ հաջորդ գլուղի ներկայացուցիչները պատմել են, թե նույն Աբացելը գրավոր թույլատրել է բրդերին՝ «հայերին կոտորեն ու գլուղները քանդեն»⁵³։

Հայերի տանջանքը կրկնակի էր. նրանց հարստահարում էին ոչ միայն տեղացի բրդերը, նահանջող թուրքերը, այլև կազակները։

Թումանյանն իր գրառումներում հատկապես նշում է կանանց նրկատմամբ եղած վայրենի վերաբերմունքը՝ բռնաբարում են ոչ միայն թուրքերը նահանջելուց առաջ, այլև կազակները։

Ըստ Շիրվանզադեի, Ղարաքիլիսայում խումբը արդեն որոշակի պահանջում է հնարավորություն ստեղծել Դուդախ գնալու՝ հայ կախողներին հանդիպելու համար։ Աբացելը մերժում է, պատճառաբանելով, թե հետևիքը հոգևորականներ կան, որոնք կարող են գերի ընկնել, իսկ դա «խայտառակություն» կլինի իրենց՝ զինվորականների համար։ «Մենք հասկացանք գեներալի հետին միտքը։ Նա չէր ուզում, որ մենք հանդիպենք կամավորներին», — գրում է Շիրվանզադեն։ Այնուհետև նրանք առաջարկում են գնալ Դայար՝ նույն նպատակով, բայց գեներալը այստեղ էլ տալիս է երկդիմի պատասխան. «Թույլատրելով» հանդերձ, հրաժարվում է երաշխավորել նրանց կյանքի ապահովությունը։

Նոյեմբերի 28-ին խումբը գնում է Ալաշկերտ (Շիրվանզադեն գրում է՝ 30-ին, բայց ճիշտը Թումանյանինն է, որովհետև Ալաշկերտում արված նշումները սկսվում են 29-ից)։ Այստեղ հանդիպում են մի կազակ պարիտի, որը զրական վերաբերմունք ուներ հայ կամավորների նկատմամբ, ընդգծում էր նրանց առավելությունները «մանավանդ երկրին ծանոթ լինելու, ընդլի, սովորությունների և գլուղների ու տնիքի տեղադրությունն» իմանալու իմաստով։ Մինչդեռ Աբացելը հանձնախմբին աշխատում էր հավատացնել, թե կամավորական խումբը գնում է առական զորքի հետևից։

Շիրվանզադեի մոտ բացահայտ գանգառներ կան, որ ժողովուրդը թալանվում է ոչ միայն բրդից ու թուրքից, այլև կազակներից, քիպիտ գանգառվելուց հետո էլ դժգոհությունը քողարկել են։

«— Զանք, կազակ ինչ կողմ թող ընեն մեզի, միայն թե մեր երկրին չերթա։ Մենք դո՛հ կըլլանք պարու հացով ալ»⁵⁴։

⁵³ Նույն տեղում, թ 89։

⁵⁴ «Զիթենի», էջ 41—42։ Գանգառը, ինչպես տեսանք, մի քիչ ալ կերպ է ճամփորդական նոթերում («Кавказское слово», 1914, № 75)։

Թումանյանի ծոցատետրերում տողեր կան, որտեղ բացարձակորեն խոսվում է բանակի կողմից հայերի կրած հալածանքների մասին: Վերևում բերված օրինակներին ավելացնենք հետևյալը. Ղաղի գյուղում բնակչությունը դժգոհում է ռուսական զորքից. «Մենք ճամփի վրա ենք, ոտի տակ ենք: Ինչ որ թալանեցին, ինչ որ ուղեցին տվինք, էլ ոչինչ չունենք, ուղում են, լեզու էլ չգիտենք, որ հասկացնենք, մեզի կղարկեն»⁵⁵:

Եթե ռուսները թուրքերի մզկիթները դարձնում էին դամբարան, ապա դրա փոխարեն թուրքերը «ոչ միայն ձիանքը ներս էին քաշել եկեղեցի, այլև կողոպտել ու էրել, Քրիստոսի աչքերին հրացանով նշան ըլու-նել»⁵⁶:

«Ոմանք իրենց երևխանց սովորեցրել են՝ Ей бог, нет», բայց այդ չի խանգարել, որ կաղակները մտնեն հայերի աները, խուղարկեն, եղած գներերը, ոսկե ու արծաթե զարդերը վերցնեն: Արդահանի գեներալ-նահանգապետը պատմել է, որ կաղակները թալանում են նաև այդ կողմերում ապրող մալականներին⁵⁷: Բաղմաթիվ նման օրինակներ ապացուցում են, որ ռուսական բանակը ապահովված չի եղել սնունդամթերքով ու ռազմական պաշարներով: Թումանյանը պատմում է նաև, թե ինչպես կաղակները եկեղեցուց հրկու սկիհ էին տարել և վաճառել էփան գներով. հանձնախումբը գնել է մի քանի անգամ ավել վճարելով ու վերադարձրել կաթոլիկ եկեղեցուն⁵⁸:

Ինչպես Շիրվանդադերի ականարկից, այնպես էլ Թումանյանի գրառումներից երևում է, որ Ռուսաստանի օգնությունը հրկար ժամանակ սպասող հայերը արդեն հուսախաբված էին, բայց միաժամանակ իրենց միակ հույսը կապում էին ռուսական բանակի հետ իբրև շարյաց փոքրագույն:

Վերևում տեսանք, թե ինչպես թալանված, աղքատության մեջ տառապող գյուղացիների և հանձնախմբի ներկայությամբ քահանաները երգում էին «Ապավինեցանք ի խաչ քո»: Բայց խաչին ապավինելուց բացի, կային նաև լավատես մարդիկ, որոնք աղոթում էին, որ «ռուսը չերթա մեզին... որ նա գրավի մեր երկիրը ու նստի»⁵⁹:

55 ԳԱԹ, Թֆ, № 258, ք 56:

56 Նույն տեղում, լ 119:

57 Նույն տեղում, լ 133:

58 Նույն տեղում, ք 101, 115, 130:

59 «Զիթենի», էջ 29:

Նոյեմբերի 29-ին անցնում են նաև հասարակ (հազմիր) գյուղով, որտեղ այցելում են լուսավորչական և կաթոլիկ եկեղեցիներ: Այստեղ Թումանյանը նկատել է. «էս ամբողջ գյուղը գրագետ է առանց բացառության»: Նույն օրը Զեյդեբանում (Զեռկան կամ Զեյտիքան) նույնպես բանաստեղծի ուշադրությունը գրավում է բնակիչների «...ուսասհայերից ավելի ինտելիգենտ» լինելը: Հանդիպում է պատանիների, երիտասարդների, որոնք զիտին, ծանոթ էին իր ստեղծագործություններին, «Մի քանի տեղ խնդրեցին, որ իրենց հիշատակ թողնեմ», — գրում է նա: Եղել են այնպիսիներ, որ ցույց են տվել իրենց ունեցած Թումանյանի հրատարակությունները: Շփվելով հանձնախմբին, գրող-ցելով հեռները, լսելով նրանց խոսքը, «կանայք ուրախությունից լաց էին լինում. մեր անցնելու ժամանակ, — «Ախ, ձեր ոտին մեռնեմ», ասել է մեկը⁶⁰:

Այդ ավերածությունների ու թշվառության մեջ Թումանյանը ժամանակ ու հնարավորություն է գտել Զեյդեբանում պատմել տալ ու գրի առնել «Հազարան բլբուլի» մի տարբերակը գյուղացի Սերոբ Մարգարյանից: Այնուհետև Ավետիս Կարապետյանը պատմել է Սինամ Թագավորի հեքիաթը. ժամանակ շունենալու պատճառով տեղ-տեղ պարզապես նշումներ է արել⁶¹ (երկու պատմողների էլ հեքիաթը լսել են Կարսում):

Դեկտեմբերի 1-ին տեղեկություն են ստանում, որ չեն կարող ճանապարհը շարունակել, որովհետև Դահարում, հաշվելում շատ քրդեր կան, խումբը դեպի Բաշքոյ գնալու հնարավորություն չունի: Ուստի անմիջապես վերադառնում են Ղարաբլիխա: Այստեղ ևս Աբաղյանը ցույց է տալիս իր միտումնավոր վերաբերմունքը՝ արգելել հանձնախմբի և զորքի հանդիպումը: Աբաղյանը և մյուս գեներալները նույնիսկ կամեցել են խումբը բաժանել երկու մասի և առաջարկել ձմեռելու մոտիկ գյուղերում, մինչդեռ հանձնախումբը որոշել է «վերադառնալ Այաշ-կերտի դաշտը՝ կազմակերպել և ԵՅԱ-ը մաքրել»⁶²:

Ղարաբլիխայում Արմեն Դարոյի և Արտաշես Մելքոնյանի հետ ունեցած զրույցից պարզվել է, որ ուսանողները հրաժարվում են մնալ գյուղերում, աշխատել որպես Թարգմանիչ և միջնորդ դառնալ ժողովրդի և իշխանության միջև, որովհետև նրանց նպատակը ուղիղ դաշտ

60 ԳԱԲ, ԲՖ, № 258, ք 90—91:

61 Նույն տեղում, ք 94—100, 102—113:

62 Նույն տեղում, ք 117:

մեկնելն է: Արևմտյան Հայաստանում տեսած ավերածությունները չէին կարող ուսանողների մեջ այդպիսի ծոցում չառաջացնել:

Դեկտեմբերի 2-ին հասնում են Թաղլիշայ, 3-ին Մուսուն, ապա Օրդով:

Դեկտեմբերի 4-ին խումբն արդեն Իգդիրում էր, առանց հանգիստի լուծաբանական խմբերի:

Կարևոր է Իգդիրում կատարված հետևյալ դրսևումը. «Մի քուրդ եկել է հայտնի՝ թե էդ թալանված իրերը, որ ասում են, թե հայ կամավորներն են տարել, գտնվում է էսինչ քրդի տանը, մյուս մասն էլ էնինչ, գնում են գտնում»⁶³: Այստեղ հանդիպելով Օգանուվսկուն հանձնախումբը խմացել է, որ նրան կարգադրություն է արվել օբյեկտիվ տեղեկագիր ներկայացնել թալանի մասին: Դրված է եղել, թե բնակիչները թալանված ապրանք են գնել. բայց զրույցի ժամանակ պարզվել է, որ այդ արել են ոչ թե հայերը այլ ռուսական զորքը, ուստի և Շիրվանզադեին ու Սմբատ Խաչատրյանը պահանջել են հայերին վերագրված զրպարտությունը հանել տեղեկագրից:

Իգդիրում խմացել են նաև, որ Կովկասի ընդհանուր հրամանատարից «կարգադրություն կա չհավատալ ոչ մի քրդի, գլխավորներին բռնել, պահանջել բոլորի զենքն ու ձին: 500 հրացան է տրված՝ բերդան՝ Ալաշկերտի ֆրոնտի հայերին ինքնապաշտպանության համար»:

Հանձնախումբը գեներալ Օգանուվսկու հետ զրույցելիս պարզել է, որ ռուսախճան ռուս զորքի գալը, համիդիներից կեղեքված հայ ազգաբնակչությունը գնացել է իր թալանը ետ բերելու. նրանից հետո զորքը եկել է, թալանել է և ծախել ժողովրդի հետ <°> և կամ ծախել է նրան»⁶⁴: Խոսակցություն է բացվել ճանապարհի վրա գտնվող հայ գյուղերի բռնակցության մասին, որոնց ոչ միայն թալանել է զորքը, այլև դինաթափ արել: Հանձնախումբը Օգանուվսկու հետ բանակցություններ է վարել հայ կամավորների ձմեռելու տեղը ապահովելու մասին: Դրանցյոտաներից արդեն երևում է, թե այդ քառասյին դրության մեջ իրենք էլ չեն իմանում, թե ով է սպանողը, թալանողը: Որոշակի է, որ այստեղ հայերի նկատմամբ վերաբերմունքը համեմատաբար այլ է: Դեռերալը խոստովանել է, որ զենք չունեն, տաջարակել է հայկական բանակը դարձնել 10 000 և զենք գնել Ճապոնիայից, ռուսական բանակի համար

63 Նույն տեղում, թ 124:

64 Նույն տեղում, թ 127:

պահանջել են ուժեր, ուսանողներ, «հեղափոխականներ՝ օֆիցերներ պատրաստելու համար»։ Ուշադրութիւն է դրաւում նաև Իգդիրում կատարած հետեյակ դրառումը. «Ոչ մի տեղ դորք ու սպա չտեսանք, որ պատերազմով տարւած լինեին: Ամենքը համարում են հայկական դործ»⁶⁵: Այդ էլ, թերևս, նպաստել է այն հանդամանքին, որ հայերից են զորք ու զենք պահանջել:

Այսպէս հուսախաբւում, 15 օրվա հոգեկան ու բարոյական ցնցումներից հետո, դեկտեմբերի 5-ին խռմբը վերադառնում է էջմիածին, ապա Երևան՝ Սարիղամիշ մեկնելու ծրագրով⁶⁶:

Երևանում Թումանյանն ու Շիրվանզադեն իջեանում են առաջնորդարանում, որտեղից բանաստեղծը գրում է իր երկրորդ նամակը: Այդ նամակում կան երեք օրվա նշումներ՝ դեկտեմբերի 6-ի, 8-ի և 9-ի՝ արւած Երևանում, Ալեքսանդրապոլում և Ղալթաղլի կայարանում:

Իմանալով, որ Գեորգ V կաթողիկոսը Թիֆլիսում Նիկողայ կայսեր հետ հանդիպելուց հետո վերադառնում է (կայսրը Կովկաս ժամանել էր զինվորական հիվանդանոցներին ծանոթանալու նպատակով և Թիֆլիսում եղել էր նոյեմբերի 26-ից 29-ը), որոշւմ են գնալ նրան ընդառաջ՝ տեղեկութուններ ստանալու հանդիպման արգշտներին մասին: Բանաստեղծի՝ դեկտեմբերի 10-ի նամակից իմանում ենք, որ մեկ օր առաջ նրանք հանդիպել են կաթողիկոսին Ղալթաղլի կայարանում և մի քանի: կայարան գնացքում միասին եղել. «...Լամ Խրամադրութեան տակ էր ու կայսրից հուսադրւած»,—կարծես իմիջիպալոց դրում է Թումանյանը այդ հանդիպման թարմ տպավորութեամբ (V, 405): «Նա սրանչափ էր կայսեր վերին աստիճանի ազարդ և սիրալիր ընդունելութիւնից»,— նշել է ավելի ուշ Շիրվանզադեն⁶⁷:

Բայց ինչպե՞ս կամ ինչո՞ւ էր հուսադրել ցարը կաթողիկոսին: Լեոյի վկայութեամբ, կաթողիկոսը հատկապէս խոսել է պատերազմում Թուրքիային հաղթելուց հետո Արևմտյան Հայաստանին ինքնավարութիւն տալու մասին, իսկ կայսրը, հուսադրելով նրան, ասել է. «...թե հայերի վրձակը կտնօրինվի լավագույն կերպով»⁶⁸:

65 Նույն տեղում, թ 131:

66 Ժամանակը որոշվում է ըստ Թումանյանի՝ ընտանիքին գրած նամակի. տպագրւած է՝ «Գրական թերթ», 1979, № 7:

67 «Զիթենի», էջ 91:

68 Լեո, Անցյալից, էջ 313:

Կայսեր հուսադրությունից 10—12 օր անց արդեն որոշակի էին խոստացած անհեռանկար «լավագույնի» նախանշանները...

Խումբը այնքան էր մոտեցել ռազմաճակատին, որ օչնախալարհներին դեպք եղավ և ինդանոթաձգութիւնը լսելու,— գոռւմ է Թուման-յանը վերոհիշյալ նամակում,— երբ ռուսները քանդում էին բրդակահր գյուղերը, և քրդերի ու հայերի հրացանաձգութիւնը, տեսնել գերիների խմբեր, ընկած դիակներ, ավերած գյուղեր. միմիայն շներն ու կատուներն էին մնացել, որ սոսկալի ոռնում ու մլավում են գիշերները սոսիւթ ու անտեր» (V, 405):

Նույն նամակում հուսահատ ու անտրամադիր բանաստեղծը, գուշակելով գալիք էլ առավել աղետալի դեպքեր, գրում է. «Անկարելի է նամակով պատմել տեսածներս ու լսածներս, դրա համար էլ ավելորդ համարեցի գրել մինչև այժմ և այժմ էլ գրեթե նույնն եմ անում— թեև նամակ եմ գրում: Ընդհանրապես շատ տխուր են տպավորութիւններս և շատ հեշտ կարող ենք աղետալի դեպքերի հանդիպել, էնքան խախտու է մեր վիճակը» (V, 404):

Այս տեղէնը գրված են Բայազետի ու Ալաշկերտի ամբողջ տարածութիւնը անցնելուց հետո, Ղարաղուրանի ու Բասենի շրջանում: Թումանյանն արդեն կարող էր հեռանկար չտեսնել իրենց նպատակի իրագործման համար: Նրանք տեղյակ էին, որ գեկտեմբերի սկզբներին ռուսական զորքերը սկսել են նահանջել՝ հակահարձակման անցած թուրքական զորքերի ճնշման տակ: Նվ չնայած դրան, կաթողիկոսի հետ հանդիպելուց հետո ճանապարհը շարունակում են մինչև Սարի-ղամիշ ուր, ըստ Թումանյանի նշումների, հասնում են գեկտեմբերի 12-ին և անմիջապես ցանկութիւն հայտնում հանդիպելու գններալ Մ-ին: Այստեղ էլ նույն վերաբերմունքը Գեներալը ձգձգում է ընդունելութիւնը: Հանձնախումբը ստիպված գեշերում է Սարիղամիշում, իսկ առավոտյան յուրեր են հասնում թուրքերի՝ Սարիղամիշին մոտենալու մասին: Ժողովրդի մեջ սկսվում է խուճապ: Գնեհրալը առանց հանդիսելու Թումանյանին և Շիրվանզադեին, շտապ վազոն է հատկացնում, որպիսով նրանք վերադառնան Թիֆլիս: Ուշագրտով է գեկտեմբերի 13-ի գրառումը. «...նրա բերին... Քեռու խմբից մի կամավորի, որ պատմեց...»⁶⁹ և ինքնագիրն այստեղ ընդհատվում է: Առաջին կամավորն է, որին հանդիպում են Սարիղամիշում, բայց, չար զուգահե-

69 ԳԱԲ, ԹՖ, № 258, ք 138:

սյուժյուն, անկարելի է իմանալ կամավորը հասցրե՞լ է խոսել, գուցե
և այո, բայց Թումանյանը չի կարողացել գրանցել, իսկ հետո այլևս
դրան չի անդրադարձել:

Բայց ո՞ւր մնացին հայ կամավորների մասին տարածված բա-
բասանքները: Դրանք ստեղծվել էին այն օրերին, երբ ռուսական բա-
նակը հայ կամավորների հետ հերոսաբար առաջ էլ գնում, տեր դառ-
նալով Հայաստանի բնակավայրերին: Բայց այժմ կոխվել ցարական բա-
նակի համար ժամանակավոր տեղատվություն էր ստեղծել, պետք էր
օգտակել հայ զինվորի անձնավոր կովից, ուստի պատահական չէր, որ
այդ միջոցին բամբասանքները կորցրել էին իրենց ուժը և Սարիղա-
միշի գեներալը խուսափել էր հեղինակավոր առաքյալներին հանդիպե-
լուց: Շիրվանդադեն վկայում է. «Բանասերկուններն անգոր էին եղել
հայ զինվորի հավատարմության ու քաջության հռչակը նսեմացնելու
և շատ բանասերկուններ իրենք էին խոստովանել իրանց սխալը»⁷⁰: Այդ
կտալակցունի մասին Թումանյանը նշել է. «Սիրմուլյանտների մասին էլ
չեն խոսում, անցել է»⁷¹:

Այսպես ավարտվեց երկու ականավոր հայ գրողների այցելություն-
ը ռուս-թուրքական ռազմաճակատ:

Ինչպես տեսանք, հանձնախումբը չհասավ իր նպատակին, բայց
այն, ինչ տեսավ մխիթարական չէր: Նրանք պետք է համոզվեին, որ
մեր ժողովուրդը հենարան չունի, որ ցարական Ռուսաստանի համար
ընդհանուր առմամբ Հայաստանը լոկ աշխարհագրական հասկացողու-
թյուն է, ճանապարհ դեպի Պարսկաստան, Թուրքիա և ավելի հեռու-
ները՝ իր նվաճողական քաղաքականությունը իրականություն դարձնե-
լու համար: Այդ իմաստով՝ լավագույն փաստաթուղթ է Թումանյանի
1914-ի դեկտ. 10-ի նամակը, որին անդրադարձանք վերևում: Բանաս-
տեղծը արդեն նախասլատրաստված էր «ազիտալի դեպքերի հանդիպե-
լու» (V, 404):

Թումանյանի ծոցատետրի վերջին գրառումներից մեկը սպա Զան-
փուլադովից լսածն է. վերջինս փորձում է բացատրել հայ կամավորնե-
րի մասին ռուսների դժգոհության օբյեկտիվ պատճառը. «Մեր խմբե-
րը չառաջնորդվելով հմուտ ռազմագետներով և օֆիցերներով, սխալ-
ներ էն անում, արածները կորչում են և չեն ունենում թե՛ բարոյական և

70 «Զիժնի» էջ 29:

71 ԳԱԹ, Թֆ, № 258, ք 133:

թե՛ ուժի տեսակետից էն նշանակությունը, որ պետք է ունենան...»։ Հայ սպան առաջարկում է «...միացնել, կազմել մի մեծ մարմին կանոնավոր հայ սպաներով»։ Ըստ նրա, այդ հնարավորություն կտա ազատիլ ասեկոսենների⁷²։ Եթե Թումանյանը շարունակեր մեկնաբանել հայ սպայի միամիտ պահանջը, ապա պետք է այդ բացատրեր ոչ միայն հայ խումբապետների՝ մեծ բանակների դեմ կոլեկտու փորձ չունենալով, այլև ներանով, որ ուսական քաղաքականությունը շահագործված էր հայկական կանոնավոր «մեծ մարմին» ստեղծելու, քանի որ այն կաբոլ էր հիմք դառնալ մեծ բանակի և ինքնավարության պահանջի։ Մենք տեսանք, որ հայ ղեկավորների հաճախ անվանել են «ավտոնոմիստներ», կարող էին այդ ժամանակ հայերը պահանջ դնել մեծ բանակի։

Դեռևս կամավորական խմբերի սկզբնավորման օրերին ռազմական բարձր պաշտոնակալները խմբերը բաժանեց մատերի, արդենց միասնական բանակ ունենալը՝ անակնկալ պահանջների հետևանքներ չթողնելու համար։

Ե՞րբ վերադարձան Թիֆլիս։ Թումանյանը և Շիրվանզադեն։ Ըստ բանաստեղծի դեկտ. 10-ի նամակի, նրանք պետք է վերադառնային «մի տասն օրից»։ Ռազմական նոր իրադրությունը, ինչպես տեսանք, այլ կերպ տնօրինեց նրանց վերադարձը։ Թումանյանի ծոցատեստում նշված է, որ դեկտեմբերի 12-ին եղել են Սարիղամիշում, և քանի որ ձգձգվել է ընդունելությունը, նրանք գիշերել են այնտեղ, 13-ին ուղեվորվել դեպի Ալեքսանդրապոլ և Թիֆլիս հասել 14-ին կամ 15-ին (վերադարձի լուրը հրապարակվել է դեկտեմբերի 16-ին)⁷³։

Նվարդ Թումանյանը գրում է, թե հայրը ռազմաճակատից վերադարձավ «ծանր տրամադրությամբ, զարհուրելի տալավորություններով»

⁷² Նույն տեղում, թ 132—133։

⁷³ «Սշալը», որ չէր հայտնել Թումանյանի և Շիրվանզադեի ռազմադաշտ մեկնելու մասին, շտապեց տպագրել նրանց ժամանելու լուրը. «Թիֆլիս վերադարձան Սարիղամիշից 2. հունուցը, որ դեռ եղել էր քաղաքների ինքնավարության կողմից սենդական կետեր հաստատելու, և Շիրվանզադեն ու 2. Թումանյանը, որոնք ղեկավար էին Հայկական բյուրոյի (Աղդային բյուրոյի—Լ. Կ.) կողմից։ Վերադարձել է նաև Խոբեն եպիսկոպոսը» («Սշալը», 1914, № 284)։ Դատելով այս հայտարարությունից, խմբի անդամները ունեցել են տարբեր հանձնարարություններ և կենտրոնական ու հիմնական խնդիրները, որոնք վերաբերում էին կամավորներին, ըստ երևույթին, հանձնարարված էին Թումանյանին ու Շիրվանզադեին։

ղեկտեմբերի 25-ին⁷⁴. որոշակի թյուրիմացություն է, վկա՝ «Մշակի» հաղորդումը:

Այդ օրերին Սարիղամիշի մոտակայքում ուժեղ ճակատամարտեր էին մղվում, հայ կամավորները մարտնչում էին մեծ եռանդով, հաղթելու հաստատ հավատով: Դեկտեմբերի 22-ին ռուսական բանակը կրկին զբաղվում է Սարիղամիշը, թեպետ կոիվները նույն ուղղությամբ շարունակվում են մոտ մեկ ամիս ևս և ավարտվում հաջորդ տարվա հունվարի 18-ին⁷⁵:

* * *

Արևմտյան ռազմաճակատից վերադառնալուց հետո Թումանյանը չհրապարակեց իր տպավորությունները կամ որևէ հոդված: Եթե հետեւիլու լինեինք նրա ստեղծագործությունների տարեգրությանը՝ առաջին հայացքից կթվա, որ 1914-ի վերջերին և 1915-ի սկզբներին բանաստեղծը անարձագանք է թողել իր այդ ճամփորդությունը: Այնինչ՝ 1915-ի հունվարին ռուսերենից թարգմանել է սերբերական ժողովրդական վիպերգը՝ «Բև ինչ ուղարկեց թուրքի սուլթանը՝ Մոսկվայի ցարի ընծաների՝ փոխարեն» վերնագրով⁷⁶: Սերբ ժողովրդի բանահյուսության այդ հետաքրքիր նմուշի շտապ կատարված թարգմանությամբ Թումանյանը ցույց է տվել թուրքական բռնակալության՝ Ռուսաստանից պարտվելու մոտավուտ հնարավորությունը: Անտարակույս, Ռուսաստանի հաջողությունները Սարիղամիշում նոր հույսեր էին ներշնչել բանաստեղծին:

Այդ նույն օրերին Թումանյանը գրում է «Հայրենիքիս հետ» բանաստեղծությունը, որը նախ տպագրվում է «Հորիզոն» օրաթերթի փետրվարի 8-ի (№ 30) գրական-գեղարվեստական պատկերազարդ հավելվածի № 12-ում (հրկու օր հետո գրական-երաժշտական մի երեկույթում, որտեղ ղեկույցում է կարդացվել Հայկական հարցի մասին,

74 Ն. Թումանյան, էջ 117: Նույն տեղում տողատակի ծանոթության մեջ հայաներվում է, թե բանաստեղծը պատերազմի վայրերում ... ևղև է 1914 թ. նոյեմբեր-դեկտեմբեր և 1915 թ. հունիս-հուլիս ամիսների ընթացքում: Պետք է ասել, որ 1915-ին Թումանյանը Վանից վերադարձել է հունիսի վերջերին, հուլիսին նա Թիֆլիսում էր, ապա Տաբաթաբլա ամառանոցավայրում, երբ լսեց Վանի գաղթի լուրը:

75 «Հայ ժողովրդի պատմություն», հատ. 6, նր., 1981, էջ 548:

76 «Հորիզոն», 1915, № 19 (հունվարի 25):

Արմենուհի Տիգրանյանը արտասանել է այդ բանաստեղծությունը) և ապա, ամիսներ անց, «Նոր հոսանք» ամսագրի № 1-ում (օգոստոս):

«Հորիզոնի» հավելվածի փետրվարի 8-ի համարում լույս տեսնելուց մեկ շաբաթ առաջ օրաթերթում հայտարարվելուց կա, որ առաջիկա կիրակի լույս է տեսնելու Թումանյանի «Հայրենիքիս հետ» բանաստեղծությունը, դրանից կարելի է եզրակացնել, որ այն գրվել է 1915-ի հունվարի վերջերին:

Բանաստեղծության զաղափարական բովանդակությունն առնչվում է երկու էական խնդրի հետ: Դրանցից առաջինը կապվում է Թումանյանի՝ Արևմտյան Հայաստան կատարած ճամփորդության հետ, որի ընթացքում նա տեսել էր աշխարհը երկիրը, թալանված, հետին աղքատության հասած անօգնական ժողովրդին: Այդ տպավորություններով են գրված առաջին և երկրորդ տների եզրափակիչ տողերը. «Զարեված հայրենիք, զըրկված հայրենիք», — «Ողբի հայրենիք, որբի հայրենիք»:

Մոցատետրի կարճ, անփույթ զրած տողերն ունեն շատ խոր կենթարնագրեր: Հեղինակը տեսավ, որ անդունդի եզրին կանգնած, իր գոյատևման համար պայքարող ժողովուրդը ամուր հենարան չունի, որի պատճառով բանաստեղծության առաջին երկու վեցնյակները դարձել են մի նոր «ողբ հայրենասերի»:

Բայց բանաստեղծն ունի կայուն սկզբունք, որով առաջնորդվել է իր ողջ հասարակական ու ստեղծագործական կյանքում. նա հավատ ունի հայ ժողովրդի ապագայի նկատմամբ, ուստի բանաստեղծության կեսից նրա խոսքը նոր թափ է ստանում, բոլորովին նոր բովանդակություն, և ողբերգությունը տեղի է տալիս լավատեսության: Թումանյանը ճամփորդության ծանր տպավորությունը մի կողմ թողնելով՝ «...հանուր կյանքի արշալույս» է ավետում, հայ ժողովրդին խոստանալով նոր, «Հզոր հայրենիք»:

Ն. Թումանյանի վկայությամբ հայրը մտադրություն է ունեցել ճամփորդական գրառումների հիման վրա գրել ու հրապարակել ուղեգրությունները⁷⁷, բայց չի գրել այն պարզ պատճառով, որ ճիշտը, անկեղծը չէր տարվի, իսկ այլ կերպ նա գրել չէր կարող:

Ասվեց, որ Շիրվանզադեի ճամփորդական նոթերից առանձին հատվածներ տպագրվեցին «Кавказское слово» օրաթերթում, իսկ ամբողջ-

77 Ն. Թումանյան, էջ 119:

շությամբ՝ «Զիթենի» հանդեսում։ Թումանյանը դժգոհ է մնացել իր
ձանաւարհի ընկերոջ և գրչակցի ակնարկից, չի հավանել նրա զավեշ-
տական տոնը, մանրութիւնների նկարագրութիւնը։

«էս տնաշենը էն տոնով է գրում, կարծես թե հարսանիք է գնացել
ու էնտեղից է վերագառնում... Ավերված երկիրը, ժողովրդի գաղթն ու
կոտորածը տեսնողը մի՞թե էդ ձևով պիտի գրի։ Աչքի առաջ մի ամբողջ
ժողովուրդ է կոտորւում, կործանւում, իսկ նա ինչ-որ մանր, ծիծաղա-
շարժ գեպքեր է հիշում ու նկարագրում...»⁷⁸։

Ինչքան էլ խիստ համարենք բանաստեղծի այս գնահատականը,
այնուամենայնիւ քննադատութիւնն ունի իր որոշակի հիմքերը։ Զի
կարելի մտածել, թե Շիրվանղաղեն ամբիշի պակաս է զգացել տեսածը
ու այն խորությամբ չի ապրել ողբերգութիւնը, ինչ՝ Թումանյանը։ Այս-
տեղ քննադատելին նկնարկի արտահայտչական ձևն է, բանաստեղծի
գծագրութիւնն էլ ձեռն է վերաբերում, ոչ հավուր պատշաճի կատակ-
ներին, զավեշտին կամ հումորին՝ նույնիսկ ամենածանր տեսարաննե-
րից հետո։ Բայցի դրանից, ուշադրութիւն է դրաւում Թումանյանին
երկրորդական դեր հատկացնելու։ Առանց Թումանյանի դրադրամների
չէր իմացւի նրա շփումը տեղական բնակչութեան հետ, ժողովրդի առջև,
հեղեղեցիներում նրա ելույթները։ Այդ ամենի մասին շատ կարճ նշում-
ներ է թողել Թումանյանը, իսկ Շիրվանղաղեն լռում է, բայց դրա փո-
խարեն հիշում է գրչակցին անեկդոտ պատմելիս, էջմիածնի խճու-
ղու ցեխի կամ շատ վտանգավոր մի տեղ՝ Չինգիլի ճահճների մեջ, ձի
փնտրելիս, կողբին կախված մառերերին (որը ծաղրելով անվանում է
արեղ) տեղի-անտեղի ձեռք տալիս և ալլին։

Այս ամենով հանդերձ Շիրվանղաղեի ակնարկը ունի պատմաճա-
նաչողական որոշակի արժեք և կարող է տեղեկութիւններ տալ ուս-
թուրքական պատերազմի ժամանակ հայ ժողովրդի վիճակի և ցարական
Ռուսաստանի քաղաքականութեան մասին։ Թեև կովկասյան ռազմաճա-
կատում հրգետնի և աշխարհիկ հեղինակավոր գործիչների հանձնախմբի
հիմնական նպատակը՝ կամավորական խմբերին հանդիպելը, անհա-
ջողութեան մատնեցից, բայց Թումանյանն ու նրա ուղեկիցները տեսան
բնաշխարհը, տեսան ավերված երկիրն ու համոզվեցին, որ հույսները
պետք է դնել ամբիշի շատ սեփական ուժերի վրա։

VI

ԵՐԿՐՈՐԴ ԱՅՑԵԼՈՒԹՅՈՒՆԸ ՌԱԶՄԱՃԱԿԱՆ (1915 թ.): ԹՈՒՄԱՆՅԱՆԸ ՎԱՆՈՒՄ ԵՎ ԷԶՄԻԱՇՆՈՒՄ

1915 թվականի փետրվարի 20—22-ին կայացավ ազգային համագումար, որն ընտրեց Ազգային բյուրոյի կենտրոնական կոմիտեի նոր կազմ՝ բաղկացած 15 անդամներից և 5 փոխանդամներից: Պատվավոր նախագահը ղարձյալ Մեսրոպ Կալիսկոպոսն էր, փոխնախագահները՝ Ալեքսանդր Խատիսյանը և Հովսեփ Ամիրխանյանը, անդամներն էին Թումանյանը, Լեոն, Դեոդո Խատիսյանը, Ստեփան Լիսիցյանը և ուրիշներ¹: Նիկոլ Աղբալյանը այս անգամ անդամների մեջ չէր՝ Արևմտյան Հայաստանում հաճախ շրջագայելու պատճառով: Ազգային բյուրոյի գործունեությանը մասնակցում էին կամավորական խմբերի «կարգադրիչ մարմիններին» անդամները և խմբապետները, անշուշտ նաև Անդրանիկը՝ Թիֆլիսում գտնվելիս: Բայց այդ վերակազմավորան օրերին նրա խումբը մարտեր էր մղում պարսկա-տաճկական սահմանադիրում և կարճոր հաղթանակներ տանում, ապահովելով ռուսական բանակի առաջխաղացումը: 1915 թ. հունվարին Անդրանիկը արդեն արժանացել էր Դեոդեկյան քաջության թրին և Դեոդեկյան քաջության խաչին:

1915-ի գարնանը շարունակվում էր կովկասյան բանակի առաջխաղացումը Օլթիի և Արդվինի ուղղությամբ:

Ապրիլի 17-ին Մակուից Ներսես Կալիսկոպոսը հեռագրել էր Թիֆլիս, դոժեբլով, թե Արաղայի դաշտից Ս. Թադեոսի վանքն են եկել 160 փախստականներ, որոնք լուր են բերել նոր կոտորածների, քրդերի ու թուրքերի դեմ վանի հայերի մղած օրհասական կռիվների մասին, խնդրելով շուտափույթ օգնություն²: Իրար հետևից լուրեր էին գալիս

¹ Համառոտ տեղեկագիր ազգային բյուրոյի գործունեության 1915—1917 թվերի թեթացքում», էջ 3:

² «Հորիզոն», 1915, № 84:

նաև Պոլսի հոգևոր գործիչների և 400 հայ մտավորականների բան-
տարկության վերաբերյալ: Սկսվում է աննախադեպ եղևոն, որի զոհն էր
հայ ժողովրդի մի ստվար մասը էրզրումից մինչև Միջագետք:

Նույն օրերին տեղի է ունենում Դիլմանի հայտնի ճակատամարտը,
որտեղ քաջագործություններով աչքի են ընկնում հայ կամավորները՝
իրենց առաջնորդ ունենալով Անդրանիկին:

Այդ սգի, տագնապների, հաղթանակի և սպասումներով լի օրերին՝
մայիսի 2-ին «Հորիզոնում» հրապարակվեց Թումանյանի «Վերջին օրը»
բանաստեղծությունը, որն այդ միջոցին հնչեց որսկա ռազմի կոչ՝ ուղղվ-
ված կովոդ հայ մարտիկներին և սփռված խուճապի ենթարկված,
իր կորուստները սգացող հայ ժողովրդի համար:

Բանաստեղծությունը լի էր հավատով ու լավատեսությամբ. այն
իր ժողովրդին կոչ էր անում միաբանվելու, բոլոր կողմերից օգնությամբ
հաւնելու կործանման եզրին հասած արևմտահայ ժողովրդին:

Բանաստեղծությունն ունի երկու հերոս. մեկը հայդուկն է՝ հուլա-
քական իհրպարը այդ օրերին կովոդ հայ ղինվորների, մյուսը խմբա-
պետն է՝ փորձված ու հեռաժամ առաջնորդը, որը մարտի է մղում, հու-
սադրում, հավատ ներշնչում մարտնչողներին:

Եվ կովում են անձեռուրաց հայդուկները Եփրատի ափին: Նրանց
դիմաց ոխերիմ թշնամին է, իսկ հեռվում «Մինչև բարձրաբերձ ժայռերը
Մոկաց», մինչև Մուշ ու Սասուն, մինչև Վան, Աբաղա, Զեյթուն կրակ է
ու բոց. թվում է՝ մոտ է ժամը կորստյան, բայց հայդուկը «ինչպես ափի
մեջ» տեսնում է, որ Սև ծովից մինչև ծովը վրկանա, Սյունաց մուկթ-
մութ սարերից, Գուգարքից ու Շիրակից մինչև Այրարատ՝

Գալիս են հեռու, հեռու կողմերից ...
Գալիս են ցրված տղիբը նորից,
Գալիս են՝ պարզած դըրոշն հայրենի ...

Աղատություն երազող ու օգնության ձեռք փնտրող հայ ղինվորը
հեռվից տեսնում է, որ

Շարժվում է, ահա, Հյուսիսն ընդհանուր
Հորձանք է տալիս ծովը ռուսական:

Խմբապետը նոր ուժ է ստանում ու համոզված, որ օգնության է
գալիս Ռուսաստանը ու մեջքին ամուր թիկունք ունի, մի նոր եռան-
դով ոգևորում է հայդուկին.

Հեյ ընկե՛ր, կանչեց, դե՛ ցած եկ արագ,
Առ հըրացանդ, դաշտն իշիր շոտով,

Իջիր սըրբազան ամբ Եփրատի,
Հին պատերազմի վերջին զարկն է սա
Հին ոճրագործի հոգևաբերն է սա...

Դաշտ իջեկելու և կռվելու պատրաստ է հայդուկը, բայց նրան խանգարում են «հայոց երկնահաս լեռների վրա» լավուղ խորհրդավոր ձայները, խոշտանգված նախնիների, հին ու նոր հանգուցյալների «արյան մրրիկով երկինք վերացած» հոգիների բողոքը: Բայց հայդուկը իր խումբապետի կանչով պիտի իջնի ամբ Եփրատի ու կռվի մինչև իր արյան վերջին կաթիլը, չէ՞ որ

Մեծ տառապանքի վերջին օրն է սա...

Պատերազմի առաջին օրերից բանաստեղծը համակված էր մի հաստատ հավատով, որ իր ժողովուրդը պայքարում է վերջին անգամ:

Հատկապես 1915-ի զարնան հաղթանակները լավատես Թումանյանին նոր հույսեր ներշնչեցին բանաստեղծական խոսքի վերածելու իր այն մտահղացումները, որոնց սկիզբը կարելի է տեսնել վերևում հիշված «Երրորդ զարկը» հոգվածում՝ գրված կողկասյան բանակի առաջին հաղթանակներից հետո: Ինչպես տեսանք, այս պատերազմում Թումանյանը «ամանդական խորհրդավոր երրորդ զարկի» համար վճռական տեղ էր տալիս ժողովրդական հերոս Անդրանիկին ու նրա ընկերներին և աղատության գաղափարի համազգային բնույթին: Այդ էր, ըստ հեղինակի, ապահովում հայ ժողովրդի ապագան ու առաջնորդում նրան դեպի սուրբ ազգերի եղբայրությունը:

Անդրանիկի մասին սա Թումանյանի առաջին հրապարակային ելույթն է և, թվում է, այստեղ պետք է փնտրել «վերջին օրը» բանաստեղծության մտահղացման ակունքը: Իսկ դա իրավունք չի՞ տալիս մտածելու, որ այս բանաստեղծության երկրորդ հերոսի՝ խմբապետի նախատիպը Անդրանիկն է: Վերջինիս հերոսական անցյալը, և այդ օրերի անձնուրաց պայքարը ռուսական բանակի օգնությամբ, կարող էր ներշնչել բանաստեղծին գրելու նոր բերված և ազդարարելու, թե եկել է հայ ժողովուրդի ազատության համար մեղմուղ պայքարի վերջին օրը:

Անշուշտ, կարելի է մտածել նաև, որ ինչպես բանաստեղծության առաջին հերոսը՝ հայդուկն է հավաքական, այնպես էլ խմբապետը կարող է սիմվոլիկ ղեկավարի հավաքական կերպար լինել: Բայց այնպես, ինչպես Անդրանիկն էր հետևողականորեն հավատում ռուսական օգնությանը, այդքան մեծ ժողովրդականությանը ու հմայքով, երկրորդը

չկա, որ կարողանար համախմբել, միաբանել և մարտի մղել: Եվ, վերջապես, հնարավոր է, որ Անդրանիկի անձով ու գործով այնքան հրմայված բանաստեղծը զոհն մեկ անգամ ազգային հերոսի գործունեությունը չդարձնիր իր բանաստեղծական ներշնչանքի աղբյուրը:

Բանաստեղծության հրապարակմանը ղուգադիսից կովկասյան զորքերի առաջխաղացումը, և մայիսի 6-ին հայ կամավորական խմբերը մտան պաշարված Վան:

Վանի ժողովուրդը ցնծության մեջ էր: Ուշագրավ է, որ ազատագրությունից քիչ անց ի պատիվ հայ կամավորների կազմակերպած գրական-հրաժշտական երեկույթին՝ Իսահակյանի, Սիամանթոյի ստեղծագործությունների հետ հնչեց նաև մի քանի օր առաջ Թիֆլիսում լույս տեսած «Վերջին օրը» բանաստեղծությունը:

Ավելորդ է ասել, թե ինչպիսի խանդավառությունը ընդունեց Վանի հաղթանակի լուրը Թումանյանը: Դա երևում է հատկապես «Վան և Նրևան» հոբելանում, որտեղ, հիշելով 1827 թ. ռուս-պարսկական պատերազմի ժամանակ հայ կամավորական խմբերի սխրագործությունները, ինչպես և «անպատմելի աղետներն ու կոտորածները», հեղինակն ընդգծում էր, որ Նրևանի գրավումը Ռուսաստանից «...միանգամայն ապահովեց հալոց ազգային գործի ապագան»: Այդ հաղթանակից հետո մոտ հարյուր տարի հայ ժողովուրդը հրազել է Վանի գրավումը, որ դարձել էր այս անգամ արդեն արևմտահայերի ազատագրության խորհրդանիշը, ուստի և, բնական է, այդ ազատագրությունը հրազդեհերը ձգտել են դեպի Վան ու «Վանի ճանապարհին են դրել իրենց երիտասարդ երազուն գլուխները» (ՈՒՀ 2, 359):

Ձուգահեռ անցկացնելով Նրևանի և Վանի գրավման միջև, Թումանյանը տեսնում էր հայ ժողովրդի դարավոր երազի շոշափելի իրականացումը. «Ռուսաց հաղթական զորքի հետ ուս-ուսի Վան են մըտնում մեր կամավոր խմբերը..., փողփողում է մեր ազգային դրոշակը... հնչում է մեր ժողովրդական ազգային երգը»:

Մեր հայրենիք, թշվառ, անտեր,

Մեր թշնամուց ոտնակոխ...»:

Հիշելով այդ երգը, Թումանյանը միաժամանակ հավատացնում է, որ հայն այն երգում է վերջին անգամ. «Էլ հայ ժողովուրդն էս տեսակ լավկան երգ չի երգելու»,—հայտարարում է բանաստեղծը համոզված:

Նա արդեն որոշակի տեսնում էր միացյալ հայությունը, մի՛ Հայաստան, որտեղ այլևս չկա «կյանքի, գույքի ու պատվի անպատվաբեր

ու թշվառ խնդիրը»։ Տեսնում էր նաև Հայաստանի հոգևոր կյանքի փոփոխությունը՝ նոր գրականություն, նոր գրողներ, որոնք հայրենի ժողովրդի հետ պետք է խոսեն նոր, ազատ կյանքի մասին միայն, իրենց թիկունքում տեսնելով «...մի ազատ, առողջ ու ամբողջ ժողովուրդ» (ՈՒՀ 2, 360—361)։

Այսպիսի լավատեսական տրամադրություններով էր համակված Թումանյանը, լցված վերջնական հաղթանակի հավատով։ Սակայն շուտով իրադարձություններն այնպիսի կերպարանք ստացան, որ խորտակեցին նրա հույսերն ու կորցրին հավատը։

Վանի ազատագրումից մեկ ամիս անց Թումանյանը Թիֆլիսից մեկնեց Իգդիր՝ Վան գնալու մտադրությամբ։ Ընթերցողներին հայտնի չեն բանաստեղծի Վան մեկնելու մանրամասները, ուստի փորձենք ի մի բերել այդ ճամփորդության նյութերը, ցույց տալ Թումանյանի նըպատակը, ստացած տպավորությունները։

Բանաստեղծը չէր մեկնում Վան լոկ հետաքրքրության համար կամ կիսելու ազատագրված ժողովրդի ցնծությունը։ Նրա նպատակը բոլորովին այլ էր։ Բայց, նախ որոշենք մեկնելու օրը, քանի որ Թիֆլիսից նրա հեռանալու մասին որևէ լուր կամ տեղեկություն մամուլը չի հրապարակել, պետք է ենթադրել, որ այդ ժամանակվոր դադարի էր։ Իսկ մեկնելու օրը ճշտելուն օգնում է պահպանվող մի փաստաթուղթ՝ «Фонданерад վարկային ընկերության» («Общество взаимного кредита») անդորրագիրը. պարզվում է, որ Վան մեկնելուց առաջ Թումանյանը, անդամագրվել է այդ ընկերությանը 1915-ի հունիսի 6-ին³։ Հնարավոր է, որ այդ նույն օրն էլ նա գնացքով մեկնել է էջմիածին և հունիսի 7-ին կառքով հասել Իգդիր։

Դեպի Վան կատարած ճամփորդության լրիվ պատկերը դարձյալ ստեղծվում է Թումանյանի ծոցատետրով, որտեղ եղած նույնիսկ կարճ, հալածիկ արված նշումներից, մողերի ենթաբնագրերից ամբողջ պատմություններ են բացվում։ Այդ պատկերը լրացնում են Վանում հրապարակվող «Աշխատանք» շաբաթաթերթը և մամուլից բաղած այլ նյութեր։

Առաջին նշումը ծոցատետրի մեջ կատարված է Իգդիրում՝ հունիսի 8-ի թվագրությամբ (ապացույց, որ նա իսկապես Թիֆլիսից դուրս է եղել հունիսի 6-ին)։ Այստեղ արված գրառումները պարզում են, որ

3 ԹԹ, նոր նյութեր, թղպ. № 33։

Թումանյանի վան մեկնելը այս անգամ էլ պաշտոնական բնույթ է կրել՝ հանձնարարություն Աղգային բյուրոյից, Գևորգ V կաթողիկոսից։ Սահակ անունով մի մարդ (որի աղգանունը չպարզվեց) Թումանյանին տեղեկացրել է, որ «վերաբերմունքը դեպի մեզ շատ է վատ։ Կարգադրություն է եղած կանգնեցնել հայ կամավորների գործը», — գրում է Թումանյանը և փակագծում ավելացնում՝ — (մեզ հասած հեռագիրը) (ՈՒՀ 2, 362)։ Ուրեմն, այդ հեռագիրը ուղարկվել է՝ մտացածին բամբասանքներով կրկին վարկաբեկելու հայ կամավորներին, ցույց տալու, որ նրանք վատ են կոլում, զբաղվում են թալանով։ Եվ ապա՝ մի ավելի ծանր մեղադրանք՝ հայերը ուս զինվորների վրա կրակել են։

Կարելի է պատկերացնել Թումանյանի հոգեվիճակը. մի կողմից՝ հուսախաբույթյուն վանի ազատագրությունը հետևող նոր հաղթանակների նկատմամբ, մյուս կողմից՝ հայրենասեր գրողի խոր վիրավորանք իր ամբաստանված հայրենակիցների համար։

Առաջին պաշտոնական անձը, որին Թումանյանը իզդիրում հանդիպեց, զորավար Օգանովսկին էր (ծագումով հայ. նրանք հանդիպել էին նաև 1914 թ. նոյեմբեր-դեկտեմբեր ամիսներին, առաջին ճամփորդության միջոցին)։ Զրույցից պարզվում է, որ զորավարը ինքն էլ զարմացած է հայերի, հատկապես, կամավոր զինվորների նկատմամբ եղած վերաբերմունքի փոփոխությունից։ Զորավարը բժշկ է նոր իրագրությունից, և այդ պատճառով նրա դեմ «թշնամություն կա»։ պաշտոնակիցների մեջ։ Հայերին վատ է վերաբերվում մահմեդական ծագում ունեցող Արաքսը՝ այն ուսական զինվորական պաշտոնյաներից մեկը, որ 1914-ին կովկասյան ռազմաճակատում արգելեց Թումանյանին և Շիրվանղաղեին հանդիպելու կամավորական ջոկատներին, իսկ այս անգամ բացարձակ մերժում է հայերի օգնությունը, նույնիսկ նըպաստում հայերի կոտորածներին։ Յարական այդ պաշտոնյայի լրկտիությունը հասնում է այն աստիճանի, որ կարգադրություն է անում՝ «հայերի գյուղերը իրար հետ հարաբերություն չունենան, մի տեղից ցողեն շտանեն մյուս տեղը» և այլն (նույն տեղում, 363)։

Ուրեմն, Թումանյանը դեպի վան մեկնել է՝ հանձնարարություն ունենալով ճշտել տարածված լուրերը, ծանոթանալ ամբողջ իրադրության հետ և իմանալ, թե ի՞նչ հիմքեր ունեն ցարական պաշտոնյաները՝ Թիֆլիս ուղարկելու այնպիսի հեռագրեր, որոնք կարող են «կանգնեցնել հայ կամավորական կազմակերպությունը»։ Ինչպես պարզվում է քանաստեղծի ստացած տեղեկություններից, հայերի՝ կազակների վրա

Վրակելու մասին հեռագիրն ուղարկվել է զորավար Նիկողաևից և ունի գրգռիչ՝ արթնակացիոն բնույթ: Բայց Նիկողաևի այդ հեռագրից առաջ Պետերբուրգից կարգադրություն է ստացվել կամավորական նոր յոթ գունդ կազմելու և հայերին ղինելու մասին (նույն տեղում, 364): Ուրեմն, «վերևում» տեղյակ չեն այն անխտահուսթյանը, որ կա հայերի նկատմամբ կովկասյան ճակատում և չգիտեն նաև «ներքեւում»։ չէ՞ որ Թիֆլիս ուղարկված հեռագրից անտեղյակ էր նաև զորավար Օգանուսկին: Ոմանք դալիս են այն Լզրակացության, ինչպես երևում է Թումանյանի նշումներից, որ կառավորների դոմբ դադարեցնելու հրամանը «վերևից է և, հատկապես, ծեռուսուց» (քննարկումը մերն է— Լ. Կ. նույն տեղում, 362): «Ծերունին» Վառլեսով-Բարսեղյան է՝ փոխարքան, որն, ահա շուրջ տասը տարի հայասիրություն էր խաղում, խայրում կովկասի միամիտ հայությանը, իսկ այժմ դապիր է նյութում հայ ղինվորների դեմ:

Թումանյանի համար, անշուշտ, պարզ էր հայ կամավորների նրկատմամբ Նիկողաևի և փոխարքայի միտումնավոր վերաբերմունքի պատճառը: Ամիսներ առաջ Բայազետում և Ալաշկերտում ձեռք բերած փորձը չէր կարող նրան անմիջապես մատնացուցց շահել ցարական ղինվորական սլաշտոնյանների անհանդուրժողականությունը: Վերջիններիս այս անգամ հանգիստ չէր տալիս Վանը, վանեցիների հերոսական ինքնապաշտպանությունը աղատագրության ու հաղթանակի համար և այդ օրերի խանդավառությունն ու պատրաստակամությունը՝ շարունակելու մարտերը մինչև վերջնական հաղթանակ: Նրանք դարձյալ կասկածում էին, որ դա կարող էր հիմք դառնալ հայոց ազգային բանակի ստեղծման համար և նպաստել դարերով աղատություն երազող ժողովրդի ինքնավարության գործին:

Թումանյանի կատարած նշումների ենթաբնագրերում հաճախ բացվում են դաժան վերաբերմունքի արտահայտություններ:

Զորավար Նիկողաևի հեռագրի համար առիթ է եղել, ինչպես ասվեց, հայերի՝ թյուրիմացաբար կազակների վրա կրակելը: Մթության մեջ հայերը ռուսներին թշնամիների տեղ են դրել և, խանալով իսկությունը, անմիջապես դադարեցրել են կրակը, բայց մինչև այդ սպանվել են երեք ռուս ղինվոր: Օգանուսկին վախվիսելով բացատրել է հանդամանքները, պատահած թյուրիմացությունը համարելով «...պատերազմի ժամանակ անխուսափելի առանձնակի դեպքեր» (նույն տեղում, 365), այնուամենայնիվ, պահանջվում էր դատ ու դատաստան, ավելին՝

դա պատրվակ էր ավելի լուրջ պատժի՝ ցրել կամավորական խմբերը։ Չնայած, ինչպես հետագայում գրել է Լեոն, զորավար Նիկոլանը ժրխտել է, թե ինքը վարկաբեկող հեռագիր է ուղարկել կամավորների մասին, բայց դրանից որևէ բան չի փոխվել⁴։

Հունիսի 9-ի առավոտյան, կրկին հանդիպելով Օգանովսկուն, Թումանյանը ճանապարհվում է Վան, սեփական աչքերով տեսնելու և իմանալու այն, «...ինչ որ չի կարելի հասկանալ երկար ու բարակ պատմություններից» (VI, 211)։

Ինչպես ճանապարհից գրած միակ համակում, այնպես էլ անավարտ, սեագիր «Ավերակների ու դիակների աշխարհում» ակնարկի մեջ (նույն տեղում, 211—214) որևէ տեղեկություն չկա ոչ իր ունեցած հանձնարարականի կամ ճամփորդության նպատակի, ոչ էլ ընկերակիցների մասին։ Հարկավոր էր փնտրել արխիվային նյութերում և մամուլում։ Ի վերջո, օգնության է դալիս Վանում այդ օրերին հրատարակվող «Աշխատանք» շաբաթաթերթը։

Պարզվում է, որ Թումանյանը Վան ժամանել է, ինչպես և 1914-ի նոյեմբերի ճամփորդության ժամանակ, Ներսիսյան դպրոցի տեսուչ Հովսեփ Խոնոնցի հետ. այս անգամ նրան ընկերակցել է նաև փիլիսոփայության դոկտոր Երվանդ Ֆրանգյանը⁵։ Բայց, ինչպես ցույց են տալիս փաստերը, Վան մեկնելով միասին, նրանք ունեցել են տարբեր նպատակներ։ Խոնոնցը Փախստականներին օգնող հայկական կենտրոնական կոմիտեի անդամ էր և վերագրաբնից հետո հունիսի 29-ին Թիֆլիսում տեղի ունեցած հիշյալ կոմիտեի նիստում ղեկուցել է Վանի ու շրջակայքի ժողովրդի ծանր կացության մասին⁶։ Մինչդեռ հունիսի 29-ին Թումանյանը գեռես Իգդիրում էր (ՈԻՀ 2, 368)։ Ինչ վերաբերում է նրա երկրորդ ընկերակցին՝ Ն. Ֆրանգյանին, ապա նրա հետ բանաստեղծը հանդիպել էր Իգդիրում։ Լինելով Բաքվի «Արև» օրաթերթի զինվորական սեփական թղթակիցը և շրջագայելով պատերազմական վայրերում, Ֆրանգյանը պարբերաբար թղթակցություններ էր ուղարկում «Նամականեր սահմանագլխից» վերնագրով⁷։ Հունիսի 7-ին Իգդիրից նրա ուղարկած մի թղթակցության մեջ, օրինակ, հայտնվում է, որ երեք օր առաջ (ուրեմն, նախքան Թումանյանի՝ Թիֆլիսից

4 Մանրամասնությունները տե՛ս Լեո, Անցյալից, էջ 325—326։

5 «Աշխատանք», Վան, 1915, № 24։

6 «Արև», Բաքու, 1915, № 83։

7 Նույն տեղում, № 90, 91։

մեկնելը) Անդրանիկը հասել է Վան, խալիլ բեյի դեմ տարած մի քանի հաղթանակներից հետո: Անդրանիկի թիկնապահ զինվորի (նր. Փափազյանի) օրադրուժյունից իմանում ենք, որ նա հունիսի 3-ին դուրս գալով Վարազա վանքից, գնացել է դեպի Կուրաբաշ գլուղը, Վանի հասարակությունը ցնծությամբ է դիմավորել նրան, բայց այստեղից նա ճանապարհը շարունակել է դեպի Շատախ ու Մոկսի շրջանը, ընդհանուր ուժերով շարժվել դեպի Բիթլիս⁸:

Ֆրանգլյանի թղթակցությունները շարունակվում են նաև Թումանյանի վերադարձից հետո, երբ նա պարբերաբար գրում էր Վանի բնության, թուրքերի թողած ավերակների մասին, տալիս էր վիճակագրական տեղեկություններ և այլն⁹:

Այսպիսով, «Էռլայի» հանդիսումը Բերես պատահականություն էր. նրանք միայն ճանապարհային ընկերներ էին, ուստի և Վանում նրանց միասին լինելու կամ վերադառնալու կապակցությամբ որևէ տեղեկություն չկա, եթե հաշվի չառնենք Փանոս Թևրեմեզյանի հիշատակությունն այն մասին, որ Վանի ուրարտական բերդն այցելելիս, Թումանյանի հետ էր նաև Սոսնուկյը (ԹժՀ, 567):

«Արև» օրաթերթում տպագրվել են Ե. Ֆրանգլյանի «Իգդիրից—Վան» վերնագրով ճամփորդական տպավորությունները՝ գրված հունիսի 15-ին, Վանում: Հեղինակը ոչ մի առիդ չի տալիս Թումանյանի կամ Սոսնուկյի անունը. ևս մի լրացուցիչ ապացույց, որ բանաստեղծի Վան դեպքը Կովկասում մի որոշ ժամանակ գաղտնիք էր¹⁰:

Զինվորական թղթակցի նամակները, որ տպագրվել են հունիսի 27-ին (№ 83), հուլիսի 9-ին (№ 92), 11-ին (№ 93) և 12-ին (№ 95), կարևոր են Թումանյանի ճամփորդության ամբողջական պատկերն ունենալու համար, մանավանդ որ գրված են անմիջապես Վան հասնելուց հետո, թարմ տպավորություններով: Այդ նամակները լրացնում են բանաստեղծի «Ավերակների ու դիակների աշխարհում» ակնարկը, ծոցատետրում թողած կարճ տողերը, հապճապ տեղեկությունները, տալիս են այս կամ այն բնակավայրը հասնելու ժամանակը (այդ իսկապես տով թղթակցի նամակները կարևոր աղբյուր են Թումանյանի կյանքի տարեգրության համար):

⁸ Նույն տեղում, № 70, նաև՝ «Զորավար Անդրանիկի կովկասյան ճակատի պատմական օրագրությունը», էջ 28:

⁹ Նույն տեղում, № 90, 91:

¹⁰ Նույն տեղում, № 83:

Բանաստեղծի ծոցատետրերի նշումներից կարելի է որոշել, որ հունիսի 9-ին առավոտյան ժամը 9-ին, խումբը դուրս է եկել Իդգիրից (ՈՒՂ 2, 364): Սահմանամերձ Օրդուվ կայանից հրկու սայլով, դժվարությամբ և դանդաղ սկսել են բարձրանալ Զինգլի լեռնանցքով: Սպասկավում է վայրէջքը, իսկ այնուհետև երևում է Արարատը Բայազետի կողմից, որ բանաստեղծը տեսնում էր երկրորդ անգամ: Լեռան ստորոտում ավերված Կարն (Ղարա) գյուղն է: Այդ վիճակի մեջ էլ ճամփորդների համար պարզվում է, թե ինչ նողկալի կենցաղ են ունեցել, Թումանյանի արտահայտությունք, «որջևի» ու «մկնաբների» բնակիչները. նույնիսկ դժվար էր տարբերել հարուստի և աղքատի կենցաղը, քանի որ բոլորը ապրել են թափանցիկ ու սպանելով (VI, 212):

Ճամփորդները ակաճատես էին, որ սուսների հազթանակից հետո Բայազետը սկսել էր աշխուժանալ, փախտակահանքը քիչ-քիչ վերականգնում էին իրենց աները, վերականգնում տնտեսությունները՝ ապավեն ունենալով նաև բնության հարուստ պարզեցները, ջրառատ, ծաղկազարդ, կանաչավետ դաշտերը¹¹:

Նույն օրը (հունիսի 9) գիշերը Թումանյանը և ընկերակիցները հասել են Կիլիկ-դիզա, ուր և գիշերել են, ուղևորող զինվորներից լսելով քսեմնիկի պատմություններ քրդերի սճրագործությունների մասին (VI, 213): Զենվորական լիցիակցի տեղեկությունները Կիլիկ-դիզալի վերաբերյալ ավելի փաստացի են. այստեղ մոտ է Ղարաքյանդը՝ հղեռնադորձ Ալի բեկի գյուղը: Նրա հրամանին են սպասել շրջապատի բոլոր 27 գյուղերի հրոսակախմբերը: Ռուսական զորքին հանձնվելուց առաջ, Ալի բեկը դաժան հաշվեհարդար է տեսել հայերի, հատկապես, իր մոտ նախօրոք թաքցրած կանանց հետ: Ինչպես վկայում է Ֆրանզյանը, գյուղը գրավելուց հետո, ռուս զինվորներին հաջողվեց է Ալի բեկին գերի վերցնել և ձերբակալելով՝ տեղափոխել Բաքու¹²:

Հունիսի 10-ի առավոտյան խումբն անցել է տխրահռչակ Ալի բեկի գյուղով և ինչ որ լսել էր գիշերը, տեսել սեփական աչքերով:

Այնուհետև սկսել են բարձրանալ հայտնի Թափարիդի լեռնանցքով, որ 4—5 ժամվա ճանապարհ է, անցնում է պարսկա-տաճկական սահմանագլխով: Շուտով սկսվում է վայրէջքը Թափարիդից, ապա ճամփորդներին երևում է Աբաղալի դաշտը: Հունիսի 10-ի կեսօրին հաս-

11 Նույն տեղում, № 83:

12 Նույն տեղում, № 92:

նում են Բալաղեստ աղա գյուղը (Աբաղայի կենտրոնը), ուր և գիշերում են: Հաջորդ օրը՝ հունիսի 11-ին, Թումանյանը ընտանիքին գրում է իր առաջին և միակ նամակը այդ ճամփորդությանից:

«...Աբաղայի դաշտումն ենք, Բալաղեստ-աղա գյուղում, ավելի ճիշտը՝ կողքին, որովհետև գյուղն ավերած է: Վաղը կհասնենք Վան: Իհարկե, շատ հետաքրքրական են թե երկիրը, թե ամեն բան, ինչ որ կատարվում է: Ոչ մի կենդանի գյուղ չկա, իրար կոտորում են ու կոտորել են քուրդ ու հայ»: Այս ողբերգական խոսքերին հաջորդում են բանաստեղծի հիացական տողերը Աբաղայի դաշտի գեղեցկության մասին, որին անպայման հաղորդակից է ուզում դարձնել նաև երեսաներին: «Բուսական ճոխության մասին մի գաղափար տալու համար ուղարկում եմ կակաչի թերթերից ծրարիս մեջ: Իսկ թե տեսնեք՝ ինչ մեծության հիրիկներ ու հակինթներ կան՝ կղարմանաք, վայրենի, իհարկե» (V, 409):

Բանաստեղծի ստացած տպավորությունը կրկնվում է նաև զինվորական թղթակցի ճամփորդական նոթերում: Հեղինակը հիացած է Աբաղայի դաշտի բնության հարստությամբ, սառնորակ աղբյուրներով, հանքային ջրերի առատությամբ¹³:

Աբաղայից հետո խոմբը անցել է Բերկրի-կալայի դաշտի միջով: Ճանապարհը անվերջ վայրէջք լինելով՝ հեշտությամբ են իջել: Ծանրը այն դաժան իրականությունն էր, որին ականատես ու ակոնջալուր են եղել ճամփորդները:

Ասվեց, որ Իդդիրում Թումանյանի հոգսը և հանդիպումների ժամանակ խոսակցության գլխավոր նյութը կադակների վրա թյուրիմացաբար կրակող հայերն էին: Բերկրի-կալայով անցնելիս՝ ճամփորդների համար պարզվում է, որ այդ մեղադրանքով դատվածները հունիսի 9-ին ստացել են պատժի առավելագույնը: Այդ մասին Թումանյանը իմացել է հունիսի 11-ին¹⁴:

Ծանր տպավորությամբ բանաստեղծը գիշերում է Ջանիկ գյուղում (Վանից 45 վերստ է, սրտեղ սարսափելի կոտորած էր եղել ապրիլի 5-ին և 6-ին):

Առավոտյան ամբողջ ճանապարհը Թումանյանն անցնում է սրբազան լճի գեղատեսիլ ափերով...

¹³ Նույն տեղում, № 93:

¹⁴ Նույն տեղում, № 95:

Բանաստեղծի և ղինվորական թղթակցի հաղորդած թվական տրվ-
յալների միջև որևէ տարակարծություն չկա: Հունիսի 12-ին նրանք
հասնում են Վան:

Թումանյանի Վան ժամանելու լուրը տեղացիներին հաղորդվում է
հունիսի 13-ին¹⁵: Բայց Կովկասի ընթերցող լայն շրջաններում այդ մա-
սին իմացվում է միայն հունիսի 23-ին, Թումանյանի՝ Վանից նույն
ամսի 17-ին ուղարկած հեռագրի միջոցով: Հայտնվում էր Վանի և
շրջակայքի դրության մասին. «...Ամբողջովին կոտորված է Ալեքսանդրի,
Արճեշի, Բերկրիի, Աղբակի, Նորդուզի բնակչությունը: Վանը և շրջա-
կայքը լիքն են փախստականներիով: Ծայրահեղ կարիք կա ամեն բա-
նի»: Հեռագրի տակ ստորագրված էր՝ Ռոսսոմ, Թումանյան¹⁶ (Ռոսսոմ
Զորյանը Վան էր հասել նույն օրը՝ Թումանյանից անկախ):

Թեպետ այդ օրվանից այլևս պաղտնիք չէր Թումանյանի Վանում
գտնվելը, բայց, այնուամենայնիվ, նրա վերադարձից հետո էլ որևէ
լուր կամ թղթակցություն չտարագրվեց նույնիսկ «Հորիզոնում», որի
մշտական աշխատակիցն էր նա:

Այդ օրերին Անդրանիկը շարունակում էր իր ճակատամարտերը
թուրքերի դեմ և ամենուրեք նոր ու նոր հաղթանակներ տանում, որի
համար ստանում է երկրորդ Գեորգեյան խաչը: Բայց հունիսի 17-ին
ուռաական զորավարներից ստացած հեռագրով Անդրանիկին կարգա-
դրում են նահանջել, որից խստագույնս հրաժարվելով, կոխում է սե-
փական ռժմերով և իր անօրինակ քաջության և հաղթանակի համար
ստանում երկրորդ աստիճանի Գեորգեյան ոսկե խաչ¹⁷:

Բայց դառնանք բանաստեղծի՝ Վանում անցկացրած օրերին:

Թավական էր, որ Վանում տարածվեր Թումանյանի ժամանելու
լուրը, ամբողջ բազմքում կյանքը նոր բովանդակություն է ստանում:
Սողոմի Զրբաշյանի վկայությամբ՝ հատկապես երիտասարդության հետ
տեղի է ունենում «շտեանված բերկրալի ու խառնափառ հանդիպում»: Զանապարհին փնջերով ծաղիկներ էին սփռում, փոքր երեխաներից
սկսած մինչև ծերերը, մեկ մարդու նման, շտապում էին տեսնել, լսել
նրան: Կովկասցի բանաստեղծի մուտքը այդ հնօրյա հայ մշակութա-
յին կենտրոն՝ դիտվեց որպես ազատագրության մի նոր անհրաժեշտ

¹⁵ «Աշխատանք», 1915, № 24:

¹⁶ «Հորիզոն», 1915, № 138:

¹⁷ «Զորավար Անդրանիկի կովկասյան ճակատի պատմական օրագրությունը», էջ

վաճակագրում¹⁸ (ԹԺՀ, 678): «Դարերու երազ էր մեր ժողովրդի համար տեմնել սահմանը ճեղքված հայ կամավորին սուրով, պատենշները քանդված մեր առջև, Կովկասը մեզ հետ շրթունքը շրթունքի և հայը այլևս ոչ թե թուրքահայ կամ ռուսահայ—այլ հայ...»¹⁹: Այսպես գնահատեց բանաստեղծի ժամանումը Վանի մտալորականը, նրան անվանելով «երիտասարդության դատարակ ու մարգարե», իրենց «սալաքարի առաքյալ ու օղատության գուշակ», որ Վան է եկել ժողովրդին թիկունք դառնալու:

«Բանաստեղծը մեզ հետ» հոդվածում Հովհ. Մխիթարյանը նկարագրում է այն խոր տպավորությունը, որ նա ստացել է պատանեկության տարիներին Թումանյանի «Սասունցի Դավիթը» լսելիս: Կիսամոլոթ սենյակում, զաղտնի բարձրաձայն ընթերցանությունից հետո, նրան լվացել է, թե Դավիթը ապրում է, շրջում Սասունի վեհ, հպարտ լեռների վրա, և այդ օրերին էլ հնարավոր է շարունակել Դավթի գոտեմարտը. «Երկիրը կողբող, կոսկա կովի որոտեն, ու Դավիթը իր ամենի գուռով կգետնահարե վերջապես Մսրա Մելիքը»²⁰:

Բոլորովին պատահական չէ այս խոր տպավորությունը, որ թողել է պատանիների վրա «Սասունցի Դավիթը». 1904 թվականին էր, երբ Սասունի լեռներում անհավասար դոտեմարտ էր. Դավթի բազմաչափ շար թոռները, Անդրանիկի գլխավորությամբ, իրենց «գուռերով» կրում էին թշնամու դեմ, որ Սասուն էր եկել տանելու:

Հազար-հազար կին...

Հեղինակը այնուհետև հիշում է իր ուսուցչին՝ բանաում տանջամահ եղած Արստաշես Սուլախյանին, որը դարձյալևս ավարտական հանգեսին աշակերտներին հրաժեշտ է սովել բանաստեղծի օրհնանքով:

Ապրե՛ք, երեխե՛ք, բայց մե՛զ պես շապրե՛ք...

Ու թեպետ նրանց սերնդին էլ վիճակված էր նախնիների ճակատագիրը՝ ապրել են տառապանքով, բայց սիրով կարդացել են «Անուշը», երգել «Աղջի բախտավոր, էրենկ բո սերին...» աշակերտներին սովորեցրել «Շունն ու կատուն», «Պոլոս-Պեարոսը», «Գլբորը»²¹:

18 «Աշխատանք», 1915, № 28:

19 Նույն տեղում:

20 Նույն տեղում:

21 Նույն տեղում:

Թումանյանի ստեղծագործությունը նրանց հետ էր և ապրիլյան հերոսամարտի օրերին. «...ցուրտ խրամի մը մեջ կեցած մեր ընկեր-
ները կմրմնջային.

Հայի գիշեր- անհոն գիշեր
Լի ահավոր խորհուրդով...

(Ճշտվում է ըստ VI, 50):

Բայց երբ հուսահատությունը նրանց հայացքը ուղղում էր հայոց լեռներին, դարձյալ հիշում էին բանաստեղծի խոսքերը.

Ու մեր աչքերը նայում են կարոտ՝
Հեռու աստղերին,
Երկրների ծերին,
Թե ե՞րբ կբացվի պայծառ առավոտ՝
Հայոց լեռներում,
Կանաչ լեռներում:

Ահա այսպիսի զգացումներով, խոր սիրով ու հրախտապիտուկյամբ քնուկենվեց մեծ բանաստեղծը, որի ստեղծագործության գաղափարները, ինչպես տեսնում ենք, հեղինակից շատ առաջ էին մուտք գործել վան, հոգևոր սնունդ տվել ընթերցողներին, բարձրացրել երիտասարդության ազգային ինքնագիտակցության ոգին ու մղել սխրանքների:

Վանում Թումանյանը մնում է մոտ 15—16 օր: Այդ ընթացքում նա ծանոթանում է բնակչությանը, այցելում Կենտրոնական, Երամյան, Սանդլիաշյան դպրոցները, հանդիպումներ ունենում երիտասարդու-
թյան և մտավորականության հետ: Բանաստեղծը հիացած էր վանեցի-
ների հայրենասիրությամբ, ազգային ինքնագիտակցության բարձր դըր-
սեորումներով, նրանց հերոսական, անընկճելի ոգով, ապագայի նկատ-
մամբ ունեցած լավատեսությամբ (ԹԺՀ, 673—679):

Նա հետաքրքրվել է վանի պաշարման, հերոսամարտերի մանրա-
մասներով, ծանոթացել կռիվներում աչքի ընկած զինվորների, մար-
տիկների հագուստով ու սնունդով ապահովող կանանց հետ, ոգևորել
նրանց իր գովեստի և շնորհակալության խոսքերով: Բանաստեղծը
առանձնապես հետաքրքրվել է վարազի գիշերօթիկ դպրոցի սաներին
թուրքերից փախցնելու պատմությամբ, որ կաղմակերպել էին ուսուցիչ-
ներ Հակոբ Զրբաշյանը և Արփիար Սաֆրատյանը, վտանգելով իրենց
կյանքը: Իհարկե, վանքի ու նրա վանականների հետ թուրքերը հետո

դաժան հաշվեհարդար են տեսել, բայց այդ սիրագործութիւնը ապահովել էր 300 երեխայի կյանք (նույն տեղում, էջ 681)։

Թոմասյանը նկարիչ Փանոս Թերլեմեզյանի հետ եղել է վանի բուլոր տեսարժան վայրերում, Այգեստանի լայն ու ընդարձակ ալգիններում, հիացել Արտամետով, շրջապատի լեռների գեղեցկությամբ ու բացականշել. «Այ տղա, էս ոնց էր, որ մինչև հիմա էս աննման երկիրը չէինք տեսել»։ Գնացել է տեսնելու Մհերի դուռը, բարձրացել է վանի ուրարտական անառիկ բերդը... Իսկ երբ նկատել է թուրքերի թողած թնդանոթը,— պատմում է Փ. Թերլեմեզյանը,— «պատահու պես Բնդանոթի վրա բարձրացավ ու ապշած մնաց»։ Բանաստեղծը պարզապես անհացել էր իրեն շրջապատող սքանչելի բնապատկերից... (նույն տեղում, էջ 566—567)։

Վան հասնելուց երկու օր հետո՝ հունիսի 14-ին, առաջին իսկ տրավելորուսներին աղղկեցության տակ, բանաստեղծը, մոռացության տալով Իգդիրում լսած զրպարտութիւնները հայ կամավորների հասցեին, ճանապարհին տեսած «ավերակների ու դիակների աշխարհը», գրում է «Շուռ է գալիս ծանր քարը...» սկզբնատողով բանաստեղծութիւնը և կարդում հունիսի 18-ին երիտասարդութիւնի կազմակերպած պատմութիւնը։

Ներկաները այդ ստեղծագործութիւնն ընդունեցին որպիս երիտասարդութիւնն ուղղված կուշ։ Գրող և հասարակական գործիչ Հովհ. Ավագչանը բանաստեղծութիւնը զնահատեց որպիս «...իմաստով կուռ, լեզվով ճոխ ու բովանդակութեամբ հյութեղ ուղերձ մը՝ որ ամեն բանե առաջ, իրավ որ հայ կրուրե ծայրեծայր...»։

Բանաստեղծութիւնի երկրորդ քառատողը՝

Հե՛յ ջա՛ն տղերք, ուս տվեք, ո՛ւս,
Միահմուռ, միաբան,
Հե՛յ ջա՛ն տղերք, ուժ սսվեք ո՛ւժ,
Քարը մոտ է դուրման,—

կրկնվում է ևս երկու անգամ, շեշտելով հեղինակի հիմնական նպատակը՝ երիտասարդութեանը մղել նոր մարտերի, ջանք չխնայել միահամուռ, միաբան վերջնականապես գլորելու ծանր քարը, որը դարեւր շարունակ նստած լինելով հայ ժողովրդի վրա, չի կարողացել շնչահեղձ անել նրան։ Այսօր ժողովուրդը, «թեև լացող աչքերով», հավատում է իր ապագային և ազնվական իր հոգով պատրաստ է քայլել ընտիր ազգերի ու ցեղերի հետ։

Արդիական շնչով լեցուն այս բանաստեղծությունը չէր կարող այլ ազդեցություն ունենալ նոր հաղթանակած Վանի իսկապես հերոսական ժողովրդի վրա: Բանաստեղծը արժանին էր մատուցում նրան:

Պահպանվել է այդ օրերից մնացած մի մասունք ևս՝ «Աղթամարի կղզում» բանաստեղծությունը՝ գրված հունիսի 16-ին²²:

Հայտնի է, որ լճի, կղզու անվանման և Թամարի դժբախտ սիրո պատմությանը Թումանյանը անդրադարձել էր տակավին 1891 թ.: Ախթամարի ավանդությանը կրկին անդրադառնալը ապացույց է, որ սեփական աչքերով կղզին տեսնելը, բնության այդ պարզև հրապույրը վայելելը այն ժամանակ, երբ ամենուրեք արյուն էր ու կոտորած, բնարական նոր զեղումներ են առաջացրել բանաստեղծի հոգում: Թամարի երբեմնի սիրո սրտահույզ պատմությունը՝ այդ օրերի համատարած ողբերգության ազդեցությամբ, շատ լայն բովանդակություն է ձեռք բերում: Հեղինակը սգում է կորուստը այդ հաղարավոր սերերի, որ զոհ գնացին «կոպիտ աշխարհին».

Սերը որ կորավ,
Սիրտը որ մեռավ,
Արցունքն է մնում ...

Երբ հետևում ենք Թումանյանի ծոցատետրի այն նշումներին, որոնք արված են Վանում, պարզ պատկերացում ենք կազմում, թե ինչքան հոգսեր է ունեցել բանաստեղծը, ինչքան նոր տեղեկություններ է ստացել բնակչության հետ ունեցած շփումներից՝ մեկը մյուսից հուզիչ ու հուսահատեցնող, որոնց մասին լռելը նույնքան դիվանագիտություն էր պահանջում նրանից, որքան խոսելը...

Իգդիրի, Վանի պաշտոնական շրջաններում ամեն կերպ ընդդժվում էր հայերի՝ «խաղաղ քրդերի» վրա հարձակվելու, նրանց «կողոպտելու» միտքը: Այնինչ, Թումանյանը լսում է, որ ցարական զինվորական պաշտոնական անձինք իրենք են ղեղավել կողոպտելով ու հափշտակության: «Գունիրի գնդի կոմենդանտը իբր անտեր անասունների հավաքում էր ու մեծ քանակությամբ ծախում էր օգտին: Երբ մի անգամ բռնվում է՝ բացատրում է, թե հավաքում եմ հանձնեմ ինտենդանստվոյին և հայերին համարում է իրեն կոնկուրենտ»²³:

²² Նույն տեղում:

²³ ԳԱԹ, ԹՖ, № 257, էջ 15:

Դեռ Իգդիրում Թումանյանը գրել է այսպիսի տողեր. «Ձորքերը դարձյալ առաջվա նման զբաղված են կողոպուտով դարհուրելի չափով: Օֆիցերները կան, որ ասում են՝ ուղղակի ամանչում ենք: Տեղական ամբողջ ազգաբնակչությունը կարոտով է հիշում 1877—78 թթ. պատերազմի դորքն ու զինեցանքին: Մի անգամ մի կազակ մի քուրդ քիթուրք կնոջից բան էր խլել, Տեր-Ղուկասովը կախաղան հանեց»²⁴: Այս տողերից հետո Թումանյանն իր ընդարձակ հաշվետվությանը, անտաբակույս, ավելացնելու էր, թե թալանը թույլատրում կամ դրա համար պայմաններ են ստեղծում իրենք՝ ցարական ատախանավորները և ռուս մյուս պաշտոնյաները, բայց դիտավորյալ տալավորություն են ստեղծում, թե թալանում են հայ կամավորները:

Աղթամար կղզում բանաստեղծը գրի է առել ակամատեսի պատմած մի ողբերգական պատմություն, թե ինչպես մի երեխա ընկել է ջուրը, ուր որ է խեղդվելու է. «...հերը նստած է և ներս չի մտնում հանելու, իսկ մերը չի կարողանում տեղիցը շարժվի, էնքան ուժասպառ է եղած»²⁵: Երեխային ջրից հանելուց հետո, հայրը պարտավոր էր նրան կերակրել, խնամել. ինչպես՝ «ա աներ աշդ, ինչով հագեցնիր խեղդվելուց փրկված երեխայի քաղցը...»

Դարերով իր աշխատանքի քրտինքով ապրող հայը, եթե պատերազմի այդ դժնդակ օրերին նույնիսկ դիմել է կողոպուտի, ապա դա կամ քաղցած մարդու ընտանի անդամություն էր, կամ հրկարատեղույված զայրույթի և վրեժխնդրության ընտանի պոռթկում:

Վանի ճանապարհին և տեղում տեսածի տալավորությունների տակ է գրված նրա «Ավերակների ու դիակների աշխարհում» խոստուն վերնադրով ակնարկը, որը կարգալուց հետո անհնար է շտեմել օբյեկտիվ աչքի պատճառները, որոնք կաշող էին մարդուն հասցնել ամենաանսպասելի արարքների, էլ ուր մնաց իրենցից հափշտակածը հետ վերցնելու փորձերը, որ չէին հանդուրժում խակական թալանով զբաղվող ցարական զինվորականները:

Նկարագրելով, թե ինչ դատաստան են տեսել քրդերն ու թուրքերը, ռուսական զորքերի Հայաստան մտնելու նախօրյակին անդեն խաղաղ բնակչության հետ, հեղինակը գրում է. «Երեխաների ճակատներին մեխ են զարկել, խաչել են, կենդանի մարդկանց զանազան մասերը կըտ-

²⁴ Նույն տեղում, էջ 5—6:

²⁵ Նույն տեղում, էջ 22:

րատել են... մինչև կեսը դրել են պղինձն ու կեսից ներքև եփել, որ մյուս մասը կենդանի տեսնի ու զգա, շիկացրած հրկաթներով կտրել են մարմնի զանազան տեղերը և կրակի վրա խորովել...» (VI; 212—213):

Ողբերգական այդ օրերին հայ մարդը ոչ մի հենարան չէր տեսնում:

Ծոցատետրերում փաստեր կան ուսու կոմենդանտների դեմք վաճառելու, զանազան սպառնալիքներով հայերին ղինաթափ անելու մասին: Անդրանիկը, Վանի դեսպերից հետո, էջմիածնում Թումանյանին պատմել է, որ ինքը ուսու ղինվորներին հայերից խլած զինքերը «զոռով է» հետ վերցրել²⁶:

Հայերի (թե՛ ժողովրդի, թե՛ նամավոր ղինվորների) նկատմամբ ցարական ղինվորականների և այլ պաշտոնյաների միտումնավոր վերաբերմունքի մասին օրինակներ շատ կարելի է բերել Թումանյանի ծոցատետրերից, բայց եղածն էլ բավական է, որ ուսուցմանսիրողը և ընթերցողը համոզվի, թե Խզդիբից կամ Վանից ուղարկված պաշտոնական հեռագրերը, ուսու ղորավարների տաբաժած բամբասանքները հետևանք էին հայ ժողովրդի նկատմամբ նրանց բացարձակ անհանդուրժողականության:

Այսպիսին են բանաստեղծ Թումանյանի տպավորությունները ազատագրված Վանից: Նա ահա՛նատես հղավ ժողովրդի՝ նոր որակ ստացած ազգային ինքնագիտակցությանը, նաև՝ տարբեր տեսակի ծանր ողբերգությունների, կոտորածների ու թալանի քստմենի հետևանքների և հունիսի մոտավորապես 25-ին կամ 26-ին վերադարձավ Իզդիբ, ապա՝ Թիֆլիս:

Թումանյանը մի անգամ ևս համոզվեց, որ ցարական գործիչներին զայրացնում է հայ ժողովրդի ազատագրության ձգտումը: Նրանք տեսնում էին, որ հայ կամավորները պայքարում են իրենց դարավոր թրշնամու դեմ վերջնական ազատագրության համար: Այստեղից էլ ծնվեց Վորոնցով-Պաշկովի որոշումը՝ ցրել հայ կամավորական ջոկատները:

* * *

Չնայած ցարական զորավարների նյութած դավերին, Անդրանիկը շարունակում էր իր հաղթանակները և նոր պարզենք ստանում: 1915-ի

²⁶ Նույն տեղում, էջ 37, 50:

հուլիսի 11-ին միանալով Դրաստամատ (Դրո) փանայանի խմբին և 600 կազակների, նա հասնում է Ջրհոր և Շամիրամ գյուղերը, իսկ այնուհետև շարժվում գեպի Մուշ, Սասուն: Բայց շուտով դրան հետևում է Վանի և շրջակայքի հուլիսյան նահանջը, որի հետ ոչ մի կերպ չէր ուղղում հաշտվել փորձված ռազմիկը: Վեճի բռնվելով ռուս զորավարի հետ, նա նահանջը համարում է կեղծիք, դավաճանություն հայ ժողովրդի նկատմամբ: Ռուս զորավարը սպառնում է զինվորական դատարանով, իսկ Անդրանիկը հանդուգն պատասխանով ավարտում է վեճը և բնավեր հայ գաղթականության հետ բռնում է Աբաղայի գաշտի, Իգդիրի, էջմիածնի ճանապարհը...²⁷:

Թումանյանը Վանից վերադարձել էր, ինչպես ասվեց, հունիսի 25-ին կամ 26-ին: Դստեր՝ Նվարդի, վկայությամբ, հայրը բավական ժամանակ իր ճամփորդության ծանր տպավորության տակ էր. «...և չէր կարողանում հանգստանալ: Հիասթափված էր, վրդովված, հոգնած, հիվանդ: Օր-օրի ավելի ընկճվեց, առողջական դրությունը վատանում էր և ծերանում: Այլևս առաջվա ժպտադեմ, զվարթ, ուշադիր մարդը չէր»²⁸: Բանաստեղծին ծանր նյարդային վիճակից հանելու համար բժիշկները խորհուրդ էին տալիս մեկնել Կիսլովոդսկ, բայց ունեցած նյութական հնարավորությունը նրան հազիվ հասցնում է Տաբախմեյա (Թիֆլիսի մոտակա ամառանոցը): Այստեղ նա օրերն անց էր կացնում Աշոտ Աթանասյանի, Ռոմանոս Մելիքյանի և հյուրերի հետ զրուցելով:

Դժվար է ասել, թե քանի օր է այդպես հանգստանում բանաստեղծը, երբ լուր է ստանում գաղթականության նոր հոսքի մասին դեպի Իգդիր և էջմիածին:

Փախստականների Իգդիր հասնելու լուրը մամուլում տպագրվել է հուլիսի 23-ին²⁹ Թումանյանը այդ մասին կարող էր իմանալ նույն օրը: Պահպանվել է հուլիսի 25-ին էջմիածին՝ Գարեգին վարդապետ Հովսեփյանին ուղղած Թումանյանի հեռագիրը, որով նա խնդրում էր վկայական ուղարկել որդու՝ Համլիկի Դեորգյան ճեմարանի սան լինելու մասին³⁰: Ուրեմն՝ հուլիսի 25-ին նա արդեն Թիֆլիսում էր, իսկ

27 «Զբոսվար Անդրանիկի կովկասյան ճակատի պատմական օրագրությունը», էջ 33, 35:

28 Ն. Թումանյան, էջ 122:

29 «Հորիզոն», 1915, № 163:

30 ՊԿՊԱ, ֆ 312, դ 21, թղպ. 24:

հուլիսի 26-ին տպագրվում է Թումանյանի «Հանգիստ ու լիքը հավատով» հոդվածը, որը առաջինն էր Վանից վերադառնալուց հետո (IV, 316):

Այս հոդվածով Թումանյանը մի անգամ էլ փորձեց հուսալքված ժողովրդին հավատացնել այն՝ ինչ բանաստեղծական խոսքով կամ արձակ տողերով շարունակ գրում էր 1914-ի աշնանից՝ թե հայ ժողովուրդն ապրում է իր վերջին տաղնապար:

Բայց երբ էր լինելու այդ փայփայված ու սպասված վերջինը... Հաղիվ էր ժողովուրդը միխիթարվել Վանի հաղթանակով, որին նախորդել էին ռուսական բանակի հետ հայ կամավորների բաղձաթիվ սխրագործությունները, և ահա լսում է, որ Կովկասյան զինվորական հրամանատարությունը «տակադիական նպատակներով» կարգադրել է ռուսական բանակին՝ դատարկել Վանը բնակչությանից ու նահանջել:

Թումանյանը լավ գիտեր, թե ինչքան խիտ էր Վանում բնակչությունն այդ օրերին, թե փախստականների ինչ հսկայական բազմություն էր հավաքվել այնտեղ ու մնացել անապատտան, քաղցած, կիսամեռել ու հիմա այդ դժբախտները ենթակա էին նոր, ավելի ծանր ահաբանություն:

«Հանգիստ ու լիքը հավատով» հոդվածը նպատակ ուներ հավատացնելու, թե սպանություններն ու ավերածությունները, հալածանքներն ու գաղթը, որոնք կազմակերպվում են «հալիտյան նզովված ձեռքերով», վերջինն է լինելու: Բայց հավատում էր ինքը՝ Թումանյանը իր մեծ հոգով, լայն սրտով ու պայծառ լավատեսությամբ. դժվար է ասել: Նրա հրկու այցելությունները դեպի «ավերակների ու դիակների երկիրը», թողած գրառումները ապացուցում են, որ նա պատճառներ չատ է ունեցել հիասթափվելու ցարական կառավարության հումանափորությունից, համոզվելու, որ այս պատերազմում էլ, ինչպես միշտ, իմպերիալիստական ռազմամուրները առաջնորդվում են միայն իրենց նվաճողական ծրագրերով: Մի փոքր առաջ անցնելով ասենք, որ 1917 թ. փետրվարյան հեղափոխության հաղթանակից հետո, մի առիթով Թումանյանը գրում է. «Թերևս չեմ սխալվիլ, եթե ասեմ՝ տաճկահայկական հարյը զրեթե ամբողջովին կյանել էր մեր մտավորական երիտասարդության ուժն ու եռանդը: Մեծ պատերազմը կկավ, էդ հարցի ասպարեղը արյան ծով կտպեց ու պատեց ահուրոջ հուլսերի մշուշով» (ընդգծումը մերն է—Լ. Կ. (ՈՒՀ 2, 388): Այդ «անսրոջ հուլսերի մշուշը» պատել էր Թումանյանին հատկապես դեպի Վան կատարած այցելու-

Թյունից հետո, իսկ դրան հաջորդող գաղթը, ռուսների անբացատրելի կարճատև նահանջը, ալեկոծել էր բանաստեղծի հոգին վերջնականապես:

Ասվում է հատկապես, որովհետև առաջին ճանապարհորդությունից հետո տեղի ունեցած քաղաքական իրադարձությունները 1915 թ. հունվար-մայիս ամիսներին, այնպիսի բարենպաստ ընթացք ստացան հայ ժողովրդի համար, որ լավատես Թումանյանը չկարողացավ երկար ժամանակ մնալ Բայազետում, Ալաշկերտում և շրջակայքում տեսածի ծանր տպավորության տակ, ահանաւոտի իր տվայտանքների մեջ: Սարիղամիշից մինչև Դիլման և ապա Վան, ինչպես և ռազմաբեմերում ձեռք բերված հաջողությունները ընդհանրապես, ավելի հաստատեցին Կոստանդնուպոլսի գրավման հնարավորությունը:

Որքան ծանր էր հիասթափությունը, թերևս, նույնքան ծանր պետք է լիներ Թումանյանի համար ծածկել, թաքցնել, իր ղգացածը ընթերցողներին, որոնք վաղուց սովոր էին լսելու նրա իմաստուն խոսքը: Նա պարտավոր էր ցրել «անորշ հույսերի մշուշը», բարձրացնել ժողովրդի հոգին, հավատացնել նրան, թե նա դարերով ավելի ծանր օրեր է տեսել, սակայն կարողացել է հաղթահարել ու գոյատևել: Այն, ինչ կատարվում էր այդ միջոցին, ուներ իր մխիթարական կողմը. ժողովուրդը մարանշում է Բշնամիների դեմ, գաղթականը անավիր է, բայց ապավին ունի Արևելյան Հայաստանում, դարձյալ հուսադրում էր ժողովրդին ու հավատացնում Թումանյանը, «...էսօր մեզ հետ է ռուսական մեծ բանակն ու բովանդակ Ռուսաստանը...» (IV, 316):

Թումանյանը Թիֆլիսում երկար չի մնում. էջմիածինը, այնտեղ հալածված Կախստական ժողովուրդը աննկարագրելի ուժով ձգում էր նրան և հուլիսի 29-ի դիշիրը նա արդեն էջմիածնում էր: Ծանապարհին նա տեսել էր դադթականների հոծ խմբի՝ մի մասը քնած, մյուսները կրակի շուրջը բոլորած, մի մասը տնքացող, մյուսը՝ լաց լինող: Բոլորին հետաքրքրում էր մի բան՝ «Ո՞րն է էջմիածնի ճամփեն»:

Հարցի պատասխանը տալիս էին եկեղեցիների ղանդերը, որոնք ծովացած այդ ժխորի մեջ ղողանջում էին լայնածավալ հառաչանքի նման:

«Ծա հրեք էսքան տխուր չեմ լսել էջմիածնի ղանդերի ձենը», — գրել է բանաստեղծը այդ օրերին իր ծոցատետրում (ՈՒՀ 2, 372):

Տեղ հասնելու հաջորդ օրը՝ հուլիսի 30-ին, արդեն ծանոթ ամբողջ իրադրությանը, Թումանյանը Թիֆլիս է ուղարկում մի հեռագիր, որով

նկարագրում է էջմիածնում և շրջակայքում իրենց ապավենը փնտրող հալածական հայության 500 ոտք երեխաների ծայրահեղ ողբերգական վիճակը:

Ստորև բերվում է հեռագիրը ամբողջությամբ (այս և էջմիածնից տրված հաջորդ հեռագրերը Թումանյանի հատորներում տեղ չեն գտել):

«Հարյուր հազարավոր փախստականներ են դալիս Թուրքիայից Իգդիրի վրայով էջմիածին: Առայժմ վերջը չի տեսնվում շարան-շարան եկող այդ մասսայի, որը շարվում է բարձրացած փողու մեջ: Մեծամասնությունը կանայք և երեխաներ են, ուժից ընկած, հոգնած, սոված, բոբիկ: Նրանց պատմածները քրդերի և թուրքերի դադանությունների մասին լի են աննկարագրելի սոսկումով:

(Սլստեղ երեքուկես տող օրաթերթում կրճատված է, պարզապես, դրված են կետեր):

Փախուստին առիթ տվող պանիկան,—հայտնվում է շարունակության մեջ,— ընկել է անսպասելի կերպով. այս պատճառով ծնողները կորցնում էին իրենց երեխաներին, հրեխաները՝ ծնողներին: Ծնողների կորցրած շատ երեխաներ սովածությունից և հոգնածությունից ուժ չունենալով, ճանապարհին հետ էին մնում և մեռնում, կթե չէին վերցնում նրանց ուրիշները: Իգդիրում և էջմիածնում առայժմ հավաքված են այդպիսի 500 երեխա՝ մոտավորապես: էջմիածնի կոմիտեն (լուսքը փախստականներին թողնող կենտրոնական կոմիտեն՝ էջմիածնի մասնաճյուղին է վերաբերում,—Լ. Կ.) նրանց տեղավորել է ճեմարանի շենքում: Առայժմ նրանք բնակարան, կերակուր ունեն, սակայն չկա կանացի հոգատար մի ձեռք, որ սրտագին ջերմությամբ կարկառված լինի դեպի այդ փոքրահասակ դժբախտ զոհերը:

Թող այս երեխաների մանկական աղերսը լսեն մեր սրտացավ տիկնայք, օրիորդները և հայ կանանց հասարակական կազմակերպությունները. ցանկալի է, որ նրանք անհապաղ և ամեն տեղ կազմակերպեն մի առանձին կոմիտե և ուղարկեն էջմիածին՝ վարելու համար այստեղ մանկական ապաստարանը, մինչև որ վերջնականապես որոշվի այս երեխանց հետագա վիճակը: Հեռագրի տակ ստորագրել են Սամսոն Հարությունյանը և Հովհ. Թումանյանը³¹:

31 «Շորիգոն», 1915, № 173:

Այս հեռագիրը նման է ուրիշ առիթներով, հայ ժողովրդի գոյատևման համար վտանգավոր այլ պահերի Թումանյանի դրած հրավեր-կոչերին: Պետք է ենթադրել, որ այն նախապես ուղղված է հղել Հայոց ազգային բյուրոյին, որ էջմիածնից հետո պետականություն չունեցող մեր ժողովրդի միակ պաշտոնական մարմինն էր՝ այդ օրերին կոչված ապահովելու հայության փրկությունը զանգվածային ոչնչացումից:

Շուտով հեռագրում նշված որք երեսաների թիվը բառապատկվում է՝ հինգ հարյուրից հասնելով երկու հազարի: Էջմիածնից ընտանիքին ուղարկած Թումանյանի միակ նամակը (անթվական է, բայց քանի որ Օլգա Թումանյանի օգոստոսի 7-ի նամակի պատասխանն է, գրված պետք է լինի այդ օրից անմիջապես հետո) ավելի է մանրամասնում ու ճշտում տեղեկությունները: Տասն երեսա ունեցող զորովագույթ հորը հանգիստ չէր տալիս հատկապես որք երեսաների անօգնական վիճակը: «Սնկարելի է նկարագրել, թե ինչ զարհուրելի աղետ է, որին ակահատես եմ ես», — գրում է Թումանյանը, ապա պատմում, թե բոլոր ճանապարհները, բոլոր շինությունները, ամենուրեք լիքն են մերկ, քաղցած, հիվանդ, լաց լինող ու մեռնող մարդկանցով: «Երեսանե՛ր, երեսանե՛ր, երեսանե՛ր... անտեր, սոված, հիվանդ...»: — Ավելացնում է նա այդ նամակում, հայտնելով, որ իրեն «...վիճակվել է էդ երեսաների խնամատարություն գործը», միաժամանակ անհանգստանում, թե ինչո՞ւ են ուշանում էջմիածին եկող կանանց խմբերը (ՌԻՀ 1, 384):

Ամուսնուն և դստերը՝ Նվարդին Թիֆլիս ճանապարհելով, Օլգա Թումանյանը երեսաների հետ մնացել էր Տարախմեխյում, բայց անհանգստացած որդու՝ Համլիկի ղինվորագրության գործից, երկու օրով եկել էր Թիֆլիս, որտեղից և գրում է վերը հիշված նամակը ամուսնուն: Այդ նամակից պարզվում է, որ հուլիսի 25-ի Թումանյանի հեռագիրը նպատակին չի ծառայել, Գարեգին վարդապետ Հովսեփյանի՝ էջմիածնում շլինելու պատճառով³²: Թումանյանի հեռագիրը նպատակ ունեւ ճշտելու, որդին համարվո՞ւմ է ճեմարանի սան, թե ոչ: Պատասխանն անհրաժեշտ էր՝ Թիֆլիսի ղինվորական ատյանին ներկայացնե-

32 Էջմիածնի սինոդի գործերում պահպանվում է Համլիկ Թումանյանի դիմումը Գևորգյան ճեմարանի տեսչին՝ Գարեգին Հովսեփյանին, որտեղ նա խնդրում է իրեն կրկին ճեմարանի աշակերտ համարել՝ 1896 թ. ծնվածների զորակոչից ազատվելու համար: Փաստաթղթի վրա մակագրված է, որ բաց նամակով հայտնել են տեսչի էջմիածնում չդատվելու մասին (ՊԿՊԱ ֆ 312, թղպ. 24, դ 61, թ 14):

լու համար: Եթե սան շհամարվեր՝ նա ենթակա էր զինվորագրության որպէս հասարակ զինվոր և պետք է ուղարկվեր հեռավոր վայրեր: Որդու ճակատագրով մտահոգված մայրը ամուսնուն դրած նամակում դժգոհում է. «Քո երեխաներին թողել ես անտեր, ուրիշի երեխաներին ես պահպանում. դրանք 4—5 տարեկան են, իսկ քոնը 18—19 տարեկան: Ով որ իմանում է ծանոթներից, ճիծաղում են մեզ վրա, թե ինչպէս մինչև հիմա թողել եք և այդպէս դատարկ բանի համար կորցնում եք ձեր որդուն»³³:

Խնդիրն այն է, որ ինչպէս պարզվում է Թումանյանի պատասխան համակից և սինոդում եղած Համլիկի գործից, բանաստեղծն էջմիածին հասնելու գիշերը՝ հուլիսի 29-ին, կաթողիկոսին ներկայանալիս նրա հետ խոսել էր նաև որդուն՝ ճեմարանի սան լինելու իրավունքները վերականգնելու և Թիֆլիսի զինվորական ատյանին դրական պատասխան ուղարկելու մասին, և կաթողիկոսը տվել էր իր համաձայնութունը: Բայց այդ օրը ստացվել էր նաև զինվորական ատյանի նախագահ Քանանյանի հեռագիրը նույն հարցումով: Կաթողիկոսը պահանջելով Համլիկի գործերը և կրկին անդրադառնալով չվճարված ուսման վարձին՝ Թիֆլիս ուղարկել էր բացասական հեռագիր:

Շուտով իր պաշտոնատեղին է գալիս Գ. Հովսեփյանը, և Թումանյանը կնոջ նամակում արտահայտված դժգոհության և իր՝ դեպի ճեմարանի տեսուչն ունեցած փոխադարձ հարգանքի ազդեցության տակ՝ դրում է օգոստոսի 10-ի հետևյալ խնդիրը (անտիպ է).

Սուրբ էջմիածնի Գեորգյան ճեմարանի

Բարձրապատիւ տեսչին՝

Գարեգին Վարդապետին

Հովհաննես Թումանյանից

Խ Ն Դ Ի Ր

Իմ որդի Համլիկը ուսումնական տարվույս կեսից դադարել է հաճախել ճեմարան՝ թողալն իր ժամանակին չվճարելու պատճառով, որ առաջացել է իմ՝ ամիսներով տանիցս բացակայելուց: Այժմ խոնարհաբար խնդրում եմ չվճարված թողակի խնդիրը ներկայացնել նորին վեհափառության տնօրինության, թույլ տալով շարունակել նրան իր ուսումը, որ ընդհատված է վերև հիշված պատճառով:

10 օգոստոսի, 1915 Ս. էջմիածին³⁴

³³ ԲԲ, ՓԲ, № 2745:

³⁴ ՊԿՊԱ, № 312, Բղղ. 24, դ 61, ք 21:

Ստանալով այս խնդրագիրը, տեսուչը անմիջապես գրավոր պաշտոնական հայտարարություն է ներկայացնում Գեորգ 5-րդ կաթողիկոսին՝ Համլիկ Թումանյանի՝ ճեմարանի սան լինելու իրավունքը վերականգնելու մասին, «ի հարգանս սլ. Թումանյանի գրական և հասարակական գործունեության»։ Տեսչի պաշտոնական այդ գրության ծրարի վրա, ըստ երևույթին քարտուղարի ձեռքով, մակագրված է. «Նորին սրբությունը չէ բարեհաճել ընդունել»³⁵։

Այսպես էր գնահատում ամենայն հայոց հայրապետը իր իսկ գլխավորությամբ՝ 1914-ի ցրտաշունչ օրերին Թումանյանի համափորձությունը ռազմաճակատ և նրա գործունեությունը էջմիածնում։

Օգոստոսի 8-ի կամ 9-ի նամակում Թումանյանը, ինչպես ասվեց, անհամբուստացած էր նաև «կանանց խմբերի», հատկապես, Նվարդի ուշանալու պատճառով։

Հուլիսի 30-ի հեռագիր—կոչը Թիֆլիս ուղարկելուց, տեսն օր հետո՝ օգոստոսի 9-ին «Հերիզունը» հայտնում է, թե կենտրոնական կոմիտեն արդեն էջմիածին էր ուղարկել «...Օր. Օր. Ն. Թումանյանին, Ա. Դանիելյանին, Հ. Զարյանին և Կ. Լիանոզյանին, որոնք սիրահոծար և ինքնակամ հանձն են առել առանց վարձատրության գործել փախստականների կարիքները հոգալու համար»։ Դրանից հետո՝ նույն ամսի 14-ին, Փախստականներին օգնող կենտրոնական կոմիտեն նորից հայտարարում է, թե կազմակերպված են խմբեր և «առաջին խումբը, որ գործելու է Իզդիրում, բաղկացած է վեց հոգուց կազմված հայ օրիորդների կոմիտեի ներկայացուցիչներից՝ ղեկավարությամբ օր. Ն. Թումանյանի»³⁶։ Օլգա Թումանյանի՝ օգոստոսի 7-ի նամակից այն տպավորությունն է ստացվում, որ Նվարդը արդեն էջմիածնում է³⁷, բայց, ինչպես նշվեց, Թումանյանի նամակից այդպես չի երևում։ Պետք է ենթադրել, որ Նվարդը և խումբը իսկապես Թիֆլիսից մեկնել էին, բայց

35 Նույն տեղում։ Ի վերջո մեկ տարով հետաձգվում է Համլիկի զինվորագրությունը, բայց մի քանի ամիս հետո որպես զինվոր մեկնում է Ալեքսանդրապոլ (տե՛ս Թումանյանի եղբոր՝ Վահանի գրած 1915-ի հոկտեմբերի 10-ի, Համլիկի՝ Արտավազդին գրած 1916-ի հունվարի 30-ի նամակները (ԹԹ ՓԲ, № 2836)։

36 Նույն տեղում, № 182։

37 ԹԹ, ՓԲ, № 2745։

նախ զնայել էին Իգդիր, ապա՝ էջմիածին: Այդ մասին նվարդ Թումանյանը իր հուշագրության մեջ տեղեկություն չի թողել, նա գրում է միայն, որ էջմիածնում ընկերուհիների հետ պետք է աշխատեր որպես գլխավոր քույր³⁸:

Մինչ այս, մինչ այն Թումանյանի առաջին հեռագիր—կոչի ազդեցությունը դառնում է շոշափելի: Օգոստոսի 14-ին ուղարկած երկրորդ հեռագրից պարզվում է, որ այդ օրը էջմիածնում էին Թիֆլիսից և Ալեքսանդրապոլից եկած խմբերը, դրանց մեջ էին նաև նվարդը և իր ընկերուհիները, որոնք պետք է աշխատեին որպես գլխավոր քույրեր³⁹:

Բանաստեղծը դատեր հետ ապրում էր էջմիածնի Մատենադարանի առաջին հարկում: Նրանք օր ու գիշեր հանգիստ չունեին: Հազվագյուտ ազատ ժամանակ հայր ու աղջիկ այցելել են Գալուստ Տեր-Մկրտչյանին, Վահան Ամատունուն, որոնց հատուկ հարգանքով էր վերաբերվում Թումանյանը:

Ամենուրեք հանդիպում էին ծանր դեպքերի՝ մայրեր՝ ծնկներին մեռած զավակները, մի մարդու, որը ծեծում էր կնոջը՝ երեխաներին կորցնելու համար, մեկ ուրիշին, որը պատմել էր, թե ինչպես են գազանաբար սպանել ծնողներին (ՈՒՀ 2, 372):

Այս մղձավանջի մեջ էլ առանձին պահեր իրեն զգացնել է տալիս բանաստեղծի՝ բնության զգացողությունը, բայց միայն առանձին պահեր. ծոցատեղում նա նշել է. «Ես աշխատում էի շնայել Արաքսին ու Մասիսին ... բայց, այնուամենայնիվ, նայեցի մի անհասկանալի երկուղում—

Մասիսի դուխը ծածկված էր ամպերի տակ —

Արաքսը ձեն չէր հանում, չէր որոտում—

Ծանր ու խոր խշշում էր...» (ՈՒՀ 2, 373):

Գաղթականությանը թուրքերի ու քրդերի հալածանքներից փրկել, մինչև Իգդիր ու էջմիածին էին ուղեկցել հայ կամավորական խմբերը՝ համոզված, որ արևելահայ եղբայրները ապաստան կապահովեն բնակիչ թշվառների համար, կծածկեն կիսամերկ մարմինները, կփրկեն կորստից:

Հուլիսի 26-ին Իգդիր և օգոստոսի 8-ին էջմիածին է հասնում նաև

38 Ն. Թումանյան, էջ 123:

39 «Հորիզոն», 1915, № 184:

Անդրանիկը: Նրա մասին Թումանյանը թողել է այսպիսի ծրագրային նշում. «Անդրանիկը—գուրսը իր խմբի մնացորդը—ինքը ներսը՝ խորտակված և հուսահատված» (ՈԻՀ 2, 373): Այս կարճ խոսքերի ենթաբնագիրը քաջ հայդուկի հուսախաբույթունն էր: Ով դիտի, Թումանյանը ինչպիսի խորությամբ պետք է նկարագրեր այդ, եթե երբեք հնարավորություն ունենար անդրադառնալու իր և «Մշտ արծվի» հանդիպմանը էջմիածնի այդ դժնդակ օրերին, այն ժամանակ, երբ երկուսի համար նույնքան սիրելի ժողովրդի ներկան ողբերգական էր, հայքենի երկրի ապագան՝ անհուսալի, անհուանկար:

Այդ հանդիպման մասին, թեպետ ոչ այնքան մանրամասն, գրել է Անդրանիկը՝ Թումանյանի մահվան կապակցությամբ հրապարակված հուշ-հորվածում, որտեղ ոչ միայն գնահատել է վերջինիս գործունեությունը էջմիածնում, այլև ցույց է տվել իր վերաբերմունքը ցարական զինվորական բարձր պաշտոնյաների դիվանագիտության նկատմամբ. «...Երբ 1915-ին Մեծ դաղթը եղավ ռուսներու կեղծ նահանջով, բանաստեղծը իր տունը, իր ընտանիքի վայելքները թողուցած եկավ... էջմիածնի, Իգդիրի և Երևանի փողոցներուն և վանքի պատերուն տակ խռնված դաղթականներուն օգնելու»: Անդրանիկի համար Թումանյանը մի մարդ էր, որը արհամարհեց հանդիստ կյանքը «իր ցեղին բեկորներու համար ու տքնեցավ անոնց հետ, անոնց ցավն ու վիշտը բաժնելով: Իր արինակիցներուն դառն վիճակը և շարժարանքները խնցին իր խնդում ճակատին ու աչքերին ժպիտն ու ծիծաղը, անթիղելով իր սրտի մեջ իր ցեղին ցավը» (ԹԺՀ, 551—552):

Անդրանիկի նման ռազմիկը չէր կարող մնալ էջմիածնում հոգեպես ընկճված: Մեծ հոգիների և սովորական մահկանացուների տարբերությունը նաև այն է, որ նրանք շուտ են գտնում ծանր վիճակից դուրս գալու ելքը: Շուտով նա մեկնում է Երևան, ապա Բանաթեում հանգիպում ունենում տեղի կամավորական 6-րդ և 7-րդ խմբերի հետ: Զորքը, մոռացած գաղթը, նահանջը, իրենց ողբերգությունը, փառալուր ընդունելություն է ցույց տալիս Անդրանիկին, իսկ նա ջերմորեն ողջունում է քաջարի մարտիկներին: Օգոստոսի 11-ին նա մեկնում է Թիֆլիս, երկու օր հետո ժողովարանում հանդիպում է ունենում հասարակության հետ, որը նրան ընդունում է ծաղիկներով, օվացիայով: Ժողովարանի ավագների խորհուրդը Անդրանիկին մատուցում է 500 ռ. հօգուտ հայ կամավորների⁴⁰:

⁴⁰ «Հորիզոն», 1915, № 183:

Բայց անցնենք Թումանյանին:

Ինչպիսի ասվեց, Թումանյանի երկրորդ հեռագիրն ուղարկվում է օգոստոսի 14-ին: Երկու օր հետո Թիֆլիսի և հայաշատ այլ վայրերի ընթերցողները այդ հեռագրից տեղեկացան, որ «Ընդհանուր աղետի մեջ առանձնապես սոսկալի է ձգված ու որբացած երեխաների վիճակը: Ճեմարանի ամբողջ շենքը բռնել է որբանոցը: Ընդունվածներին թիվը անցել է 3000-ից, և նոր որբանոց է բացվում բաց օդում...»⁴¹:

Անհլանիլի ու ծանր էր դրությունը մի այլ տեսակետից: Որոշված էր որբանոցներում ընդունել հայր, մայր չունեցող երեխաներին, բայց Թումանյանը առանց հրկար-բարակ քննության՝ ընդունում էր նաև ծնողներ ունեցողներին: Այդ չի վրիպել «Եղբայրական օգնություն» ընկերության էջմիածնի ներկայացուցիչ Բաբկեն վարդապետի և այլ գործիչների ուշադրությունից և դժգոհության տեղիք է տվել (ՈՒՆ 2, 374): Այդ կապակցությամբ Թումանյանն այսպես է արգարանում. «Մայրերը, հերամիլի, բերում են հավատացնում են, որ որբ են, գտել են, հայր, մայր չունեն, և աղաչում են ներս ընդունել կիսանվազ երեխաներին. երեխան հաճախ կաշում է կնոջը—նանի կամ մարե ճշալով ու մատնելով մոր խաբեբայությունը» (նույն տեղում): Բայց հայ մայրը արգարանալու պետք չունի. այդ այսպես կոչված «խաբեբայությունը» երեխային սովից փրկելու համար էր, և ինչպե՞ս կարող էր նրանց վիճակի մեջ չմտնել, չընդառաջել բանաստեղծի հոգին: «Ոմանք դնում են մանկանոցի դռանն ու իրենք հեռանում կորչում»,— գրել է Թումանյանը: Բայց լինում էին նաև մորը կառչած փոքրիկներ, որոնք «մարե» բղավելով փախչում էին (նույն տեղում):

Այդ քաոսի, սովի ու համաճարակի մեջ, միևնույն ողբերգական հանգամանքներում ի հայտ են եկել տարբեր բնավորություններ, որոնք էին կարող վրիպել Թումանյանի խորաթափանց աչքերից. շատերն էին դիմում Թումանյանին, նրա օգնականներին, երեխաներին հանձնում էին լողացնելու, մաքրելու, հագցնելու, ապա տանում էին թաքցնում՝ հայանելով, թե կորցրել են: Գոյության կռվում ավելի լավ են ջոկվում աղնիվ ու անաղնիվ արարքները:

Անշուփ բազմազան են Թումանյանի ծոցատետրի նշումները, մեկը մյուսից ավելի հուզիչ. «Երեխաներից ոմանք այնպես են սովորել,— չլրում է նա, որ ճաշից հետո էլ փեշերս բռնում են—(թեև հագնված

⁴¹ Նույն տեղում, № 134:

են, պատասպարված և կերակրված) — հայրի՛կ, ես որք եմ, խեղճ եմ, նա հեր ունեմ, նա մեր...»: Նման երեխաների մեջ արդեն առաջացել էր կուշտ լինելու, ապրելու բնազդը: Բայց երեխան մնում է երեխա, ինչպիսի պայմաններում էլ լինի. իմանալով, որ իրենց խնամատարը նոր շորեր պետք է կարել տա, «այստեղից, այնտեղից, գլուխ էին բարձրացնում — Հայրի՛կ, ինձ համար կարմիր հալավ կարեցեք...»:

Թումանյանի դիտողականությունից չի վրիպել նաև տարբեր որք երեխաների մի այլ առանձնահատկություն. «Մինը հանկարծ լաց է լինում, մի մասն էլ սկսում են նրան հետևել, այնինչ մի քանիսը հանդարտ նայում են նրանց, իրենց չորս կողմը ու շարունակում ուտել — ոմանք էլ փիլիսոփայորեն մտածում են լուռ»:

Մի հատուկ ողբերգություն են ապրել քիչ. թե շատ հասունացած աղջիկները, որոնց գլուխը մաքրելու համար պետք է խուզվեին մազերը. «Սա կերթամ, հալավս ալ կթողնիմ, ծամբես ի չեմ տար...» աղմկել են նրանք: Մի այլ երեխա, որը նույնպես չէր թողնում մազերը կտրեն, և մայրն էլ նույնն էր պնդում՝ ի վերջո փախել էին, բայց շուտով երկուսին էլ գտել էին մեռած (նույն տեղում, 375—376):

Սրանք բոլորը պատմվածքների կերպարներ են, անիոխարինելի նյութեր ապագա ստեղծագործությունների համար, որոնց Թումանյանը երբեք չկարողացավ անդրադառնալ՝ մինչև կյանքի վերջը չգրված այդ երկերի նախատիպերի ճակատագրով մտահոգված...

Ուշագրավ է հետևյալ զուգադրիպությունը: «Հորիզոնի» օգոստոսի 4-ի այն համարում, որտեղ լույս էր տեսել Թումանյանի՝ էջմիածնից ուղարկած առաջին հեռագիրը, հրապարակվել է նաև «Մա՛ղր, թե լուրջ կատակ» վերնադրով խմբագրական հոդվածը, որը գրված է ի պատասխան «Кавказское слово» օրաթերթի «К моменту» թղթակցության⁴², Հենվելով Լոնդոնի թղթակցի՝ անգլիական սուֆրաժիստների մասին գրած հոդվածի վրա⁴³, Թիֆլիսում տպագրվող և հայկական

42 Տե՛ս «Кавказское слово», 1915, օգոստոսի 2:

43 Սուֆրաժիստները անգլիական կանանց շարժման մասնակիցներն էին, որոնք պայքարում էին կանանց ընտրական իրավունքների պաշտպանության համար: Սուֆրաժիզմը առաջացել է XIX դարի երկրորդ կեսին Անգլիայում, ապա տարածվել է նաև ԱՄՆ-ում, Գերմանիայում և այլ երկրներում: XX դարի սկզբներին նրանց գործունեությունը ավելի լայն ընդգրկում է ստանում. նրանք իրենց պահանջների իրականացման համար դիմում էին նույնիսկ ցույցերի: Համաշխարհային պատերազմից հետո, հեղափոխական շարժումների ազդեցությամբ, մի քանի կապիտալիստական երկրներում կանայք ստացան ընտրական իրավունք, նպաստելով սուֆրաժիզմի անկմանը:

իրադրությանը լավ ծանոթ ուսեսրեն թերթի թղթակիցը հայ մտավորական գործիչներին տարօրինակ խորհուրդ է տալիս՝ օգտվել սուֆրա-ժիստների հետևյալ փորձից: Տեսնելով անգլիական ժողովրդի պակասելը, սուֆրաժիստները «վճռել են միջոցներ չխնայել մահացությունից ազատելու համար այն երեխաներին, որոնք մեռնում են գլխավորապես մայրերի անապահով ու անօգնական վիճակից»:

Պատասխանելով «КАВКАЗСКОЕ СЛОВО» թերթի թղթակցին, «Հորիզոնի» հոդվածի հեղինակը հայտնում է, որ անգլիացի սուֆրաժիստների օրինակը չի կարող հիմք ծառայել հայ մտավորականի համար: Եթե Անգլիայում մեռնում են միայն երեխաները, Հայաստանում երեխաները մեռնում են իրենց ծնողների հետ: Հոդվածագիրը այն կարծիքին է, որ «КАВКАЗСКОЕ СЛОВО» թերթը անգլիացիների օրինակը բերելու փոխարեն «ոուս հասարակության ու կառավարության ուշադրությունը պետք է հրավիրի հարյուր հազարավոր հայ գաղթականների անելանելի կացության վրա և պետական օգնություն պահանջի, որպիսի օգնություն ծրագրվում է արևելյան ռազմաբեմի գաղթականների համար»⁴⁴:

Միանգամայն ճիշտ է գրում «Հորիզոնի» հեղինակը, և շատ էլ դիպուկ է վերնագրերը: Այն օրերին երբ հազարավոր բազմամահաճ ընտանիքներ սրի էին քաշվում թուրքերից ու քրդերից, մնում իրենց տան փլված առաստաղի տակ, մեռնում քաղցից, հիվանդություններից կամ ոչնչանում օտարության մեջ, իսկապես ծիծաղելի էր բերել անգլիական անապահով և անօգնական կանանց օրինակը: Ծիշտ է նաև հայ հեղինակի մյուս սրտացավ դիտողությունը, ըստ որի անօգնական է ողջ արևմտահայ ժողովուրդը. նա օգնություն ստանում էր միայն իր ազգակիցներից, դանաղան ընկերությունների, հանձնաժողովների ջանքերով կազմակերպված հանգանակություններից, որին մասնակցում էր ողջ հայ ժողովուրդը, ինչպես Կովկասում, այնպես էլ տարագրության մեջ:

Անցնենք առաջ:

Էջմիածնում հազիվ էին ինչ-որ չափով գործը հունի մեջ դրել, մաքրել, լողացրել, հագրել որբերի մի մասին (թեպետ անվերջ ավելանում էին նորերը), երբ «19-ի գիշերը օգոստոսի մթնեց, սկսեց փայլատակել ու որոտալ և կաթկթել անձրևը: ...Գնացինք Բագրատի, խո-

⁴⁴ «Հորիզոն», 1915, № 173:

բենի մոտ, Արսենն էլ էնտեղ էր»⁴⁵։ Թումանյանը նրանցից պահանջում է, «որ բոլոր շինութունների դռները բացեն՝ գաղթականներին ներս թողնելու։ Մայր տաճարը ղօժարացան—Գայանեն ու նոր Վեհարանը. Թողին»։ Անուհետեւ շարունակում է գրառումները այսպես. «Ժողովրդին ձեն տվի—տարա—ուսանողները։ Սոսկալի խոնում, երեսաները, ունեցած-շունեցած շալակած, մինչև անգամ մեռելները» (ՈՒՂ 2, 376)։

Ինչպես ծոցատետրի բոլոր էջերում, այստեղ էլ նշումները կատարված են խիստ հակիրճ, հասկանալի, որոնք այդպես էլ չընդարձակվեցին, ու այսօրվա, վաղվա ընթերցողի համար շատ բան մնաց անհասկանալի։ Այլ աղբյուրներից հայտնի է միայն, որ այդ օրը վերակառուցվող Վեհարանը բաց անելու, որբերին տեղավորելու համար ուժեղ ընդհարում է առաջացել Թումանյանի և կաթողիկոսի միջև։ Վեհարանը բացվել էր հակառակ կաթողիկոսի ցանկության, ուստի վերջինս զայրացած բացատրություն էր պահանջել, հիշեցնելով, թե ինքը ամենայն հայոց կաթողիկոսն է, և առանց իր կարգադրություն ոչ որ իրավունք չունի բացելու Վեհարանը։ Թումանյանը չի արդարացիլ. առանց այլև-վայելքի ու մեկնաբանությունների պատասխանել է, որ ինքը Ամենայն հայոց բանաստեղծն է և գործում է այդ իրավունքով⁴⁶։

45 Բաբկեն վարդապետը էջմիածնի դիվանապետն էր, այդ օրերին փախստականներից օգնող կենտրոնական կոմիտեի՝ տեղի ներկայացուցիչը, հորենը (Մուրադբեկյան) նպիսկոպոս էր, հետադալում՝ հայոց կաթողիկոս, Արսեն Ղարաբաղի Թումանյանի պատանեկության շրջանի մտերիմ ընկերներից էր, որ ընդունել էր հոգևոր կոչում։

46 Ն. Թումանյան, էջ 127։ Այդ մասին գրել է նաև Վարդգես Ահարոնյանը, որը վկա ինեելով անցողորդին, դեպքը նկարագրում է այսպես. «Երբ Թումանյանը նկատել է էջմիածնի մոսկովիտ երկիրքը, կանչել է մի երիտասարդի և պատվիրել։

«—Վաղի՜ր Վեհարան և ասա կաթողիկոսին, որ ես խնդրում եմ անմիջապես բանալ տալ բոլոր եկեղեցիների, վանքերի և ազատ շենքերի դռները և գաղթականությունը այս գիշեր պատասպարել անձրևից»։

Վերադառնալով երիտասարդը հայտնել է, որ կաթողիկոսը ճշտահանգիստ է բաց անել Գայանեի, Շողակաթի և Հոփսիսի վանքերը, բայց Վեհարանի նոր շենքին պատվիրել է ձեռք չտալ և փակ պահել ... Ի՜նչ,— ցատումից գողացող ձայնով բացականչեց Հովհ. Թումանյանը.— Անմիջապես վերադարձիր Վեհարան և ասա Ամենայն հայոց կաթողիկոսին, որ Ամենայն հայոց բանաստեղծը պահանջում է բաց անել նաև նոր Վեհարանի դռները և պատասպարել գաղթականությունը։

Երբևէ, ոչ դրանից առաջ, ոչ դրանից հետո Հովհ. Թումանյանին այդպիսի զայրացած չլի տեսել։

Մի բանի ընդհանրություն է կալով, որ նոր Վեհարանի շենքը ես տրամադրված է գաղթականությունը։

Անձրևը արդեն սկսել էր կաթկթել (Վարդգես Ահարոնյան, Հովհաննես Թումանյան. Մարդը և բանաստեղծը, էջ 133—135)։

Օգոստոսի 19-ի աղետի համառոտ նկարագրությունը մասամբ լրացնում է Ն. Թումանյանը: Ծոցատետրից կատարված վերևի մեջբերման մեջ ուշադրություն է գրավում Թումանյանի «Ժողովրդին ձեն տվի, տարա—ուսանողները» տողը, որի մասին Ն. Թումանյանը պատմում է հետևյալը. «Ուսանողները՝ Լևոն Լիսիցյանը, Լյալյա Աճաճյանը, Ալեքսանդր Բարխուդարյանը, Ջահերով (Երկար փայտե ձողերի ծայրին աթար էին ամրացրել, վրան նավթ էին ածել ու վառել) դնում էին հայրիկի երկու կողմից և լուսավորում էին նրա ճանապարհը»:

Հայրիկը թիկնոցի մեջ փաթաթված, տեղատարափ անձրևի տակ առաջ էր գնում, նրան հետևում էր հաղարավոր զաղթականությունը...

Այդ միջոցին հայրիկը հիշեցնում էր «Աղավնու վանքի» հալը Օհանյան...»⁴⁷:

Գաղթականները թրջվելու, մրսելու վտանգից ազատված էին, ինչոր ձևով տեղավորված, կիսամերկ մարմինները՝ մասամբ ծածկված: Բայց էջմիածնի տմեն օրը լի էր նոր անակնկալներով, մեկը մյուսից ավելի վտանգավոր ու մահադուլժ: Սկսվում է հիվանդությունների համաճարակը: Տիֆը, դիզենտերիան, տրախոման և մի քանի այլ հիվանդություններ վանում սկսվել էին նախքան գաղթը (ՈՒՀ 2, 377): Ավելին, դեռևս մարտին, երբ այդ աստիճան մեծ չէր փախստականների թվը, հիվանդությունների համաճարակը սկսել էր այնպիսի կերպարանք ստանալ, որ էջմիածնում կարգադրություն էր արվել հիվանդությունների տարածված վայրերի դպրոցներում դասերը ավարտել մեկ ամիս շուտ՝ մայիսի 1-ին⁴⁸:

Համաճարակի առաջին օրերից այնքան շատ էին մեռնում, որ նույնիսկ չէին հասցնում թաղել. «(օգոստոսի) 23-ից էջմիածին 70 մեռել մնաց անթաղ, առաջին օրից էլ մի քանի տասնյակ կային: 24-ին ավելի շատ մնացին: Գետինը պինդ է, և բանվորներ չեն գտնում: Երեք օր առաջվա դիակները արևի տակ ուռան—պատռեցին և զարշահոտություն տարածեցին», — գրում է Թումանյանը:

Անտիպ պատանուկներից մեկում հանդիպում ենք այսպիսի գրառման «Թաղելու խնդիրը. միայն մի արշին են փորում, խոր պիտի լինի: Մի գլուղում 15 դիակ մոռացվել են կամ թողնվել: 140 բանվոր ունեն՝ քիչ է: ԴОСНАКА—բնդամենը 11 հատ, թի հիվանդ և թի հաճախ մեռել տանելու և թի հիվանդներին բաղնիք տանելու...»:

47 Ն. Թումանյան, էջ 126:

48 «Հորիզոն», 1915, № 66:

Թումանյանի ծանր վիճակը, հոգսերի տեսակաները պատկերացնելու և ընդհանուր իրավիճակին տեղեկանալու համար հետաքրքիր է նաև հետևյալ անտիպ պատասխիկը. «Ամեն ժողովի խնդիր է լինում, թե ջրերը վարակված են, հոսյորած ջուր պիտի տալ, և կուբեր շկան ու շկան: Հայը խմոր է, նպաստում է: դիլենտերիային և մենում է միշտ խմոր:

Հասա Իգդիրի ջո՞ւրը:

Խնդիրները քննվում են ժողովներում, երբ արդեն գաղթականները ցրվել են և մասամբ վերադարձիլ»⁴⁹:

Օգոստոսի 31-ին Թումանյանը դասեր հետ մեկնում է Երևան՝ որրանոցի 125 երեխա տեղափոխելու, անխնամ մնացած 43 կրծքի երեխաների համար հոգատար ձեռքեր ապահովելու⁵⁰: Գործը ավարտելուց հետո հաջորդ օրը՝ սեպտեմբերի 1-ին, կրկին վերադառնում են էջմիածին, որտեղ արդեն կարգադրության կար, համաճարակին ավելի լայն տարածում չտալու համար, գաղթականությանն արգելել էջմիածնից դուրս գալու: Ծեմարանը վեր էր ածվել հիվանդանոցի, ուսումնական տարին հետաձգված էր:

Բայց պաշտոնական կարգադրությամբ անհնարին էր զսպել համաճարակից սարսափահար տառապալներին հոսքը դեպի այլուր: Երեւանից էջմիածին ժամանելով՝ սեպտեմբերի 1-ին Թումանյանը Թիֆլիս է ուղարկում իր երրորդ հեռագիրը, տեղեկացնելով հետևյալը. «Մոտ երկու հազար փախստականք ծնողներ հտ առան իրենց զավակները: Այսօր երեկոյան ժամը 7-ին Թիֆլիս ուղարկվեց 600 հոգի: Իգդիրի շրջանում, էջմիածնում և Երևանում մեռնում են օրական մոտ 700 հոգի»: Հեռագրի վերջին նախադասությունը գուժում էր նոր աղետ. «Սպասվում է Վանից վերադարձող փախստականների մի հոսք՝ բաղկացած մոտ 25000 հոգուց»⁵¹:

Օգոստոսի վերջերին կարճ ժամանակով էջմիածին են գալիս Մարտիրոս Սարյանը, Նիկողայոս Ադոնյը, Աշոտ Աթանասյանը և այլ մտավորականներ, բայց Թումանյանը միշտ մնում էր ծանրաբեռնված, հոգնած, սպասում էր Թիֆլիս մեկնելուն, սակայն գործը կիսատ թողնել չէր կարող:

49 ԹԹ, Նոր նյութեր, Թղպ. № 32:

50 Նույն տեղում, ՓՐ, № 3776:

51 «Հորիզոն», 1915, № 198:

Հիվանդություններից խուսափելու միակ քիչ թե շատ հնարավոր միջոցը կոնյակ, գինի, սուրճ օգտագործելն էր, որով Թումանյանը ապահովում էր իր և դստեր համաճարակից խուսափելը:

Թումանյանի համար մի առանձին դժվարություն էր ներկայացնում օգնողների, գործողների տարբեր բնավորություն, մասնագիտության մարդկանց պահանջների, զանազան ընկերությունների ներկայացուցիչների հետ աշխատելը: Դժգոհ էր հատկապես հոգևորականության անճարակությունից, անհոգությունից: Պատահում էր, որ դժվարությամբ ձեռք բերված անհրաժեշտ իրերը, մթերքը օրերով մնում էին պահեստներում, չհասնելով ըստ պատկանելույն: Նույնիսկ նման գործեր՝ հավաքված իրերի (գդալներ, ամանեղեն, սպիտակեղեն) դադարեցնելն արհեստներին բաժանելը տնօրինում էր Թումանյանը, նրանից միշտ անբաժան էր նվարդը, որ պահպան հրեշտակի նման չէր հեռանում բանաստեղծ հորից:

Այդ օրերին Թումանյանի ստացած պաշտոնական գրություններն ու անձնական խնդրանքները լրացնում են էջմիածնի ծոցատետրի տեղեկությունները, ավելի իրական, շոշափելի դարձնում այն ծանր բեռը, որ տարել է բանաստեղծին իր ոչ այնքան առողջ, տկար ուսերին:

«Սիրելի Հովհ. Թումանյան,— գրում է մի ոմն Սահակ վարդապետ— Այն ևրելսան, որի համար խնդրեցի ընդունել որբերի կարգում՝ զրաբերս է. խնդրեմ չմերժել խնդիրս: Մոտ մի շաբաթ է, որ դռանս հստած լաց են լինում յուր փոքրիկ քրոջ հետ հացի համար»:

Սեպտեմբերի 5-ին ստացած գրություններից.

«Մեծապատիվ պ. Հովհ. Թումանյան,— գրում է Բարդուղիմեոս եպիսկոպոսը,— Վանեցի Մարկոս անուն զրաբերիս կինը մեռավ երեկ, երկու փոքրիկները մնացին անխնամ: Ինքը աղքատ է՝ բառի իսկական իշխանակությունը: Խնդրում եմ սորա փոքրիկները ընդունեք Ձեր կառավարած որբանոցը: Ինքը ծառայում է ինձ մոտ»⁵²:

Որքան էլ տարօրինակ թվա, Թումանյանը ստացել է նաև այսպիսի գրություն. «Հարգելի պ. Թումանյան, խնդրում եմ, որքան կարելի է շուտ, կոճիւր բերել տաք, կարերը տանում են, կոճ չկա, սպիտակ, 50 համարի:

Հարգանք՝ Քրիստինե»:

Իսկ որքան դժվար էր աշխատող ձեռքերը էջմիածնում պահել-պահպանելը. չէ՞ որ անհրաժեշտ էր հոգալ նաև նրանց ապրուստը, ապա-

⁵² ԹԹ, Նոր էյուբեր, թղպ. Մ 32:

հովել նրանց պահանջները, զգուշանալ նրանց վարակվելուց, սովորեցնել՝ չհուսահատվել, տսկալ:

«Հարգելի պ. Հ. Թումանյան,— օգոստոսի 30-ին գրում են շատախյի ուսուցիչներ Սահակ Մարտիրոսյանը և Մարգար Մովսիսյանը:— Այստեղ հիվանդությունները մեծ ծավալ են ստացել. այնպես որ, այս միջավայրի մեջ գործելու կասկածելի է և միանգամայն փնտսակար, որովհետև մեր առողջությունն էլ կարող ենք վրա տալ:

Մենք վաղվանից իսկ Նրեան մեկնելու միտք ունենք: Ուստի սույն երկտողով խնդրում ենք Զեպանից, որ բարեհաճեք հանձնարարական մը շնորհել մեզ, որպեսզի Նրեանում մեզ գործ տային»:

Կարծում ենք, մեկնաբանություններն ալիկորդ են. ամեն մեկից չէր կարելի պահանջել անձնազուսթյան նույն կամքի ուժը, մանավանդ, դրանք էլ տուն-տեղ կորցրած, ողբերգական ներկայով և անորոշ ապագայով ապրող մարդիկ էին, գլուխները կորցրած՝ այդ, Թումանյանի արտահայտությամբ, մահաատանում:

Իսկ թի որքան ուշադիր էր Թումանյանը էջմիածնում ինքնակամ գործող ղեկավար քույրերի նկատմամբ, պատմում է նվարդ Նդիբյան-Բաղդասարյանը և ամփոփելով խոսքը, գրում. «Ես երջանիկ եմ զգում ինձ, որ առիթ եմ ունեցել աշխատելու նրա ձեռքի տակ» (ԹժՀ, 685—686): Այս բոլորից հետո, պատահական չէր, որ օգոստոսի 30-ին Բաքվի հայոց մարդասիրական ընկերության դահլիճում տեղի ունեցած բազմամարդ ժողովում, որին նախագահել է տեղի հայոց թեմի առաջնորդ Կարապետ եպիսկոպոս Տեր-Մկրտչյանը, էջմիածնի փախըստականներին օգնելու գործի կազմակերպման ընթացքի շուրջը զեկուցելիս՝ Ռուբեն Օհանջանյանը պատմել է բանաստեղծ Թումանյանի և նրա օգնականների գերմարդկային ճիգերի գնով՝ որք երեսաների վիճակը նշանակալի չափով բարվոքելու մասին:

Սեպտեմբերի 8-ին էջմիածնի Մատենադարանում տեղի է ունենում նիստ 18 բժիշկների և Թումանյանի մասնակցությամբ: Ելույթ ունենալով, նա առաջարկում է. «...շուտափույթ ժողովի բաց երկնքի տակ զտնվող զաղթականներին, որովհետև շուտով կսկսվեն ցրտերը, և եթե կա՝ վաղթականության մեջ փոքր ի շատե առողջներ՝ դրանք էլ կհիվանդանան»⁵³: Թումանյանի առաջարկին միանում է բժիշկ Լ. Մյասնիկովը, իսկ «Ճբայրական օգնության» կոմիտեի ներկայացու-

⁵³ «Հորիզոն», 1915, № 215:

յիշ Բաբկին վարդապետը կրկին առաջարկում է գաղթականներին պատսպարել Վեհաբանի նոր շենքում:

Թումանյանի արխիվում պահպանվում է 1915 թ. սեպտ. 2 թվադրությամբ մի նամակ (ստորագրված է Հակոբ, որն ամենայն հավանականությամբ Հակոբ Քոչարյանն է՝ Հայոց ազգային բյուրոյի քարտուղարը), այն տեղեկացնում է Թեհրանի բժիշկ Տեր-Ստեփանյանի՝ էջմիածին գալու, Ազգային բյուրոյի հանձնարարությամբ՝ կամավորների և գաղթականության օգտին հանգանակություն կազմակերպելու նըստատևով նրան դեպի Հնդկաստան ճանապարհելու մասին: Հայտնելով, որ բժիշկը լավ հանձնարարականներ ունի անգլիական և ուսումնական դասականառներից, միաժամանակ խնդրում են Թումանյանին միջնորդել, որ կաթողիկոսը օրհնի նրա առաքելությունը հատուկ կոնդակով և բժշկին ընկերակից դարձնի մի կարող, ազդեցիկ հոգևորականի, որպեսզի հանգանակության արդյունքը լավ լինի⁵⁴:

Այս փաստաթուղթը ապացույց է, որ էջմիածնում եղած միջոցին, այսքան զբաղված որբերի ու գաղթականության գործով՝ Թումանյանը մասնակցել է նաև հանգանակությունների կազմակերպմանը և եղել է տեղի ամենաազդեցիկ գործիչը՝ կաթողիկոսին դիմելու համար, նաև միջնորդ Ազգային բյուրոյի կողմից:

Էջմիածնում գործը դրված էր քավարար հիմքերի վրա, բայց ոչ պատերազմի վերջն էր երևում, ոչ փոքրանում էր գաղթականության, սրբերի հոգուր: Թումանյանի ուժերը սպառված էին:

Ե՞րբ Թումանյանը վերադարձավ Թիֆլիս:

Քրոջը՝ Աշխենին, նվարդ Թումանյանի ուղղած 1915 թ. սեպտեմբերի 2-ի նամակում հայտնվում է, որ հայր ու աղջիկ Թիֆլիս կգնան «երևի մինչև սեպտեմբերի 15-ը... զուցե ավելի շուտ»⁵⁵: Վերևում տեսանք, որ սեպտ. 8-ին Թումանյանը էջմիածնում էր: Նվարդի հուշադրություններից հայտնի է, որ Թիֆլիս հասել են սեպտեմբերի 15-ին, իսկ 17-ին, լսելով եղբոր՝ Ռոստոմի սպանության լուրը, հայրը մեկնել է Դսեղ⁵⁶: Այլ է Արտավազդ Թումանյանի՝ հոկտեմբերի 1-ի վկայությունը Պ. Մակինցյանին ուղղված նամակում. «Պոետի հալը հալ չի. նվարդի հետ վերադարձավ էջմիածնից շատ տկար և շանցած հինգ օր՝ Ռոստոմի սպանության դեպքը պատահեց»⁵⁷: Այսպիսով, ճշգրիտ

54 ԳԱԹ, ԹՖ, ց 2, № 482:

55 ԹԹ, փԲ, № 3776:

56 Ն. Թումանյան, էջ 129—130:

57 ԹԹ, փԲ, № 3788:

օրը հայտնի չէ: Հենվելով դատեր՝ Աշխենի և որդու՝ Արտավազդի, 1915 թ. սեպտեմբեր-հոկտեմբեր ամիսներին զրաժ նամակների վրա, կարելի է մոտավորապես կոհհել, որ Թումանյանը Թիֆլիս վերադարձել է սեպտ. մոտ 10—11-ին: Նույն ամսի 16-ին, երբ Դսեղում տեղի է ունեցել հղբոր՝ Ռոստոմի ողբերգական մահը, բանաստեղծը մեկնել է հայրենի գյուղ և ապա, թաղման արարողություններից հետո, վերադարձել Թիֆլիս:

Էջմիածնում տեսած հաղարավոր մահերը չէին կոփել բանաստեղծի դիմադրողականությունը, ընդհակառակը՝ դարձրել էին ավելի զգայուն: «Հայրիկի վրա շատ ծանր տպավորություն է թողել Ռոստոմի սպանությունը և երկար ժամանակ նա չի պարապի,— գրում է Արտավազդը վերոհիշյալ նամակում և ապա ավելացնում. «Իվան Ֆադեյիչի ծանր օրերն են»⁵⁸: Նույնն է հիշում Նվարդը. «Վերադարձավ բոլորովին փոխված, մոտ երկու ամիս մնաց հիվանդ պառկած: Տխուր էր, ոչ ոքի չէր ընդունում, ոչինչ նրան չէր հանգստացնում»⁵⁹:

Ինչպես ասվեց, բանաստեղծի որդին այն կարծիքին էր, թե հայրը «երկար ժամանակ չի պարապի», բայց, ի վերջո, գրելը Թումանյանի համար այդ օրերին նաև սփոփանք էր: Հոկտեմբերի 4-ին լույս է տեսնում «Թանկ մարդու հիշատակին» հոդվածը՝ զրված էջմիածնի համաճարակին զոհ դարձած գթության քույրերից մեկի՝ ուսուցչուհի Սաթենիկ Օհանջանյանի հիշատակին (VI, 207):

Այնուհետև նա երկու հոդվածով («Մի երկու վկայություն», «Աղետ է, ոչ թե քաղաքականություն») սուր վիճաբանության մեջ է մտնում «Закавказская речь» օրաթերթի խմբագիր Կ. Տումանովի (Տումանիշվիլի) հետ, որը «ГРУЗИН» ստորագրությամբ իր երկու նամակներով (№ 205, 213) «հայ ժողովրդի էս անպատում աղետի հանդեպ, վեր է կացել ու ազգային քաղաքական ղալմաղալ է սարքել» (VI 214): «ГРУЗИН»-ի կարծիքով, Կովկասում բնիկներ են միայն վրացիներն ու թուրքերը, իսկ հայերը եկել են ռուսների՝ Անդրկովկաս ղալուց հետո: Թումանյանը պատմական աղբյուրներով ապացուցում է ճշմարտու-

⁵⁸ Նույն տեղում:

⁵⁹ Ն. Թումանյան, էջ 130: Թումանյանի հիվանդության մասին գրում է նաև «Հորիզոնը» (1915, № 268, նոյեմբ. 28), հայտնելով, թե նա շուտով մեկնելու է Հանքային ջրեր բուժվելու Այդ ձգձգվում է մինչև 1916-ի ամառը, երբ բանաստեղծը մեկնում է Բորժոմ: Բուժման ձգձգումը կապ ուներ ոչ միայն զրաժական հնարավորությունների հետ, այլև ազգային գործերի, որոնք ամեն ինչից բարձր էր դասում նա:

թյունը և ցույց տալիս հեղինակի տգիտությունը: Վերջինս ոչ միայն սլատմություն չգիտի, այլև անտեղյակ է այդ օրերի այն քաղաքական իրադրությունը, որի պատճառով հայ գաղթականությունը թողել էր իր տուն ու տեղը և հասել Կովկաս: Քննարկվում էր շատ ցավոտ հարց, որին Թումանյանը պատասխանում է հրապարակախոսական կրքով, թեպետ «ГРҮНН»-ի նամակները շարունակվում են, մեծ աղմուկ առաջացնելով ժամանակի հայկական, ռուսական, վրացական մամուլում (VI, 214—223):

Նոյեմբերի 15-ին տպագրվեց Թումանյանի «Հոգեհանգիստ» բա-, նաստեղծությունը, որով նա կարծես փորձել է ազատվել իր ներքին ողբերգությունից՝ հայոց համազգային ողբերգությունից: Բանաստեղծը, թվում է, դատարկել է իր լիքը սիրտը, որպեսզի բեռնաթափվի էջմիածնի ծանր մղձավանջից, եղբոր սպանության թողած խոր ազդեցությունից:

Հայ ժողովրդի բանաստեղծը հոգեհանգիստ է կարդում իր «ազգի անբախտ զոհերի» հիշատակին. իսկապես հոգեհանգիստ, որին պակասում է միայն կոմիտասյան բաղմաձայն պատարագը:

...Որ շեն ու քաղաք, որ սար ու հովիտ, ծովից մինչև ծով
Մարած են մեռած, փրված ու ցրված հաղար հազարով...

Այս բանաստեղծության մեջ չկա մեկ տարվա ընթացքում հրապարակված հայրենասիրական չափածո գործերի և հոգվածների թումանյանական լավատեսությունը, որի մղումով նա բազմիցս հավատացնում էր, թե իր ժողովուրդը պայքարում է վերջին անգամ, ապրում է վերջին տագնապը և խոստանում էր «հանուր կյանքի արշալույս»:

Բանաստեղծը ծանր հոգեվիճակի մեջ է, այդ ակնհայտ է հատկապես երկու անգամ կրկնվող այս տողերում.

—Հանգե՛ք, իմ որբեր... իղձ՛ր են հուզմունք, իղձ՛ր և անշահ...

Մարգակեր զազան՝ մարդը՝ դեռ երկար էսպես կըմնա... (I, 185—186):

* * *

Ինչպես 1914-ի նոյեմբեր—դեկտեմբեր ամիսների այցելությունը ռազմաճակատ, այնպես էր Վանում ունեցած հանդիպումները, լսածն ու տեսածը ցարական զորավարներից, հուլիսյան անսպասելի նահանջն ու գաղթը իր ծայրահեղ ողբերգական հետևանքներով, որոնց ականատես եղավ Իզդիրում և էջմիածնում, պետք է որ համոզեին

Քումանյանին, թե իզուր է ամեն ջանք ու հնար կամավորական խմբերը պահելու: Բայց նա այժմ արդեն բարձր էր գնահատում նրանց դերը կենդանի մնացած, դեպի Կովկաս գաղթած ժողովրդի կյանքի ասպահովման գործում: Պետականությանը կորցնելուց հետո, առաջին անգամ հայ ժողովուրդը թեկուզ քանակով քիչ, բայց զորք ու զինվոր ունեւր, որը մեծ նվիրվածությամբ, հսկայական զրկանքներով կուլել էր իր ազատության համար, հասել որոշակի հաջողությունների: Ահա թե ինչու Քումանյանը չէր ուզում տեսնել հտ դարձի ճանապարհ: Նրան առաջնորդում էր լավատեսությունը, որի մղումով դեռևս 1913-ին գրել էր.

Մենք միշտ անսասան առաջ պիտ գնանք,
ինչքան մեր ճամբան լինի ահարկու (I, 171):

VII

ԱԶԳԱՅԻՆ ՃԱԿԱՏԱԳՐԻ ԱՐՀԱՎԻՐՔՆԵՐԻ ՄԵՁ (1916—1919 թթ.)

Չնայած հուլիսյան նահանջի ողբերգության, որին ականատես և մասնակից էին կամավորական խմբերը, այնուամենայնիվ, նրանք դեռ բարձր էին պահում իրենց նազդային արժանապատվությունը և տակավին հեռու էին հուսահատությունից:

Կովկասյան բանակի բարձր հրամանատարության արգելքներին չենթարկվելով, 1915-ի աշնանը փորձ է արվում վերակազմել հայկական զնվերը առանձին-առանձին¹: Ազգային բյուրոյի կողով նվրոպայից ու Ամերիկայից մեծ խմբերով կրկին Կովկաս են գալիս հայ կամավորները իրենց ծախսերով, հետները բերում բնափրկ զինքեր, դաշտային հեռախոսներ, հեռագրատակներ, որոնք բոլորը բռնադրավում են Թիֆլիսի մաքսատանը՝ նոր փոխարքա Նիկոլայ Նիկոլաևիչի և զոքավար Յանուշկևիչի կարգադրությամբ:

Յարական այս նոր խարդավանքները սլատճառ են դառնում հայ զինվորների հուսալքման, հուսահատության:

1915 թ. դեկտ. 27-ին, երբ արգեն գրեթե անտարակույս էր կամավորական խմբերի ցրումը, Ազգային բյուրոյի նիստում ելույթ ունենալով, Թումանյանը հիշել է Արևմտյան ռազմաճակատում երկու անուամ հանդիպած, ծաղումով հայ գեներալ Օդանովսկու և ղիվանագետ, Ռուսաստանի արտաքին գործերի նախարար Սազոնովի խոսքերը՝ թե կամավորական խմբերը «հայկական աղագա զորքերի կորիզն են»²:

Եթե ցարական պաշտոնյաները այդ ելակետով հալածում էին կամավորական խմբերին, նախապատրաստում նրանց ցրումը, ապա բանաստեղծը նույն ելակետով պնդում էր՝ ամեն գնով պայքարել հանուն այդ խմբերի պահպանման, քանի որ նրանք ոչ միայն պայքարում են,

¹ «Համառոտ տեղեկագիր Ազգային բյուրոյի գործունեության, 1915—1917 թվերի ընթացքում», էջ 5:

² ՊԿՊԱ, ֆ 222, ց 1, գ 111, թ 13:

կուլում թուրքերի դեմ, այլև միավորում են, համախմբում հայ ժողովրդին. «Ամերիկայից մինչև Ասիա,— ասել է Թումանյանը,— հայ ժողովուրդը իր զավակներով և փողով մասնակցում է այդ խմբերին, էսպիսի ուրիշ դրուժինա չկա և դրա համար իր հատուկ կազմակերպությունը պիտի ունենա: Եթե մեր ուղածը չանցնի, մենք պիտի ասենք՝ ժամանակ տվեք, որ աշխատենք»³ :

1916 թ. հունվ. 7-ի Ազգային բյուրոյի նիստում վերստին ելույթ ունենալով՝ Թումանյանը կրկին պնդում է նույնը⁴:

Կամավորական խմբերի ռազմական գործողությունների մեջ Թումանյանը դնահատում էր միայն այն սրբազան ազատագրական սույնքարի իրականացումը, որ հայ ժողովրդի դարավոր երազն էր և ոչ մի կապ չուներ Թուրքիայի նկատմամբ Ռուսաստանի նվաճողական քաղաքականության հետ: Այս իմաստով հետաքրքրական է Թումանյանի մի այլ ելույթը Ազգային բյուրոյի նիստում 1915 թ. դեկտ. 19-ին: Նիստի արձանագրությունից, որը հաղիվ է կարդացվում, մոտավորապես պարզվում է, որ փոխարքան կարգադրել է՝ հայ կամավորական խմբերը տեղափոխել պարսկական ճակատ՝ կռվելու Պարսկաստանի դեմ: Ահա մի նոր հնարանք. եթե ցրվելու էին կամավորական խմբերը, ինչո՞ւ էին նրանց նոր ռազմաճակատ տանում: Պարզ է, որ այս հրամանը ևս նախապատրաստում էր կամավորական խմբերի ցրումը, կամենում էին ջլատել ուժերը և դրանով հեշտացնել խմբերի քայքայումը:

Փոխարքայի այդ կարգադրությանը դեմ է գուրս դալիս Թումանյանը, պատճառաբանելով, թե Պարսկաստանը Թուրքիա չէ, որի դեմ կռվի հայ ղինվորը: Չմտնելով մանրամասների մեջ՝ ասենք, որ բյուրոն ուշացել էր այդ հարցը քննարկել. փոխարքայի որոշումը արդեն կար կամավորներին պարսկական ճակատ ուղարկելու մասին: Չնայած դրան, ընտրվում է հանձնաժողով Թումանյանի, Միսրոպ եպիսկոպոս Տեր-Մովսիսյանի մասնակցությամբ, որը պետք է բանակցեր փոխարքայի հետ՝ արգելելու կամավորների մուտքը պարսկական ճակատ⁵:

Բյուրոյի հաջորդ նիստերի արձանագրություններում այդ մասին որևէ հիշատակություն չկա, ուստի չենք կարող ասել, թե ինչ արդյունքի է հասել Թումանյանի այս նոր առաքելությունը:

³ Նույն տեղում:

⁴ Նույն տեղում, թ 21:

⁵ Նույն տեղում, թ 6:

Չնայած ռուսական զորավարների տարածած շարամիտ լուրերին, կամավորական խմբերը շարունակում էին կռվել անօրինակ նվիրվածությամբ, հաղթանակի, ազատության հաստատ հեռանկարով: Բայց 1915-ի դեկտեմբերին Կովկասի փոխարքա Նիկոլայ Նիկոլաևիչը ստանում է կայսեր հրամանը կամավորական խմբերի «վերակազմության» մասին, որով խմբերը լուծարքի են ենթարկվում, իսկ ղինվորներից կազմվում են նոր հայկական հրաշանաձիգ գումարտակներ⁶:

Կամավորական խմբերը ցրելու հրամանի իրագործումը հայ մարտիկների մեջ առաջացրեց բարոյալքում: Հատկապես արևմտահայերն ու ամերիկահայերը թողնցին ռազմադաշտը, իսկ նոր կազմած գումարտակների մեջ «...մնացին միայն ռուսահայատակ կամավորները, այն էլ նրանք, որոնք ենթակա էին ղինվորակոչության»⁷:

Կամավորական խմբերի ցրելուց հետո Ազգային բյուրոյի առջև նոր խնդիրներ են ծառանում: Անհրաժեշտ էր ապահովել Կովկաս եկած և ոչ իրենց կամքով ռազմաճակատից հեռացած կամավոր ղինվորների դրամական ծախսերը: Ծանր էր մանավանդ հաշմանդամների վարձատրության գործը, ղոհված ղինվորների ընտանիքներին ապահովելը:

Բյուրոյի 1916 թ. մարտի 12-ի նիստում Թումանյանը հարց է բարձրացնում լիկվիդացիայի գումարների դանձման մասին⁸: Թերևս դրա արձագանքն էր, որ Թազավորական հրամանով գումարներ են ուղարկվում Կովկաս՝ հայերի նկատմամբ գործած մեղքերի հետևանքների թողած վատ տպավորությունը մեղմելու համար: Բյուրոն տարբեր քաղաքներում ունեի իր ճյուղերը, ուստի դրամ հայթայթելու նպատակով ղինվոր էին բոլոր ղխավոր ճյուղերին՝ Բաքվի, Ն. Նախիջևանի, Մոսկվայի, Պետրոգրադի կոմիտեներին, կաթողիկոսին, բայց հավաքված գումարը, այնուամենայնիվ, բավարար չէր բոլոր ծախսերը հոգալու համար:

Դեռ 1915 թ. հուլիսյան գաղթից հետո, երբ հսկայական թվով գաղթականություն էր հավաքվել Անդրկովկասում, Ազգային բյուրոն օգնություն էր ստացել ամերիկահայերից, որը շարունակվում էր նաև կամավորական խմբերի ցրելուց հետո, բայց այդ բոլորը չէին բավարարում ամբողջովին հոգալու եղած մեծ չափերի հասնող կարիքները,

⁶ «Համառոտ տեղեկաղիր Ազգային բյուրոյի գործունեության, 1915—1917 թթ. ընթացքում», էջ 7:

⁷ Նույն տեղում, էջ 8:

⁸ ՊԿՊԱ, ֆ 222, ց 1, գ 111, թ 42:

չէին մեղմում հայ զինվորների նկատմամբ ցարական կառավարության անարգար վերաբերմունքի թողած ազդեցությունը՝ հավատի կորուստը:

Այսպես թե այնպես՝ փաստը կատարված էր. կամավորական խումբերը ցրված էին, զինվորները, որոնք այնքա՛ն մեծ հայրենասիրության, ազատագրության այնպիսի՝ հույսերով էին հավաքվել՝ վերագտնելու կորցրած հայրենիքը, մի մասը մեկնում է օտարության իր բնակավայրը, մյուսը, մնալով Կովկասում, կտրվում ընտանիքից:

Ազգային բյուրոյի առջև նոր խնդիր է առաջանում՝ մոռացության փողինների մեջ շփաղել հայ զինվորի անձնագրահանությունը, դալիք սերունդներին տեղյակ պաճել կամավորական խմբերի, նրանց քաջարի զեկավարների պայքարը հայ ժողովրդի գոյատևման համար:

1916 թ. մարտի 5-ի բյուրոյի նիստում հարց է բարձրացվել մի հատուկ ժողովածու հրատարակել կամավոր զինվորների սխրագործությունների մասին: Որպես գրողների ընկերության նախագահ, Թումանյանը այդ ժողովածուի հրատարակության գործը իր վրա է վերցնում: Որոշվում է հատուկ մարդկանց հանձնարարել նյութեր, հետաքրքրական փաստեր հավաքել պատմության սեփականություն դարձնելու հայ զինվորի պայքարը իր ազատության համար: Թումանյանի շատ ցանկությունների ու ծրագրերի նման ժողովածուի հրատարակությունը խափանվում է⁹:

Սակայն Թումանյանի այդ նախաձեռնությունը իրականացնում է մ. Շաֆիրյանը, որն Ազգային բյուրոյի հավանությանմբ, 1916 թ. Թիֆլիսում, հրատարակում է «Հայ կամավորներ» վերնագրով նկարագարչալբում՝ հայերեն, ռուսերեն, ֆրանսերեն առաջաբաններով: Այն արագորեն յայտնվում է և ապա որոշ լրացումներով լույս տեսնում երկրորդ անգամ: Այբովը ընդգրկում է անձնուրաց հայրերի, նրանց քաջարի առաջնորդների նկարները, իսկ եկամուտը հատկացվում է կամավորների ընտանիքներին օգնելու գործին:

1916-ի ամռանը Ազգային բյուրոյին նման մի առաջարկ է արել Գր. Չալսուշյանը, այս անգամ հրատարակելու այսպես կոչված «Կարմիր գիրք», «որը պիտի ամփոփեր իր մեջ տաճկահայ ժողովրդի վերջին մարտիրոսության նկարագիրը»: Առաջարկությունն ընդունվել է, որոշել են հրատարակել ռուսերեն, ֆրանսերեն, անգլերեն լեզուներով: Չալսուշյանը հանգստնակությանմբ հավաքել է բավական գումար

⁹ Նույն տեղում:

և հրատարակել «Красная книга» վերնագրով (Ռոստով, 1919), իրականացրել նաև ֆրանսերեն հրատարակությունը (Փարիզ, 1919): Հետագայում արդեն Կովկասում որևէ փորձ չարվեց այդ ուղղությամբ. ժամանակները փոխվել էին, կամավորական խմբերի մասին խոսելը մեղմոտ համարվում էր ազգայնամոլություն և դեռ ավելին... Բայց ոչինչ չի մոռացվել. արտասահմանում հրատարակվել են բաղձաթիվ գրքեր, գրական հուշամատյաններ, ալբոմներ, որոնք նշանակալից դեր են խաղում հայ ժողովրդի ազատագրական պայքարի պատմության այդ գրվադը հետագա սերունդներին հասցնելու համար:

* * *

Կամավորական խմբերի քայքայվելուց հետո պետված բնակավայրերի հայ բնակչության համար ստեղծվում է մի նոր առժանք: Մնալով բոլորովին անօգնական, շիմանալով ռուսերեն, տեղակ չլինելով ռուսական օրենքներին, նրանք չէին կարողանում հարաբերության մեջ մտնել ռուս պաշտոնյաների հետ, մինչդեռ առանց այն էլ քայքայված ժողովուրդը անվերջ ենթակա էր քուրդ, թուրք ավազակների ամենավայրագ հարձակումներին: Նոր կերպարանք ստացած թուրքական բարբարոսություններից մեկ հասել է ակտնատեսի վկայություն, որը կապվում է Թումանյանի մի բանաստեղծության ստեղծագործական պատմությանը և արժանի է առանձնակի ուշադրության:

1916 թ. ձմռանը¹⁰ Սասունի մարտիկների կողմից Թիֆլիս ուղարկված Մարտիրոս վարժապետը Ազգային բյուրոյի նիստում ռազմաճակատի և հատկապես Սասունի մասին ղեկուցելիս նկարագրում է Արևմտյան Հայաստանում մնացած հայության ծայրահեղ ողբերգական վիճակը քստմենլի պատմություններով. «Ամենքս ցնցված էինք,— գրում է Արշակ Զամալյանը,— իսկ Թումանյանի դեմքը սպիտակ ծեփի գույն էր առել. Նրբ Մարտիրոս վարժապետը սկսեց պատմել, թե ինչպես մեկ հայ կնոջ ստիպել էին խմել սևիական դավալի արյունը՝ սովթանի կենացը՝ Թումանյանը ելավ տեղից և դուզոջ քայլերով մեկնեց նիստից: Մի ամբողջ շաբաթ նա հիվանդ էր: Այս գևաքերի ազդեցության տակ է գրված նրա մի ոտանավորը, որից հիշողությանս մեջ մնացել են միայն վերջին երկու տողերը.

¹⁰ Հեղինակը գրում է 1915-ի ամառ, որ անշուշտ վրիպում է, վկա՝ բանաստեղծության տպագրության ժամանակը՝ «Հորիզոն», 1916, փետրվարի 28 (№ 46):

Եվ մարդն ամաշի շնից ու գելից,
Որ մարդ է ծնած իրեն նմանից...»:

Այս տողերը գրված լինելով հիշողությանմ՝ փոքր-ինչ աղավաղված են. պետք է լինի՝

Եվ մարդ ամաշի գելից ու շանից,
Որ մարդ է ծնվել՝ մարդու նմանից¹¹:

Բայց էականն այդ չէ. խոսքը վերաբերում է Թումանյանի «Դժոխքի հանդեպ» բանաստեղծությանը, որի ստեղծագործական շարժառիթը հաստատում է «Հորիզոն» օրաթերթը բանաստեղծության տպագրությանը հետո, իր հաջորդ համարում. այստեղ օրաթերթի խմբագրությանը հայտնում է, թե անցյալ համարում Հ. Թումանյանի «...բանաստեղծության մեջ ակնարկված երեխայի արյունը մորը խմեցնելու դեպքը վերջին օրերի իրականությունից է առած»¹²:

Մարգասիրական մեծ տառապանքով և թշնամու նկատմամբ անսահման նողկանքով տոգորված Թումանյանի բանաստեղծական խոսքը դարերին է հասցնում այն սոսկալի բարբարոսությունը, որ կատարվում էր հայ մարդու նկատմամբ և ստիպում նրան թողնելու իր բնօրրանը:

Հայության նոր արտագաղթին խոչընդոտ հանդիսանալու համար Ազգային բյուրոն զիմում է Կովկասի բարձրագույն իշխանությանը, խնդրելով թույլ տալ որոշ տեղերում զինել անպաշտպան ժողովուրդին, ապահովել նրանց անվտանգությունը սեփական հողի վրա, դարավոր հայրենիքում: Այդ խնդրանքին պատասխանել են, թե չեն կարող «...հայերին զինելով՝ գրգռել հարևան ժողովուրդներին»¹³:

Այնուհետև բյուրոյի նախաձեռնությամբ բնաշխարհ են ուղարկվում հայ մտավորականներից կազմված խմբեր, որոնք միջնորդ պետք է հանդիսանային ռուս պաշտոնյաների և հայ բնակչության միջև: Շուտով արգելվում է այդ ևս. պաշտոնապես առարկում են, թե զինվորական տեսակետից «անթույլատրելի է այդպիսի քաղաքացիական

11 «Վեմ» Ա, Փարիզ, 1933, էջ 21: Երկտողը ճշտված է ըստ՝ Հովհաննես Թումանյան, Երկերի ժողովածու տաս հատորով, հատ. I, 1988, էջ 284: Նախորդ գիտական հրատարակության մեջ այդ երկու տողը հանված է (I, 184):

12 «Հորիզոն», 1916, № 47 (մարտի 1):

13 ՊԿՊԱ, ֆ 228, ց 1, դ 7, թ 2:

խմբերի գործունեությունը ռազմաբեմի շրջանում, որից հետո մտավորականներից կազմված խումբը հտ կանչվեց»¹⁴:

Ինչպես տեսնում ենք, կամավորական խմբերի ցրելուց հետո Ազգային բյուրոն իր դերը կորցնում է:

Նախ, Վորոնցով-Դաշկովի պաշտոնից հեռանալուց հետո Գևորգ Վ կաթողիկոսը անձնական վրեժխնդրությամբ բյուրոյի նախագահ Մեսրոպ հպիսկոպոսին տեղափոխում է Աստրախան¹⁵, որպես տեղի հայոց թեմի առաջնորդ, նրան փոխարինող բերելով Աստրախանի նախորդ առաջնորդին՝ Մխիթար հպիսկոպոսին, որը մի խեղճ անձնավորություն էր, անկարող թեկուզ չնչին նախաձեռնություն:

Թե ինչ էր տիրում բյուրոյի ներսում, տեղեկանում ենք Թումանյանի՝ 1916-ի նոյեմբերի 6-ի՝ Մեսրոպ հպիսկոպոսին հասցեագրված անտիպ նամակից: Պարզվում է, որ բոլորովին խարխլվել է բյուրոյի գոյությունը, նիստեր տեղի չեն ունենում, ծայր են առել լուրջ դժգոհություններ, անվայել խոսակցություններ բյուրոյի առանձին անդամների վերաբերյալ: «Պատմություններ են պտտվում՝ դրամական բովանդակություն ունեցող պատմություններ», — գրում է Թումանյանը: Ինչպես պարզվում է նույն նամակից, բյուրոյից դժգոհ էր հատկապես Անդրանիկը, որն անմիջապես պահանջում էր իր միջոցով հանգանակված գումարի հաշիվը և շտառնալով, նամակ էր գրել՝ մամուլում այդ մասին հանդես գալու, բայց Թումանյանը կանխել էր: Դժգոհություններ են եղել մանավանդ զաղթականության մեջ՝ Փախստականներին օգնող կենտրոնական կոմիտեից: Այդ դժգոհությունները պարզաբանելու համար Մխիթար հպիսկոպոսը քանիցս դիմել է Թումանյանի օգնությանը. «Տասն օր է մոտս ժողովներ են լինում», — գրում է բանաստեղծը նույն նամակում¹⁶: Ուրեմն բյուրոյին վերաբերող կոնկրետ հարցերը արդեն կենտրոնանում էին Թումանյանի բնակարանում, այն էլ պատվավոր նախագահի և հոգևոր առաջնորդի միջնորդությամբ: Այդպես էր Թումանյանի ճակատագիրը, ազգային և մշակութային շատ հարցեր պտտվելով՝ ի վերջո հանգրվանում էին Ամենայն հայոց բանաստեղծի ուսերին:

Փետրվարյան հեղափոխությունից հետո Ազգային բյուրոն փորձում է աշխուժացնել իր գործունեությունը:

¹⁴ Նույն տեղում, թ 3:

¹⁵ Ան, Անցյալից, էջ 360:

¹⁶ ԳԱԹ, ԹՖ, № 413:

1917 թ. մարտի 7-ին հրավիրվում է առաջին նիստը քաղաքական նոր պայմաններում: Իր ելույթում «Մշակի» խմբագիր Համբ. Առաքելյանը հայտարարում է, որ այդ ժողովը նվիրված է հեղափոխությանից հետո հայ ժողովրդի՝ ազգային հարցերի առաջադրման և բյուրոյի գործունեության նոր դիրքորոշմանը: Բայց ժողովի արձանագրությանից երևում է, որ բյուրոն գտնվում է նույն տեղում¹⁷ ու բոլորովին պատահական չեն կոչի խոսքերը, թե «Ազգային բյուրոյի համար հեղափոխությունը բերում էր բնական մահ»¹⁸:

Չհայած ընտրվում է բյուրոյի նոր կազմ, նույնիսկ որոշվում է կենտրոնական կոմիտեն դարձնել 20 հոգի, բայց հաջորդ՝ մարտի 20-ի նիստում Թումանյանը բավարար է համարում 15-ը և դեմ արտահայտվում Գր. Չալսուշյանի համագումար հրավիրելու առաջարկին՝ համոզված, որ բյուրոն այլևս անընդունակ է, անկարող նոր գործ անելու: Արվում էին անհեթեթ, արկածախնդրական առաջարկներ, բուկրվում էին սուր վիճաբանություններ, որոնցից ոչ մի օգուտ չունեի անքան կարիքներ ունեցող արևմտահայությունը: Նույն թվականի ապրիլի 4-ի նիստում Թումանյանը դեմ է արտահայտվում ելույթ ունեցողներին մեկի՝ Ամերիկայից օգնություն հայցելու առաջարկին, դրա մեջ որևէ հեռանկար չտեսնելով¹⁹:

Ինչպես տեսանք, Ազգային բյուրոյի նիստերի՝ Թումանյանի ելույթների մեր բերած օրինակներից, նա բազմիցս հակադրության մեջ է եղել Ազգային բյուրոյի անգամների, «վերևներից» եկած որոշումների հետ, առաջադրված հարցերի կապակցությամբ տվել է սկզբունքային, պատճառաբանված պատասխաններ: Այդ իմաստով բոլորովին պատահական չեն Անդրանիկի խոսքերը, թե «Թումանյան մնաց Ազգային բյուրոյի մեջ և պաշարեցավ մութ ու տգետ ուժերուն դեմ...» (ԹժՀ, 551):

Այլևս հույսեր չկապելով Ազգային բյուրոյի աշխուժացման հետ, 1917 թ. մայիսին Թումանյանը մի նոր թափով նվիրվեց զրոգների ընկերության գործունեությանը և Հայկազյան ընկերության կազմակերպման աշխատանքներին: Մայիսի 27-ին տեղի ունեցած զրոգների

17 ՊԿՊԱ, ֆ 222, ց 1, դ 8, թ 1—2:

18 ԱՆ, Անցյալից, էջ 360:

19 ՊԿՊԱ, ֆ 222, ց 1, դ 111, թ 113:

քնկերության նիստում հաստատուում է նոր կանոնադրութիւն, ընթեր-
վում է նոր վարչութիւն զարձալ Թումանյանի գլխավորութեամբ: Հա-
ջորդ օրը Ազգային բյուրոյի վերջին նիստն էր, որին Թումանյանը ար-
գեն չի մասնակցել:

Փոթորկոտ է եղել այդ վերջին նիստը, վեր է ածվել մի տեսակ
հաշմահարդարի, փնտրել են բյուրոյի գործունեութեան անհաջողութեան
մեղավորներին: Նիստին մասնակցում էր Անդրանիկը և, չնայած իր
հետեւողական ուսական կողմնակցութեան, մեղադրում էր ցարական
կառավարութեանը, որը բացարձակորեն խաբեց իրենց. «Կախվելու ար-
ժանի են Մեսրոպ եպիսկոպոսը և ինքը, որ համատաքել են կառավա-
րութեան խոստումներին», — կարգում ենք Անդրանիկի խոսքերը այդ
ժողովի արձանագրութեան մեջ: Բյուրոն մեղադրվում էր հատկապես
կամավորական շարժման համար, այն անվանվում էր արկածախնդրու-
թիւն: Խիստ ելույթ է ունեցել Համբ. Առաքելյանը: Արամայիս Երզրնկ-
յանը սոցիալ-դեմոկրատական դիրքերից խստագոյնս դատապարտում
էր դաշնակցութեանը և՛ կամավորական շարժման, և ինքնավարութեան
ակնկալիքների համար, համոզված, որ հայերը պետք է չեղոք մնային,
չմասնակցեին պատերազմին, քանի որ այն վարում էին իմպերիալիս-
տական երկրները:

Նիստի մասնակից Լեոն մեղադրում էր բյուրոյին՝ կուրորեն փո-
խարքային համատալու համար, իսկ ինքը, հայտարարել է նա, միշտ
համոզված է եղել, որ Ռուսաստանը երբեք հայերին ինքնավարու-
թիւն չի տա²⁰:

Հետաքրքրական է, որ այդ հարցերին հետագայում անդրադառ-
նալիս, Լեոն հիշել է մի ժողով «Հորիզոնի» հրատարակիչ Համբ. Մե-
լիքյանի տանը, որտեղ մասնակիցները, ոգևորված կամավորական խըմ-
բերի առաջին հաջողութիւններով, առաջարկում էին հրապարակ հա-
նել իրենց պաճառներն ու պայքարել հանուն ինքնավարութեան. «Եր-
կու հոգի էինք, որ հակառակ ուղղութեամբ արտահայտվեցինք՝ Հովհ.
Թումանյանը և ես», — գրել է Լեոն²¹: Նա իրավասի էր:

1914 թ. դեկտեմբերին, երբ Թումանյանը դեռ չէր վերադարձել
աւգմաճակատից, «Հորիզոն» և «Մշակ» օրաթերթներում մի նոր բա-
նակալ է սկսվում հայ ժողովրդի պաճառների շուրջ: Քննութեան
առարկան Արեւմտեան Հայաստանի ինքնավարութեան խնդիրն էր, որի

²⁰ ՊԿՊԱ, ֆ 222, ց 1, դ 4, ք 37—40:

²¹ Լեո, Անցյալից, էջ 307:

առիթով քննադատել էին նաև Թումանյանին, հակառակ դիրքի կանգնած լինելու պատճառով²²;

Հայկական հարցի մասին գրած իր հոդվածներում («Երևելան պատմությունը և այսօրվան իրականությունը», «Ահա թև ինչու», «Հայկական հարցն ու իր լուծումը», IV, 203—206, 209—215, 225—236) Ազգային բյուրոյի ստեղծման օրերին (1912), դրանից առաջ և հետագայում, Թումանյանը քաղաքական ազատության կամ ինքնավարության հարց չի դրել՝ դրա համար հեռանկար չտեսնելով: Նրա պահանջը սահմանափակվում էր հայ մարդու կյանքի, դուլքի, պատվի և կուլտուրական վարձացման ապահովման մեջ, որը պիտի իրականանար Ռուսաստանի հովանավորությամբ:

Հայտնի է Թումանյանի մի անթվակիր գրառումը (կամ ծրագրային նշում՝ հետագայում ընդարձակ հոդված գրելու համար) Հայաստանի անկախության մասին: Հրատարակիչները այն թվագրել են՝ 1918, որը հավանական է: Իսկ եթե ուզենանք ավելի որոշակի դարձնել գրության ժամանակը, ապա պետք է ենթադրել, որ գրված է այն օրերին կամ քիչ անց, երբ ստեղծվեց Հայաստանի անկախ հանրապետությունը (1918, մայիսի 28), երբ Ղարաբաղի իսալի պարտությանը հաջորդեց հունիսյան անարգար դաշնագիրը Թուրքիայի հետ և երբ Արևելյան Հայաստանի լավագույն մասը, ըստ այդ պայմանագրի, անցավ թուրքերին: Անդրանիկը՝ այդ մեծ հայրենասերը, ոչ մի կերպ չընդունեց իր հայրենիքի նոր կորուստը, կտրեց հարաբերությունը Հայաստանի կառավարության ղեկավարների հետ և երբեք չներեց նրանց: Բերվում է Թումանյանի գրառումը ամբողջությամբ.

«Այո՛, անկախությունը լավ բան է: Դրա մասին չխոսենք: Բայց եթե ինքը՝ հայ ժողովուրդը՝ ֆիզիկապես, ֆինանսապես, բարոյապես անկարող է իր անկախությունը պաշտպանելու, ոչ մի պետություն էլ հանձն չի առնում նրան հովանավորելու և պաշտպանելու, — ի՞նչ պետք է անենք: Չենք ուզում:

Եթե անկախությունը թոկ է դառնալու հայությունը խեղդելու համար — չենք ուզում:

Եթե անկախ Հայաստանը դառնալու է մի փոքրիկ վանդակ ամեն կողմից դռները փակած և միակ դուռն էլ, որ բաց է — բաց է տաճիկ ասկյարի համար, չենք ուզում» (VI, 248—249):

²² «Հորիզոն», 1914, № 272, «Մշակ», 1914, № 274:

Ավելի ուշ, երբ դարերով սպասված ու հաղիվ ստեղծված Հայաստանի անկախ հանրապետությունը կանգնած էր անդունդի եզրին, երբ «գարավոր հարևանները» և նվաճողական ձգտումներով Կովկասում գործող «դաշնակիցները» ցանկանում էին ծվեն-ծվեն անել խոշտանգված Հայաստանի մի կտոր մնացած արյունոտ հողը, երբ ժողովուրդը սովից, աղքատությունից, հիվանդությունների համաճարակից սպառված շարունակում էր դիմադրավել թուրքերի հարձակումներին՝ հաստատվում էին Թումանյանի՝ տարբեր իրադրություններում գրած և հրապարակած իմաստուն մտքերը Հայաստանի ինքնավարության կամ անկախության մասին:

1917 թ. մի առիթով Անդրանիկի հետ զրուցելիս նա այն կարծիքն է հայտնել, որ ի վերջո Արևմտյան Հայաստանը պիտի միանա Արևելյան Հայաստանին և նրա հետ բաժանի ողու ժողովրդի բախտը²³⁻²⁴:

Համաշխարհային պատերազմի օրերին թուրքական լծից արևմտահայ ժողովրդի ազատությունը ցարական Ռուսաստանի հետ կապելը, իհարկե, սին երազ էր: Պատերազմն սկսվել էր իմպերիալիստական պետությունների նվաճողական ձգտումների իրականացման համար: Հասկանալի է, հայ ժողովրդի ազատագրական իղձերն այդ պատերազմում իրագործվել չէին կարող:

Բայց ինչպե՞ս էր, որ Թումանյանն ու Անդրանիկը, համաշխարհային պատերազմի ժամանակ հայ ժողովրդի նկատմամբ ցարիզմի վարած դավաճանական քաղաքականությունը տեսնելուց հետո էլ մնացին ողուական դիրքորոշման կողմնակիցներ: Դրա հիմքը այն համոզմունքն էր, որ Ռուսաստանն է միակ իրական հակաթուրքական ուժը: Նրանք հույս ունեին, որ Ռուսաստանում կհաղթեն դեմոկրատական ուժերը:

Ինչպես տեսանք, համաշխարհային պատերազմի տարիներին Թումանյանի գործակցությունը Ազգային բյուրոյի հետ կարևոր տեղ է գրավում նրա հասարակական գործունեության մեջ: Մեր նյութի սահմաններից դուրս էր մանրամասնորեն խոսել բյուրոյի գործունեության բոլոր կողմերի մասին: Միզ հետաքրքրողը Թումանյանի մասնակցությունն էր, որով նա դրսևորեց իր անկիղծ հայրենասիրությունը և նվիրումը հարազատ ժողովրդի խաղաղ կյանքի իրականացման գաղափարին: Բյուրոյի աշխատանքի ամենամեծ թերությունը տարբեր կու-

23-24 Ա. Թերզիբաշյան, Անդրանիկ, Փարիզ, 1942, էջ 293:

սակցությունների անմիաբանությունն էր, կենտրոնական կոմիտեի կազմում: Միայն «Մշակի» և «Հորիզոնի» բանակախմբները բավական էին տարբեր հայացքների սուր բախումների համար:

Տակավին 1915 թ. մայիսի 21-ին «Հորիզոնում» հրապարակած Թումանյանի «Զգաստություն» հոդվածը, որը տպագրվել է բավական կրճատված (այդ երևում է թերթի սպիտակ հատվածից), շատ որոշակի ցույց է տալիս, որ Աղզային բյուրոյում իշխող է անմիաբանությունը, և Թումանյանի հոդվածը, զգուշացնելով այդ խիստ վտանգավոր երևույթից, պահանջում էր զգաստություն: Որպես բյուրոյի հիմնադիրներից մեկը, քաջատեղյակ, հատկապես, պատերազմի սկզբի նրա գործունեությանը՝ կապված կամավորական շարժման կազմակերպման հետ, հոդվածի հեղինակը առանձնացնում է բյուրոյի դերը հայ ժողովրդի մեջ «համերաշխություն ու միություն» բերելու գործում: «Եթե մենք մի ժողովուրդ ենք, որ արժանի ենք ավելի լավ օրերի ու ապագայի,— գրում է Թումանյանը,— պետք է սնունդ ու ծավալ շահենք անմիաբանության վատ ջանքերը մեր մեջ՝ մեր սրբազան ձգտումի վայրկյանին»: Նա կոչ էր անում բոլոր ուժերը ծառայեցնել միայն հաղթանակի համար, որը «...պահանջում է կոռն միություն» մեծ պատերազմի հանդեպ՝ մեծ ապագա ստեղծելու համար²⁵:

Հոդվածը գրված է Վանի փառապանծ ինքնապաշտպանության, հաղթանակից հետո, երբ ընդհանուր ոգևորություն էր տիրում, և այդ ոգևորության մթնոլորտում ավելի վտանգավոր էր անմիաբանության ոգին:

Աղզային բյուրոյի գործունեության ամենակարևոր ձեռնարկումը, այնուամենայնիվ, կամավորական շարժումն էր, որը միավորեց հայ ժողովրդի ջրված ուժերը, բարձրացրեց նրա աղզային ինքնազիտակցության ոգին ու մղեց սխրանքների: Դա կատարվեց հակառակ ցարական սատրապների, որոնք ամեն կերպ խանգարում էին հայերի ազատասիրական ձգտումները, նպատակ ունենալով դրավել Հայաստանն առանց հայերի, մի ցանկություն, որ դալիս էր տակավին անցյալ դարի 90-ական թվականներից...

Աղզային բյուրոյի վերջին նիստում հնչած քննադատությունը, նրա գործունեության մեջ արկածախնդրություն տեսնելը շուտով դուրս եկավ սոցիալ-դեմոկրատական մամուլ և, տարածվելով ու լայն շրջանակներ ընդգրկելով, հասավ մինչև 30-ական թվականները, երբ ցարական բա-

²⁵ «Հորիզոն», 1915, № 110:

նակում սպայի աստիճան ստացած ու կամավոր զինվոր եղած ամեն մի հայ, Ստալինի ու Բերիայի սաղրանքներով, դառնում էր ժողովրդի թշնամի ու դնդակահարվում կամ աքսորավայրերի հեռավոր ճամբարներում կնքում մահկանացուն:

Անցել են այդ օրերը: Հայ ժողովուրդը երեք չափս է մոռանալու իսկական հայրենասերներին, որոնք իրենց կյանքի զնով սպաքարի մեջ մտան, տարան բաղմաթիվ հաղթանակներ, բայց ի վերջո սարսուղեցին. դա էլ մի նոր Ավարայր էր հանուն դոյատեման: Չմոռանանք, որ հատկապես կամավորական խմբերով տարած իր հաղթանակների համար փառաբանվեց զորավար Անդրանիկը: Հիշենք, որ կամավորական ջոկատներից մեկի ղեկավարն էր Գայը՝ Հայկ Բժշկյանը: Որպես կամավոր է զինվորագրվել նաև պատանի Չարենցը և իր ժողովրդի ազատության համար սպաքարելու տենչով հասել է Վան ու տեսել միայն դիակներ...

Ես կարծում եմ—այնտեղ,
Ռումբերի ահեղ որոտում
Կգտեմք քո դեմքը լուսե,
Բայց գտա ... դիակներ փայտե...

* * *

Տակավին 1915-ի նոյեմբերին, երբ տարակույս չկար, որ ցրվելու են կամավորական խմբերը, Անդրանիկը շարունակում էր համարել իր ջոկատները: Նա նոր հաղթանակներ էր տանում Արձավաղի, Ախլաթի, Գառվանի ուղղությամբ և, չնայած ռուսական բանակի զենքավ Աբաղեի նյութած դավերին, 1916 թ. փետրվարի 19-ին գրավում է Բիթլիսը:

Գարնանը բանակը հանձնելով զինակիցներին, Անդրանիկը ռազմադաշտից գալիս է Թիֆլիս արձակուրդ²⁶, իսկ այնուհետև ապրում ու գործում էր Կովկասում, ամբողջովին նվիրված արևմտահայ դաղթականության ճակատագրին:

Թիֆլիսում գտնված միջոցին մի նոր ջերմությամբ է նորոգվում Թումանյանի և Անդրանիկի բարեկամությունը: Բանաստեղծն ու ռազմիկը հաճախ հանդիպում էին, սիրով զրուցում, իսկ զաղափարների, հայացքների նույնությունը նրանց ավելի էր մտերմացնում: Երկուսի էլ հոգսերի հոգսը հայ ժողովրդի ծանր կացությունն էր, անորոշ ապագան:

²⁶ Ձորավար Անդրանիկի Կովկասյան ճակատի պատմական օրագրությունը, էջ 45:

«Նրանք իրար շատ էին սիրում-բարձրի ըմբռնումների խիստ նըմանություն կար երկուսի միջև: Անդրանիկը ևս անզուգական պատմող էր: Նրան լսելիս՝ պատմության, անձնավորությունների, տեղի, ժամանակի, ընդհանուր մթնոլորտի ամենաիրական, կենդանի պատկերացումն էինք ստանում»: Այսպես է գրել Վ. Թոթովենյը, որ Թիֆլիսում հաճախ է հանդիպել Անդրանիկին Թումանյանի տանը, ականատես եղել նրանց ջերմ փոխհարաբերությանը և ականջալուր նրանց զբոլացնելուն, հետաքրքրական պատմություններին (ԹԺՀ, 141—142), իսկ թե որքան շատ բան ունեին իրար պատմելու նրանք՝ ապացույց է երկուսի կյանքի հարուստ պատմությունը, որ անխզելիորեն միաձուլած է հայ ժողովրդի ողբերգություններին ու փորձություններին ...

1916 թ. հուլիսին Անդրանիկը Պյատիգորսկում բուժում էր հոդացավերը: Բուժումը որքան էլ անհրաժեշտ էր հիվանդի համար, շուտով դառնում է երկրորդական: Նա մեծ գործունեություն է ծավալում գաղթականությանն օգնելու, նրանց համար աշխատանք, ապաստան ապահովելու:

Տեղի բարեգործական ընկերության ներկայացուցիչները կազմակերպում են բաղամարդ ճաշկերույթ ի պատիվ հայոց ականավոր ղեկավորի: Լսելով իր մասին ասված ոգեշնչված ճառերը, Անդրանիկը, որպես «հայր անպաշտպան որբերուն», կոչ է անում օգնել որբերին, անօգնական փախստականներին:

Շնորհիվ Անդրանիկի հուզիչ, սրտառու խոսքի, հանքային ջրերի բոլոր առողջարաններում հօգուտ արևմտահայ գաղթականության հանդանակվում է մոտ տասը հազար ռուբլի²⁷:

Նույն ժամանակ Թումանյանը Բորժոմում էր գտնվում, որտեղից և գրում է առաջին նամակը Անդրանիկին: Նամակը մեղ չի հասել, բայց պահպանվում է հասցեատիրոջ 1916-ի հուլիսի 19-ի պատասխանը, որից պարզվում է, թե բանաստեղծն իր նամակում դժգոհել է հայ ժողովրդի համար այդ ծանր ժամանակներում շրջահայաց, խելամիտ մարդկանց, ժողովրդի շահերով մտահոգված իսկական գործիչների պակասից:

«...Դրեթե մխիթարական ոչինչ չէիր գրած,— պատասխանել է Անդրանիկը:— Դրած ես, որ ճառ խոսելու համար խելոք մարդիկ չունենք: Սխալվում ես,— չի համաձայնել Թումանյանի հետ Անդրանիկը և հեգնանքով ավելացրել,— միևնույն դուռ հրավիրե, տես որչափ հա-

²⁷ «Բանբեր Հայաստանի արխիվների», Եր., 1965, № 1, էջ 21:

վաքվեն դիտիդ սովորական սոխականեր... եթե հայոց ազգից կը պակսին խելոք մարդիկ՝ ճապոնացի վերցնենք»²⁸;

Ինչու է Անդրանիկը անպայման ճապոնացուն հիշում: Առաջին հայացքից թվում է, թե նա ծաղրում է այն ազգային գործիչներին, որոնք հայության ազատագրության համար ասպարեզ էին մտնում՝ անտեղյակ այդ ժողովրդի կյանքին, նրա պայքարի առանձնահատկություններին ու պահանջներին, այնքան, որքան մի հեռավոր՝ հայությանը բոլորովին անծանոթ ճապոնացի:

Բայց այդպես չէ: Անդրանիկը Թումանյանի նման միշտ հակասությունների մեջ է եղել Ազգային բյուրոյի անդամների անհեռանկար ձեռնարկումների հետ: Այս նամակում էլ նա ծաղրում է բյուրոյի անդամ (նախկին նախագահ) Սամսոն Հարությունյանի՝ Ճապոնիայից օգնության ակնկալություն ունենալը: Վերջինս իր այդ կարծիքը քննության առարկա է դարձրել նույնիսկ հետագայում՝ Հայոց ազգային խորհրդի 1917 թ. նոյեմբերի նիստերից մեկում, ուր որոշակի հայտարարել է. «...Մեր ուժերը բավական չեն, կազակներն ու Ճապոնիան կարող են օգնել մեզ»²⁹:

Անդրանիկը Ազգային բյուրոյի անդամների այս և նման արկածախնդրական կարծիքները նկատի ունի նաև հետագայում հրապարակած իր հուշերի այն տողերում, որտեղ ընդգծում էր Թումանյանի և բյուրոյի «մութ ուժերի» հակասությունները (ԹԺՀ, 551):

Դեռ նախքան Թումանյանի և Անդրանիկի Թիֆլիսից մեկնելը, 1916 թ. հունիսի սկզբներին հայ և վրացական մամուլում հրապարակվում են թղթակցություններ, սպառնալով խախտել հայ-վրացական խաղաղ հարաբերությունները, և, որքան էլ ցավալի է, հանրամարտի վարկաբեկվում էր Անդրանիկի անունը: Քաղաքում տարածվել էր, իբր թե Մեսրոպ Խաչատուրյան Տեր-Մովսիսյանը՝ Թիֆլիսի և Իմերեթի հայոց թեմի առաջնորդը և Հայոց ազգային բյուրոյի պատվավոր նախագահը, ղենք է ստանում, բաժանում հայերին՝ Անդրանիկի առաջնորդությամբ վրացիների դեմ կռվելու համար:

Տվյալ դեպքում մեզ հետաքրքրողը անհեթեթ ու սուտ լուրերը չեն, այլ այդ առիթով Թումանյանի և Անդրանիկի համատեղ հրապարա-

²⁸ ԳԱԹ, ԲՖ, № 499:

²⁹ Զ. Կիրակոսյան, Առաջին համաշխարհային պատերազմը և արևմտահայությունը, Եր., 1965, էջ 450:

կային ելույթը՝ բանաստեղծի «Ի՞նչ են ասում» հոդվածում: Այն հրապարակվեց 1916 թ. հունիսի 8-ին: Հեղինակի սուր գրչով մտացածին այդ լուրերը ստացան իրենց խմաստուն ու ջախջախիչ հերքումը:

Այստեղ ամենից ուշագրավը. երկու դադափարակից գործիչների՝ բանաստեղծի ու ռազմիկի, սրաառուշ հանդիպումն էր, նրանց մարդկային բարձր հասկանիչների, հայացքների ու սկզբունքների նույնությունը, արյուն թափելու մի նոր օջախ կանխելու, դարավոր հարևանի հետ գծավիւղայ խուսափելու ձգտումը: Տեղեկանալով իր մասին քոարածված բամբասանքներին, Թումանյանի հետ զրույցիւս ժողովրդական հերոսը վրացիների հասցեին ասել է. «Խեղճ մարդիկ. Անդրանիկը եթե խումբ կազմելու լինի, ոչ թե ձեր դեմը գալու համար կկազմի, այլ ձեզի օգնելու, եթե երբեկից դուք էլ նեղություն մեջ լինեք մի էնվերի ձեռքից, ինչպես մեր ժողովուրդն է... էսպիս դրե նըրանց...» (VI, 224):

Իր հոդվածում, նպատակ ունենալով բոլորովին հերքել տարածված լուրը, միևնույն ժամանակ օգտվելով առիթից, Թումանյանը Անդրանիկին բնորոշում է իբրև մի մեծ մարդասերի, որի համար հաշտ ու խաղաղ քուրդը նույնն է, ինչ իր ազգակից հայը և ի հաստատումն այդ գնահատականի՝ բերում է Անդրանիկի խոսքերը, որոնք վաղուց դարձել էին նրա կյանքի և գործի հավատո հանգանակը. «Երբ իրիկունը պիտենրդ բարձին կդնեք, որ քնանաք, մի քիչ մտածեցեք ձեր ազգի մասին: Այնուհետև մտածե՞ոք ձեր հարեանի մասին, հայ լինի նա, թուրք լինի, ռուս լինի, վրացի լինի, ով կուզե լինի, և բարի մտածեցեք...» (VI, 225):

«Ի՞նչ են ասում» հոդվածում Թումանյանը մեղադրում էր ոչ միայն այդ սուտ, անհիմն լուրերի հեղինակին, այլև վրաց աչն մտավորականին, որը թույլ էր տվել զրավոր հրապարակել այդպիսի «վտանգավոր խոսքեր» «անպատիժ ու անպատասխան»:

Հեղինակը համոզված էր, որ նման երևույթները խարխւում են իրկու հարեան ժողովուրդների խաղաղ կյանքի հիմքերը, սպանում մարդկանց մեջ «ամենաազնիվն ու ամենագեղեցիկը՝ սերն ու հավատը դեպի իր նմանը, իր ընկերն ու հարեանը», իսկ դա, ըստ բանաստեղծի, տվելի մեծ չարիք էր, քան եթե Անդրանիկը իսկապես խումբ կազմեր ու հարձակվեր վրացիների վրա:

վերջում, դիմելով վրաց դրողներին ու հրապարակախոսներին, Թումանյանը նրանցից պատասխան էր սպասում:

Քննարկվող հոգվածը երկրորդ անգամ տպագրվել է բանաստեղծի Երկերի ժողովածուի VII հատորում, որի ծանոթագրություններում նշված չեն հոգվածի տպագրության արձագանքներն ու հետևանքները:

Պրպումները պարզում են, որ այդ անհիմն, բայց և վտանգավոր խոսակցության հիմնական մեղքը ընկնում է «Սամշոբլո» («Հայրենիք») օրաթերթի վրա: «Հորիզոնի» թղթակիցը նույնպես պահանջում էր վրաց դեմոկրատական «Սախալիսո փուրցելի» («Ժողովրդական թերթ») և «Թանամեդրովե տղրի» («Ժամանակակից միտք») թերթերից՝ պատասխանատվության կանչել մեղավորին, որը անմիտ, չար և անմարդկային խաղ է խաղացել մի այնպիսի ժամանակ, երբ հայը առանց այն էլ «արդեն շնչասպառ լողում է արյան մեջ»³⁰: Օրեր անց վերջապես իր խոսքն է ասում «Սախալիսո փուրցելին»: Արտատպելով Թումանյանի հոգվածի՝ Անդրանիկի խոսքերը, վրաց դեմոկրատական թերթը հայտարարում է, թե հայ օրաթերթի հանդիմանությունը արգարացի կլինե՞ր այն դեպքում, «եթե վրաց հասարակայնությունը համակարծիք լինե՞ր և արդարացի համարե՞ր այդ մեղադրանքը: Եթե որե՞է մեկը մի անհիմն մեղադրանք է հայտնում, այդ դեռ չի նշանակում, թե վրաց հասարակությունը կհավատա և որե՞է նշանակություն կտա այդ բանին»³¹:

Դեմոկրատական թերթի պատասխանը որքան խաղաղասիրական էր, այնքան էլ՝ խուսափողական: Եթե թերթը վստահ էր, թե սուտ են լուրերը Անդրանիկի՝ վրացիների վրա հարձակվելու մասին, ապա չպետք է սպասե՞ր հայոց բանաստեղծի հրապարակալին ելույթին. ի վերջո՝ ամբաստանվում էր խաղաղության ձգտող մի ժողովուրդ իր հոգեոր առաջնորդի հետ և այնպիսի մի ժողովրդական հերոս, որի համբավը վաղուց դուրս էր եկել Կովկասի սահմաններից:

Նույն օրերին բավական տգեղ մի ելույթով հանգես է դալիս «Սաքարթվելո» թերթը: Սա էլ իրեն միամիտ կամ անտեղյակ ձևացնելով՝ հայտարարում է, թե վրացական ոչ մի թերթ հայերի հասցիին նման բան չի տպել և եղրակացնում՝ դա պարզապես «Հայ խելոք քաղաքագետներն են ասում և, գուցե, պարզում իրենց սրտի ցանկությունը»³²:

³⁰ «Հորիզոն», 1916, № 127:

³¹ Նույն տեղում, № 139, «Սախալիսո փուրցելի», 1916, № 597:

³² Նույն տեղում, «Սաքարթվելո» 1916, № 114:

Զնայած այս բավական անհնթեթ և անորոշ պատասխաններին, Թումանյանի հոգվածը կատարում է իր դերը. մի կողմից՝ Անդրանիկի անվան վրայից ջնջվում են բամբասանքն ու սուտ լուրերը, մյուս կողմից՝ կանխվում են ազդամիջյան, մեղմ ասած՝ անախորժությունները: Նրեք ամիս անց «Սաքարթվելո փուրյելին» «հրճվանքով էր» հայտարարում, որ հայ-վրացական փոխհարաբերության հարցը արդեն խաղաղ կերպարանք է ընդունել, եթե, իհարկե, մի քանի «էլիմենտներ» նորից չպղտորեն ջուրը և լրագրական վեճում թույն ու մաղձ չմտցնեն: Թերթն այն կարծիքին էր, որ եթե կա հակամարտություն, ապա դա հայ ժողովրդի հետ կապ չունի, այլ վերաբերում է միայն բուրժուազիային³³:

Նույն օրը՝ սեպտեմբերի 18-ին, վտանգավոր այդ միջադեպը եզրափակում է դարձյալ Թումանյանը, հոգվածի փոխարեն հրատարակելով «Վրաստանի համար» բանաստեղծությունը³⁴:

Երբ խոսում են Վրաստանի
Թըշնամանքից արյունոտ,
Զարմանք է ինձ պատում հայտնի,
Եվ խորին ցավ, և ամոթ:

Այս բանաստեղծության մեջ ակնառու է հեղինակի ջերմ ու անկեղծ սերը, վստահությունն ու հավատը դեպի իր ժողովրդի դարավոր հարեանը, որը «դեռ ոճիր չի կատարել», «աղ ու հացն է սիրել» ու եղել է «միշտ աշխարհին բարեկամ» (I, 187—188):

* * *

1917 թ. դարնանը Անդրանիկի նախաձեռնությամբ Թիֆլիսում սկսում է հրապարակվել «Հայաստան» օրաթերթը. խմբագիրը Վահան Թոթովենցն էր: Հրատարակիչները իրենց առաջ նպատակ էին դրել ամբողջապես նվիրվել արևմտահայ քաղաքական, հասարակական ու տրնտեսական կարիքները հոգալու դործին և արձագանքել ժողովրդի օրվա պահանջներին: Հայտարարվում էր, որ թերթը չէր պատկանում որևէ կուսակցության և հոսանքի. «Անիկա կրնդունի արևմտահայ հասովածը իբրև առանձին հոսանք, դնելով ոսկեղեն հիմքը արևմտահայ հա-

³³ «Հորիզոն», 1916, № 208:

³⁴ Նույն տեղում:

սարակական-քաղաքական բոլոր կաղմակերպություններու համագործակցութեան և համագործակցան»³⁵։

Օրաթերթի առաջին համարը լույս տեսաւ ապրիլի 16-ին։ Այդ համարի առաջնորդողների բնույթ էին կրում Թումանյանի «Հայաստանը պիտք է խոսի» և Անդրանիկի «Հայրենիքի վերաշինութեանը» հոդվածները, որոնք հավատարիմ նորաստեղծ պարբերականի գաղափարական սկզբունքներին՝ կրեան էին բերում ժամանակին շատ կարեւոր երկու անհետաձգելի գործեր։

«Հայաստանը պիտք է խոսի» հոդվածից ակնհայտ է, որ Արեւմտյան Հայաստանի պատերազմական վայրերում (Բայազետ, Ալաշկերտ, Վան և այլուր) Թումանյանի երկու այցելութունները, ինչպես և էջմիածնում գաղթականութեան մեջ անցկացրած ծանր, ճգնաժամային օրերը փոխել էին նրա քաղաքական ըմբռնումները՝ ստիպելով նրան նոր տեսանկյունից նայելու հայ ժողովրդի ազատագրութեան գործին։

Քսանհինգ տարւա հասարակական գործունեութեան ընթացքում բանաստեղծը չէր կարողացել այնպես որոշակի խորամուկ լինել Հայկական հարցի իսկական էութեան մեջ, ինչպես բնաշխարհի ժողովրդի հետ ի մոտո շփուելու ժամանակ և հետո։ «...Մի ահագին ցաւ ծանրացաւ իմ սրտին,— գրում է Թումանյանը,— թե ես ինչքան քիչ տեղեկութեան եմ ունեցել էսօրվա կենդանի Հայաստանից, ես, որ համարվում եմ նրան ճանաչողներից մինը... ու վերջը՝ դարձյալ մի տխուր գիտակցութեան համակց ամբողջ էութեանս, ու մի խորին վիշտ, թե մենք ինչքան ենք տկար մեզ վրա եկած աղետի հանդեպ. տկար ֆիզիկապես, նյութապես ու բարոյապես»։

Ակնհերե է, որ այս հոդվածում Թումանյանը ժողովրդի ճակատագրով շահագործված գործիչներից պահանջում էր վերանայել հայ ազատագրական շարժման պատմութեանը ու շառաչնորդվել հին գաղափարներով, նոր մեթոդ մշակել, պայքարի նոր ձևեր որոնել, սովորել հին սխալների վրա։

Բանաստեղծի խոսքերի մեջ աչքի է ընկնում ավստոսանքը, ցավը կորցրածի համար, բայց երբեք՝ հուսահատութեանն ու հոգեհեռութեանը։ Նա լավատեսորեն վստահ էր, որ ի վերջո «Հայաստանը պիտք է խոսի», որովհետեւ նա «ապրել է մարդկային լավագույն ձգտումներով և ամեն ինչ տվել է ու կտա ազատ կյանքի համար» (IV, 396)։

³⁵ «Հայաստան», 1917, № 1։

Հողվածը, ինչպես տալից, գրված է 1917 թ. ապրիլին՝ փետրվարյան հեղափոխության թարմ ազդեցության տակ: Յարական ինքնակալության տապալումից հետո ստեղծված քաղաքական նոր իրադրությունը ազատության նոր հույսեր էր ներշնչում նաև հայությանը: Բնական է, որ իր ժողովրդի ներկայով և ապագայով մտահոգված բանաստեղծը ևս կոչ աներ նոր ճանապարհներ որոնելու՝ ավերված երկրի ապագա կյանքը տնօրինելու համար:

Բնաշխարհի ճակատագրի մի այլ կարևոր հարց էր դնում նույն օրը տպագրված Անդրանիկի առաջնորդող հոդվածը՝ «Հայրենիքի վերաշինությունը»: Վերնագիրը բավական խոստում է. աննկուն ռազմիկը ժողովրդից պահանջում էր բնակիչի դարձնել Հայաստանի նոր, մեծ ջանքերի դնով գրավված գավառները, որոնք թալանված էին, անմարդաբնակ և հիմնահատակ ավերված: Որքան էլ շատ էին գաղթած հայերը, այնուամենայնիվ, շատ-շատերը, իրենց կյանքը չպատկերացնելով առանց հայրենի օջախի, դանդաղ, մեծ զրկանքների դնով, մերկեռ քաղցած վերադառնում էին տնավեր հողերը առանց որևէ հեռանկարի:

Այդ միջոցին մեծ դեր ունեին կատարելու «Քաղաքների միության» ներկայացուցիչները, որոնք թուրքերից ազատված բնակավայրերում դեռևս 1915-ից կազմակերպում էին գարնանացանն ու աշնանացանը, ձևք էին բերում սերմացու, անասուններ, դուռլատնտեսական գործիքներ, մի խոսքով՝ ամեն ինչ սկսվում էր ոչնչից: Բայց հիմնական ծանրությունը մնում էր ժողովրդի վրա, նրանց կամքի, աշխատասիրության ու տոկունության վրա և Անդրանիկի հույսը ճկնից հայ աշխատավորն էր՝ և՛ արևմտահայ, և՛ արևելահայ:

Անդրանիկի հոգվածի՝ առաջին հայացքից պարզունակ տողերը իրենց մեջ բովանդակում էին Մեծ հայրենասերի խոր ապրումները, կորցրածը վերագտնելու նրա պաշտառ լավատեսությունը: Վերաշինությունը, ըստ հեղինակի, չի պահանջում առանձնահատուկ խելք ու կարողություն, որ շատերը իրենց տկար ղգալով մի կողմ անցնեն. այն դիվանագիտություն չէ, որ վերապահվի հատուկ մարդկանց: Նույնիսկ ծառ տնկելով, աղյուսը, քարը իր նախկին տեղը դնելով՝ կարելի էր մասնակցել վերաշինության անհետաձգելի գործին:

Գնահատելին այս հոգվածում հեղինակի՝ իր հայրենիքից վաղուց վտարանդի, ֆիզպական դաժան ու կոպիտ կյանքի սովոր այդ դիվորի քնքուշ վերաբերմունքն է հայրենի բնօրրանի նկատմամբ: Նրա

համար թանկ էին ավերված հայրենիքի ցիրուցան բեկորները, նա մը-տահոգված էր, որ «այսօրվա որբերը շման առանց դաշտերի կանաչու-թյան»³⁶:

Անդրանիկի հոգվածը բանաստեղծի հոգվածի տրամաբանական շարունակությունն էր: Եթե Թումանյանը վստահ էր, որ հայ ժողո-վուրդը ամեն ինչ կտա հանուն ազատ կյանքի, հնօրյա հայդուկը կոչ էր անում ջանք շխալել այդ կյանքի հիմնաքարերը դնելու, ավերված շենքերը վերականգնելու համար:

* * *

1917 թ. ամռանը բանաստեղծը մեկնեց Պյատիգորսկ հանգստանալու և բուժվելու, բայց շուտով նա էլ Անդրանիկի նման վերսկսեց հասա-րակական բեղմնավոր գործունեություն, որի ընթացքում մեծ ջանքերի գնով աշխատեց հաստատ հիմքերի վրա դնել ոչ միայն Հայկազյան բնկերությունն, այլև իր անհատական ասպարհությունը՝ հանգանակությունների ու անգամակցության միջոցով, այլև կազմակերպեց կովկասյան ճակա-տին գրամով և մարդկանցով օգնելու գործը (V, 430):

Օգոստոսի 15-ին Պյատիգորսկ ժամանեց նաև Անդրանիկը, այս անգամ էլ դառնալով բանաստեղծի հյուրը: 10—15 օր հետո, նույն-պես հետամուտ ճակատին և գաղթականությանը օգնելու գործին, Անդ-րանիկը մեկնում է Նոր Նախիջևան, որտեղից սևալտեմբերի 4-ին՝ Պյա-տիգորսկ՝ Թումանյանին ուղղած նամակով հետաքրքրվում էր իր բա-նաստեղծ բարեկամի գործունեությամբ, հատկապես կովկասյան ճա-կատի համար սկսած հանգանակության հաջողությամբ: Անդրանիկը խնդրում էր, որ Թումանյանը տեսնվի Կիսլավոդսկում գտնվող Նոր Նա-խիջևանի Ս. Խաչ վանքի վանահայր Հուսիկ վարդապետի հետ և նրա միջոցով ստանա վանքի տնօրինության տակ գտնվող հողային տա-րածությունը³⁷: Տարակույս չկա, որ վանքապատկան այդ հողերը պետք է հատկացվեին դարձյալ գաղթականությանը: Թումանյանի պատաս-խան համարը չունենալով, այդ մասին որևէ այլ տեղեկություն առայ-ժրմ չունենք:

Պյատիգորսկում գտնված միջոցին Նոր Նախիջևան մեկնելու մտա-դրություն ունեցել է նաև Թումանյանը երեք նպատակով. նախ պետք

³⁶ Նույն տեղում:

³⁷ ԳԱԹ, ԲՖ, № 500:

է տեղի հայկական գաղութում հանդանակութիւն կազմակերպեր հօգուտ Հայկազյան բնկերութեան, Հայ դրողների բնկերութեան ճշուղ բանար և ապա Թիֆլիս տեղափոխեր Միքայել Նալբանդանի արխիվը: Բանաստեղծին չի հաջողվում իրադործելու իր այնքան կարևոր մտադրութիւնները՝ «...Թիֆլիսից էնպես տեղեկութիւններ ստացա, որ պետք է էնտեղ շտապեմ», — գրել է նա 1917 հոկտեմբերի 9-ի նամակում (V, 432):

Թերևս այդ տեղեկութիւնները կապ ունեին նորաստեղծ Հայոց ազգային խորհրդի (ՀԱԽ) ստեղծման հետ. նա մեկ որոշում է «շտապել» Թիֆլիս հասնելու, սակայն այդ օրերին չի մեկնում՝ Թերևս նորաստեղծ Ազգային խորհրդին շփոթեցնելու նպատակով: Այդ մասին այլ տեղեկութիւն չունենք: Որքան մեղ հայտնի է, Թումանյանը ընդհանրապես չոր նախիջևան լացելի չկարողացավ քաղաքական դրութեան հետագա նոր բարդութիւնների պատճառով: Այդ օրերին Թեև ղեկավար էր անհետաձգելի գործերով՝ անհանգիստ էր բանաստեղծի հոգին. «Առաջիկա վարհուրելի պատկերները ինձ հանդիստ չեն տալիս ոչ մի օր, ոչ մի ժամ: Հրաշք պետք է լինի, որ առանց մեծ աղետների անցկացնենք» (V, 429):

Բանաստեղծի կանխատեսումը ճիշտ էր. իսկ Վրաշխր այդ օրերին տեղի չունեցավ:

Թումանյանն ու Անդրանիկը ՀԱԽ-ի անդամ չգարձան, Թեպետ կուսակցական առումով խորհուրդը բավական խայտաբղետ էր, կային նաև անկուսակցականներ և խորհրդի կազմավորման նախօրյակին Ռոստովի և Նոր Նախիջևանի հայ գաղութը իր ձայնը տվել էր Անդրանիկին: Վերջինս մասնակցում է 1917 թ. սեպտեմբերի 29-ին բացված խորհրդաժողովին, բայց հոկտեմբերի 18-ին ստեղծված Հայոց ազգային խորհրդի կազմից հրաժարվում է: Թեպետ ինչպես նա, այնպես էլ Թումանյանը պատրաստ էին անհրաժեշտութեան դեպքում՝ երբ պահանջում է հայրենիքի շահը, կատարելով Ազգային խորհրդի անհրաժեշտ որևէ հանձնարարութիւն, գրանով սատարել ժողովրդի ազատագրութեան գործին:

Շուտով սկսվում են նոր իրադարձութիւններ, որոնք կրկին պայքարի են կոչում ամեն տեսակ գործիչների, ինչպես մտավորական, այնպես էլ զինվորական, հասարակական:

1917 թ. դեկտեմբերյան ուս-թուրքական զինադադարը մի նոր աղետ բերեց հայ ժողովրդին: Ռուսական զորքերի և կամավորների համատեղ գործակցությամբ, հսկայական կորուստների գնով, Հայաստանի ազատագրված երեք նահանգները, ըստ այդ զինադադարի, մնում էին անօգնական՝ թուրք ու քուրդ բարբարոսների վրեժխնդիր զենքի առջև:

Շուտափույթ որոշվում է կազմել Հայաստանի երկրապահ զորամաս, բայց ձգձգվում է զորամասի ընդհանուր հրամանատար ընտրելու գործը: Հայոց նորակազմ Ազգային խորհրդի անդամների որոշ մասը դեմ էր Անդրանիկին հրամանատար նշանակելուն, վախենալով, իբրև թե գրգռել թուրքերին, կասկածելով Անդրանիկի ինքնուրույն գործողությունների հաջողության վրա մեծ՝ կազմակերպված բանակների դեմ:

Զուպասելով, որ տարածայնությունները ամփոփեն իրենց եզրակացությունը, և վերջնական որոշման հանգեն, Անդրանիկը մի օր զինված գնում է Կովկասի ուս գլխավոր հրամանատարի մոտ և հայտարարում, որ ինքը որոշել է մեկնել ճակատ որպես հասարակ զինվոր, պատճառաբանելով, թե ընդհանուր թանկ է, հարկավոր է շտապել: Անդրանիկի այդ քայլը ցնցում է բոլորին, և նա նշանակվում է Հայաստանի երկրապահ զորամասի գլխավոր հրամանատար³⁸:

Դեկտեմբերի 15-ին կովկասյան զորքերի գլխավոր հրամանատար Պրժևալսկու հանձնարարությամբ Անդրանիկին պարգևատրում են Վլադիմիր Ա կարգի և Ստանիսլավ Բ կարգի շքանշաններով³⁹, իսկ ավելի ուշ նաև տալիս գեներալ մայորի աստիճան:

Դեկտեմբերի 22-ին հրատարակվում է Անդրանիկի սրտառու, տագնապալի և խորապես հայրենասիրական կոչը՝ ուղղված հայ ժողովրդին ու հասարակական կազմակերպություններին: Այն յուրօրինակ հրաման էր համախմբելու և ազատելու մի նոր եղեռնի վտանգի առջև կանգնած ավելի քան հարյուր հազար հայերի:

«Մենք կեցած ենք, հայ տառապած ժողովուրդ, հայկական պատմության այնպիսի փոթորիկոտ էջին վրա, որ մեր ժողովուրդը կապրի կամ իր վերջին օրերը, և կամ կդառնա վաղվա ազատության նա-

38 Արսեն Մարմարյան. (Վ. Բոքովենց), Զորավար Անդրանիկ և իր պատերազմները, էջ 277:

39 «Հայաստան», 1917, № 179,

խօրչակիին.. Վաղվան պատասխանը հայ ժողովրդին՝ պիտի ըլլա՝ այսօր կամ ո՞չ»:

Հալատարիմ իր ինտերնացիոնալիզմին, Անդրանիկը խոսքն ուղղում էր ոչ միայն հայերին, այլ բոլոր նրանց, ովքեր զգացել են օսմանյան բռնակալութեան բարբարոսությունները, կլիզի լինեն, քուրդ, թև թուրք, միեռնուն է, և ովքեր վկա են եղել հայ ժողովրդի դարավոր տառապանքին: Նա գիտում էր և վրաց հարևաններին, բացատրելով, որ հայերին սպառնացող այսօրվա վտանգը վաղը կարող է վերաբերվել իրենց՝ վրացիներին: Զորավարը մեծ հույսեր ուներ հայ կնոջ վրա, դավաճան հայտարարելով այն մորը, որը քաջալերում է «կորովազուրկ» սրգուն:

Կոչը լեցուն էր տաղնապով, բայց հուսահատական չէր, ընդհակառակը, մի խորին վստահություն կար, որ ժողովուրդը պիտի լսի իրեն և հետևի մարտահրավերին, հակառակ դեպքում՝ նա պահանջում էր՝ հետ առնել իրեն տված հերոսի կոչումը և իրավունք չունենալ լալու իր դիակի վրա. «Թող թաղի զիս այն կաղակը, որ հրեկ լիմ կողբին կուրծք կուտար մեր թշնամուն»,—հայտարարում էր նա⁴⁰:

Անդրանիկին տուգին արձագանքողը Թումանյանն էր:

Զորավարի կոչի հրապարակման հաջորդ օրը՝ դեկտեմբերի 23-ին, «Հայաստան» օրաթերթում տպագրվում է բանաստեղծի բաց նամակը Անդրանիկին: Այն իր տեսակի մեջ մի նոր կոչ էր ժողովրդին, որ «ահավոր մոմենտի տուգն յուրաքանչյուր մարդ ընդհանուրի սեղանին բերի իր ամբողջ ունեցվածքը՝ թե՛ վերահաս վտանգը կանխելու և թե՛ բաղձալի խաղաղությանը հասնելու համար»:

Բանաստեղծի ձայնը հնչում էր բարձր, ինքնավստահ և հպարտ: Նա ազդի արամադրության տակ էր դրել իր ունեցած ամենաթանկագին զանձները՝ ութ շափահաս երեխաներ, իսկ իր կողմից խոստանում էր և դրամական օգնություն հայրենիքի պաշտպանության ընդհանուր զանձարանին: Նրա պատասխան խոսքի մեջ այս անգամ էլ ակնառու է ժողովրդական հերոսի անցյալ ու ներկա գործունեության անկիզբ ու սրտարուխ դնահատականը, հավատը նրա նոր ձեռնարկումների, հաղթանակի նկատմամբ:

«Ես՝ անասան հավատարիմ քո՝ շատ փոթորիկների մեջ ձեռք բերած փորձառությանը, վառ հայրենասիրության ու ազատասիրությանը,

⁴⁰ Նույն տեղում, 1917, № 182:

այլի բնական մարդասիրութեանը և գինւորական բարձր տաղանդին և պատրաստ գալու, երբ որ կկոչի քո եղբայրական ձայնը՝

Համբուրում եմ հերոսական ճակատը» (ՌԻՀ 2, 424—425):

Օրեր անց նույն օրաթերթը հրապարակում է Անդրանիկի պատասխանը բանաստեղծին՝ գրված ջերմորեն, հրճվանքով և ոգևորութեամբ. «Պետք է մոռնանք պահ մը գրիչը, փոխարինելով սուրին, ստեղծելու համար հայրենիքը, որուն խաղաղ ծոցին մեջ միայն կը ծաղկի գեղարվեստի կյանքը»: Զորավարը հույս էր հայտնում, որ Թումանյանին պետք է հետևեն բոլոր հայ մտավորականները ու միացյալ ուժերով դարբնեն սրբազան ազատութեանը⁴¹:

«Հայաստանի» խմբագրութունը մի ծանոթագրութեամբ խնդրել էր բոլոր թերթերին արտատպել բանաստեղծի բաց նամակը Անդրանիկին:

Թիֆլիսի և Երևանի պարբերականները հրապարակելով նամակն ամբողջովին, հատվածաբար կամ որպիս լուր, ընթերցողներին տեղյակ պահեցին բանաստեղծ Թումանյանի հայրենասիրական կոչ-հրավերի մասին⁴²:

«Հորիզոնը» նույնպես արձաճանքեց, բայց յուրովի: Հայաց ազգային խորհրդի 1917 թ. որոշումներից մեկը հրապարակելով թերթի գեկտեմբերի 29-ի լուրերի բաժնում, հայտնում էր, որ Հայաց ազգային խորհուրդը գերագույն մարմին է ամբողջ Ռուսաստանի հայութեան համար, սրեմն հայ ժողովրդին կոչեր ուղղելու իրավունքը վերապահված է միայն նրան՝ Ազգային խորհրդին. «Այդօրինակ անջատ քայլերը կանխելու համար խորհրդի այս որոշումը հայտարարել ի դիտություն հարութեան», — դրում է թերթը⁴³:

Կասկածից վեր է, որ այս որոշումը վերաբերում էր Անդրանիկի կոչին և անուղղակիորեն նաև Թումանյանի պատասխանին: Պատճառն, անշուշտ, «Հորիզոնի» կուսակցական միտումնավոր մոտեցումն էր. խնդրին այն է, որ գեռես նույն թվականի հոկտեմբերի 5-ին Անդրանիկը դրավոր հայտարարութեամբ վերջնականապես հեռացել էր դաշնակցության շարքերից և թեպետ խոստացել էր «ամենայն ուրախութեամբ ընդառաջ երթալ» Ազգային խորհրդի կարգադրութուններին⁴⁴,

41 Նույն տեղում, № 185:

42 «Республика», 1917, № 137, «Մշակ», № 271, «Աշխատանք», Եր., 1917, № 67:

43 «Հորիզոն», 1917, № 275:

44 «Հայաստան», 1917, № 126:

այնուամենայնիմ, վերաբերմունքը նրա նկատմամբ արդեն փոխված էր, մանավանդ որ նույնմբերի սկզբներին «Հորիզոնը», իրեն պաշտոնապես հայտարարել էր դաշնակցության օրդան (թերևս այդ էր պատճառը, որ Աղզային խորհրդի կենտրոնական կոմիտեն կամ անդամների մի մասը դժվարանում էին Անդրանիկին հաստատել Հայաստանի երկրապահ զորամասերի հրամանատարի պաշտոնում):

1917 թ. դեկտեմբերի 21-ին Հայ զրոզների ընկերության նախաձեռնությամբ հավաքված մտավորականների ժողովը, քննության առնելով կովկասյան ճակատի և թիկունքի դրուժյունը, կոչ է անում «իրենց ուժն ու փորձառությունը դնելու Աղզային խորհրդի տրամադրության տակ: Նկատելով կովկասյան ճակատի պահպանությունը և թիկունքի կարգապահությունը համապետական և համակովկասյան խնդիր՝ դործել ռուսական դեմոկրատիայի և կովկասյան բոլոր աղգիրի ինտելիգենցիաների հետ համերաշխ՝ ընդհանուր դեմոկրատական խաղաղություն հասնելու և հեղափոխության հայտարարած մեծ սկզբունքները իրականացնելու համար»: Այսպիսին է մտավորականության բանաձևը, որի տակ ստորագրել է Հովհ. Թումանյանը⁴⁵:

«Հորիզոնը» բավական պաղ վերաբերմունք ցուցաբերեց Թումանյանի այս նախաձեռնության նկատմամբ ևս և դեկտեմբերի 23-ի լուրերի բաժնում, հաղորդելով մտավորականության հավաքի և Թումանյանի խոսքի մասին, հրապարակեց նաև ելույթ ունեցողներից մեկի եզրակացությունը, որից պարզվում է, թե մտավորականության հավաքը, Թումանյանի ջանքերը իզուր են, քանի որ «գործը դրած է, և մարմինները արդեն սկսել են իրենց աշխատանքը...»⁴⁶:

Պետք է ենթադրել, որ Աղզային խորհրդի վերևում հիշատակված որոշումը «անջատ քայլերը արգելելու» մասին⁴⁷ վերաբերում էր ոչ միայն Անդրանիկի կոչին և Թումանյանի բաց նամակին, այլև մտավորականության հավաքի՝ բանաստեղծի ստորագրությամբ հրապարակված բանաձևին, որը Անդրանիկի «Հայաստանը» հրապարակում է, իսկ «Հորիզոնը»՝ ոչ: Թերևս վերջինիս դուր չէր եկել բանաձևի՝ «ռուսական դեմոկրատիային», «հեղափոխության հայտարարած մեծ սկզբունքներին» հետևելու մասին արված խոստումները:

45 Նույն տեղում, № 184:

46 «Հորիզոն», 1917, № 270:

47 Նույն տեղում, № 275:

Բայց չնայած հրապարակած այդ դժգոհությանը «ազատ քայլերի դեմ»՝ Հայոց գերագույն մարմինը անկարող էր, առանց մտավորական գործիչների օգնության, վերջնական լուծման հասցնելու որևէ ձեռնարկության, մանավանդ, այնպիսի խուճապի ու քառասային պայմաններում՝ ինչպիսին տիրում էր հայության մեջ 1917-ի վերջերին, 1918-ի սկզբին: Եվ ահա հունվարի 13-ին հրապարակվում է ՀԱՍ-ի հատուկ կոմիտեի կողմից—«հրավերը»՝ ուղղված հայ մտավորականությանը՝ ի պատասխան այն պահանջների, որ նա ստանում էր «... երկրի այլ և այլ վայրերից և մանավանդ էրզրումից, որ ինտելիգենտ ուժեր ուղարկենք իրենց», ուստի և,— շարունակվում է կոչի մեջ,— «զանազան միությանների մասնավոր նամակներով դիմելուց հետո այժմ հրապարակորեն դիմում է համայն հայ ինտելիգենցիային, որ սա շտապի օր առաջ իրեն տրամադրել մեր համազգային մեծ գործի համար:

Թող իմանա հայ ինտելիգենցիան, որ ժողովրդական լայն զանգվածները նրա վրա են հասել իրենց աչքերը»⁴⁸:

Այս կոչը մեջ բերվեց անդրադառնալու համար մի հետաքրքրական անտիպ փաստաթղթի՝ ՀԱՍ-ի հատուկ կոմիտեին ուղղած Թումանյանի պաշտոնական գրությանը, որ թվագրված չէ, բայց նշված է ամիսը և օրը՝ հունվարի 21: Դատելով բովանդակությունից, դժվար չէ կռահել, որ գրված է նախքան էրզրումի անկումը՝ 1918 թվականին: Փաստաթուղթը ուղագրավ է նրանով, որ չնայած Թումանյանի նկատմամբ մեկ ամիս առաջ «Հորիզոնի» ցուցաբերած վերաբերմունքին, այնուամենայնիվ ՀԱՍ-ի հատուկ կոմիտեն այդ օրերին էլ չէր կարող շրջանցել ո՛չ Հայ գրողների ընկերությանը, ո՛չ, մանավանդ, Թումանյանին: Մյուս կողմից՝ փաստաթուղթը ապացույց է, որ բանաստեղծն ինչպես միշտ, այժմ էլ չէր կարող դառնալ Ազգային խորհրդի հատուկ կոմիտեի հլու կամակատարը՝ պատրաստ նրա հրամանին, առանց խորանալու իրերի գրության և կատարվելիքի նպատակահարմարության մեջ:

Թումանյանի այդ անտիպ պաշտոնական գրությունից իմանում ենք, որ Հայոց ազգային խորհրդի կենտրոնական կոմիտեն դիմելով նաև գրողների ընկերությանը, վարչությունից պահանջել է 50 հոգի՝ էրզրում գործուղելու համար:

Պատասխանելով, թե ընկերության անդամները այնքան են զբաղված ժամանակի անհետաձգելի գործերով, որ նույնիսկ վարչության

ժողով չեն կարողանում հրավիրել, Թումանյանն անհնարին է համարում 50 մտավորական էրզրում ուղարկելը: Թող տարօրինակ չլվա-
այս մերժումը և բանաստեղծի անվստահությունը Աղզային խորհրդի
նախաձեռնության նպատակահարմարության նկատմամբ: Իր պատաս-
խանում Թումանյանը խնդրում էր տեղեկացնել իրեն, «թե ի՞նչ գործի
համար են էդ մարդիկ, որ դրանով ղեկավարվենք»: Այդ անվստահու-
թյան պատճառը գտնում ենք փաստաթղթի հետևյալ տողերի մեջ.

«Նորերս էլ,—շարունակում է բանաստեղծը,—աշակերտական խումբ
ուղարկվեց էրզրում՝ իբրև թև նույն նպատակով, բայց նրանց Թիֆլիս
գրած նամակներից երևում է, որ մնացել են էնտեղ պարապ, մեծ մա-
սը ցրվել են, իսկ մնացած 40 հոգուց գնդապետ Թորգոմը կազմել
է «Անմահների գունդ»⁴⁹:

Նախադասության վերջում դրված հեղինակի բացականչական նը-
շանը բավական բազմանշանակ է ու խոստնւ. ամպագորգոռ անվանում-
ներով Թումանյանը շէր բավարարվում: Դրված էր ժողովրդի լինել-
չլինելու հարցը, ուստի պետք էր ողջախոհ լինել, անել շրջահայաց
քայլեր, նվազագույնը գործեր, որոնց արդյունքը նախօրոք կարելի լի-
ներ կանխատեսել:

Հայտնի է Անդրանիկի՝ որպես Հայաստանի երկրապահ զորքերի
հրամանատարի, հերոսական դործունեությունը էրզրումի պաշտպա-
նության համար, որը, սակայն, վերջացավ պարտության:

Մենք այստեղ չենք մտնում մանրամասների մեջ. հայտնի է, թե
ինչպիսի պայմաններում է Անդրանիկը նահանջել: Պարզապես Աղզա-
յին խորհրդին գրած Թումանյանի պաշտոնական գրության մեջ նրա
հեռատեսությունն ապացուցող մի փաստ ենք կամենում օգտագործել:

Էրզրումի անկումից հետո «Մշակը» հրապարակել է մի թղթակ-
ցություն, «Տեսակցություն մը գեներալ Անդրանիկի անձնական քարտու-
ղարին հետ» վերնագրով: Խոսքը վերաբերում է Վահան Թոթովենցին,
որին Անդրանիկը էրզրում էր տարել ոչ միայն որպես իր անձնական
քարտուղար, նա նպատակ ուներ «մայր երկրի մեջ» շարունակել Թիֆ-
լիսում լույս տեսնող «Հայաստան» թերթի հրատարակությունը⁵⁰ (որից
երևում է, թե ինչպիսի հույսերով էր Անդրանիկը էրզրում գնում և

⁴⁹ Պաշտոնական այդ գրության ինքնագիրը տես ՊԿՊԱ, ֆ 222, ց 1, դ 64, (II 6),
թ 194, պահպանվում է նաև նույն գրության սևագիրը՝ ԳԱԹ, ԹՖ, Ն: 1217:

⁵⁰ Ս. Բ. Մարտիկ (Վ. Թոթովենց), Ջորավար Անդրանիկ և իր պատերազմ-
ները, էջ 297:

որքան էր զնահատում պարբերաբար հրատարակվող գրավոր խոսքի գերը)»:

«Մշակի» այդ թղթակցության մեջ Թոթովենցը մանրամասն նկատագրում է այն քառասյին վիճակը, անիշխանությունն ու դավաճանական վերաբերմունքը, որոնց ականատես դարձավ Անդրանիկը և, շնայած դրո՞ք դրած ամեն ջանքի ու հնարամտության՝ պարտվեց:

Այն հարցին, թե էրզրումից ուղարկված հեռագրերով անվերջ պահանջված լրացուցիչ ուժերը «ինչ դեր կատարեցին», Թոթովենցը պատասխանում է. «էկան և չկրցին որևէ դեր կատարել, որովհետև մնացին փողոց. կոմիտար Աղամալչանը վճռեց զանոնք և երեսնին շնայեցավ, անտեր, անտիրական, լքված և հուսահատ փողոցները պատեցան մինչև նահանջի օրը»⁵¹:

Ինչպիսի տեսնում ենք, որքան էլ Թումանյանը պատրաստ էր օգնելու Ազգային խորհրդի կենտրոնական կոմիտեին, այնուամենայնիվ, հիմքեր ուներ չվստահելու նրանց, խորամուխ լինելու նրանց հանձնարարությունների մեջ և առաջնորդվելու սեփական սկզբունքներով: Այդպիսի դեպքերում Թումանյանի և Անդրանիկի կարծիքները միշտ համընկնում էին: Նրանք համակարծիք էին նաև Ազգային խորհրդի և Հայաստանի կառավարության գործունեության նկատմամբ: Դա երևվում է հասկապես 1918—1919 թթ. նրանց նամակագրությունից⁵²:

Անդրանիկի այդ վերաբերմունքը ակնհայտ է մանավանդ էրզրում գնալու նախօրերին՝ հունվարի 25-ին «Մշակում» լույս տեսած մի հարցազրույցից (ստորագրված է Խ. Պ., ըստ երևույթին, Խ. Պոյաճյան, որ օրավերջի աշխատակիցն էր, ստորագրել էր նաև Վ. Թոթովենցի հետ ունեցած վերահիշյալ «Տեսակցությունը»)⁵³, որտեղ նա շատ կտրուկ հայտարարում է, թե հարաբերություն չունի Հայոց ազգային խորհրդի հետ, հիշում է նաև ժամանակին Հայոց ազգային բյուրոյի հետ ունեցած իր տարաձայնությունները⁵⁴:

Քննարկվող հարցազրույցը արժանի է ամենայն ուշադրության, քանի որ պարզում է Անդրանիկի հայացքների շատ կարևոր կողմերը,

⁵¹ «Մշակ», 1918, № 56:

⁵² Տե՛ս Անդրանիկի նամակները՝ ԳԱԹ, ԹՖ, №501, 507, ՊԿՊԱ, ֆ 370, ց 1, գ 8, Խ 1—5, «Նոր հորիզոն», 1918, № 22 և Թումանյանի նամակը՝ «Գրական թերթ», 1989, № 9:

⁵³ «Մշակ», 1918, № 56:

⁵⁴ Նույն տեղում, № 17, հունվարի 25:

նրա պատկերացումը այդ միջոցի քաղաքական կացության մասին, որ նա ներկայացնում է սրտադավ անկեղծությամբ, առանց գունազարդելու իրերի դրուժյունը և անհիմն հույսեր ներշնչելու: Հարցադրույցը ապացույց է, որ հայ դուրավարը գնում էր պաշտպանելու իր հայրենիքը օգնության որևէ սպասելիք չունենալով, հույսը դրած սեփական փոքրաքանակ ուժերի, իր փորձի, ժողովրդի ազդային արժանապատվության, ինքնագիտակցության վրա: «Ի՞նչ ուժերու վրա կգնեք ձեր հույսը»,— հարցրել է դրույակիցը. «Առայժմ մեր ուժերու վրա,— պատասխանել է Անդրանիկը:— Ես չեմ սիրեր խաբել մեր ժողովուրդը, պետք է պարզել Հայաստանի դրուժյունը, որպեսզի ժողովուրդը գիտակցի դալիք բոլոր վտանգին»: Այն հարցին, թե Անդրանիկը ի՞նչ հույսեր է կապում ռուսական օգնության հետ, նա պատասխանել է. «Ռուս բանակի հարյուրին 90 %-ը հեռացած է, մնացածն էլ շուտով կհեռանա»: Չնայած այդ իրողությանը, ինչպես և նախորդ տարիներին ռազմաճակատում ցարական զորավարներից կրած վիրավորանքներին, կառավարության հակահայկական բացարձակ քաղաքականության, Անդրանիկը այն հաստատուն կարծիքն է հայտնում, որ «Կովկասյան ժողովուրդները դեպի ռուս ժողովուրդը պիտի նայեն հաշտ կերպով, նկատի ունենալով, որ ռուս ժողովուրդը պաշտպանած է զիրենք բարբարոս հարձակումներու առջև»:

Այս դրույցի ժամանակ Անդրանիկը ցավով է հիշում Գանձակի «շատ տխուր» դեպքերը, երբ մուսավաթականների հրահրմամբ ազրբեջանցիները հարձակվել էին դեպի Ռուսաստան շտապող դնայքներով, կողոպտել, թալանել ռազմամթերքը, սպանել ռուս ղեկավարներին⁵⁵:

Էրզրումի անկումից հետո Ալզաչին խորհրդի նիստերից մեկում, երբ առաջարկվել է Պարսկաստանից Ռուսաստան մանկնող դնայքները պինաթափել, Անդրանիկը խստագույնս բնդվել է, մերժելով այդ որոշումը: Նա կրկին զայրույթով հիշել է Գանձակի դեպքերը, երբ «Թաթարները տուն դարձող 5000 ռուս զինվոր կոտորեցին» և հստակ պատճառաբանելով իր հակառակ կարծիքը, պնդել, որ հայերը կարիք չունեն ռուսների հրացաններին: «...Սենք անոնց բարեկամության պետք ունենք...»,— ասել է նա⁵⁶ ու վրանել այդ նոր աղետը Հայաստանի սահմաններին:

⁵⁵ Նույն տեղում:

⁵⁶ Ձեռքավար Անդրանիկի կովկասյան ճակատի օրագրությունը, Էջ 187:

կարևոր է Անդրանիկի մի այլ հարցապնդում. «Ռուս ժողովուրդը պետք է մեկ օրեն մյուսը լքել հայերու ավանդական դորժը, մոռնա իր և հայերու թափած արյունը կովկասյան լեռներու վրա և բախտին հանձնելով հեռանա երկրեն, մոռնալով նույնիսկ իր ապագա շահերը»⁵⁷:

Ինչպես տեսնում ենք, այստեղ Անդրանիկը դուրս է գալիս սովորականի սահմաններից, Կովկասի ժողովուրդներին օգնելու, «կովկասյան լեռներու» վրա թափած արյունի հիշատակությամբ առանձնացնելով ուսուսական շահը: Այդ շահի մասին էր գրում նաև Թումանյանը 1915 թվականի փետրվարին:

Մոսկվայում լույս տեսնելիք «День печати» անունով թերթի խմբագրությունը պատերազմի մասին հարցաթերթ կազմելով, դիմել է բազմաթիվ ռուս և այլազգի անվանի մտավորականների, այդ թվում և Թումանյանին՝ իմանալու նրա կարծիքը պատերազմի և, հատկապես, Ռուսաստանի համար այդ պատերազմի նշանակության մասին: Հարցաթերթը ուշ ստանալով, նա պատասխանել է մի հակիրճ հեռագրով, որը հավասար է խորախորհուրդ մի հոգվածի:

«Սոսկալի պատերազմը կթոթափի նեղ ազգայնականությունից և միլիտարիզմից: Ամենից առաջ ազատություն կբերի կռվող ազգերին: Ռուս ժողովուրդը Ռուսաստանի մյուս ժողովուրդներին ազատություն տալով, կկապվի նրանց հետ բարեկամական սերտ կապերով: Ռուսաստանը կհզորանա: Խաղաղության գաղափարը շափազանց կուժեղանա»⁵⁸:

Ավելորդ են մեկնաբանությունները. ինչպես վերաւարը, այնպես էլ բանաստեղծը Ռուսաստանին ազատարարի դեր հատկացնելով Կովկասին տիրելու մեջ, քաջ գիտակցում էին ոչ միայն փոքր ժողովուրդներին, այլև Ռուսաստանի շահը: Այլ բան է, որ ինչպես այն օրերին այնպես էլ հետագայում Խորհրդային Միությանը հետաքրքրում էր նախ և առաջ ի՞ր շահը:

Հիշատակելի է նաև Անդրանիկի մի այլ ինքնատիշ պատասխան «Մշակի» թղթակցի հետ ունեցած հարցազրույցի ժամանակ: Այն հարցին, թե ինչ է արվում պարտադիր վճիռագրության համար՝ զորավարը պատասխանում է. «Խնքնապաշտպանության և ազատագրության գործի համար մենք չենք կրնար «ոստիկանական» միջոցներու դիմել:

57 «Մշակ», 1918, № 17:

58 «Հորիզոն», 1915, № 30:

Այդ դործը պետք է հիմնված ըլլա գիտակցութեան խարխախի վրա, ինքնապաշտպանութեան սրբազան բնազդի վրա... սա ազատութեան և ինքնապաշտպանութեան դործ է և ամեն մի թուրքահայ պետք է զննք վերցնէ առանց այլևայլ պատճառաբանութեանց»։ Ազատութեան համար պայքարելուց հրաժարվելու ամեն մի պատճառաբանութեան մեջ Անգրանիկը տեսնում էր ստորուկ լինելու, գերի մնալու ցանկութուն⁵⁹։

Անդրադառնալով այդ պահին կուսակցութեաննրի դերին, նա այն կարծիքն է հայտնում, որ «Ազատութեան դատին պետք չէ մոտենալ կուսակցական տեսակետն»։ Փորձված Վորալարը լաւ գիտեր, թէ ինչ դեր ունի կուսակցական անմիաբանութեանը, որից զգուշացնում էր նաև Թումանյանը 1915 թ. իր «Զգաստութուն» փոքրածում։ Էրզրումի պարտութեան պատճառներից մեկն էլ այդ անմիաբանութեանն էր, որը հասավ դավաճանութեան։

Էրզրումի պարտութունից հետո՝ 1918-ի մարտի 21-ին, Թիֆլիսում ունեցած իր մի բանախոսութեան մեջ Ավետիս Ահարոնյանը, միանգամայն օրջեկտիվորեն գնահատելով իրադրութեանը, այդ պարտութեան պատճառը համարում է ընդհանուր հուսալքութեանը, բացակայութեանը կանոնաւոր բանակի, որին փոխարինում էին զինված մարդկանց խմբեր՝ առանց ընդհանուր կապի։ Ահարոնյանը մեղադրում է ոչ թէ Էրզրումում կռոււղներին, այլ զորակոչին չենթարկվողներին։ Ինչ վերաբերում է Անդրանիկին, ահա թէ ինչ գնահատական է տալիս նրան. «Անդրանիկը, այդ մաքուր հայրենասիրը, այդ հերոսը, որ կարծես գնդակի հետ դաշն է կապել, որ իրեն շնոտեհա, այդ հայոց Գարիբալդին, որ բազմամիլի անգամ կռիւղներ ու հազթանակներ է ունեցել, Անդրանիկը, որի մեջ զլխից առաջ սիրտն է վազում առաջ, ի՞նչ պիտի անէր երկրի այդ ծանր կացութեան մեջ...»⁶⁰։

Ահարոնյանի այդ խոսքերի առիթով տեղին է հիշել մի հետաքրքրական դրույց, որ ժամանակին պատմվել է ու հասել ներկա սերունդին, իբրև ապացույց ոչ միայն «Հայոց Գարիբալդի» բազմադրոյս ապացուցված հայրենասիրութեան, այլև ամեն հայի նկատմամբ ունեցած նրա պահանջկոտութեան։

«Անդրանիկը գնացքով գնում էր Էրզրումի ճակատ,— պատմում է ժամանակակիցը։— Դշումրի կայարանում խռովել էր բազմամարդ ամբոխ, սպասում էին զորավարի հետ հանդիպման։ Գնացքը կանգ-

⁵⁹ «Մշակ», 1918, № 18։

⁶⁰ «Մշակ», 1918, № 63։

նեց կայսրանում: Զորավարին խնդրեցին դուրս գալ և ողջունել ժողովրդին:— Զստավար, ժողովուրդը հավաքվել է, ուզում է քեզ տեսնել: Անդրանիկը պատուհանից անգամ շնայեց... Ով որ ուզում է Անդրանիկին տեսնել, թող դա էրզրումի ճակատ»,— անկաշկանդ ասել է նա⁶¹:



Էրզրումից հետո դրուժյունը Հայաստանի գավառներում դառնում է օրհասական. իրար հսկից թուրքերին անցան Պարսը, Սարիղամիշը, Վանը: Արևելյան Հայաստանի գավառներում կրկին գլուխ բարձրացրին ազգամիջյան թշնամությունները, որոնք շուտով վերածվեցին հայ-թուրքական կոիվների: Մեծ վտանգ էր սպասվում հատկապես Հին Նախիջևանի և Բորչալուի թուրքերից:

Մանր կացության մեջ, չստանալով որևէ օգնություն ոչ զորքից, ոչ Ֆրեանի ու Թիֆլիսի հայ ղեկավարությունից, Անդրանիկը հրաժարվում է Հայաստանի երկրապահ զորքերի հրամանատարի իր պաշտոնից, բայց Ալեքսանդրապոլում Հայաստանի ապահովության խորհրդի առաջարկով ապրիլի 9-ին կազմակերպում է իր ղեկավարությունամբ դործող «Հայկական առանձին հարվածող զորամասը»:

Մանր դրուժյան մեջ եղած ժամանակ Անդրանիկը մի անգամ չէ, որ կարիք է դնում իր մտքերը, վիրավորանքները պատմել բանաստեղծին, նրանից մխիթարական խոսք լսել, խորհուրդ հարցնել իբրև իր գաղափարակցի:

Էրզրումի ողբերգությունից հետո առաջին նամակը Անդրանիկը Թումանյանին գրում է Ալեքսանդրապոլից՝ 1918-ի ապրիլի առաջին տասնօրյակում⁶²: Նամակը կարճ է, բավականին պարզունակ, բայց խոստն է ու բովանդակալից:

«Համիլիք (Թումանյանի որդին, որ նույնպես էրզրումում էր—Լ. Կ.) եկավ և պատմած կլինի ամեն բան: Թոթովենցը նոթ է ըրած շատ մը խնդիրներ⁶³...

61 «Ավանդարդ», 1988, № 50 (Արուսյակ Սահակյան, Ազդի նկարագիրը նրա գոյության օրենքն է):

62 Նամակն անթվակիր է. ժամանակը որոշվում է Հայոց ազգային խորհրդի, Սևյմի հայ անդամների՝ ապրիլի 5-ին Ալեքսանդրապոլ մեկնելու, Անդրանիկին հանդիպելու փաստերով («Հորիզոն», 1918, № 74, ԳԱԹ, ԹՖ, № 507):

63 Նկատի ունի Խ. Պոյաճյանի «Տեսուկություն մը գլն. Անդրանիկի անձնական քարտուղարին հետ» հոդվածը («Մշակ», 1918, № 56, 16-ը մարտի):

Նրեկ Ահարոնյանը և Վահան Փափազյան հեղինակները հարցնելու և լուր ղրկեցի, որ ուրիշներին հարցնեն: Իմ 20 ամսվա ըսածներս սուս էր, չի հավատացին, հիմա ի՞նչ կը հարցնեք ինձնից:

Վերջապես հեղինակներ, տեսան, նորից կոկորդիլոսի արցունքներ թափեցին և մեկնեցին Սարիղամիշ:

Ոտքս ցավում է: Ոսկորին խրված է ըշտիկ մը, սափոքս, շորերս ծակված է, հույս ունիմ, որ քանի օրից լավանա...:

Հեռագիրս ճշտությամբ չէին տպած, որ որսատեղի դավադիրներու ոհմակի մը մեջ ընկա:

Այսպիսի բան չէի կրնալ երեւակայել...: Ահարոնյանը և Փափազյանը խնդրեցին, որ մնամ Ալեքսանդրապոլ՝ մինչև իրենց վերադառնալը»:

Նույն նամակում Անդրանիկը սիրով է հիշում, որ բանաստեղծի դուստրերը՝ Նվարդը և Անուշը, Ալեքսանդրապոլում այցելել են իրեն⁶⁴, և ապա գրում՝ Ղարաբաղի սահմաններում, Թումանյանին տեսնելու իր ցանկության մասին:

Ինչպես տեսնում ենք, Անդրանիկը ինչքան էլ վշտացած Ազգային խորհրդի նախագահից, որքան էլ նա չէր մոռացել էրզրում գնալու նախօրերին Ազգային խորհրդի կենտրոնական կոմիտեի ցուցաբերած վերաբերմունքը (Հայոց ազգային խորհրդի որոշ անդամներ դեմ էին ներքան Հայաստանի երկրապահ զորքերի հրամանատար նշանակելուն), այնուամենայնիվ, իր պարտքն է համարում մնալ Ալեքսանդրապոլում, մասնակցել քաղաքի պաշտպանությանը: Իսկ Ղարաբաղի սահմաններում մտադրությունը մնում է անկատար, դեպքերն իրենք էին թելադրում, անձնական ցանկությունների ժամանակ չկար:

Ասացինք, որ գործող բանակում հայերի կրած պարտությունները սրում են նաև Արևելյան Հայաստանի ազգամիջյան հարաբերությունները:

Նրանում, Նախիջևանում, Լոռում և շատ այլ վայրերում կրկին

64 Թումանյանի դուստրերը Ալեքսանդրապոլ գնացել էին Պետերբուրգից վերադարձած ու նոր ամուսնացած եղբորը՝ Մուշեղին և կնոջը հանդիպելու (Մուշեղը դինավորական ծառայության մեջ էր, միաժամանակ աշխատում էր տեղի դիմնադիւստում և առևտրական գործոցում): Քիչ անց որդուն հանդիպելու է դնում նաև բանաստեղծը (տե՛ս Մուշեղի կնոջ՝ Մարիա Սակալսկայայի հուշերը Թումանյանի թանգրանում): Բնագետ որևէ փաստ հայտնի չէ Անդրանիկի և Թումանյանի հանդիպման մասին, բայց անհավանական չէ, որ նրանք տեսնվել են:

սկսվում են կողոպուտ, թալան, սպանություններ, որոնք վերածվում էին լուրջ ընդհարումների:

Ուշագրավ է, որ հայ-ադրբեջանական այս նոր ընդհարման հրահրողներից մեկը կրում էր կալվածատեր Եղիգարովների ազգանունը. այդ տոհմը 1905—1906 թթ. ազգամիջյան կռիվների միջոցին հայտնի էր իր անմարդկային արարքներով. Թումանյանը հետևողական պայքար էր մղում ինչպես նրանց, այնպես էլ նրանց հովանավորների դեմ: Կալվածատեր և սպա Արշիլ բեկ Եղիգարովը տեղական ազալարներից ու կուլակներից ստեղծել էր իբրև թե «Ժողովրդական միլիցիա», որը կազմակերպում էր թալան ու հարձակումներ գնացքների էջելոնների վրա՝ հատկապես դեռ ձեռք բերիլու նպատակով:

1918 թ. մարտի 1-ին Թիֆլիսում հայրենակցական միությունների ընդհանուր ժողովում ստեղծվում է Հայոց հայրենակցական միությունների միություն Թումանյանի նախագահությամբ, քարտուղար է ընտրվում Համադասպ Համբարձումյանը: Միության նպատակն էր ասպհովել հայերի խաղաղ կյանքը հարևան ազգերի հետ, կազմակերպել վնասված փախստականների նյութական օգնության գործը: Պահպանվող մի քանի երկտող պաշտոնական գրություններ՝ գրված Թումանյանի ձեռքով և ուղղված Համ. Համբարձումյանին, վկայում են, թե ինչպիսի հայրենանվեր գործունեություն է ծավալել Հայոց հայրենակցական միությունների միությունը:

Ուշագրավ են հետևյալ փաստերը.

«Էսօր իրար հտեից մի քանի շատ կարևոր նիստեր ունեմ»,— գրում է Թումանյանը 1918 թ. մարտի 17-ին Մուշեղ Աղայանին ուղղված անտիպ նամակում⁶⁵, Այդ նիստերը, անշուշտ, կապ ունեին ինչպես քիչ անց ստեղծված հայ-մուսուլմանական սոցիալիստական բոլկի գործունեության նախապատրաստման, այնպես էլ Հայոց հայրենակցական միությունների միության գործունեության ծրագրերի մշակման հետ: Բայց Թումանյանին անհանգստացնում է նաև մի այլ մտահոգություն:

1918 թ. մարտի 17-ին՝ Մուշեղ Աղայանին դրած նամակի օրը, նախքան հայ-մուսուլմանական բոլկի ստեղծումը, Թումանյանը պաշտոնական մի այլ գրություն է ստանում Հայոց ազգային խորհրդից բԺ. Խ. Բաբայան ստորագրությամբ, որով հայտնվում է, թե «Սանահինից պատգամավորություն է եկել երկաթուղագծի վրա աշխատող

65 ԳԱԹ, ԹՖ, ց 2, № 44:

հայ և վրացի ծառայողների միջև եղած թյուրիմացությունների մասին խոսելու»:

«Դրությունը այդ շրջանում շատ լուրջ է,— հայտնվում է այդ գրության մեջ,— կարող է խոշոր ընդհարումների տեղիք տալ»: Այնուհետև խնդրում են «լսել պատգամավորությանը և հարկ եղած կարգադրություններ անել: Կարծում եմ,— շարունակվում է գրության մեջ,— որ եթե մի քանի օրով կարողանայիք մեկնել այդ շրջանը՝ վերջ տված կլինեիք թյուրիմացություններին... Ձեր այդտեղ զնալը կհանգստացներ կրքերը»⁶⁶:

Կասկածից դուրս է, որ մարտի 17-ին դրած նամակում հիշատակված ժողովներից մեկին էլ պետք է որ կապված լիներ նույն օրը ստացած այդ պաշտոնական գրության, Սանահինից եկած պատգամավորությանը հանդիպելու հետ: Այդ մասին առաջժամ այլ տեղեկություններ, բայց հենվելով նույն փաստի վրա, կարելի է եզրակացնել, որ մեկնելով Լոռի, Թումանյանը գործել է ոչ միայն հայ-ադրբեջանական խաղաղության համար, այլև հայ-վրացական: Բայտ հրեվելթին, նրա միջամտությունը տվել է դրական արդյունք, որովհետև այդ օրերին հայ-վրացական միջադեպի մասին որևէ փաստ չկա:

Վրաստանը անկախ հայտարարելուց հետո՝ 1918 թ. հունիսից, հայ մամուլը հայտնում էր վրաց մենչեիկների նվաճողական ձգտումների մասին: Նրանց նպատակը Մեծ Վրաստան ստեղծելն էր, որի մեջ պետք է մտնեին նաև Լոռին, Ալեքսանդրապոլի գավառի մի մասը, Ղազախը, Բորչալուն և այլն: Թումանյանը դեռ Լոռուց Թիֆլիս շեր ժամանել, երբ հունիսի 16-ին տեղի է ունենում Լոռու, Ղազախ-Շամշադինի հայրենակցական միությունների ընդհանուր ժողովը, որը բողոքում է հայաբնակ տարածություններ լուծազրավելու վրաց մենչեիկների ձգտումների դեմ և պահանջում այդ բնակավայրերը միացնել Հայաստանին:

1918 թ. մարտի 23-ին ստեղծվեց հայ-մուսուլմանական սոցիալիստական բոլի և ընտրվեց տասը հոգուց բաղկացած հատուկ բյուրո, որի նախագահը հայերից Գևորգ Ղարաջյանն էր, մուսուլմաններից՝ Սամեդ Աղամալի օղլին: Նախագահի տեղակալ է ընտրվում ազգամիջյան կոիվները խաղաղությամբ ավարտելու մեծ փորձ ունեցող բանաստեղծ Թումանյանը: Մուսուլմաններից գործուն մասնակցություն

⁶⁶ ԹԹ, Նոր նյութեր, Թղպ. № 45:

ունիւր դրամատուրգ և հասարակական գործիչ Աբգովուհիմ Հախվեր-դովը, որի պաշտոնատեղին Բորչալուի գավառում էր (ԹԺՀ, 734—739):

Մարտի 25-ին, հայ-մուսուլմանական բռնկի բյուրոյի և անդրկով-կասյան կառավարչական մարմինների հանձնարարութեամբ, ինչպես նաև Ղազար-Բորչալուի գավառների բնակչութեան հրաւերով, Թուման-յանը մեկնում է Լոռի, իր արամադրութեան տակ ունենալով նաև զո-րամասն⁶⁷:

Դժվարին պայմանների մեջ էր գործում բանաստեղծը: Ընտանի-քի անդամների մի մասի հետ ապաստանելով Լոռում, անդադար բա-նակցութեանն էր մեջ էր հայ և ալլաղզի գործիչների հետ: Մեկ Դսե-ղում էր, մեկ Ղարաքիլիսայում, մեկ շատապ մեկնում էր Թիֆլիս, ապա վերադառնում Կոնիւնիւրի վայր: Կազմակերպում էր խաղաղութեան ժո-ղովրդական ցույցեր, ելույթներ ունենում, միանգամայն օրէկատիւրեն զատապարտելով մեղավորներին՝ հայեր լինելին, ինչ ազդեցանքներ: Ականատեսը վկայում է, որ «նրա բարի անկեղծ սրտից բխած խոս-քերը խոր տպավորութեան էին թողնում հասարակութեան վրա»⁶⁸:

Ինչպես պարզվում է մի անտիպ փաստաթղթից, նախքան Լոռի մեկնելը, ղեկու փետրվարին, Թումանյանը Ազգային խորհրդի կենտ-րոնական կոմիտեի հանձնարարութեամբ ստանձնել էր Լոռու, Փամ-բակի, Ղազարի, Շամշադինի և Բորչալուի ընդհանուր լիազորի պար-տականութեանը:

Հիշատակված փաստաթուղթը հայտարարութեան է՝ ուղղված Ազ-գային խորհրդի կենտրոնական կոմիտեին և թեպետ ունի լոկ ֆինան-սական բնույթ, մի տեսակ զեկուցագիր է հրաժարական տված պաշ-տոնյայի, բայց իրականում այն իրենից ներկայացնում է հիշված շըր-ջաններում բանաստեղծի եռամսյա գործունեութեան նկարագիրը, որի մեջ Թումանյանը հանդես է գալիս իրեն հատուկ բոլոր մարդկային բարձր հատկանիշներով, ամենից առաջ՝ մարդասիրութեամբ:

Ձեկուցագրի 14-րդ կետը վերաբերում է մոտ 600 թուրք կանանց ու երեխաներին առաջին օգնութեան ցույց տալուն, 18-րդը՝ 300 գերի-ների խնամքի համար ծախսած գումարներին, 17-րդը՝ «Զատիկի օրը՝ Ղարաքիլիսայում ամբոխված կարոտյալ դաղթականներին» տրված նը-պաստին և այլն: Նրա տնօրինութեամբ են ֆինանսավորվել Անդրանիկի զինվորական ծախսերը...

67 «Кавказское слово», 1918, № 67, 130, «Հորիզոն», 1918, № 83:

68 «Հորիզոն», 1918, № 76:

Զեկուցադիր-Հայտարարությունը ունի 22 կետ, որով ներկայացված է եռամսյա զործուհեության ընթացքում ծախսված զուամրների հաշվետվությունը. մանրամասների մեջ առանց խորանալու էլ որոշակի է դառնում բանաստեղծ մարդու համար դժվարին մի աշխատանք, որ պահանջի է ուժերի գերլարում:

Ղարաքիլիսան թուրքերից գրավվելուց հետո 1918 թ. մայիսի 28-ին Հայաստանը անկախ Հայտարարելու կապուկցությամբ, Ալզալին խորհուրդը իրեն կրկին կոչել էր Հայության գերագույն մարմին և հայկական գավառների գերագույն միակ իշխանություն և արդեն պատրաստ էր հուլիսի 16-ին մեկնելու Երևան: Ահա այդ է պատճառը, որ հուլիսի 14-ին Թումանյանը շտապել է փակել իր դրամական հաշիվները մի հաստատություն հետ, որի գերը արդեն փոխվում էր:

Թումանյանի տնօրինության տակ գտնվող պաշտոնյաները աշխատել են մարտի 15-ից մինչև հունիսի 15-ը:

Ինչպես ասվեց, ընդհանուր լիազորի պաշտոնը նա ստանձնել է փեսովարին, ուրեմն, այդ ժամանակամիջոցում նա հավաքագրել է պաշտոնյաներ և ապա իր վրա վերցնելով նաև հայ-ադրբեջանական կռիվները խաղաղությամբ վերջ տալու առաքելությունը, մեկնել է Լոռի:

Հունիսին Թումանյանին վստահված շրջանները մեծ մասամբ գրավված էին տաճկական զորքերից, ուրեմն նա այլևս անելիք չուներ և Թիֆլիս էլ նա ընկել է «պատահմունքով» (այդ մասին ստորև), ապա միայն տվել հրաժարականը, որը դժբախտաբար առաջիմ մեղ չի հանգիստ, բայց Գ. Խատիսյանին ուղղած հունիսի 28-ի նամակից իմանում ենք, որ այն գրել է մեկ օր առաջ՝ 27-ին:

Քննության առարկա փաստաթուղթը գրված է հուլիսի 14-ին, նրա պատակը Հայոց ալզալին խորհրդից շտապ գումար պահանջելն էր, որպեսզի կարողանար «...հոգալու էն պարտքերը, որ ինձ հանձնված հինգ շրջանը կառավարելու համար, ճանապարհների փակ լինելու պատճառով՝ ես ստիպված եմ ելել տնելու կողմնակի միջոցներից և այլ ընկերություններից»⁶⁹, — գրում է բանաստեղծը:

Այժմ փորձենք որոշել, թե ե՞րբ է Թումանյանը Լոռուց մեկնել Թիֆլիս:

Պահանջվում է դատելը՝ նվարդին, ուղղած մի անթվտկիր նամակ, գրված հապճեպ, մատիտով, բլոկնոտից պոկած թղթի վրա՝ Քոբեք

69 ԳԱԹ, ԹՖ, № 1216:

կայարանից (անտիպ): Թումար Թումանյանի վկայությամբ՝ նամակն ուղարկված էր Ալվեհատ: Բովանդակությունից երևում է, որ գրված է 1918 թ. ամռանը՝ Ղարաքիլիսան թուրքերի կողմից գրավվելուց հետո, բայց պետք է ճշտել ամիսը, օրը: Ըստ այդ նամակի, Թումանյանը եղել է գերմանացիների «մեծի» մոտ (թուրքերի՝ կռոխն և Ալեքսանդրապոլը գրավելուց հետո երկաթուղին անօրինում էին գերմանացիները): Վերջինս նրան ընդունել է սիրով, մահավանդ, երբ իմացել է նրա բանաստեղծ լինելը՝ հավաստել է, թե «էս երկու օրը ամեն բան կվերջանա» (այսինքն՝ ճանապարհները կբացվեն—Լ. Կ.), բայց խորհուրդ է տվել, որ նա մեկ օրով գնա Թիֆլիս և վերադառնա: Ըստ երևույթին, «գերմանացիների մեծը» ինչ-որ հանձնարարություն է արել և շահագործողոված է եղել Թումանյանի Թիֆլիս մեկնելով, որովհետև նամակում հայտնում է. «իրենք (գերմանացիները—Լ. Կ.) առավոտը վաղ էստեղից՝ Քոբերից, ժամը 6-ին ինձ կուղարկեն Սահաճին, որ 7-ին դնամ Թիֆլիս»⁷⁰:

Արդ, ո՞րն է նամակի մոտավոր թվագրությունը, և ե՞րբ է Թումանյանը ժամանել Թիֆլիս:

Ըստ «Մշակի» մի հայտարարության՝ 1918 թ. հունիսի 25-ին տեղի էր ունենալու Հայոց հայրենակցական միությունների վարչությունների առտակարգ ընդհանուր ժողով, ուր պետք է գեկուցեր կռու և Փամբակի գավառներից վերադառած թումանյանը⁷¹: Վերջինիս՝ Թիֆլիս վերադառնալու մասին տեղեկություն են տալիս նաև «Հորիզոնը», սպաղրելով մի հարցազրույց «նորերս կռուց եկած բանաստեղծի հետ»⁷², և «Кавказское слово» օրաթերթը, որը միաժամանակ հայտնում է նրա՝ կրկին կռու մեկնելու մտադրությունը⁷³: Կռուց Թիֆլիս հապճեպ մեկնելու մասին Թումանյանը գրում է նաև վերևում հիշատակված հուլիսի 14-ի պաշտոնական գրության մեջ:

Այս բոլոր փաստերի համադրությունը հնարավորություն է տալիս ենթադրելու, որ Քոբերից Թումանյանը դառերը գրել է հունիսի 20—22-ին, որից հետո 22—23-ին հասել է Թիֆլիս, իսկ գերմանացիներին տված խոստումը՝ մեկ օր հետո վերադառնալ կռուի, հանգամանքների բերումով չի կատարել: Կռուի վերադառնալու մտադրության մասին

⁷⁰ Նամակի ինքնագիրը պահպանվում է ԹԹ, Մայր մատյան, № 1243:

⁷¹ «Մշակ», 1918, № 120, հունիսի 25:

⁷² «Հորիզոն», 1918, № 124, հունիսի 26:

⁷³ «Кавказское слово», 1918, № 130.

Թումանյանը գրել է նաև Գևորգ Խատիսյանին ուղղած հունիսի 28-ի նամակում, բայց քիչ անց կտեսնենք, թե օբյեկտիվ ինչ հանգամանքներում է փոխվել նրա այդ մտադրությունը:

* * *

Պահպանվում է Հայոց ազգային խորհրդից ստացած Թումանյանի մի վկայականը 1918, հուլիսի 15 թվագրությամբ, որը միջնորդավոր է Թիֆլիսի քաղաքացիական և ղինլորական կառավարություններին՝ օգնել բանաստեղծին Դոնդ մեկնելու, այնտեղից տեղափոխելու ձեռագրեր և իրեր: Դեռևս տակավին թուրքերի տիրապետության տակ էր, երկաթուղին անօրինում էին գերմանացիները, ուստի միայն հատուկ թույլտվությամբ Թումանյանը կարող էր մեկնել հայրենի գյուղ: Ստացե՞լ է նա այդ իրավունքը, կարողացե՞լ է տեղափոխել անհրաժեշտ իրերն ու ձեռագրերը, — այդ մասին առայժմ որեէ այլ վկայություն չկա: Միայն կարելի է ենթադրել, որ նա շտապ մեկնել է ու վերադարձել: Այդ է ապացուցում նրա՝ Թիֆլիսում Գյուտ Աղանյանին գրած 1918 թ. հուլիսի 19-ի երկտողը⁷⁴:

Այժմ անդրադառնա՞նք վերը հիշատակված այն հարցադրույցին, որը տեղի է ունեցել Թումանյանի՝ Թիֆլիս ժամանելուց հետո՝ նրա և «Հորիզոն» օրաթերթի աշխատակցի միջև: Հարցադրույցի միջոցով Թումանյանը մանրամասն տեղեկություններ է տալիս արդեն թուրքերին ենթակա Լոռում, հատկապես Ղարաքիլիսայում, տիրող ծանր, ողբերգական կացության շուրջը: Բայց մեծ մասը վերաբերում է Անդրանիկին և Ղարաքիլիսայում ու շրջակայքում ապաստանած դադթականությանը: Ըստ Թումանյանի տեղեկությունների, տարածված է ծաղիկ հիվանդությունը. մարդիկ կիսամերկ են, քաղցած ու հոգնած: «Անդրանիկի զորամասի ետևից, — պատմում է բանաստեղծը, — գնում է մի քանի տասնյակ հազար դադթականություն, որը բազկացած է գլխավորապես տաճկահայերից: Մի քանի օր առաջ, երբ Լոռու շրջանից դեպի Դիլիջան էր գնում Անդրանիկի զորամասը և նրան հետևող դադթականու-

74 ԳԱԲ, ԹՖ, № 290. երկտողն անթվակիր է, թվագրությունը որոշվում է ըստ վերջում նշված «Ուրբաթի» և Գալուստ Տեր-Մկրտչյանի հոգեհանգստի մասին (որի առիթով գրված է երկտողը) տպագրված հայտարարության («Հորիզոն», 1918, № 143, հուլիսի 20):

թյունը, ճանապարհին տեղաց զարհուրելի կարկուտ, որից սպանվեցին բազմաթիվ գաղթականներ...»:

Լոռուց վերադառնալուց հետո Թումանյանի հոգսը կրկնապատկվում է: Գրավված շրջաններում տիրող հալածանքները, առևանգություններն ու կողոպուտը հանգիստ չէին տալիս բանաստեղծին: Հունիսի 15-ին հատուկ պատվիրակություն էր գնացել Կոստանդնուպոլիս՝ մասնակցելու հունիսի 25-ին նշանակված խորհրդաժողովին: Պատվիրակությունը կազմված էր Ազգային խորհրդի ներկայացուցիչներից՝ Ա.վ. Ահարոնյան, Միք. Պապաջանյան, Ալ. Խատիսյան և երկու քարտուղար, որոնցից մեկը Գ. Խատիսյանն էր (Թումանյանի դստեր՝ Աշխենի մոտերը և Ալ. Խատիսյանի եղբայրը): Խորհրդաժողովին մասնակցելու էին Գերմանիայի, Ավստրո-Հունգարիայի, Թուրքիայի, Բուլղարիայի և Վեներկո-վիասի ներկայացուցիչները⁷⁵: Այստեղ իբրև թի պետք է քննվեր Հայաստանի ճակատագիրը՝ ճանապարհները բացելու, գաղթականների՝ իրենց հողերը մեկնելու, սահմանների հարցերը: Դժգոհ այդ հարցերի լուծման գանդաղությունից և նոր անկասկածյուն ստացած Հայաստանի տնօրեններից՝ Թումանյանը 1918-ի հունիսի 28-ին մի զայրալից նամակ է ուղարկում Կ. Պոլիս Գ. Խատիսյանին (անտիպ), նկարագրելով Հայաստանի ժողովրդի անտանելի կացությունը. «Մինչև ձեր խորհրդաժողովի վերջանալը էստեղ էլ շատ բան կվերջանա, և կամ դուցն հուսահատված ժողովուրդը կղիմի էն տեսակի միջոցների, որ խնդիրը միանգամից կամ էս կողմը կտրի, կամ էն»,— գումում է բանաստեղծը:

1918 թ. հունիսի 28-ի նամակը բավական հետաքրքիր փաստաթուղթ է: Այդ նամակից ենք իմանում, որ Լոռու, Ղապախի, Շամշադինի, Փամբակի ու Բորչալուի լիազորի իր պաշտոնից Թումանյանը, ինչպես ասվեց, հրաժարվել է հունիսի 27-ին «շատ ու շատ մութ և վարչկի բաների» պատճառով, որոնց մասին նամակի մեջ գրել չի ուզում⁷⁶: Անդրադառնալով Հայաստանի սահմանների որոշման հարցին, Թումանյանը խիստ խոսքեր է գրում կառավարության հասցեին, նրանց ապիկարությունը համարելով ոճրագործություն. «Ոչ թե իրենք իրենց ճանապարհը չբացարին,— շարունակում է բանաստեղծը,— այլ

75 Մանրամասնություններ տե՛ս Ալ. Խատիսյան, Հայաստանի հանրապետության ծագումն ու զարգացումը, 1968, Բեյրութ, էջ 97—114:

76 ԹԹ, Մայր մատյան, № 412:

երբ դերմանացին և վրացին էլ բաց արին, նույնիսկ էն ժամանակ էլ մի շեկան ու տեղեկություն չտվին, թե ինչ կա, ինչ չկա, որ մենք էլ մեր գիտցածը անեինք ... թե էս էլ մերն է ու մեր իրավունքը»⁷⁷։

Լոռուց Թիֆլիս գալով՝ Թումանյանը սկսում է բանակցությունների մեջ մտնել հայ-վրացական սահմանը որոշելու և այդ նպատակով, ինչպես երևում է հիշյալ հունիսի 28-ի նամակից, «շատ հարցեր» լուծելու համար։ «Մի երկու տեսակցություն է ունեցել տաճկական կառավարության ներկայացուցչի հետ» ու պատրաստվում էր նորից դնալ, հետը տանելով Աղզային խորհրդի նախագահի տեղակալ Ավետիք Սահակյանին⁷⁸։ Այդ «շատ հարցերից» ամենագլխավորը պետք է եղած լիներ ծայրահեղ վատ կացության մեջ գտնվող հայ գաղթականությունը։ Այդ օրերին ոչ միայն նոր գաղթականներին արգելված էր Վրաստանի սահմանից ներս մտնել, այլև հղածներին էլ, մենշևիկյան կառավարության որոշմամբ, արտաքսում էին։ Մինչև սեպտեմբեր Թիֆլիսից վտարվել են 5700 հայ գաղթական. նրանք իրավունք ունեին միայն քաղաքից 300 վերստ հեռավորության վրա ապրելու⁷⁹։

Ինչպես ասվեց, հունիսի 28-ի նամակում Թումանյանը հայտնում էր նաև, որ նորից վերադառնալու է Լոռի. նույնը գրել է նաև «Кавказское слово» թերթը իր հունիսի 27-ի համարում (№ 130)՝ Լոռուց բանաստեղծի վերադառնալու մասին հրապարակված հաղորդման մեջ։ Բայց շնայած դրան, թերևս իր համար էլ անակնկալ, նա մի պատգամավորության հետ (գեներալ Բաղրամյան, Ս. Հարությունյան, է. Միրզոյան) հուլիսի 1-ին մեկնում է Բաթում՝ Աղզային խորհրդի՝ հունիսի 29-ի որոշմամբ⁸⁰։ Ինչպես տեսնում ենք, այս անգամ էլ Աղզային խորհրդի համար նշանակություն չունեի Թումանյանի անկուսակցական լինելը և հրաժարականը Լոռու-Փամբակի և այլ շրջանների լիազորի իր պարտականությունից։

«Кавказское слово» թերթի թղթակցի հետ ունեցած զրույցի ժամանակ Թումանյանը պարզում է Բաթում (որն այդ միջոցին թուրքերին էր պատկանում) մեկնող պատգամավորության նպատակը, այն է՝ 1. Թուրքական զորքերի տեղափոխումը, 2. Հայաստանի սահման-

77 Նույն տեղում։

78 Նույն տեղում։

79 «Աշխատավոր», 1918, № 135։

80 «Кавказское слово», 1918, № 139.

ների հարցը, 3. Գաղթականության վերադարձը, 4. Առևտրական փոխհարաբերությունների վերականգնումը⁸¹։

Պատգամավորությունը վերադարձել է հուլիսի 5-ին։ Հրապարակելով նրանց վերադարձի լուրը, թերթերը հատկապես նշում էին այն սիրալիրությունը, որով թուրք էսադ փաշան ընդունել է պատվիրակներին։ Բայց ի՞նչ է ստացել պատվիրակությունը՝ ոչինչ։ Բաթումի դաշնադրի համաձայն թուրքական ղորքերը դեպի սահման տանելու մասին էսադ փաշան հայտնել է, որ «թուրքաց ղորքերը իրենց բռնած տեղերից դեպի իրենց սահմանները կտարվեն Հայաստանի և Վրաստանի սահմանները որոշելուց հետո»։ Ինչ վերաբերում է փախստականների վերադարձին իրենց բնակավայրերը, էսադ փաշան հայտնել է, որ դա առայժմ անկարելի է, որովհետև թուրքերի և հայերի սուր հարաբերությունները՝ Թուրքիային անցած շրջաններում կարող են «էքսցեսներ» առաջ բերել⁸²։

Այսպիսով, պատվիրակությունը իր նպատակին չի հասել, եթե հաշվի չառնենք, որ էսադ փաշան, թուրքերի շահերից հլնելով, պատրաստակամություն է հայտնել վերսկսելու առևտրական փոխհարաբերությունները, խոստանալով նույնիսկ անցագրեր բաժանել ցանկացողներին⁸³։

Թումանյանի՝ հունիսի 28-ի նամակում հիշատակված Հայաստանի հանրապետության խորհրդաժողովը նույնպես անհաջողության մատնվեց։ Մնալով Կ. Պոլսում չորս ամիս և անվերջ անօգուտ այցելությունների ինչպիսի դանազան փաշաների, պատվիրակությունը սպասում էր խորհրդաժողովի, բայց մինչ այս, մինչ այն՝ տապալվում է Թալեաթի կառավարությունը (1918, հոկտեմբերի 20) և հաստատվում զինադադար⁸⁴։ Նոյեմբերի 1-ին հայ պատվիրակները ձեռնունայն մեկնում են Բաթում, ապա՝ Թիֆլիս, իրենց հետ տանելով միայն Ալեքսանդրապոլը և Կարսը դեկտեմբերի 6-ին թողնելու մասին Իզեթ փաշայի հրամանը՝ ուղղված կովկասյան զինվորական հրամանատար Շյուքրի փաշային⁸⁵։

⁸¹ Նույն տեղում։

⁸² Նույն տեղում, նաև՝ «Մշակ», 1918, № 131, «Աշխատավոր», 1918, № 78։

⁸³ Նույն տեղում։

⁸⁴ Ալ. Խառոխյան, Հայաստանի հանրապետության ծագումն ու դարգացումը, էջ 113։

⁸⁵ Նույն տեղում, էջ 114։

1918 թ. օգոստոսին, համոզվելով, որ անհնար է թուրքերի հետ բանակցություններ վարել և ինչ-որ փոփոխություն մտցնել հայ ժողովրդի ճակատագրի մեջ, Թումանյանը դիմում է նոր քայլի՝ Հայ զրոհների ընկերության և Հայոց հայրենակցական միությունների միության կենտրոնական խորհրդի անունից աշխարհի բոլոր ժողովուրդներին, նրանց պառլամենտներին, ակադեմիաներին, համալսարաններին, գիտական ընկերություններին ուղղված կոչեր է գրում, որ նկարագրելով հայ ժողովրդի ծանր վիճակը, խնդրում է բարոյական և նյութական օգնություն կործանման ենթակա հայ ժողովրդի համար։ Կոչերի շարադրանքը բոլոր երկրների համար նույնն է եղել, բացառությունն կաղմել Թուրքիան, Պարսկաստանը, Վրաստանը և Ադրբեջանը։ Այդ մասին վկայում է «Кавказское слово» օրաթերթը (1918, № 176), բայց թե ինչ տարբերություն է եղել՝ անհայտ է կոչերի բոլոր բնագրերը՝ ձեռքի տակ չունենալու պատճառով։

Պահպանվել են ուսու և ուկրաինական ժողովուրդներին ուղղված կոչերի պատճենները (մեքենագիր)։ առաջինը անթվակիր է, երկրորդն ունի 1918 թ. օգոստոսի 3-ի թվագրությունը. հավանաբար երկուսն էլ գրված և ուղարկված են նույն օրերին։ Պահպանվում է նաև Անգլիա ուղարկված բնագրի ուսերեն սևագիր ձեռագիրը⁸⁶։

Ծրվում է կոչի ուսերեն տարբերակը, որը հնարավորություն է տալիս պատկերացում ունենալու նաև այլ լեզուներով գրված բնագրերի մասին։

НАРОДАМ И ГОСУДАРСТВАМ ВСЕГО МИРА

Всёствие сложных военных действий, имевших место на Кавказском фронте,—мирное армянское население, бросившее свои насиженные гнёзда, лишённое средств существования, обречённое на гибель, гонимое голодом и холодом, стало на гибельный путь беженства и, оставленное на произвол судьбы, гибнет от эпидемий, преследований и множества иных бедствий.

Предотвратить эту гибель народа и оказать ему действитель-

⁸⁶ ՊԿՊԱ, ֆ 244, ց 1, գ 14, ք 12, 14, նաև՝ ԹԹ, նոր նյութեր, թղթ. № 42:

նյոս փոփոխութիւններն ու անհաշիվ տառապանքներն արմատականօրէն փոխեցին արեւմտեան քրիստոնեայնական հասարակական կարգը, որ իր արմատներով կապուած էր Եւրոպայի հետ:

И потому Союз армянских землячеств, соединяющий в своем голосе волю всех армянских провинций Закавказского края, обращаясь к великим просвещенным государствам и народам, пребывает в твердой уверенности, что они не пожалеют в эту трудную минуту быть безучастным зрителем кровавой трагедии и гибели его и не откажут во имя гуманности и человеколюбия прийти на помощь народу, доказавшему свою способность к культуре и прогрессу.

По сему Союз союзов настоящим обращается к великому русскому народу в лице его правительства и настоятельно просит о посильной материальной помощи гибнущему народу.

Председатель Ов. Туманян
Секретарь А. Амбарцумян

«Кавказское слово» թիւ 1918 թ. օգոստոսի 22-ի համարում հրապարակելով կոչեր ուղարկելու մասին «Воззвание к народам мира» վերնագրով թղթակցութիւնը, միաժամանակ հայտնում է, որ օրերս Հայ գրողների ընկերության և Հայրենակցական միութիւնների միութեան նախագահ Թումանյանը այցելել է գերմանական պատգամավորության պատկեր գեներալ Ֆոն Կրեսսին, տալով հիշյալ կոչը, խնդրել նրան՝ հանձնել գերմանական կառավարությանը: Ականավոր գրողին Ֆոն Կրեսսը ընդունել է սիրով և 1½ ժամ հետը զրուցել:

Թումանյանը խնդրել է գեներալից (որը Գերմանիայի ներկայացուցիչն էր փախստականների գործով) հատկապէս օգնել հայ գաղթականներին վերադառնալու հայրենիք և ստանալու իրենց բնակավայրերում եղած, այժմ թուրքերին պատկանող հայրիկներ: Ֆոն Կրեսսը խոստացել է օգնել հնարավորության սահմաններում:

Զրուցի ժամանակ անդրադառնալով մի կողմից՝ Թուրքիայի և Ադրբեջանի, մյուս կողմից՝ Հայաստանի փոխհարաբերության կայունացմանը, գեներալը այն կարծիքն է հայտնել, որ այդ հարաբերութիւններին խանգարում են Անդրանիկի ռազմական գործողութիւնները. գեներալի կարծիքով՝ անհրաժեշտ է ամեն գնով հետ պահել նրան:

Բանաստեղծը գերմանացի պաշտոնական զրուցակցին պատասխանել է իր ժողովրդի անունից, Անդրանիկի անունից՝ ասելով, թե վեր-

շինս գործում է անկախ Հայաստանի կառավարությունից և ապա՝ նրա դործողություններին նպաստում են իրենք՝ թուրքերը: Այդպիսի պայմաններում ոչ ոք չի կարող նրա վրա ազդել:

— Ինչպե՞ս, — զարմացել է գեներալ Ֆոն Կրեսսը:

— Շատ հասարակ, — պատասխանել է Թումանյանը: — Թուրքական կառավարութիւնը չի թոյլատրում փախստականներին վերադառնալ իրենց երկիրը, մյուս կողմից՝ որտեղ հաստատվում են թուրքերը՝ այնտեղ հավաքում են հայ երիտասարդներին ու տանում անհայտ ուղղութիւնը: Այսպիսով, քաղցած, արտաքսված փախստականները և սարսափահար երիտասարդները հազարներով հավաքվում են ժողովրդական հերոսի շուրջը, նրա մոտ փնտրելով պաշտպանութուն: Եթե այս պատճառները վերանան, նրա ուժերը բնականաբար կսլակասեն:

Հարցազրույցի ժամանակ գեներալ Ֆոն Կրեսսը անդրադառնում է նաև հայերի անգլոֆիլական տրամադրություններին և զարմանում. չէ՞ որ հայերը անգլիացիներից ոչինչ չեն ստացել:

— Շատ հասկանալի է և այդ, — պատասխանել է Թումանյանը: — Անգլիացիները և ֆրանսիացիները մեղ միշտ խոստումներ են տվել, և մենք, բնականաբար, սպասել ենք, որ մի օր նրանք կկատարեն իրեն տված խոսքը. Գերմանիայից երբեք որևէ խոստում չենք լսել և չենք կարծել, որ Գերմանիան երբեք կերևա Կովկասում: Իսկ այժմ պարզվեց, որ եկան ոչ նրանք, որոնք մեղ օգնութուն էին խոստանում, այլ նրանք, ովքեր որևէ բան չեն խոստացել: Մեղ համար մեկ են Եվրոպայի բոլոր ժողովուրդները: Մեր պահանջները սահմանափակվում են մեր ժողովրդի կյանքի և գույքի ապահովության, կուլտուրական վերածնունդի հնարավորության մեջ, այնպես որ այնպիսի տերության համար, ինչպիսին Գերմանիան է՝ մեծ բան չէ կատարել այդ պահանջները:

Թղթակիցը այնուհետև գրում է, որ Ֆոն Կրեսսը իրեն թե «մեծ սրտացավությամբ» վերաբերվելով իրեն ներկայացված կոչին, խոստացել է անմիջապես բնագիրը հաղորդել Բեռլին՝ իր կառավարությանը⁸⁸:

Նույն օրը Թումանյանը կոչի մեկ այլ օրինակ ներկայացնում է Ալստրիայի ներկայացուցիչ Գ. Ֆրանկելշտեյնին, որը նույնպես շատ ուշադիր գտնվելով Թումանյանի և կոչի նկատմամբ, խոստանում է այն անհապաղ հասցնել Վիեննա⁸⁹:

⁸⁸ Նույն տեղում:

⁸⁹ Նույն տեղում:

Անցան ամիսներ: Հայ ժողովուրդը ոչինչ չստացավ, և Գերմանիայից ու մյուս պետություններից օգնություն ստանալու բանաստեղծի ջանքերը ի դերև եկան, մանավանդ որ՝ Թուրքիային և Գերմանիային համաշխարհային պատերազմում պարտված ճանաչելուց հետո Անգլո-կովկաս ներխուժեցին Անտանտի պետությունները, որոնցից յուրաքանչյուրն ուներ իր սեփական շահերը: Ինչ վերաբերում է նորաստեղծ Խորհրդային Ռուսաստանին, պետք է ասել, որ վերջինս այդ միջոցին չէր կարող դործուն մասնակցություն ունենալ հայ ժողովրդի ճակատագրի հարցում՝ ոչ միայն այն պատճառով, որ Կովկասը դեռևս անջատված էր Ռուսաստանից, այլև այն, որ երկիրն ուներ իր ներքին սեփական շահերը և արտաքին քաղաքական ու տնտեսական վիթխարի դժվարությունները:

* * *

1918 թ. մայիսին Անդրանիկը իր զորամասով առաջնորդում էր Ղարաքիլիսայից, Ալեքսանդրապոլից նահանջած հայ զինվորներին, փախստական բնակչությանն ու արևմտահայ գաղթականությանը՝ նրան կրակակոխ հետևում էին թուրքական հրոսակախմբերը: Նա այնքան է ղիմադրում հակառակորդին, մինչև որ իրեն ապավինած ժողովուրդը հասնում է Քուլազերան, Դսեղ, որտեղ զորավարը հանդիպում է բանաստեղծին: Վերջինս և Լուու բնակչության այլ ներկայացուցիչներ խնդրում են Անդրանիկին ամրանալ Լոռում. նույնը կարգադրում է և հայոց զինվորական բարձր հրամանատարությունը: Բայց, մինչ այս, մինչ այն, ստացվում է Ղարաքիլիսայի պարտության լուրը:

Անդրանիկը շարունակում էր պատերազմական գործողությունները թուրքերի դեմ, երբ Երևանում և Թիֆլիսում համառորեն լուրեր էին պտտվում, թե Ղարաքիլիսայի պարտության պատճառը նա է. փոխանակ ամրանալու Դսեղում, ըստ այդ բամբասանքների, Անդրանիկը պարտավոր էր հարձակվել Ղարաքիլիսայի վրա, և այդ դեպքում ճակատամարտը միանգամայն այլ ելք կունենար:

Անդրանիկին իր պաշտպանության տակ է առնում բանաստեղծը՝ մանրամասնորեն տեղյակ լինելով նրա մայիսյան ռազմական գործողություններին: 1918 թ. օգոստոսի 10-ին հրապարակած «Անդրանիկը և Ղարաքիլիսան» թղթակցությամբ Թումանյանը ժողովրդի և պատմության համար պարզեց ճշմարտությունը այն մասին, թե զորավարը չէր

կարող հարձակվել Ղարաքիլիսայի վրա, որովհետև զինվորական բարձր հրամանատարությունը (գեներալ Թ. Նազարբեկյանը) կարգադրել էր մնալ և պաշտպանել երկաթուղին Քուլագիրանից (ՈԻՀ 2, 390):

Թվում է, թե բանաստեղծը որպես ականատես, դեպքերին տեղյակ հեղինակավոր անձնավորություն, իր հրապարակային հայտարարություններ պարզել էր ճշմարտությունը: Բայց, որքան էլ վարմանալի է, «Անդրանիկը և Ղարաքիլիսան» թեման տարիներ շարունակ մնաց քրն-նություն առարկա:

Ավ. Ահարոնյանը 1932 թ. հրապարակած «Ավարայրի ոգեկոչումը» հոդվածի «Ղարաքիլիսայի ճակատամարտը» գլխում Անդրանիկի գիրքը համարում է առեղծվածային, կարոտ «խղճմիտ լուսարանություն» և, նույնիսկ, հիշատակելով մանր, բամբասանքային բնույթ կրող խոսակցություններ, կասկածի տակ է դնում բացարձակ ճշմարտությունը: «...Պատմում են,— գրում է Ահարոնյանը,— որ նա (Անդրանիկը—Լ. Կ.) չափազանց դժգոհ, որ զորավար Նազարբեկյանը ճակատի հրամանատարությունը հանձնել է զորավար Բեյ-Մամիկոնյանին, բացականչել է.

«—Ես զորավար Վարդան Մամիկոնյան կը ճանչընամ, ես Բեյ-Մամիկոնյան չեմ ճանչընար»:

Այնուհետև Ահարոնյանը, որ շատ լավ գիտեր Անդրանիկին, ծանոթ նրա ամբողջ մարտական ուղուն, բարձր էր գնահատում նրա հայրենանիկը գործունեությունը, շարունակում է. «Հնարավոր է միթե, որ Անդրանիկը, սոսկ այսպիսի պատճառով, մի տեսակ, խռովկանի պես ճակատն ու հայ ժողովրդի բախտը լքեր, հեռանար: Չափազանց ծանրակշիռ քայլ էր այս, որպեսզի Անդրանիկի պես մեկը թույլ տար իրեն կատարել: Մոթ է այս կետը, դժվար է վճռական խոսք ասել. թող այդ անի ապագայի անաչառ պատմաբանը»⁹⁰:

Հետաքրքիր է, թե դեպքերի ժամանակակիցը (որը թևակոտ այդ օրերին Ղարաքիլիսայում չէր, բայց ի պաշտոնն պարտավոր էր իմանալ ճշմարտությունը) ինչո՞ւ է «վճռական» խոսքը թողնում ապագայի պատմաբանին: Ժամանակակիցին ճշմարտությունը խոստովանելուն, պարզապես, խանդարում էր կուսակցական միտումնավորությունը, իսկ

⁹⁰ «Հայրենիք», Բոստոն, 1932, № 4, էջ 98:

ապագայի պատմաբանները միշտ վկայակոչում են բանաստեղծ Հովհ. Թումանյանին⁹¹:

Իսկ Անդրանիկը: Ղարաքիլիսայի պարտությունից հետո Անդրանիկը «Հայկական առանձին հարվածող զորամասի» ղեկին անցած, իրեն ապավինած զաղթականության հետ միասին հասնում է Նախիջևան, նպատակ ունենալով այնուհետև անցնել խոյ: Հանդիպելով թուրքական մեծաքանակ զորքի դիմադրությանը՝ նա վերստին վերադառնում է Նախիջևան և Ապրակունիս գյուղից Ստ. Շահումյանին հղում իր հայտնի այն հեռագիրը, որով զորամասը և Նախիջևանը դնում էր խորհրդային Ռուսաստանի տնօրինության տակ: Ի դեպ՝ այդ հեռագիրը գրել է աբրահիմյանի Վահան վարժապետ Խաչիկյանը (բանաստեղծ Սուրեն Վահանու հայրը), որը հայտնի է, իր գիտելիքներով և ուսերենի իմացությամբ: Սակայն շուտով ստեղծված ծանր կացությունը նրան ստիպում է թողնել Նախիջևանը և շարժվել դեպի Զանգեզուր ու Ղարաբաղ:

Ղարաքիլիսայի դեպքերից հետո բավական ժամանակ Թումանյանը Անդրանիկի գործողություններին տեղյակ էր միայն մամուլի տրվյալներով, որոնք հաճախ մեկը մյուսին հակասում էին: Նրանց նամակագրական կապը վերականգնվում է 1918-ի նոյեմբեր-դեկտեմբեր ամիսներին, այն միջոցին, երբ զորավարը թուրքերից և Ադրբեջանի մուսավաթական զորքերից պաշտպանում էր Զանգեզուրը:

Թումանյանին՝ Անդրանիկին ուղղած նամակներից առաջին հայտնի է միայն մեկը, որ տարիներ առաջ հանձնվեց Ն. Չարենցի անվան զրականության և արվեստի թանգարանին: Այն թվագրված է 1918, դեկտեմբերի 14: Նամակը ուղարկվել, արժեքավոր փաստաթուղթ է ժամանակին կարևոր նշանակություն ունեցած հասարակական-քաղաքական իրադարձությունների մասին, այն դեպքերի, որոնց գործուն մասնակիցն էին և՛ բանաստեղծը, և՛ զորավարը:

Այդ իմաստով, նույնքան հետաքրքիր պետք է լինել նաև Անդրանիկի որոշ Թումանյանին, այն, որի պատասխանը բանաստեղծի դեկտեմբերի 14-ի նամակն է:

Թումանյանն իր նամակում խոստանում է Անդրանիկի նամակից քաղվածքների ապագրել Թիֆլիսի հայկական և ռուսական թերթերում:

91 ՏՆՍ Մ. Աղայան, Հոկտեմբերը և հայ ժողովրդի ազատագրական պայքարը, Եր., 1982, էջ 98:

Ուստի անհրաժեշտ էր որոնումներ կատարել այդ ուղղությամբ, քանի որ թերթին տալուց հետո նամակը հասցեատիրոջը չի վերադարձվել (հակառակ դեպքում այն պետք է լիներ Անդրանիկի մյուս նամակների հետ Գրականության և արվեստի թանգարանի Թումանյանի ֆոնդում): Այդ միջոցին Թումանյանը մոտ հարաբերությունների մեջ էր «Кавказское слово» թերթի հետ, որի գեկտեմբերի 14—16-ի համարներում Անդրանիկի նամակը չկա, իսկ 17-ից թերթը ժամանակավորապես դադարեցված էր հայ-վրացական ընդհարումների պատճառով՝ Վրաստանի մեկնակցական կառավարության կարգադրությամբ: Մնում էր նամակը որոնել հայկական թերթերում:

Որոնումներից պարզվում է, որ «Նոր Հորիզոն» օրաթերթի գեկտեմբերի 18-ի համարում «Անդրանիկի կոիվները» վերնագրով տպագրվել է մի բավական ընդարձակ նամակ (բռնում է թերթի 4-րդ էջի կեսից ավելին) խմբագրության հետևյալ ծանոթագրությամբ. «Ստորև հրապարակում ենք մի քանի հապավումներով Անդրանիկի մի ընդարձակ նամակը, որը նա գրել է իր անձնական բառեկամներից մեկին (ընդգծումը մերն է—Լ. Կ.)՝ մի առ մի նկարագրելով իր զորամասի կոիվները»:

Նամակն այնպես է կրճատված, որ ընթերցողից անհայտ մնա հասցեատերը⁹². Թերթի ծանոթագրության «անձնական բարեկամ» արտահայտությունը քիչ բան է ասում: Ո՞րն էր նման վերաբերմունքի խորհուրդը. Անդրանիկի նամակին հղվածի բնույթ տա՞լը, թե՞ հասցեատերը, ինչ-ինչ պատճառներով, չի կամեցել հրապարակել իր անունը: Առաջմը դժվարանում ենք առել. մեզ հայտնի փաստաթղթերում այդ մասին որևէ ակնարկ չկա, բայց Թումանյանի գեկտեմբերի 14-ի նամակի խոստումը՝ Անդրանիկի նամակը քաղվածաբար հրապարակել. ապացույց է, որ «Նոր Հորիզոն» Անդրանիկի անհասցե նամակը ուղղված է բանաստեղծին և դրա պատասխանը վերջինիս գեկտեմբերի 14-ի նամակն է:

Նույն թվականի գեկտեմբերի 11-ին տպագրվել էր Անդրանիկի մի ուրիշ նամակ օրաթերթի խմբագրության այլ ծանոթագրությամբ. «Նամակը, որ մենք քաղվածաբար ենք տալիս պատահաբար է ընկել մեր ձեռքը»⁹³. Այս նամակը չէր կարող ուղղված լինել Թումանյանին, քա-

⁹² «Նոր Հորիզոն», 1918, № 22:

⁹³ Նույն տեղում, 1918, № 18:

նի որ տպւում է նախքան նրա՝ Անդրանիկին գրածը: Անդրանիկի երկու նամակների հասցեատերերի անունները օլտաթերթում թաքցնելը թերեւս կապւում է Վիրահայ աղագային խորհրդի (որի օրգանն էր «Նոր հորիզոնը») և Հայաստանի կառավարութեան փոխհարաբերութեան հետ: Բայց տվյալ դեպքում այդ կարևոր չէ: Չէ՞ որ Անդրանիկի վերաբերմունքը Հայաստանի կառավարութեան նկատմամբ հայտնի էր, իսկ հասցեատերերի անունները թաքցնելով՝ թերթը խուսափել է նրանց վերաբերմունքը լիովին դրսևորել: Ավելորդ չենք համարում ասել, որ «Նոր հորիզոնի» № 22-ը, որտեղ քաղվածաբար տպագրվել է Անդրանիկի նամակը, վերջինն է: Այնուհետև թերթը դադարեցնել է հայ-վրացական հարաբերությունների միջոցին մենշևիկյան կառավարութեան խրատությունների պատճառով, ուստի և նամակի որևէ արձագանքի չենք հանդիպել⁹⁴.

Բոլոր դեպքերում առավել հետաքրքիրն ու արժեքավորը Անդրանիկի այս նամակի բնագիրն է, որ հայտնաբերվեց ՀՀ պետական կենտրոնական պատմական արխիվի Անդրանիկի ֆոնդում: Նամակը գծվար բնթիւնի է՝ գրված Անդրանիկի քարտուղարի ձեռքով: Համեմատութեամբ պարզում է, որ սեղանին արտագրելիս նամակը կրկին խմբագրվել է: Թերթում հրապարակելիս հանված են «Հարգո սիրելի Հովհաննես Թումանյան» խոսքերը, կրճատվել են այն տեղերը, որոնք ռազմական նշանակութեւն ունին և Հայաստանի հանրապետութեան հասցին ասված խիստ արտահայտութեւնները⁹⁵:

Անդրանիկի այս նամակը հայրենասիրական մի անկեղծ կոչւթ է, մի հախուռն պոռթկում, բորբոքված հոգու ընդվզում՝ հայ ժողովրդի դարավոր ողբերգութեան ժամանակակից արտահայտութեւնների, թխերիմ թշնամու՝ այս անգամ արդեն, Արեւելյան Հայաստանում կատարած վախրազութեւնների դեմ: Մի կողմից՝ այն Անդրանիկի հրամանատարութեամբ գործող «Հայկական առանձին հարվածող զորամասի» գործողութեւնների իրական նկարագրութեւնն է, մյուս կողմից՝

94 Բնութեան առարկա նամակը օգտագործել է պատմաբան Մ. Աղայանը որպէս Անդրանիկի «մերձավորներին հղած նամակներից մեկը» և մի քանի տեղ, տարբեր աղբիւրներով մեջբերումներ արել պատմական այդ շատ կարևոր փաստաթղթից (տե՛ս «Հոկտեմբերը և հայ ժողովրդի ազատագրական պայքարը», էջ 186. տե՛ս նաև աշխատութեան 4-րդ գլխի ծանոթագրութեւնները՝ № 12, 18, 30, 33, միայն թիւ աղբիւրը սխալմամբ նշված է ոչ թիւ «Նոր հորիզոն», ալ «Հոշիզոն», վերջինը 1918, ի նոյնմեջից վերանվանվել է «Նոր հորիզոն»):

95 ՊԿՊԱ, ֆ 370, ց 1, դ 8, թ 1—5, «Նոր հորիզոն», 1918, № 22:

բանաստեղծ բարեկամին ուղարկած մի յուրատեսակ «հաշվետվութիւն»։ Այստեղ պատմաբանը կարող է հարուստ տեղեկութիւններ քաղել 1918 թ. հունիս-նոյեմբեր ամիսներին Հայաստանում տիրող այն իրադարձութիւնների մասին, որոնց կենտրոնական դեմքը Անդրանիկն էր։

Անդրանիկի «Հայկական առանձին հարվածող զորամասը» կազմակերպվել է, ինչպես ասվեց, 1918 թ. ապրիլի 10-ին և, ինչպես ժողովրդական հերոսն ինքն է վկայում, շնայած անհաջողութիւններին, «Ալեքսանդրապոլեւ մինչև Դիլիջանի շուրջը տեղի ունեցած պատմական ընդհարումների միջոցին կատարեց իր դերը»։ Անդրանիկը Դիլիջանում էր, երբ լսեց հունիսյան դաշնագրի բոթը։ Նրա համար «նվաստացուցիչ էր», «անհանդուրժելի» այդ պայմանագիրը. դրանով, ինչպես ինքն է գրում խորապես ազգային հոգեբանութիւն ունենալով, «հայութիւնը կհամաձայնեք թաղել իր դարերու հրադը»՝ ազատագրութիւնը։

Հիասթափված տիրող իրադրութիւնից և լավ պատկերացնելով, թե ինչ է սպասվում Հայկական հանրապետութեանը և հայ ժողովրդին, Անդրանիկը որոշում է անցնել Պարսկաստան, ապա միանալ անգլիական բանակին, որով զորավարը հույս ուներ փրկել արեւմտահայութեան «վերջին բեկորները»։ Նրա նպատակն էր նաև զաղթականութեանը տեղավորել «համեմատաբար ապահով Նոր Բայազետի, Դարալագյուզի և Ախտաշի շրջաններու մեջ»։ Գաղթականութիւնը փրկութեան իր հույսն ու ապավինը այլ տեղ փնտրելու հնարավորութիւն չունեւ, ավելի ու ավելի ստվարանալով նա հետևում էր Անդրանիկին՝ մեծ գովարութիւններ ստեղծելով զորքի համար։

Նամակը հետաքրքիր և արժեքավոր է փաստերի որոշակիութեամբ, թվական ճշգրիտ տվյալներով։ Պարսկաստանում ունեցած և հաջողութիւնները, և պարտութիւնները տրվում են ամենայն անկեղծութեամբ, ճիշտ պատճառաբանութիւններով։

Պարսկաստանից Նախիջևան և ապա Սիսիան-Գորիս ճանապարհը Անդրանիկը և նրա զորքը անցնում են դժոխային պայմաններում. սովը, հիվանդութիւնների համաճարակը շնն կոտրում զորավարի կամքը։ Այս անգամ նրա նպատակն էր հասնել Ղարաբաղ։

Սակայն Անդրանիկը ոչ մի հեռարան չունեւ, ամենուրեք տառապած, քայքայված ժողովուրդը այլևս անընդունակ էր կողմնորոշվելու։ Տեղական ժողովուրդը սննդի կամ զենքի որևէ օգնութիւն չէր ցույց

տալիս: Այսպիսի պայմաններում հասնելով Սիսիան, Ղափան, Գորիս, մեծ զժվարություններով նա կարողանում է բարձրացնել տեղացիների գիմադրելու և ազդային ինքնազիտակցության ոգին:

«Այժմ կը գտնվիմ Գորիս,— գրում է Անդրանիկը իր նամակում,— չեմ գիտեր ուրիշներ ինչ կը խորհին, և կենթադրեմ, թե իմ քրոջ մասին լավ չեն խորհիր ու խոսիր, բայց անհամեստություն չլինի՝ եթե հայտնեմ ոչ միայն իմ, այլ ամբողջ Զանգեզուրի, Սիսիանի և Ղափանի ազգային խորհուրդներու, մանավանդ, այդ տեղերու հայ ժողովրդի համոզումն է, որ եթե մինչև այսօր թրքական ունի ուժ չէ մըտած Զանգեզուրի, Ղափանի կամ Սիսիանի շրջանը, այդ բանը արդյունք է միայն իմ և իմ զորամասի ներկայության այդ շրջաններուն մեջ...»:

Այնուամենայնիվ, Անդրանիկը դժգոհ էր իր զորամասի գործունեությունից. նրան խանդարում էր նախ գաղթականությանը, նրանց քաղցից և մոտալուտ ցրտերից փրկելու իր անկարողությունը և տեղական կազմակերպությունների անդորժնականությունը, թուլությունը:

«Այս Բալթի հանգեպ, պարզ է, որ անտարբեր չեմ կարող մնալ: Արդյոք չկա՞ ունի կազմակերպություն, որ օգնության հասնե՞ր այս շրջանը մնացած 12—14 հազար գաղթականության, որը անպայման կը մահանա, եթե օգնություն չհասնի շուտով:

Երևանի հանրապետությունը դուրս չելլելով Բաթումի դաշնագրեն, մինչև վերջերս չուզեց ոչ մեկ օգնություն ցույց տալ այս շրջանի գաղթականության և կապ պահել այստեղի կազմակերպություններու հետ: Կարծեք այստեղի հայությունը խորթ լինե՞ր... Մինչև այսօր զորամասիս համար արտաքին աշխարհին ոչ մեկ կոպեկի օգնություն չեմ ստացած»⁹⁶:

Նամակի վերջում Անդրանիկը գրում է, որ իր ժողովուրդը կանգնած է անգոռնդի եզրին. «...պատմական թոպենեք է, որ կանցընենք... և եթե այս թոպեիս շարժինք, ապագա սերունդները մեզ պիտի դատապարտին»:

Անդրանիկը Թումանյանին տեղյակ է պահում նաև զորամասի առաջիկա գործունեությանը և ցույց տալով նպատակին հասնելու իր հետևողականությունը, գրում է. «Համենայն դեպս երեկ շուտով կը շարժիմ Շուշի, այնտեղի գրությունը շրջելու համար, իսկ անկե վերջ ոչինչ կարելի չէ քսել ու նախատեսել, կը սպասեմ դեպքերու. իսկ եթե չգընամ, շուտով բախտ կունենամ ձեզ տեսնելու:

Բայց ինձ համար մեծագույն անբախտություն է, որ աշխարհն կտրված ենք. ոչ ուրիշներ մեր գործունեությունն տեղեկություն ունին, ոչ ալ մենք ուրիշներու գործունեության տեղյակ ենք»⁹⁷:

Ահա Անդրանիկի նամակի խիստ համառոտ բովանդակությունը: Այստեղ բերվեցին նամակի այն տողերը, արժարժված այն հարգերը, որոնց արձագանքը կամ պատասխանը դառնում ենք Թումանյանի նամակի մեջ:

Ճանապարհների փակ լինելու պատճառով Գորիսից Թիֆլիս նույնմբերի 4-ին գրած Անդրանիկի նամակին Թումանյանը պատասխանում է բավական ուշացած, ինչպես ասացինք, դեկտեմբերի 14-ին: Այդ պատասխանը կարող էր ուշացնել նաև բանաստեղծի Արտավազդ որդու սպանության լուրը, որին նա տեղեկացավ դեկտեմբերի 3-ին: Նվ չնայած այդ լուր անձնական վշտին, Թումանյանին հանգիստ չէր տալիս «հայոց վիշտը»: Այդ օրերին նա ստանձնել էր պատերազմից սուժած հայ ժողովրդի վնասների գրանցման բյուրոյի տնօրինությունը: Այդ կապակցությամբ Դավիթ Անանունին Գորիս գործուղելիս՝ բանաստեղծը նրա հետ ուղարկում է Անդրանիկին գրած նամակը, վերջինիս ընդարձակ նամակին պատասխանելով իրեն հատուկ սեղմ, բաղմանշանակ և բովանդակալից տողերով⁹⁸:

Թումանյանի նամակը սկսվում է այսպիսի խոսքերով. «Նամակդ ստացա, շատ ուրախացա, որ դու առողջ ես, և գործերդ էլ ավելի լավ են, քան թե պատմում են ղանաղան մարդիկ»: Այս տողերը պատասխան են Անդրանիկի տված՝ իր զորամասի գործունեության այն դնահատականին, որը վերաբերում է ուժերի դերագույն լարումով Սիսիանի, Ղափանի, Զանգեզուրի անկախությունն ապահովելուն:

Անդրանիկի նամակի մեջ ինչպես արևմտահայ, այնպես էլ նախիջևանի գաղթականության, իր զորամասի կրած զրկանքների և վերահաս նոր ողբերգությունների նկարագրության կապակցությամբ Թումանյանն այլ հուսադրող բան գրել չէր կարող, եթե ոչ հետևյալ տողերը.

«Մեր կառավարությունը մինչև էսօր էլ կոնգրեսին ներկայացնելիք մեմորանդումի համար հոգս չբաշեց, նյութեր չհավաքեց, թե ինչ կորուստներ ենք ունեցել մենք կամ ինչ բռնություններ են կատարվել

⁹⁷ Նույն տեղում:

⁹⁸ Նամակը տպագրվել է՝ «Դրական լիբր», 1989, № 9:

մեր ժողովրդի վրա: Ստիպված մենք սկսեցինք՝ Հայրենակցական միությունների միության կենտրոնական խորհուրդը: Այժմ իմ նախագահության մի բյուրո է կազմված և աշխատում է հռանգով: Կառավարությունն էլ տվել է իր սանկցիան»:

Ինչպես տեսանք, Անդրանիկը իր նամակում բանաստեղծին տեղյակ էր պահել դեպի Շուշի շարժվելու մտադրության մասին: Բավական ժամանակ էր անցել Թումանյանին դրած նամակից հետո, այնուամենայնիվ, Անդրանիկը հապաղում էր, զգուշանում իր մտադրությունը իրադրոծելուց: Դրա օբյեկտիվ պատճառները նա շարադրում է իր 1919 թ. փետրվարի 3-ի նամակում, որին կանգրագրանք ստորև:

Տակավին Անդրանիկին՝ 1918-ի նոյեմբերի 4-ի նամակի պատասխանը չգրած՝ բանաստեղծը մամուլից դիտեր, որ զորավարը իր զորքով պաշտպանում էր «Զաբուղի հայտնի անցքը և վերջնադիր է ներկայացրել Շուշում գտնվող թուրք հրամանատարությունը, հայտնելով, որ այդ շրջանի հայության կրած ամեն մի վնասի համար նա հատուցում պիտի ստանա իր շրջանում՝ իր տրամադրության տակ գտնված թրքությունից»⁹⁹:

Անդրանիկի այս նախազգուշացմանը հաջորդում է Շուշիի նուրի փաշայի սպառնալիքը, ըստ որի նա պահանջում էր 24 ժամվա ընթացքում անձնատուր լինել, խոստանալով «խնայել նրա կյանքը»: Փաշայի հոխորտանքին հռչակավոր հայդուկը պատասխանում է իրեն հատուկ ինքնավստահությամբ. «...24 տարի կռվել է թուրք փաշաների դեմ, իսկ այժմ պատրաստ է չափվելու նուրիի հետ»¹⁰⁰:

Ահա տեղյակ այս բոլորին՝ Թումանյանը Անդրանիկին դրած նամակում չի թաքցնում իր մտահոգությունը վերջինիս ղինվորական գործողությունների նկատմամբ, ուստի և բոլորովին պատահական չեն նամակի «հետդրություն» թվում է անակնկալ և մի քիչ էլ զգուշորեն զորավարին արված հետեյալ դիտողությունը. «Ի նկատի ունեցիր, որ այժմ մեզ համար, մեր դատի համար միմիայն մեր կոռեկտությունը և հանգստությունն է հարկավոր: էսպես են խորհուրդ տալիս մեր բարեկամները»¹⁰¹:

99 «Նոր հորիզոն», 1918, № 11 (դեկտ. 1):

100 Նույն տեղում, № 13, (դեկտ. 4):

101 «Գրական թերթ», 1989, № 9:

Ովքե՞ր էին այդ «բարեկամները», որոնց անունից Թումանյանը դժուարացնում էր զորավար Անդրանիկին, առաջնորդվելով հայ ժողովրդի դատի իր մտահոգությամբ։ Ամենայն հավանականությամբ՝ «ղաշնակիցների» ներկայացուցիչները (որոնք այնքան էլ գոհ չէին Անդրանիկի ներկայությունից և անհամբերությամբ սպասում էին, թե երբ է նա զադարեցնելու իր զործողությունները), նրանց, ալա՜ղ, ինչ որ չափով գեռես հավատում էր նաև բանաստեղծը, թեպետ, մյուս կողմից՝ նա լավ էր թափանցել իրերի դրության մեջ և զիտեր, որ Շուշի գնալը Անդրանիկի համար այդ պայմաններում անկարելի էր։

* * *

1918 թ. դեկտեմբերին մուսավաթական արյունարբու գործիչները համոզվելով, որ անհնար է ստիպել Անդրանիկին հանձնվելու և վախենալով նրա ավելի կտրուկ միջոցներից, գտնում են վրեժխնդրության այլ ուղի՝ սուտ բամբասանքներով վարկաբեկել հայ ժողովրդի հերոս զորավարին, լուրեր տարածելով, թե նա կոտորում է Զանգեզուրի մահմեդական խաղաղ բնակչությանը։ Շուտով այդ մասին թղթակցություններ են երևում ադրբեջանական մամուլի էջերում, իսկ կառավարության նախաձեռնությամբ ստեղծվում է հատուկ հանձնաժողով՝ Զանգեզուրի իրադարձությունները տեղում ստուգելու, Անդրանիկի մասին լուրերը ճշտելու համար։ Այդ հանձնաժողովի մեջ, բացի հայ գործիչներից, մտնում են անդլիական միսիայի ներկայացուցիչներ մայոր Կիպոնը, կապիտան Սիրայաթը և Շուշիի մահմեդականների Աղգային խորհրդի անդամ Աբդուլլահ բեկ Հասանովը։

Հանձնաժողովի անդամ Գ. Զիլինգարյանը, որը պետք է մեկներ Բաքու՝ զեկուցելու կատարած քննությունների արդյունքի մասին, ճանապարհին ենթարկվում է հալածանքների ադրբեջանական ոստիկաններից, նույնիսկ եռօրյա բանտարկության։ Ի վերջո, հասնելով Բաքու և զեկուցելով քննության արդյունքների մասին, բացահայտում է ճշմարտությունը, ապացուցում, որ Անդրանիկի մասին տարածված մեղադրանքները զրպարտություն են։

Իր զեկուցման մեջ Գ. Զիլինգարյանն օգտագործել է Աբդուլլահ բեկ Հասանովի ողջունի ճառը՝ ուղղված Անդրանիկին, որ բերվում է ամբողջությամբ։

«Երբ Ադրբեջանի կառավարության ներկայացուցչի առաջարկու-

11

թյամբ մահմեդական Ազգային խորհուրդը գիմեյ ինձ՝ միախաչի հետ միասին ուղևորվել Ձանդեղուր, — ասել է Հասանովը, — շնայելով տկարությանս, ես ուրախությամբ համաձայնեցի և եկա, որպեսզի Ձեզ հետ ծանոթանամ, գեներալ: Ձեր մասին հայերից ես շատ լավ բաներ եմ լսել, շատ առասպելներ: Ձեր ուժի ու արիության մասին և Դիզից Դորիս ողջ ճանապարհին զմայլվել եմ Ձեր և Ձեր արի հեծյալները կատարածների վերաբերյալ կազմված երգերով... Սակայն չեմ թաքցրնում Ձեզից, Ձեր մասին շատ էլ վատ բաներ եմ լսել իմ հավատակիցներից: Իսկ այժմ, երբ ես եկել և բախտ եմ ունեցել ծանոթանալու Ձեզ և Ձանդեղուրում ունեցած Ձեր գործունեության հետ՝ իմ սեփական կարծիքն ունեմ Ձեր մասին, գեներալ: Ես համոզվեցի, որ «Азербайджан» թերթում տպագրված բոլոր տեղեկությունները անհիմն են և սուտ ու չարամիտ: Ես համոզվեցի, որ Դուք մեր՝ մահմեդականներիս մեջ ունեք թշնամիներ, որոնք իրենց անձնական շարունակություն ունենալու հաղորդել ժողովրդին և, ի խորին ցավ պիտի ասեմ, որ որոշ շափով այդ հաջողվել է նրանց:

Ինք մեծ մարդ եք գեներալ: Դրա մեջ համոզված է հայ ժողովուրդը, այսուհետև դրա մեջ համոզված եմ և ես՝ մահմեդականների ներկայացուցիչս, և այդ համոզումը իմ պարտքն եմ համարում ներշնչել իմ ժողովրդին:

Դուք մեծ մարդ եք, գեներալ, Ձեր փառքը, Ձեր դեմ թշնամիներ է ստեղծում, սակայն ես և իմ հավատակիցները համոզված ենք, որ նրանք Ձեր՝ ճշմարտների պաշտպանի մեջ չեն կարող ասելություն սնուցանել ամբողջ մահմեդականության դեմ»¹⁰²:

Այսպիսին էր ադրբեջանական գործչի կարծիքը: Իսկ ի՞նչ ազդեցություն ունեցավ հանձնաժողովի եզրակացությունը հայ ժողովրդի ազատության համար մարտնչող առասպելական հերոսի մասին տարածված բամբասանքները հերքելու գծով: Մուսավաթական գործիչները, անշուշտ, զոհ կլինեին, եթե հանձնաժողովը հակառակն ապացուցեր, որպեսզի ամենուրեք տարածելին, թե կոտորում են ոչ թե իրենք՝ ազգայնամոլ մուսավաթականները, այլ հայերը՝ Անդրանիկի առաջնորդությամբ:

Բայց քաղաքական դեպքերը արագորեն փոխվում էին, նոր իրադրություններ ստեղծում, ուստի անհատական կարծիքները չէին կարող վճռական նշանակություն ունենալ:

¹⁰² «Հառաջ», 1919, № 10 (հունվ. 25), «Закавказское слово», 1919, № 7:

Անյ՝լ է յոթ տասնամյակ, մոռացություն փոշիների տակ թաքնվել է Աբգղուհ Բեկ Հասանովի ողջունի ճառը: Թեպետ Ադրբեջանի այսօրվա զործիշները եթե կամենան, կարող են լերթել Բաքվում հրատարակված «Вперед» պարբերականը (որտեղից արտատպել են Թիֆլիսի լերթերը) և կարդալ ու խմանալ, թե ինչպիսին էր Անդրանիկը կամ լսել Մշո Քոլոսիկ գյուղի հայտնի քուրդ կրդիչ Ֆլիտի կրդը, որը կարծես ստեղծվել է ի հաստատումն Հասանովի ելույթի: Երբ մտադածին պատմություն չէ. այն ստեղծված է ականատեսի՞ մտապատկերներով, թե՞ լուծի տպավորության տակ՝ կարեւոր չէ, քանի որ կրդի խոսքերը իրապատում են ու շատ մոտ «Մշո արծվի» ներքին էությունը, նրա մարդասիրությանը լայն տռումով, հետևողական սկզբունքայնությանը, այնպիսի սրբությունների առջև նրա զուլա խոնարհելը՝ ինչպիսին է մայրական սերը, ընտանեկան օջախը, մանավանդ, երբ այն պատկանում է տառապած մարդուն՝ աշխատավորին, ինչ աղվի էլ նա պատկանի:

Ահա այդ երկի համառոտ բովանդակությունը. Դարաբոյի ճակատամարտի թեժ պահին (խոսքը վերաբերում է ռուսական բանակի և հայ կամավորական խմբի միացյալ ջանքերով տարած հաղթանակին) մի քրդուհի մոտենալով Անդրանիկին, պատմում է, թե իր մշակ ամուսնուն սպանել են բեգերը, իսկ միակ որդուն ստիպել կռվելու ռուսների դեմ: Կինը խնդրում է Անդրանիկին, որ եթե մարտից հետո որդին ողջ մնա, գերի բնկնի, վերադարձնի իրեն. «էդ է իմ տան ճրագը», — ասում է նա: Անդրանիկը կարգադրում է. «ամրոցի գրաման ժամանակ՝ ավելի քիչ գնդակ, ավելի շատ գերի»: Վերջած գերիների մեջ է լինում քրդուհու միակ տղան, որը և հանձնվում է մորը¹⁰³:

Այս և նման պատմություններից հետո որքա՞ն անհեթեթ են թվում այն բամբասանքները, որ տարածվել են Անդրանիկի մասին մուսավաթական շրջաններում և իրենց ստահող ուժը չեն կորցրել և հետագայում և այսօրվա Ադրբեջանում, տարիներ շարունակ դառնալով որոշակի արգելք նույնիսկ Մայր հայրենիքում արժանին մատուցելու ամբողջ գիտակցական կյանքը իր ժողովրդի ազատությանը նվիրած հերոսի անմահ հիշատակին:

103 «Ավանդարդ», 1988, № 50 (Արուսյակ Սահակյանի «Ազդի նկարագիրը նրա գոյության օրերն է» հոդվածից):

1919 թ. հունվարի մղձավանջային օրերին մուսավթական դի-
շտախչներին անհանգստացնողը Անդրանիկի և նրա զորքի ներկայու-
թյունն էր Ղարաբաղին այդքան մոտիկ. նրանք շտապում էին շուտ
հեռացնել զորավարին Զանգեզուրից և օգտվում էին անգլիական դի-
վանագիտության խորամանկ խաղերից:

Անցնենք Թումանյանի համալի մյուս փաստերին, որոնք նույնպես
հասարակական հնչեղություն ունեն:

1918 թ. դեկտեմբերի այդ օրերին օրակարգի կարևոր հարցերից
էր նաև հայ-վրացական պատերազմը: Հայտնի է, թե Թումանյանը
իր ղեկավարությամբ դործող Հայրենակցական միությունների միու-
թյան միջոցով խաղաղությունը վերականգնելու ինչ մեծ ջանքեր է
թափել: Հրապարակված շատ նյութերից երևում է, որ նա որոշակի
չէր մեղադրում Հայաստանի հանրապետությանը կամ Վրաստանի մեն-
շևիկյան կառավարությանը, կամ մեղադրում է երկուսին էլ (V, 433—
436): Նրա այդ վերաբերմունքը պարզ դիվանագիտություն էր. մեղա-
վորին կամ արդարին փնտրելու ժամանակը չէր, հարկավոր էր վերջ
տալ առյուծափշուկությանը: Բայց ահա Անդրանիկին ուղղված համա-
կում շատ պարզ է, որ Թումանյանը մեղադրում է վրաց մենշևիկյան
կառավարությանը. նրանց զորքերն էին հրահրել կոխվել, օգտվելով Հա-
յաստանի անկախիլ կացությունից, կամեցել մի պատառ խել սքան-
չելի կոռու հողերից:

«Լուեցիները,— գրում է Թումանյանը,— վրացի զորքերի լրբու-
թյունից կատաղած՝ հարձակվել են նրանց վրա, և առաջ է եկել կանո-
նավոր պատերազմ: Վրացիք նահանջել են մինչև Բորչալու, տալով
բավական սպանվածներ և գերիներ: Զբաղված ենք էդ կոխվել վերջաց-
նելու գործով»¹⁰⁴:

Հետագայում կոխվելը դնում էին հօգուտ վրաց մենշևիկյան զոր-
քերի և, ինչպես հայտնի է, մինչև դեկտեմբերի 31-ը վարած բանակ-
ցություններից հետո միայն հնարավոր է լինում արյուծափշ կոխվել
վերջ տալ:

Անդրանիկին ուղղած այս համակում Թումանյանը նրան հայտ-
նում է նաև իր որդու կորստյան լուրը. «Ուղղակի սպանված ենք ամ-
բողջ ընտանիքով էս վշտի ծանրության տակ»,— գրում է բանասանդ-
ժը և այդ կասկածնությունն անդրադառնում Վանի գաղթին, որի զոհն
էր նաև Արտավազը:

¹⁰⁴ «Գրական թերթ», 1989, № 9,

«Քեզ պետք է ասեմ,— գրում է Թումանյանը,— որ Գրիգոր Բուլղարացին և իր ընկերները ուղղակի հանցավոր են Վանա գաղթի բռնոր թշվառությունների մեջ: Հսպես ևն պատմում և դատապարտում բոլոր եկածները»¹⁰⁵:

Վանի այդ գաղթը (1918-ի մարտ) արևմտահայության հույսերի խորտակումն էր. Թումանյանի համար այն կրկնակի կորուստ էր և այդ օրերին նրա ամենախոցելի աեղը:

Հիշատակված Գր. Բուլղարացին անհայտ անձնավորություն չէր. ապրիլյան ինքնապաշտպանության հայտնի հերոսներից էր, Թուրքերի մի մեծ զինանոցի ոչնչացնողը: Նա սեփական նախաձեռնությամբ ձուլել, պատրաստել էր թնդանոթ, ռումբեր և ըստ ամենայնի նպաստել 1915 թ. պաշարված Վանի ազատագրմանը: Այնուհետև ո՛չ 1915-ի, ո՛չ 1916-ի գաղթների ժամանակ նա չէ՛ր թողել իր սիրելի քաղաքը. մնալով տեղում, ամեն ջանք թափում էր Վանի պահպանության համար՝ որպես զինվորական կոմիսար, ապա՝ միլիցիայակետ: Վանի վերջին՝ 1918 թ. մարտի 21-ի, գաղթի հրամանը ստորագրել է Գր. Բուլղարացին՝ «որպես զինվորական մարմնի ներկայացուցիչ»¹⁰⁶:

Այս բոլորից հետո ո՞րն է Թումանյանի և «բոլոր եկածների» դրժ-դոհուկյան աղբյուրը:

Դեռևս 1918-ի ապրիլին գաղթի թարմ տալավորության տակ մամուլում տալագրված թղթակցությունները նույնպես մեղադրում էին Վանի կոմիսարներին գաղթի հրամանը ուղացնելու համար:

«Այդ աղբը, որ զինվորական կոմիսար պ. Գրիգորի (Բուլղարացի) ստորագրությունը կը կրեր, հայտնելով նահանջելու պատրաստ լինելը, կը հրամայեր ժողովրդին առանց սպասելու՝ անմիջապես ճամփա իյնալ, մեկ օրվա մեջ կարենալ անցնելու համար Բերկրիի հովիտը...»: Մեկ օրը չափազանց քիչ էր ոչ միայն կանանց ու հրեաների, այլև տղամարդկանց համար՝ երկար ճանապարհը կտրելու, ուստի ոկըսվում է խուճապ և գաղթականները մեկ շաբաթ հետո հասնում են Իգդիր մեծ կորուստներով¹⁰⁷:

¹⁰⁵ Նույն տեղում:

¹⁰⁶ «Աշխատանք», Եր., 1917, № 94, 1918, № 90, 96, «Վան Տոսպ», 1917, № 44, էջ 13:

¹⁰⁷ «Մշակ», 1918, № 81 (արտատպված է «Վան-Տոսպից»):

Շատ որոշակի է, որ թղթակցության հեղինակը մեղադրում է հատկապես հրամանը ուշացնողին՝ Գր. Բուլղարացուն:

Թվում է, մեր նպատակներից դուրս է քննել, որոնք ճշմարիտ մեղավորին: Բայց մեղադրողը Թումանյանն է, որը կրկնում է ուրիշներից լսածը, իսկ մեղադրյալը, ինչպես տեսանք, սովորական մի անձնավորություն չէ, ուստի եղած տեղեկությունները պետք է հնարավորություն չափանենք: Ժամանակն այնպիսին էր, կործանումն այնքան մոտիկ, շոշափելի, որ խուճապից առաջացող ամեն մի վրիպում կարող էր ճակատադրական լինել: Շատ հնարավոր է, որ Գր. Բուլղարացու՝ այդ երգվյալ հայրենասերի սխալը, եթե այն եղել է, հետևանք էր Վանը խորապես սիրելուն:

Ուշագրավ է հետևյալ փաստը:

Այն ժամանակ, երբ մի քանի օր էր, ինչ Գր. Բուլղարացին հասել էր Թիֆլիս (1918 թ. դեկտեմբերին), հրապարակվում է հետևյալ հայտարարությունը. «Գրիգոր Բուլղարացու ղեկուցումը, որ տեղի պետք է ունենար ամսի 7-ին, «Վանի վերջին դաղթը և դրա հետ կապված դեպքերը» նյութի մասին, չկայացավ՝ ղեկուցողի անակնկալ կերպով քաղաքիցս մեկնելու պատճառով»¹⁰⁸:

Այս փաստը իրավունք տալի՞ս է և ժամանակակիցներին և այսօրվա հետազոտողին ենթադրելու, թե Գր. Բուլղարացին խուսափել է ղեկուցումից և պատասխանատվությունից: Հնարավոր է նաև, որ մեղադրողներից ոմանք դարձել են վտանգավոր հետապնդողներ, ուստի և զգուշանալով հրապարակային ելույթից, Բուլղարացին թողել է Թիֆլիսը և անցել Երևան:

Երկու ամիս հետո՝ 1919 թ. փետրվարին, Երևանում վախճանվում է Արամ Մանուկյանը՝ Հայաստանի հանրապետության ներքին գործերի նախարարը: Պաշտոնապես նախատեսված էր, որ Գր. Բուլղարացին որպես վանեցի, Արամ Մանուկյանին Վանից ճանաչող մի անձնավորություն, նույնպես մահախոսական պետք է ասի թաղման ժամանակ: Մինչդեռ արարողությունների մասին հրապարակված հաղորդման մեջ Բուլղարացու ելույթի հիշատակությունը չկա¹⁰⁹: Ինչպես տեսնում ենք, վերջինս այս անգամ ևս խուսափել է հրապարակային ելույթից:

108 «Նոր հորիզոն», 1918, № 17:

109 «Աշխատանք», 1919, № 4:

Այսպիսով, Թումանյանի խոսքերը Անդրանիկին ուղղած նամակում ունեին հիմքեր, որքան էլ դրանք ինչ-ինչ պատճառներով հիմնված լինեին ընդհանուրության, սխալ լուրերի վրա:

Ըստ երևույթին, այդ տարածված լուրերը կամ շուտով հերքվել են, կամ, պարզապես, չեն խաթարել իսկական հայրենասերի սխրանքներով հարուստ կենսագրությունը, բանի որ 1920 թ. նա, այնուամենայնիվ, գնահատվում էր որպես ժողովրդական հերոս, «հայ և քուրդ աշխատավոր ժողովրդի իրարամերձման ձգտողներին», «Վանի ապրիլյան դուրացիների» առաջին կազմակերպողներին»¹¹⁰:

Ինչպես տեսանք, Թումանյանի գեկտեմբերի 14-ի այս նամակը բավական նյութ է տալիս խոսելու ժամանակի այնքան ցավոտ հարցերի մասին, որոնց շուրջը նամակագիրն ու հասցեատերը տարակարծություններ չունեն:

Նախորդ էջերից երևաց, թե ինչպես էր Թումանյանը զգուշացնում զորավար Անդրանիկին՝ խուսափելու հետագա անզգուշ քայլերից:

Մի հետաքրքիր զուգադիպություն՝, հոր իրազարժությունները շուտով հաստատում են Թումանյանի նամակի այդ տողերի խորհուրդը, մյուս կողմից՝ բացատրում, թե ինչու Անդրանիկը՝ այդքան մտահոգված Շուշիի հայության ճակատագրով, այնուամենայնիվ, չգնաց դեպի Շուշի:

1919 թ. հունվարի վերջերին հրապարակվում է Անդրանիկի հրամանը ուղղված Վարանդի, Տիվալի, Խաչենի և Զիվանշիրի զինվորական հրամանատարներին՝ բոլոր ռազմական գործողությունների դադարեցման մասին: Որոշված էր, որ տաճկական զորքերը պետք է հեռանան Կովկասից. ռազմական գործողությունները, ըստ դաշնակիցների, պետք է դադարեն, հակառակ դեպքում կսկսվեն կարող էին «վատ հետևանք ունենալ հայկական հարցի վերջնական վիճակի վրա»¹¹¹:

Անշուշտ, այդ օրերին դաշնակիցներին հուզողը հայկական հարցի «վերջնական վիճակը» չէր, այլ սեփական շահը. նրանք ձգտում էին Կովկասի գերիշխանության, ուստի օր առաջ ուղադրում էին թուրքերի հեռանալուն, որին խոչընդոտում էր նաև Անդրանիկի ներկայությունը:

110 Հ. Թադևոսի (Հրաճախ Գ. Կարինյան), Բնաշխարհ ինքն իր մեջ, Եր., 1920, էջ 43—44: Գրիգոր Բուդաբաքցի (Գր. Գեղյան, Գրգեղ) վախճանվել է 1922 թ. Պոլսում («Վասպուրական» վան Վասպուրականի ապրիլյան հերոսամարտի տասնամյակի առթիվ», 1915—1930, Ս. Ղազար, 1930, էջ 104-ից հետո ներդիր):

111 «Ժողովրդի ձայն», Թիֆլիս, 1919, № 19 (28-ը հունվարի):

Այս հրամանից քիչ անց՝ փետրվարի 3-ին, Անդրանիկը Թուման-
յանին դրում է մի նոր նամակ՝ ի պատասխան հասցեատիրոջ առաջմ
մեղ անհայտ հունվարի 21-ի նամակի: Գիտենք միայն, որ այն զորա-
վարին հասել է Ղափանի պղնձի ֆրանսիական ընկերության տնօրեն
Ռոպենի միջոցով:

Անդրանիկը հայտնում է բանաստեղծին՝ իր ռազմական գործողու-
թյունները դադարեցնելու մասին՝ ոչ միայն դաշնակից պետություն-
ների՝ Զանգեզուրում գտնվող ներկայացուցիչների խորհրդով: Դրա հա-
ժար եղել էին նաև այլ պատճառներ:

Զորավարը դժգոհ էր Ղարաբաղի մտավորականության մի մասի
դավաճանությունից. դրամի նկատմամբ թուլություն ունենալով, նրանք
զիջումներ էին անում Ադրբեջանի մուսավաթական կառավարությանը:
Զորավարը չուներ որևէ հենարան, ոչ մի տեղից օգնություն չէր ստա-
նում զաղթականության պահանջները բավարարելու համար:

«...Թվով 22000 այսօր սովի և մահվան սպառնալիքի առաջ կանգ-
նած են, անհրաժեշտ է անոնց հասցնել շուտափույթ օգնություն, այլա-
պես բոլորն ալ կը կոտորվին»:

Նույն գրությունը կը տիրե նաև Գողթան գավառի մեջ. թուրքերը
փակած են դեպի Օրդուբաթ—Մեղրի գնալու ճանապարհը, և թե դեպի
Նախիջևան: Այս կերպով Գողթանի 12 հազար ժողովուրդ հաղորդակցու-
թյունն բոլորովին կտրված և արտաքին աշխարհն մթերք ստանալու
հնարավորությունն զրկված՝ սովամահ լինելու վտանգի են ենթարկ-
ված...»:

Անդրանիկի փետրվարի 3-ի այս նամակից տեղեկանում ենք, որ
նա Թումանյանին ուղարկել է Գորիսում հրատարակվող «Որոտան»
թերթի մի համարը, ուր տպագրված է «Հօգուտ Զանգեզուրի զաղթա-
կանության ոտայված 600 000 ռուբլու գումարի հաշվետվությունը»:

Որոշումները պարզում են, որ խոսքը վերաբերում է հիշված թեր-
թի 1918 թ. հունվարի 26-ի համարին (№ 7). այն շատ հետաքրքրա-
կան է ոչ միայն նրա համար, որ այնտեղ է հրապարակվել Բաքվի հայ
բնակչությանից հօգուտ զաղթականության ստացած գումարի՝ Անդրա-
նիկի հաշվետվությունը: Այստեղ կան այլ նյութեր ևս, որ կարևոր են
Անդրանիկի կենսագրության, նրա մարդկայնության, ազնվության և
բնավորությանը ծանոթանալու առումով:

«Որոտանի» այդ համարը, կարծես, վավերացնում, հաստատում է
նոյեմբերին Անդրանիկի գրած նամակի ողջ բովանդակությունը՝ ինչ-

պէս գաղթականության, զորքի վիճակի, այնպէս էլ իր՝ ղորավարի անկ-
լանելի կացության մասին:

Թերթում հետաքրքրական է նաև մի «Հայտարարություն», որը
նույնպէս դրամական հաշվետվություն է: Այդ «Հայտարարությունից»
պարզվում է, որ 1918 թ. օգոստոսի 18-ին զինվորական սուբհանգակի
պարտականությունը կատարելիս Ալեքսանդրապոլից քիչ հեռու սպան-
վում է Անդրանիկի հետ Սասունի սարերում արիաբար մարտնչած բեր-
դակցի Գասպար Պետրոսյանը (Տիգրան Թռչնիկ): Իմանալով այդ մա-
սին և շխարողանալով գտնել հւնցադործին, Անդրանիկը Ալեքսանդ-
րապոլի բնակչությանը տուգանում է 20 000 ուրբով: Այդ 20 000 ուրբ-
լին, որն ալեքսանդրապոլցիները ուղարկում են Անդրանիկին՝ բաշխ-
վում է վերջինիս զլխավորությամբ: Գումարի 500 ուրբլին բաշխվում է
հանձնելու զոհվածի ընտանիքին, մնացածը բաժանվում է Սիսիանի
զինվորական հիվանդանոցին, գաղթականներին, Գորիսի և Ղարաքի-
լիսայի որբանոցներին:

«Որոտանի»՝ քննության առարկա համարի լուրերի բաժնում ուշա-
դրավ է Անդրանիկի մարդկայնության ու բարության մի հետաքրքրա-
կան նմուշ ևս: 1919 թ. հունվարի 21-ին գորիսեցի նիկոլայ Տեր-Բաղ-
դասարյանը ձերբակալվում է մի թուրքի հրացան վաճառելու մեղա-
դրանքով: Բնականաբար, զործը հանձնվում է զինվորական դատա-
րանին, և զորքի ու ժողովրդի ներկայությամբ ադապտացնելով հանցան-
քը, որոշվում պատժի առավելագույնը՝ զնդակահարություն: Դատից
հետո զործին միջամտում է ղորավար Անդրանիկը և «նկատի ունե-
նալով Տեր-Բաղդասարյանի ընտանեկան դրությունը, ներումն շնոր-
հեց, փոխելով մահվան դատավճիռը երեք տարի բանտարկության»¹¹²:

Այսպէս էր Անդրանիկը՝ և՛ պատժել դիտեր, և՛ ներել: Շատ էր
տեսել զոհեր օտար բարբարոսների ձեռքով. նրա համար կրկնակի ծանր
էր տեսնել հայ մարդու զնդակահարությունը, հայի օջախի ավերումը՝
հայի ձեռքով: Կասկածից վեր է, որ դատավճիռը փոխելու որոշման
տակ կատարողներ նաև բանաստեղծ Թումանյանը: Այդ հավատով էլ
Անդրանիկը «Որոտանի» համարը, ուր այնքան շատ բան կար իր գոր-
ծունեության մասին, ուղարկել էր բարեկամին. ի վերջո, այն Թուման-
յանին ուղարկած նամակի մի մասն էր:

Հստ նույն՝ 1919 թ. փետրվարի 3-ի նամակի, Անդրանիկը մտա-

¹¹² «Որոտան», 1919, № 7:

դրույթուն ուներ Գորիսից անցնել Սիսիան, ապա՝ Նոր Բայազետ, Դարաքիլիսա, որտեղ մեծ ցանկություն ուներ հանդիպելու Թուման-
յանին:

1919 թ. մարտի վերջերի քաղաքական դեպքերը, հատկապես անգլիական դիվանագիտության խորամանկ հաշվարկները ի վնաս հայ ժողովրդի և Անդրանիկի ղորամասի գործողությունների, վերջինիս ծրագրերը փոխում են: Փոխվում է նաև նրա երթը¹¹³:

Ապրիլի 2-ին Անգեղակոթի ժողովուրդը հրաժեշտ է տալիս իր ազատարարին: Սրտառուչ էր վանգեզուրցիների և Անդրանիկի բաժանումը¹¹⁴:

Քիչ առաջ անցնելով ասենք, որ Անդրանիկի՝ Զանգեզուրը թողնելուց երկու ամիս հետո՝ հունիսի 4-ին, մուսավաթական հրոսակախմբերը կարողացան իրականացնել իրենց վաղեմի ցանկությունը, որ նրանց երբեք չէր հաջողվի հռչակավոր հերոսի Զանգեզուրում գտնված միջոցին: Վայրենաբարո ավաղակախմբերը բոլոր դիրքերից հարձակվում են Շուշիի անպաշտպան խաղաղ բնակչության վրա, սպանում ու թալանում, իսկ քիչ անց զանգվածային կոտորածներ են սկսում ամբողջ Ղարաբաղում¹¹⁵: Այդ էր հայկական հարցի լուծման համար անզիլացիների ցուցաբերած «մտահոգության» և Ղարաբաղի բնակչության մի մասի՝ Ադրբեջանի մուսավաթական կառավարությանն արած զիջումների հետևանքը, որոնց մասին, ինչպես տեսանք, գրում էր Անդրանիկը՝ ցույց տալով իր ծանր կացության պատճառներից մեկը:

Մղձավանդային այդ օրերին վերստին գործի է անցնում հայ ժողովրդի ազգային բանաստեղծը: Որպես Հայ դրողների ընկերության, Հայոց հայրենակցական միությունների միության, ինչպես և Համաշխարհային պատերազմում հայ ժողովրդի կրած վնասները հաշվող բյուրոյի նախագահ՝ Թումանյանը նախաձեռնում և 1919 թ. հունիսի 22-ին Թիֆլիսի վանքի մայր եկեղեցու բակում (ուր գտնվում էր հայոց առաջնորդարանը) կազմակերպում է բողոքի համահայկական ցույց՝ դրան մասնակից դարձնելով այդ միջոցին գործող բոլոր հասարակա-

113 Մանրամասնություններ տես Մ. Աղայան, Հոկտեմբերը և հայ ժողովրդի ազատագրական պայքարը, էջ 247—252:

114 Նույն տեղում, էջ 257—260:

115 «Աշխատավոր», 1919, № 12, (հունիսի 8), № 118, (հունիսի 15):

կան-մշակութային ընկերություններին, կազմակերպություններին և տասնյակ հազարավոր բնակչության:

Նախագահելով ցույցին, իր բացման խոսքում Թումանյանը անարգանքի սյունին է դառնում Ղարաբաղը մայր երկրից անջատելու նպատակով կատարված եղեռնագործությունների հեղինակներին՝ առանկա-կան գործակալներին՝ Ադրբեջանի մուսավաթական գործիչներին և կոչ է անում երկու հարևան ազգերի խաղաղ գործակցության: Այնուհետև ելույթ են ունենում ժամանակին հայտնի հայ հասարակական-մշակութային գործիչները, որից հետո Թումանյանը կարգում է ցույցի ընդարձակ բանաձևը: Նկարագրելով տեղի ունեցած «արյունալի զեպքերը», բանաձևում խստագույնս պահանջվում է ամենախորուկ միջոցներ և եվրոպական ժողովուրդների միջնորդությունը՝ «անկրկնելի դարձնելու ապագայում Ղարաբաղի գյուղացիության կոտորածը առանկա-ադրբեջանական ագենտների կողմից, որ կարող է վերածվել երկու հարևան ժողովուրդների փոխադարձ կոտորածի: Անմիջապես ձերբակալել և դատի հանձնել տեղի ունեցած կոտորածների հեղինակներին, անպայման հեռացնել ամբողջ հայկական Ղարաբաղից Ադրբեջանի իշխանությունը, որին չի ճանաչում և երբեք չպիտի ճանաչի «Հայկական Ղարաբաղը»: Այնուհետև բանաձևում առաջ է քաշվում ավելի որոշակի պահանջ.— «Թույլ տալ Հայկական Ղարաբաղին, համաձայն ազգաբնակչության անդրդվելի կամքի՝ կցվել Հայաստանին և եթե այդ կցումը որևէ պատճառով անհնար գտնվի, առայժմ Հայկական Ղարաբաղում կազմակերպել դաշնակից պետությունների վարչություն, մինչև Փարիզի կոնֆերանսի վերջնական վճիռը»¹¹⁶:

Կոնֆերանսը սկսվել էր 1919-ի հունիսին և տևեց մինչև 1920 թ. հունվարը, որին մասնակցող յուրաքանչյուր մեծ պետություն ուներ իր սեփական շահը:

Կովկասում տիրապետող դարձած դաշնակիցները օգնության ձևեր չմեկնեցին Ղարաբաղի անպաշտպան բնակչությանը, և Թումանյանի ու ողջ հայ ժողովրդի հույսերը այս անգամ էլ, ինչպես մեկ տարի առաջ, չարդարացան:

Բայց դառնանք Անդրանիկին:

Հիասթափված եվրոպական տերությունների դիվանագիտությունից, զարմացած Հայաստանից Փարիզ մեկնած գործիչների սին խոստումների

¹¹⁶ «Աշխատավոր», 1919, № 124:

վրա, կրելով հսկայական դժվարություններ, 1919 թ. ապրիլի 13-ին Անդրանիկը հասնում է էջմիածին, առանց Նախկին մահակա-
նության էր Հայաստանի կառավարության հետ հանդիպելուց, բայց
բռնի ցանկություն ուներ տեսնելու սիրելի բարեկամ-բանաստեղծին,
ուստի ապրիլի 19-ի երկուշաբթի հայտնում է նրան հանդիպելու իր
մտադրությունը էջմիածնում¹¹⁷: Այդ տեսակցությունը տեղի չի ունե-
նում, իսկ ապրիլի 27-ին Անդրանիկը էջմիածնից մեկնում է Թիֆլիս և
հասնելով 28-ին՝ անմիջապես գնում Թումանյանի մոտ:

Թումանյանի հյուրասեր հարկի տակ Անդրանիկը մնում է մինչև
մայիսի 7-ը: Աննկուն մարտիկը Թիֆլիսում ընդունվում է ջերմորեն,
ամենուրեք մեծարվում ու փառաբանվում: Երրորդ արական զիմնա-
զիայի և Հովհաննյան դպրոցի աշակերտները իրենց ուսուցիչների հետ
և երաժշտական խմբով՝ Թումանյանի բնակարանի մոտ կազմակերպում
են ողջերթի ցույց ի պատիվ ժողովրդական հերոսի ու մեծարում նրան:
Հուլիսի իր պատանի բարեկամների ջերմ, սրտառու վերաբերմուն-
քից՝ Անդրանիկը ծաղիկներ է նետում աշակերտների վրա ի նշան շնոր-
հակալության¹¹⁸:

Բայց երբեմնի հայտնվել սովոր չէր միայն մեծարվել:

Անդրանիկի և Թումանյանի այս հանդիպման օրերը հաշված էին,
ուստի նրանք որոշում են լուծել մի շատ կարևոր, անհետաձգելի խնդ-
րի մաս:

1919 թ. մայիսի 1-ին մամուլը հայտնում էր, որ ապրիլի 30-ին
Անդրանիկը և Թումանյանը այցելել են Վրաստանի հանրապետության
արտաքին գործերի մինիստր Ե. Դեգեշկոբին: Նրանց զրույցը, ըստ
թերթի, ընթացել է ժողովուրդների բարեկամության ամրապնդման
շուրջը: Դեգեշկոբին ափսոսել է, որ մի այնպիսի ժամանակ, երբ եր-
կու հարևան ժողովուրդների բարեկամությունը լավ հիմքերի վրա է
դրվում՝ Անդրանիկը հեռանում է Կովկասից: «Մենք՝ ժամանակակից-
ներս, չգիտենք գնահատել այնպիսի գործիչների, ինչպիսին Դեգե
Կանյանի որոշ ժամանակ, և ազատության Ձեզ նման մարտիկները
կգնահատվեն ըստ արժանվույն՝ ժողովրդի բարեկենցության համար
իրենց ունեցած պատրաստակամության, հայրենիքի նկատմամբ ունե-
ցած սիրո համար»: Անդրանիկը պատասխանել է. «Ես երբեք չեմ

117 ԳԱԹ, ԹՖ, № 503:

118 «Աշխատավոր», 1919, № 88:

ներագել անձնական երջանկություն և հաջողություն: Ես մշտապես պայքարել եմ հայրենի ժողովրդի ազատության և բարօրության համար: Ես չեմ փնտրում իմ արածի պնասատականը, ցանկանում եմ միայն, որ երջանիկ լինի ժողովուրդը, որին ծառայել եմ իմ ամբողջ կյանքում»¹¹⁹:

Անդրանիկը իր բանաստեղծ բարեկամի հետ վրաց մենշեկիկյան կառավարության մինիստրին այցելել էր ոչ սիրալիրություններ լսելու համար: Թերթը թաքցրել է այդ հանդիպման իսկական խորհուրդը, երկու մեծ հայերը իկել էին փրկելու Հայաստանի ժողովրդին սովից: Բաթումում կալանք էր դրված դեպի Երևան մեկնող այն դնացքի վրա, որը պետք է այլուր տեղափոխեր սովատանջ ժողովրդի համար: Հանդիպման հաջորդ օրը, շնորհիվ Անդրանիկի բավական խիստ միջամտության, յոթնասուն վաղոնով դեպի Հայաստան են առաքել «ուտեկիք և հազնեկիք» (ԹԺՀ, 552—553):

1919 թ. մայիսի 7-ին Թիֆլիսի կայարանում դեպի Բաթում, ապա Փարիզ մեկնող Անդրանիկին ճանապարհողների մեջ էր և Թումանյանը. այդ նրանց վերջին հանդիպումն էր:

Հասնելով Բաթում, Անդրանիկը երկու կարճ նամակով (մայիսի 11-ին և 14-ին) Թումանյանին տեղյակ է պահում ճամփորդության ընթացքի մասին, իսկ երրորդը գրում է Փարիզից (1919, նոյեմբերի 10): Այդ ժամանակ և հետո՝ Անդրանիկին Թումանյանի գրած որևէ նամակ հայտնի չէ. հավանաբար չի գրել, որովհետև նախ՝ զորավարը դեռ մըշտական բնակավայր չուներ, իսկ Թումանյանը ծանր հիվանդացել էր:

Իր նամակներում Անդրանիկը օգտագործել է Թումանյանի հայտնի հեքիաթի խոսքերը յուրովի. «Դարտ ընողին դարտ չի պակսեր, քեֆ ընողին քեֆ չի պակսիլ, դեհ գինիները լեցուցեք, իմ կենաց խմեցեք»: Այդքան երկար տառապանքներից հետո էլ, Անդրանիկը, չկորցնելով հումորի զգացումը, մնում էր սիրելի Հայաստանի «դարտով» մտահոգ, նրա գոյատևման համար անդադար գործող սկզբունքային հայրենասեր:

Արտասահմանում Անդրանիկը ամբողջովին տոգորված էր իր ժողովրդին օգնելու մտահոգությամբ: Այս իմաստով հետաքրքրական է

¹¹⁹ «Кавказское слово», 1919, № 80.

Մարսելում հրատարակվող «Խթան» թերթի խմբագրի հետ ունեցած նրա հարցազրույցը, որի ժամանակ, նկարագրելով Հայաստանի արևմտասական կաղնիքները, կոչ էր անում օգնել հայ ժողովրդին. «Հայաստանի կեսը որբանոց է, և կեսը հիվանդանոց. աշխարհի շուրջ ծայրը բոլոր հայ հարուստները և մտավորական ուժերը եթե մեծ զոհողություններ հանձն չառնեն ու ըստ ահմ չգործեն՝ յուզի պես կը հայինք... Հաղարհարող ֆրանկներ կը ծախսվին ինձ հացկերություններ տրվելու համար,— ասել է Անդրանիկը,— դիտցեք, որ ամեն մի պատառով արյուն կը կրվեմ, աչքիս առջև բերելով Հայաստան ապրողներու ողորմելի վիճակը...»:

Խոսքն ուղղելով արտասահմանյան հայության ունեոր դասին, հասարակական կաղնիքները բացահայտելու ու գործիչներին նա որոշակի հայտարարում է. «Հայաստանի ժողովուրդը հա՛ց, հա՛ց, հա՛ց աղաղակելով՝ կմեռնի, ուռուցիկ ճառերը անոնց փորը չեն կշտացներ...»: Մոռացած՝ Հայաստանի հանրապետության նկատմամբ ունեցած դժգոհությունը, իր մեծ սրտի մեջ անթեղած հայրենի ժողովրդի սերը, այդ հարցազրույցների ժամանակ Անդրանիկը խոստանում է ջանք չխնայել տարբեր կերպ մտածող ալլեալ կուսակցական մտայնություն և սկզբունք ունեցող «տարբերը համագործակցության մղելու»: «Կուսակցական կրքերը և հոսական տրամադրությունները հայրենիքի դերազույն շահերուն զոհվելու են, քանի որ Հայաստանը բոլոր իր զավակներուն հավաքական գործունեության պետք ունի»¹²⁰:

Անցնում էին տարիներ, առավել բորբոքելով ու բաղձապատկելով Անդրանիկի սերը վերածնվող իր ժողովրդի, ազատագրված հայրենիքի նկատմամբ: Նա ամբողջ էությունը ապրում էր այդ հայրենիքի կյանքով, նրա կարիքներով, մասնակցում էր Հայաստանի օգնության համար սփյուռքահայության գործունեությանը, բայց և տառապում էր հայրենիքի կարոտից:

Փարիզում ապրող հայրենակիցների ստիպմամբ ու միջնորդությամբ, 1922 թ. մայիսին Անդրանիկը ամուսնանում է: Պաակադրության հանդեսին մասնակցում էին նրա հերոսական կենսագրությանը քաջ դիտակ հայ հասարակական գործիչներ, գրողներ, մտավորական-

¹²⁰ Հարցազրույցը արտատպել է Թիֆլիսի «Ժողովրդի ձայն» օրաթերթը. տե՛ս 1919, № 168 (օգոստոսի 9):

ներս Արշակ Չոպանյանը «Մշտ արծվի» գործունեությունը ընդհանրադնելով, այսպես է դնահատում նրան. «Անդրանիկը իր հերոսությունը առած է հայ ժողովրդի հոգիին: Հայությունը անոր պես մարտնչած է, անցած է մահվան վտանգներուն մեջեն և սակայն միշտ ապրած հույսով»: Ի պատասխան երախտավոր գործչի այս ինքնատիպ ու խոր գնահատականի, Անդրանիկը ասել է. «Ի՞նչ կարժե կյանքը, եթե հայրենիք մը, մեր գլուխը դնելիք քար մը շունենանք: Առանց մեր օճախին՝ օտարություն մեջ դատապարտված ենք հյուծելու: Կին մը չի կրնար զիս կաշկանդել,— որոշակի հայտարարում է նա:— Եթե վաղը ազգը զիս պարտականության գլուխ կանչե՝ պատրաստ եմ կատարելու զինվորի պարտականությունս»¹²¹:

Անդրանիկի այս խոսքը յուրատեսակ մի երգում էր և միաժամանակ կոչ ի սփյուռ ջրված աշխարհի հայությանը՝ խուսափելու ճուշտմիտ, միշտ հայ ապրելու և դեպի հայրենիք ձգտելու...



Մենք ասանք, թե Վահան Թոփուկենյը ինչպես էր իրավացիորեն նկատել Թումանյանի և Անդրանիկի «բարքերի և ըմբռնումների խիստ նմանությունը» (ԹԺՀ, 141): Այդ շատ լավ երևում է նրանց բարեկամության պատմությունից: Ընդամենը հինգ տարի է ասել նրանց մտերմությունը (1914—1919 թթ.): Եթե հանենք Անդրանիկի ճակատամարտերը, քաղաքական այն իրադարձությունները, որոնք բաժանում էին նրանց, մնում է շփումների շատ կարճ միջոց: Բայց որքան շատ են առնչությունները, որքան խորն է բանաստեղծի և ղրավարի հոգեհարազատությունը:

Նրանց կապող կամուրջը նախ և առաջ երկուսի մեծ հայրենասիրությունն էր և դավաճարական ընդհանրությունները:

Անդրադառնալով բանաստեղծի և ղրավարի բարեկամությանը, Վարդգես Ահարոնյանը գրում է. «Անդրանիկի մեջ Թումանյանին գրավողը ամենից առաջ Անդրանիկի հայրենասիրությունը և հռչակված ռազմիկ լինելն էր:

¹²¹ «Կարմիր աստղ», 1922, № 141:

Անդրանիկը՝ իր հերթին գրավվել էր Հովհ. Թումանյանի շենշող անձնավորությունով, Թումանյանի նահապետական շենությունով... և բարեկամների առջև միշտ բաց դնելով: Գիտեր, որ Հովհ. Թումանյանը հռչակված, սիրված բանաստեղծ է—այդչափ միայն: Անդրանիկը, առհասարակ, դրքի հետ շատ գլուխ շուներ և հաղիվ թե Թումանյանի գրածներից որևէ բան կարդացած լիներ:

Ոտքից մինչև գլուխ ռազմիկը՝ մեկ կողմից, և ամեն ինչով բանաստեղծը՝ մյուս կողմից, մտերիմ բարեկամներ էին դարձել: «Սասունցի Դավթի» հեղինակ Հովհ. Թումանյանը Սասնո բարձունքների վրա հերոսական պայքար մղած Անդրանիկի մեջ, անկասկած, Առյուծ Մհերից և Թլու Դավթից մի մաս էր տեսնում»¹²²:

Վ. Ահարոնյանը նույնպես լավ էր ճանաչում երկուսին էլ և, թվում է, ճիշտ էլ գնահատում է: Բայց այդ գնահատականի մեջ պակասում է մի շատ կարևոր հանգամանք՝ բանաստեղծի և զորավարի գաղափարական ընդհանրությունը: Նրանց համար առաջնայինը հայրենիքն էր, ժողովրդի շահը, երկուսին էլ կաշկանդել չկարողացան կասակցական նախապաշարումը, կուսակցական նեղմտությունն ու միտումնավորությունը:

Բանաստեղծի մահվան առիթով հրապարակած հոդվածում Անդրանիկը հատկապես գնահատել էր հանգուցյալ բարեկամի «անկաշառ սիրտը», «անխորաք հոգին», «որ վեհանձն էր ու անվախ»: «Հանցանքը, որ ունեիր՝ կուսակցական չէիր (ընդգծումը հեղինակինն է—Լ. Կ.) ...Հանցանքը, որ ունեիր՝ սիրտդ չէր կեղծեր» (ԹժՀ, 554):

Ավելորդ է բերել այլ օրինակներ ևս՝ ասացուցելու բանաստեղծի և զորավարի ըմբռնումների և գաղափարների նույնությունը, քանի որ վերևում այդ մասին տարբեր առիթներով գրվեց: Բայց չի կարելի համաձայնել Թումանյանի ստեղծագործությանը՝ Անդրանիկի ծանոթ չլինելու Վ. Ահարոնյանի կարծիքի հետ: Բնատուր խելքով օժտված զինվորը չէր կարող անծանոթ լինել «Ամենայն հայոց բանաստեղծի» երկերին: Մագուսով բնաշխարհից, ժողովրդի ծոցից, Անդրանիկը հրաշալի պատմող էր, դիտեր իր խոսքը համեմել ժողովրդի բառ ու բանով, առածով, ասացվածքով: Նա էր Թումանյանին պատմել «Մոծակն ու մրջյունը» առակի սասունցիների մոտ ապրածված տարբերակը, որ բանաստեղծը հրապարակեց 1917 թ. «Գործ» ամսագրում: Այդպիսի մե-

122 Վ. Ահարոնյան, Անդրանիկ, Մարդը և ռազմիկը, Բոստոն, 1957, էջ 167—168:

կը շէր կարող չկարողալ և շոնահատել Թումանյանին, մանավանդ նրան ճանաչելուց, մտերմանալուց հետո: Բայց, ավելի լավ է, մեջ բերել Անդրանիկի՝ իր իսկ խոստովանութունը. «Իր գրական տաղանդին համար իմ բառերս շատ կարճ կուզան: Գրադետ չեմ, այդ բաժինը հայ գրադետներուն ու բանաստեղծներուն կթողում... Ես ալ շատ սիրած եմ անոր երգերը: Երգած, ղգացած և վայելած եմ անոր երգերն ու գրական արտադրութիւնները: Հիացումով հետեւած եմ «Անուշ» պոեմին, «Սասունցի Դավթին», «Մի կաթիլ մեղրին», «Շունն ու կատուին», «Քաջ Նաղարին» և այլն» (ԹժՀ, 553):

Անդրանիկը ոչ միայն գնահատում և սիրում էր իր բարեկամի ստեղծագործութիւնը, այլև հասու էր նրա անմահութեանը: Այդ իմաստով՝ բոլորովին պատահական չեն նրա հայտնի խոսքերը. «Կանցնեն տարիներ, ոչ ես կլինեմ, ոչ էլ Թումանյանը, բայց կլինի մի նշանավոր բան՝ «Շունն ու կատուն»» (ԹժՀ, 142):

Նա գիտեր տարբերել լավ ու վատ ստեղծագործութիւնը, չէր հանդուրժում անշնորհ բանաստեղծներին:

1917 թ. հունվարի 14-ին՝ Թումանյանի անվանակոչութեան օրը, հավաքված բաղմամբով պատվավոր հյուրերի ներկայությամբ իրենց ստեղծագործութիւններէց հատվածներ են կարդում ճիսակ բանաստեղծները. ամեն ինչ կարծես լավ էր անցնում, բայց ահա անտաղանդ, երկարաշունչ ոտանավորով հանդես է գալիս երիտասարդ մի բանաստեղծ: Առաջին և միակ ընդլիցողը Անդրանիկն էր, որ անհամբերութեամբ բացականչում է.

— Մեզի ոտանավոր պետք չէ: Ձեր ոտանավորչի խերն անիծեմ: Գնացեք ֆրոնտ՝ զենք գործածելու (ԹժՀ, 674):

Անդրանիկը բնածին խելքով, կյանքի հարուստ փորձով, մեծ հոգով, ներքին կուլտուրայով օժտված անձնավորութիւն էր: Մարդկային հատկանիշներ են սրանք, որ հաճախ կապ չունեն ձեռք բերովի՝ ըստացած կրթութեան կամ կարգացած գրքերի ազդեցութեան հետ: Հաստատելու համար ասվածը, ավելորդ չէ հիշատակել հետեւյալ ուշագրավ վկայութիւնը, որն ապացուց է, թե Անդրանիկն ինչքան էր առկալ հայոց պատմութեանը, ինչպէս էր գնահատում հայ մշակուլթի գործիչներին:

Հայտնի է, որ կոնջը՝ Նվարդին, Անդրանիկը խնդրել էր իր գիակը տեղափոխել Հայաստան, իսկ եթե այդ հնարավոր չլինի, գոնե քոջ մոտ՝ Վառնա: Բայց զորավարը ունեցել է նաև մի այլ ցանկութիւն-

խնդրանք, որ հայտնել էր տակավին 1917 թ. Թիֆլիսում՝ «Հայաստան» օրաթերթի խմբագրատանը, դիմելով լրագրող Թյուֆյունճյանին.

«— Լևոն,— ասել է նա,— տպարաննիս կը փոխադրենք Հայաստան, Առաքելոց վանքը: Կուզեմ հոն մեռնիլ և թաղվիլ թարգմանիչներու գերեզմաններուն ոտքը, ոչ որպես անոնց քով պառկելու արժանիքով մեկը, այլ որպես պահակ զինվոր մը այդ մեծ մարգկանց՝ դըրված այն ազգին կողմեն, որ անոնց վառած ջահին շնորհիվ դարերով պահած է ինքզինքը»¹²³:

Ցանկութունը հայտնված է այն օրերին, երբ թուրքերից ազատագրված հայկական դավառներում սկսել էին դանդաղորեն հավաքվել փախստական հայերը, մի կարճ ժամանակ լավատեսորեն համակելով ժողովրդի ազատության համար պայքարող գործիչներին, այդ թվում և Անդրանիկին, վերջնական ազատության հույսեր ներշնչելով նրանց: Անդրանիկի համար արդեն հեռու չէր թվում այն օրը, երբ ինքը ոտք պետք է դնեւ Մշո սրբազան հողի վրա, ուր դրվել էր հայ ժողովրդի հավիտենական գոյատևման հիմնաքարը:

Մենք արդեն տեսանք, թե ինչպես էր Թումանյանը գնահատում զորավար Անդրանիկին նրա կյանքի և մարտական գործողությունների տարբեր փուլերում: Այստեղ մի փոքր օրինակով կամենում ենք նաև ավելացնել, որ բանաստեղծին առաջնորդողը կույր, անվերապահ վերաբերմունքը չէր:

1918 թ. դեկտեմբերին Անդրանիկին դրած Թումանյանի նորահայտ նամակից իմացանք, թե վերջինս ինչպես էր նրբանկատորեն զգուշացնում իր բարեկամին ծայրահեղ, վնասաբեր քայլերից:

Երբ Անդրանիկը սեփական կամքով հեռացավ հայրենիքից, չուղելով ճանաչել Բաթումի հունիսյան դաշնադիրը, ժողովուրդը, քառասյին դրության, հուսալքումի, հիասթափության մեջ, դարձյալ շարունակում էր երկրպագել իր սիրելի հերոսին: Ղարաբլիխայի պարտությունից հետո, շնայած տարածված բամբասանքների, շատ զինվորներ լքում էին գեներալ Թ. Նազարբեկյանի բանակը, միանում Անդրանիկին՝ խոստանալով նրա հետ մեռնել և զինքը վայր չդնել:

Ինչո՞ւ, հարց է տալիս ժամանակակիցը: Այդ «ինչուի» պատասխանը տվել է բանաստեղծը կարճ ամփոփելով այդ օրերի իրադրությունը. «Կամ Նազարբեկովը Անդրանիկ ըլլալու էր և կամ Անդրանիկը՝

123 Ա. Թևրդիպալյան, Անդրանիկ, Փարիզ, 1942, էջ 409:

Նազարբեկով. այս դժբախտությունը (Թրքական արշավանքը) հայերու գլխին չէր գար»¹²⁴:

Մեջբերումը կատարված է հուշերից. հնարավոր է, որ Թումանյանը, եթե ոչ բառացիորեն, գոնե մոտավորապես նման մի բան տեսել է: Այստեղ կարևորն այն է, որ բանաստեղծն ընդունելով և գնահատելով Անդրանիկի ունեցած «աստվածալինը», բնատուր ռազմական տաղանդը, փորձը, զգացել է նաև այն պակասը, ինչ ձեռք է բերվում ռազմական իսկական կազմակերպված կրթությամբ:

Մինչև կյանքի վերջը Թումանյանը հավատարիմ իր բարեկամական անկեղծ զգացումներին, հիվանդ, անկողնում պառկած ժամանակ էլ հետաքրքրվում էր Անդրանիկի գործերով, նրա առողջական վիճակով: Իմանալով, որ երբեմնի «լեռների արծիվը», թևակոտ տկար, անուշադիր է իր առողջության նկատմամբ, չի լսում բժիշկների խորհուրդները, պատճառաբանելով, թե՝ «Ամոթ է մահվրեն չաղքան վախալը», բանաստեղծը անմիջապես ամփոփել է. «Անդրանիկը վախենալուց է միայն վախենում»¹²⁵:

Ի հաստատումն Թումանյանի այս էքսպրոմտ իմաստության, հիշենք Անդրանիկի մեծ կյանքի մի փոքր դրվագը ևս:

Փողովորդի մեջ տարածված էր այն կարծիքը, թե Անդրանիկի՝ կըռվում անխոցելիության պատճառը նրա «սուրբ» լինելն է, հակառակ դեպքում՝ ինչպե՞ս է, որ «կարկուտի նման» թափվող գնդակները նրան չեն դիպում: Վանում Անդրանիկին հանդիպելով, այդ մասին նրան պատմել է լրագրող, «Մշակի» թղթակից Աշոտ Աթանասյանը և ստացել Անդրանիկի՝ իրեն շատ բնորոշող հետևյալ պատասխանը. «Գրեղակը մեծ մասամբ կաշում է նրան՝ ով նրանից վախենում է... անվախները մեծ մասամբ փրկվում են: Սա գնդակի օրենքն է»¹²⁶:

Մենք տեսանք, թե ինչքան ճիշտ ու որքան բարձր է գնահատել զորավար Անդրանիկը իր բանաստեղծ բարեկամին, արժանի տեղ հատկացնելով նրա համար հայոց անմահների պանթեոնում: Իբրև ամփոփում արժե հիշել Թումանյանի մահվան առիթով Անդրանիկի հրապարակած հուշ-հոգվածը՝ դրված խոր կսկիծով, անկեղծ ներշնչմամբ և ո՛չ հավուր պատշաճի, այլ բանաստեղծի ստեղծագործության, հասարակական գործունեության ու մարդկային հատկանիշների իսկական

¹²⁴ Նույն տեղում, էջ 373:

¹²⁵ Նույն տեղում, էջ 402:

¹²⁶ «Մշակ», 1916, № 58:

ըմբռնումով: Նա Թումանյանին կարդում է ալյապիսի անհատների շարքը, «որոնց ներկայությունը հանրային ու ընկերային կյանքին մեջ հմայք, ուժ, վստահություն և ոգևորություն կներշնչե: Այսպիսի անձն-րուն կյանքը անոնց մատուցած ծառայությունները ժողովուրդը ոչ մի-այն կզիտե և կվայելի հանդիսատեսի աչքերով, այլ զիտե հարգել, սիրել և գնահատել» (ԹժՀ, 550):

Միանգամայն ճիշտ ու սրտաբուխ գնահատական: Բայց մի՞թե այսօր և ընդմիշտ հույներ չենք ասում Անդրանիկի մասին: Երկուսն էլ հայ ժողովրդի հավերժ սիրելի անդուգական անհատներ են՝ անմահացած հայրենիքին մատուցած իրենց ծառայություններով. Մեկը՝ բա-նաստեղծ-գլխավոր, մյուսը՝ գլխավոր-բանաստեղծ:

Վ Ե Ր Զ Ա Բ Ա Ն

Թումանյանի կյանքին անդրադառնալու յուրաքանչյուր առիթով լցվում ենք մի խոր ամոսսանքով՝ որքա՜ն կարճ եղավ այդ Մեծ Հայքի կյանքը: Բայց նրա հասարակական գործունեությանն ի մոտո ծանոթանալով, համակվում ենք մի անվերջանալի զարմանքով, թե որքա՜ն շատ բան է արել նա իր գիտակցական կյանքի ընթացքում: Ինչքա՜ն ընկերությունների, կազմակերպությունների է մասնակցել, դառնալով ոչ երկրորդական դեմք և քանի՞ անգամ է աղետի վայրում վտանգելով իր կյանքը, փրկել ուրիշներին: Նույնիսկ պահնորդական գործակալների համառ հետապնդումները, բանտարկությունները, ցրտաշունչ հյուսիսի վտանգը չեն կարողացել գամել բանաստեղծին իր աշխատասենյակին:

Թումանյանի հասարակական գործերով ծանրաբեռնված լինելը առիթ է տվել տարակուսանքների՝ «էլ հ՞րբ է կարողում», մտածել են մարդիկ: «էդքան բանը ե՞րբ է զրել, ախր տանը շէր նստում» մի առիթով ասել է տիկին Օլգա Թումանյանը¹: Սակայն հայտնի է, որ բուն հասարակական գործունեությունն է շատ դեպքերում բանաստեղծին մտահղացումներ տվել արարելու հայրենասիրական ստեղծագործություններ, զրելու հրապարակախոսական հոգվածներ, որոնք մտքեր են հուղել և հատկապես 10-ական թվականներին նրան զարժրել պարբերական մամուլի և հայ հասարակական կյանքի ամենահեղինակավոր դեմքը:

Թումանյանի կյանքի այս դրվագներով նրա գործունեությունը հասավ մինչև 1919 թվականը: Դրանից հետո նա ապրեց ընդամենը չորս տարի, որից մեկը ծանր հիվանդ վիճակում: Դարձյալ զարմանք է պատում, երբ խորամուխ ենք լինում այդ չորս տարում արածի մեջ՝ որպես Հայ գրողների ընկերության, Հայ հայրենակցական միությունների

¹ Ա. Իճեկյան, էջ 433:

րի միության, Համաշխարհային պատերազմից հալ ժողովրդի կրած վնասների քննիչ հանձնաժողովի, Հայ որբերին ու փախստականներին օգնող կոմիտեի նախագահ, առաքելությունները Նրեան՝ այնքան կարևոր նպատակներով, այցելութունը Կ. Պոլիս՝ հայ ժողովրդի գոյատևումն ապահովելու հեռանկարով:

Բանաստեղծի համար շիրականացված երազ մնաց տեղափոխվել Լոռի «սիրած բնության մեջ, ժողովրդի մեջ և՛ հանգստանալ, և՛ պարապել ... ոչ միայն ժամանակն է անցնում, այլև հենց ինքս էլ եմ անց կենում», — կանխագուշակել է նա 1920 թ. մայիսին հիվանդության ազդեցությամբ:

Նույն ժամանակ էլ սկսվում են թուրքերի նոր գործողությունները Օլթիի ուղղությամբ, որոնք վերջանում են հայկական զորամասերի հաղթանակով: Այդ հաջողությունը նոր հույսեր է ներշնչել Թումանյանին՝ սպասելիքներ ունենալու անկախ Հայաստանի հանրապետությանից, ուստի և Դավիթ Անանունին գրած նամակում (1920, մայիսի 29) խորհուրդ էր տալիս ամեն հայի՝ «իր տեղը ամուր կանգնի և ավելի եռանդով անի իր անելիք գործը»²:

Եվ ընդհանրապես, Հայաստանի հանրապետության՝ 1919 թ. գարնան հաջողությունները (Կարսի, Սարիղամիշի, Օլթիի գրավումը), պետական համալսարան ստեղծելու որոշումը և այլ մշակութային ձեռնարկումներ, փոխում են Թումանյանի վերաբերմունքը հանրապետության կառավարության նկատմամբ: Այդ առումով հասկանալի են այն ջերմ շնորհավորանքները անկախության տարելիցի կապակցությամբ Հայ գրողների ընկերության և Հայոց հայրենակցական միությունների միության խորհրդի անունից, որ նա իր ստորագրությամբ, 1919 թ. մայիսի 26-ին, հեռագրով հղում է Նրեան, դիտելով ազատ Հայաստանի գոյությունը որպես հաղթանակող ճշմարտություն և առաջադիմություն, որպես հանդիսավոր շքերթ մշակութային բարձունքներ նվաճելու, թափառական հայ ժողովրդի և տարադիր հայ գրականության հարազատ հողում հանգրվանելու երաշխիք: Նույնպիսի ջերմ հեռագիր նա ուղարկել է 1920 թ. մայիսին, հանրապետության ստեղծման երկրորդ տարեդարձի առթիվ, այս անգամ ցանկանալով (ինչպես Դ. Անանունին գրած նամակում), որ հայ ժողովրդի մեծ ողին հենարան դառնա կառավարությանը՝ դարերից ժառանգած սրբազան պայքարի վերջնական հաղթա-

² Պատմա-րանասիրական հանդես, 1984, № 1:

նակի համար և բանաստեղծի օրհնանք հղում նրանց՝ ովքեր նվիրված են այդ գործին իրենց ողջ էությունը³։

1920 թ. սեպտեմբերին սկսվեց թուրքերի նոր հարձակումը Հայաստանի վրա։ Մարտերը սկսվել էին ամբողջ ճակատով, դարձյալ վտանգի տակ գնելով հայ ժողովրդի գոյությունը։ Ահա այդ օրերին՝ սեպտեմբերի 30-ին «քիչ էր մնում», թե Թումանյանը ճանապարհ ընկնի դեպի ռազմաճակատ։ Ամենայն հավանականությամբ նրան իր այդ մտադրությունը կատարելուց հետ է պահել հայկական զորքերի նահանջի լուրը։

Նոր աղետը ցնցել է բանաստեղծի առանց այն էլ անհանգիստ հոգին, բայց իրեն հատուկ լավատեսությամբ կրկին մարգարեացել է. «Դրանից էլ կաղատվենք, կշենանանք էլ, և երանի թե մի օր էլ իրենք ազատվեն իրենց թուրքությունից ու աշխարհներ ավերելու սովորությունից»⁴։

Նոյեմբերի վերջին կատարվում է Թումանյանի իմաստուն կանխագուշակումը. Հայաստանի խորհրդայնացումը մեծադույն կորուստների գնով ազատում է հայ ժողովրդին օտար հարձակումներից։ Բանաստեղծը գիտակցությամբ ընդունեց նոր խորհրդային կարգերը, համարելով այդ իր ռուսական կողմնակցության հաղթանակը, դրանում տեսնելով հայ ժողովրդի գոյատևման այդ ժամանակի համար միակ դրավականը։

Բայց ոչ հայ ժողովրդին, ոչ էլ նրա հոգսերով ապրող բանաստեղծին տակավին վիճակված չէին խաղաղ օրեր... Երկուսուկես ամիս էր անցել խորհրդայնացումից, երբ 1921 թ. փետրվարին տեղի ունեցավ հեղաշրջում Հայաստանի խորհրդային կառավարության սխալ քաղաքականության, Ռուսաստանում մինչ այդ սկսված ռազմական կոմունիզմի սկզբունքների անմտածված կրկնությունների, դաշնակցության անդամների, մտավորականության, ժողովրդի և հատկապես արևմտահայության դեմ դրսևորած դաժան վերաբերմունքի հետևանքով։

Քաղաքացիական կռիվ էր Հայաստանում. հայը կռվում էր հայի

³ «Գարուն», 1920, № 4, էջ 3, «Коммунист», 1920, № 117։ Հեռագրերը հրապարակել է Սոնա Միրզոյանը։ 1920 թ. հեռագիրը անտիպ է, պահպանվում է՝ ՊԿՊԱ, ֆ 198, ց 1, 4 71, Խ 103—104։

⁴ Աշխեն Թումանյանին ուղղած 1920 թ. սեպտ. 30-ի նամակից (անտիպ). պահպանվում է՝ ԹԹ։

դեմ ու Ամենայն հայոց բանաստեղծը Երեան է ժամանում փրկելու Հայաստանը եղբայրասպան կռվից:

Ճանապարհին վտանգելով կյանքը և մայրաքաղաքում ծանոթանալով իրերի իսկական կացությանը ու մտնելով մանրամասների մեջ, Թումանյանը ժամանակին չհրապարակված մի անավարտ հոդվածում վերլուծում և օբյեկտիվորեն շարադրում է իր ըմբռնումները տեղի ունեցած նոր ողբերգության, դրա պատճառների մասին ու տալիս հեղաշրջման քաղաքական գնահատականը: Այն հետաքրքիր պատմական փաստաթուղթ է ինչպես խորհրդային նոր կարգերի վարած քաղաքականության, դրա հետեանքների վերաբերյալ, այնպես էլ Թումանյանի աշխարհայացքի գնահատման առումով⁵:

Քաղաքացիական կռիվները վերջանում են ապրիլի 2-ին, խորհրդային կարգերի վերականգնմամբ: Այնուհետև Թումանյանը մասնակցում է քաղաքի ներքին կյանքի բարեկաման աշխատանքներին, բանակցությունների մեջ է մտնում կառավարության ղեկավարների հետ՝ Հայաստանից փախածների, նրանց ընտանիքների ճակատագիրը տնօրինելու համար, զիմանագիտական գործերով հանդիպումներ է ունենում Խտալիայի և Ամերիկայի ներկայացուցիչների հետ և ապրիլի 18-ին վերադառնում Թիֆլիս:

Նորաստեղծ խորհրդային Հայաստանի տնտեսությունը ծանր վիճակում էր: Երկիրը լիքն էր զաղթականներով, անապաստաններով, սովն ու համաճարակը շարունակում էին կատարել իրենց սև գործը: Այդ առումով ժողովրդի գոյատևումն ապահովող մի նոր մեծ նախաձեռնություն էր 1921 թ. սեպտեմբերին Հայաստանի օգնության կոմիտեի (ՀՕԿ) ստեղծումը, որի հիմնադիր ժողովին մասնակցելու համար հրավիրվում է նաև Թումանյանը, միայն թի այս անգամ նախօրոք խստագույնս հրաժարվում է ՀՕԿ-ի նախագահի պարտականությունից: Լեոյի վկայությամբ՝ Երեանի փողոցում տեսած մի ցնցոտիների մեջ սովամահ եղած մարդու դիակը այնպես է ազդում նրա վրա, որ ՀՕԿ-ի հիմնադիր ժողովի իր բացման խոսքում հայտարարում է, թի «երբ մի ժողովուրդ սովամահ է լինում փողոցներում, պետք է թողնել ամեն ինչ, մոռանալ ամեն բան և զենալ նրան փրկելու» (ԹԺՀ, 104): Եվ նա մեկնեց Կ. Պոլիս՝ հայության հնօրյա գաղթօջախը, որն արդեն ոկսել

⁵ Հոդվածը առաջարկում և ծանոթագրություններով հրապարակել է Թումանյանագետ էդ. Զրբաշյանը. տե՛ս Պատմա-բանասիրական հանդես, 1988, № 2:

էր աշխուժանալ. զինադադարից հետո այստեղ հավաքվում էին անհայտ ուղղութիւններով ցրված մտավորականներ, ազգային կուսակցութեան ներկայացուցիչներ, ստեղծվել էր Հայաստանի օգնութեան միութիւնը (ՀՕՄ), ազգային կյանքը կամաց-կամաց վերականգնվում էր:

Պոլսահայերը մեծ խանդավառութեամբ ընդունեցին սիրելի բանաստեղծին, հավաքվելով շրջապատեցին նրան՝ պատրաստ կատարելու նրա յուրաքանչյուր առաջադրանք, ինչ որ պետք է նպաստեր Հայաստանի ժողովրդի վերածնունդին:

Թումանյանին հաջողվեց կազմակերպել Հայաստանին օգնելու գործը արտասահմանում, աշխուժացրեց ՀՕՄ-ի գործունեութիւնը, կարողացավ միաբանութեան բերել մտավորականութեանը և կուսակցութիւններին, դրեց Հայաստան-Սփյուռք կապի առաջին հիմքերը և այլն⁶:

Թումանյանի գործունեութիւնը Պոլսում տեւեց ամիսուկես, թողեց բարի համբավ, բայց դարձավ նրա թանկագին կյանքի «կարապի երգը»:

1913 թ. նոյեմբերին Սիմոն Զավարչանի մահվան առթիւ գրած հոդվածում Թումանյանը այսպէս է գնահատում իր ընկերոջը և համբավվոր հասարակական գործչին. «Բարձր իմացութեան և ազնիւ հոգու հետ ունեւ շատ քնքուշ սիրտ: Եւ ամբողջը լիքը մի անշեշ կրակով, որ ի վերջո էրեց ու սպառեց իրեն:

Էսպէս է. ու վ ուղում է լույս տա՝ պետք է էրվի»⁷:

Ընկերոջը տված այս գնահատականը ապացույց է, որ ամեն անգամ որեւէ գործ ձեռնարկելիս, ազգային գործիչ Թումանյանը առաջնորդվել է այդ սկզբունքով, ուստի և իրավունք ունեւ իր մասին ասելու. «Հուր եմ դառել, լույս տվել, լույս տալով եմ ստառվել»...

1919 թ. փետրվարի 20-ից սկսած հայ մամուլը, քիչ անց նաեւ ամբողջ հայ ժողովուրդը, մոռալած իր կորուստները, տիրող սովն ու համաճարակը, մեծ շուքով նշեց Թումանյանի կյանքի 50-ամյա հոբելյանը և գործունեութեան 30-ամյակը: Այն սկսվեց տարերայնորեն և տեւեց ամիսներ, անվերջ ընդգրկելով նոր ու նոր շրջանակներ, դարձավ մի աշնայիսի ազգային-ժողովրդական տոն, որ հայ ժողովուրդը մինչ այդ չէր տեսել: Բազմալեզու շնորհավորանքները կարծես մրցում էին, թե

6 Թումանյանի Պոլիս կատարած այցելութեան նկարագիրը տվել է գրականագետ Ասատուր Ասատրյանը, լուսաբանելով այդ այցելութեան հիմնական ու կարեւոր կողմերը (ՈՒՀ 1, 255—286):

7 «Հորիզոն», 1913, № 248:

ով կարող է ավելի բարձր, զեղեցիկ, ինքնատիպ խոսքերով մեծարել հայ ժողովրդի մեծ բանաստեղծին:

Հոգսառատ Հայաստանի հանրապետությունը նույնպես անմասն չի մնում սիրելի բանաստեղծին մեծարելուց: Մի կողմ թողնելով կուսակցական միտումնավորությունը՝ և Թումանյանի՝ կառավարության առանձին ղեկավարներից ունեցած դժգոհությունը, Ալ. Խատիսյանը Հայաստանի կառավարության անունից հեռագրով ջերմորեն շնորհավորում է «հայ գրականության զարդին» և ցանկանում, որ բանաստեղծի աղոթքի քաղցր հնչյունները հնչեն «...հայրենի ժողովրդի մեջ և աջակից լինեն նրա սպասավորների ողուն»: Մարտի 9-ին Երևանում տեղի էր ունենալու մեծարման հանդես, որին հրավիրված էր հոբելյարը, բայց չկարողանալով մեկնել Երևան, Ալ. Խատիսյանի անունով նա ուղարկում է պատասխան հեռագիր, իր նկատմամբ ցուցաբերված վերաբերմունքը վերագրելով ոչ թի իր գրական գործերի արժեքին, այլ բացատրում է հայ «ազգային ոգու անպարտելի հզորությամբ, որին չեն կարող ընկճել ո՛չ սով, ո՛չ հիվանդություն, ո՛չ հալածանք, ո՛չ տառապանք»: Հեռագիրը դարձյալ լեցուն է Թումանյանին բնորոշ լավատեսությամբ և «անսասան» հավատով «դեպի մեծ ու լուսավոր ապագան»⁸:

Նախկին սենատոր Հ. Դ. Սոկոլովը իր ուղարկած շնորհավորանքի մեջ, հիշելով Թումանյանի և Կորոլենկոյի հանդիպումը Պետերբուրգում, դրում է. «Մենք՝ ռուսներս, սովոր ենք Վ. Գ. Կորոլենկոյի վրա նայել ոչ միայն որպես գրող-գեղարվեստագետի, այլև մեղ համար նա խիստ և որոշ արտահայտություն է հասարակական խղճի: Դեպի ձեզ այդպես է վերաբերվում հայ հասարակությունը»⁹:

Այո՛, Հովհաննես Թումանյանը հայ ժողովրդի խիղճն է:

* * *

Թումանյանի կյանքի առաջին երեք տասնամյակի պատմությունը գրել է հանգուցյալ գրականագետ Արամ Ինձիրկյանը, մեծ ավանդ թողնելով Թումանյանագիտության մեջ: Վաղուց հասունացել է գրողի ամբողջական գիտական կենսագրության անհրաժեշտությունը, որը հայ գրականագիտության սրբազան պարտքն է:

Ընթերցողին ներկայացվող այս գիրքը այդ պարտքի կատարմանը նպաստելու փորձ է:

⁸ «Մշակ», 1919, № 54, «Հառաջ», Թիֆլիս, 1919, № 46:

⁹ «Ժողովրդի ձայն», 1919, № 50:

Բ Ո Վ Ա Ն Կ Ա Կ Ո Ւ Թ Յ Ո Ւ Ն

Պրկու խոսք	5
I Թումանյանը Թիֆլիսի պաննորդական բաժնի տեսադաշտում	7
II Թումանյանը և էջմիածնի գործիչները	31
III Խաղաղության պատգամով	53
IV 1911 թ. կարողիկոսական ընտրությունների նախօրյակին	74
V Համաշխարհային պատերազմի սկզբին: Առաջին այցելությունը ռազմաճակատ (1914 թ.)	96
VI Երկրորդ այցելությունը ռազմաճակատ (1915 թ.): Թումանյանը Վանում և էջմիածնում	136
VII Ազգային նախագահի արևավիրհների մեջ (1916—1919 թթ.)	175
Վերջաբան	250

ԼՈՒՍԻԿ ՄԻՔԱՅԵԼԻ ԿԱՐԱՊԵՏՅԱՆ

ՀՈՎՀ. ԹՈՒՄԱՆՅԱՆԻ ՀԱՍԱՐԱԿԱԿԱՆ
ԳՈՐԾՈՒՆԵՆՈՒԹՅՈՒՆԸ
(Դրվագներ)

Հրատ. խմբադիր Ս. Ա. Անաստասյան

Տեխ. խմբադիր Ա. Պ. Շանինյան

Սրբադրվչ Գ. Է. Դերձակյան

ИБ № 1728

Հանձնված է շարվածքի 17. 10. 1991 թ.: Ստորագրված է տպագրության 16. 06. 1992 թ.: Չափը 60×84¹/₁₆, թուղթ № 1: Տառատեսակ «գրքի սովորական» բարձր տպագրություն: Պայմ. 15,8 մամ., տպագր. 16,0+4 ներդիր մամուլ: Ներկ. մամուլ 15,8: Հրատ. հաշվարկ. 14,25 մամուլ: Տպաքանակ 500: Հրատ. № 7986: Պատվեր № 272: Գինը 10 ռ.:

ՀԳԱ հրատարակչություն, 375019, Երևան, Մարշալ Բաղրամյան պող. 24 գ.:

Издательство АН Армении, 375019, Ереван, пр. Маршала Баграмяна, 24 г.
ՀԳԱ հրատարակչության տպարան, 375019, Երևան, Մարշալ Բաղրամյան պող. 24.

Типография Издательства АН Армении, 375019, Ереван,

ԳՍԱ Հիմնարար Գիտ. Գրադ.



FL0222774

10 n.

